





M

13-7-A'7


11  
VI  
SE


N  
IV  
32











O R D O  
IUDICIARIVS  
CLARIS. IV. DOC.

D. Ioannis Andreæ.

IN QVO SINGVLORVM  
*Iudicialium Actuum Formula  
plenissimè continentur.*

*In omnium in Foro versantium vtilitatem, nunc  
denno summa cura, ac diligentia impressus.*



Venetijs, Sub signo Pauonis.

M. D. LXXIII.

Bibliothecę Domus Romanę Pauperum  
Matris Dei Scholarum Piarum.



# INDEX R V B R I

carum huius operis.



<b>A</b> Gere volenti consideranda.	folio. 2.
Indicium.	7.
Acta iudicij.	8.
Iudex & eius species.	eod.
Iudicis impedimenta.	9.
Iudicis conditiones.	eod.
Affor	10.
Rens.	eod.
Testes qui, & quale eorum iuramentum.	11.
Aduocatus.	12.
Procurator.	eod.
Affesor.	13.
Auditor.	eod.
Tabellio.	eod.
Species iudicij.	eod.
Processus iudiciarius.	16.
Citatio, & eius effectus.	17.
Quibus modis fiat, & per quos.	18.
De ferijs.	21.
De contumace.	22.
De exceptionibus.	23.
De libelis.	26.
De responsione rei.	29.

# I N D E X.

<i>Litis contestatio.</i>	30.
<i>Eius effectus.</i>	31.
<i>Iuramentum calumnie.</i>	32.
<i>Finis forma</i>	33.
<i>De interrogationibus in iudicio faciendis.</i>	35.
<i>De positionibus.</i>	cod.
<i>De confessis.</i>	36.
<i>De positionibus.</i>	37.
<i>De probationibus.</i>	38.
<i>De preſumptionibus.</i>	39.
<i>De teſtibus.</i>	40.
<i>De instrumentis.</i>	43.
<i>De exceptionibus.</i>	44.
<i>Terminus ad producendum omnia.</i>	eod.
<i>Terminus ad concludendum in causa.</i>	45.
<i>De ſententijs.</i>	46.
<i>De appellationibus.</i>	48.
<i>De apoſtoliſ.</i>	49. 50.
<i>Tempus ad proſequendum appellationem.</i>	51.
<i>Quando non eſt appellandum.</i>	eod.
<i>Proceſſus coram iudice delegato.</i>	53.
<i>Reſcripti oblatio.</i>	53.
<i>Citatio coram delegato.</i>	55.
<i>Terminus ad dicendum contra commiſſionem.</i>	56.
<i>Exceptiones.</i>	57.
<i>Replicationes.</i>	60.
<i>Terminus ad audiendum interloqui.</i>	63.
<i>Cautela excipienti.</i>	64.
<i>Terminus ad articulandum.</i>	cod.



# I N D E X.

<i>Positiones</i>	65.66.
<i>Interloquutoria.</i>	67.
<i>Responsiones ad articulos.</i>	68.
<i>Terminus in quo comparent testes citati ad producendum articulos negatos.</i>	69.
<i>Dilationes ad producendos testes.</i>	eod.
<i>Interrogatoria</i>	eod.
<i>Examen testium.</i>	71.73.
<i>Publicatio testium.</i>	74.
<i>Interloquutoria.</i>	75.
<i>De appellationibus.</i>	eod. & 76.
<i>Exceptiones.</i>	78.
<i>Replicationes.</i>	80.
<i>Appellationes.</i>	81.82.
<i>Restitutio in locum grauaminis.</i>	84.
<i>Subdelegatio arbitris.</i>	85.
<i>Presentatio subdelegationis coram arbitris.</i>	87.
<i>Testium inductio</i>	eod.
<i>Interrogatoria.</i>	88.
<i>Examen testium.</i>	89.
<i>Preparatio ad interloquutoriam.</i>	90.
<i>Interloquutoria habens vim diffinitiuę.</i>	91.
<i>Appellationes.</i>	92.
<i>Declarationes expensarum.</i>	96.
<i>Taxatio expensarum.</i>	eod.
<i>Processus coram iudice ordinario in prima instantia.</i>	
<i>folio. 97.</i>	
<i>De libellis.</i>	eod.
<i>Quomodo sententia debet esse conformis libello.</i>	105.
<i>Exceptio-</i>	

# I N D E X.


<i>Exceptiones contra libellum.</i>	106.
<i>Replicationes.</i>	107.
<i>Libellus reconventionalis.</i>	110.
<i>Exceptiones verbales.</i>	112.
<i>De mutuis petitionibus.</i>	eod.
<i>Interloquutoria verbalis.</i>	eod.
<i>Responsiones ad libellos.</i>	113.
<i>Positiones, &amp; articuli.</i>	eod.
<i>Interrogatoria.</i>	120.
<i>Examen testium.</i>	121.
<i>Exceptiones.</i>	127.
<i>Replicationes.</i>	130.
<i>Positiones, &amp; articuli.</i>	134.
<i>Priuiliegiorum productio.</i>	137.
<i>Replicationes.</i>	139.
<i>Sententia diffinitiuā.</i>	141.
<i>Apostoli.</i>	143.
<i>Litere remissoriales.</i>	144.
<i>Appellatio in scriptis.</i>	145.
<i>Processus secundę instantię.</i>	147.
<i>Citatio cum inhibitione.</i>	148.
<i>Exceptiones.</i>	151.
<i>Replicationes.</i>	152.
<i>Libelli.</i>	eod.
<i>Responsio super libellis.</i>	155.
<i>Articuli super libello conuentionali.</i>	158.
<i>Articuli ex libello reconuentionali.</i>	165.
<i>Exceptiones.</i>	161.
<i>Replicationes.</i>	163.

*Responsio-*

# I N D E X.

<i>Responsiones rei.</i>	166.
<i>Responsiones actoris.</i>	cod.
<i>Articuli.</i>	172.
<i>Compulsoriales.</i>	176.
<i>Remissoriales.</i>	179.
<i>Sententia diffinitiva.</i>	185.
<i>Apostoti.</i>	186.
<i>Petitio in causa testamenti suspecti, &amp; confecti.</i>	189.
<i>Sententia diffinitiva ex precedenti petitione.</i>	190.

## F I N I S.



ORDO IUDICIARIVS CLARISS.  
 IVRIS DOCT. D. IOAN. AND. CVM  
 SINGVLORVM IUDICIALIVM  
 actuum formulis, per Grego-  
 rium Samutholanum Doct.  
 in lucem æditus.

¶ *Prolocutio tangit causam impulsuam Autoris,  
 ac operis diuisionem.*



V I A Futuris diebus in stat pro lectione publica, & ordinaria per me legendum. c. quoniam contra, de proba. famosum, vtile, & practicum, exprimens formam seruandam circa iudicarium ordinem, melius, quàm quodcunq; aliud ius ciuile, vel canonicum, ideo pro iuniorũ habilitatione aliquali, quorundam votis deu-

ctus, Deo adiutore, & Sancto Iuone cooperatore, duxi tria quædam animos nouiter iuri dedicatorum manu ducentia per ordinem prosequenda. ¶ Primò quædam præambula cum cautelis præmittam ¶ Secundò iudicarium ordinem quanto breuius fieri poterit pro incipientibus enucleabo. ¶ Tertiò practicam exemplarem in causa beneficiæ, vel decimarum, cū singulorum terminorũ iudicialium obseruatione, tam coram delegato, quàm coram iudice ordinario ventilandam, subiiciam.

¶ *Primum principale ex tribus promissis.*

¶ *Primum præambulum tangit finem, & officium Legum.*

T A M E T S I Deus gloriosus, Rex pacificus, pia miseratione disposuit sibi subditos fore pudicos, pacificos, & modestos, tamen effrenata cupiditas, sui prodiga, pacis æmula, mater litium, materia iurgiorum, tot quotidie noua litigia generat, vt nisi iustitia conatus eius reprimeret, & quæstiones ipsius implicatas explicaret, ius humani fœderis, litigatorum abusus extingueret,

## ORDO IUDICIARIVS

tingueret, & dato libello repudii concordia extra mundi terminos exularet Ideoque lex proditur, vt appetitus noxius sub regula iuris limitetur, per quam genus humanum vt honestè viuat alterum non lædatur, suum unicuique tribuat, informatur, vt inquit Grego ix. in proemio decret. Factæ enim sunt leges, vt earum metu humana coherceatur audacia, tutaque sit inter improbos innocentia, & in ipsis improbis formidato supplicio, retineatur audacia, & nocendi facultas c. factæ iiii. dist. Officiū autem tā secularium, quàm ecclesiasticarū legum est quadruplex, vt declaratur in s. officii & c. seq. iii. dist. l. præcipere honestum, prohibere malum, permittere licitum, & quandoq; illicitum ne deterius contingat, & punire excessum. Versus.

*Quatuor ex verbis, virtutes collige legis;*

*Permittit, punit, imperat, atque vetat.*

ff. de iusti. & iu. l. iustitia, iuncta gl. Ex quibus omnibus concluditur causa finalis principalis, & primaria studii iuris, tam canonici, quàm civilis, & intentio cuiuslibet in iure studere volentes, licet pleriq; prætendant alias causas finales suorum studiorū, videlicet, honores, diuitias & c. huiusmodi Quæ secundario, & per accidens potius etiam inuitos solent comitari. Versus.

*Esurit ars, decreta tument, lex lucra ministrat.*

*Pontificat Moyses, thalamos medicina subintrat.*

*Dat Gallenus opes, & sanctio Iustiniana.*

*Ex alijs paleas, ex istis collige grana.*

*Non vult*

¶ Secundum præambulum est Guil. Spec. in ii. parte

post prin in tit. de præparatoris iudiciorum.

¶ Agere volenti consideranda.

**P**reparatoria iudiciorum considerantur, tam circa partes litigare volentes, quàm circa iudicem. Circa partes, vt, videlicet, is qui agere, vel accusare intendit, consulat amicos, & in iure peritos C. de inge. ma. l. si auiam tuam. Deliberet, & tractet, an expediat agere, vel accusare, vel litem mouere iij. quæst. iii. de indu. l. dist. pondetet, respon. i & videat suas probationes, an scilicet possit probare quod intendit ii quæst. viii. sciant cuncti. ff. de proba. l. ei qui dicit. Præparet etiam testes, & aduocatos, vt in præal. cap. de indu. Et caueat ne decipiatur testiū vel aduocatorum

catorum promissione. ii. q. iii. paulum. c. statuimus, in fi. de elec-  
lib vi Ideoque cum peritioribus debet suum tractatum habere,  
vt in præal. si. auiam. Alioquin si cum minus peritis, peribit vt  
Iudas qui pœnitens iuit ad pharisæos relinquens apostolos ni-  
hil inuenit auxilii, nisi augmentum desperationis. Dixerunt n.  
Quid ad nos, tu videris Matth. xvii & transumptiue de pœni-  
dist. vi c i ver. Iudas. n. & ver. isset. Et hæc est causa quare actori  
non dantur induciæ preparatoriæ. Nam ad hoc se debuit prius  
preparare iii. q. iii. § spatium. versi ei autem.

¶ Diligenter itaque quis præuideat, an agere, vel accusare sibi  
expediat, & ad præmissa se præparet, quia litis euentus dubius  
est. I quod debetur ff de pecu. Velox n. iniquitas ad nocendum  
occasionem suggerit, omniaque præcipitat, lenta autem virtus  
& cunctatrix ante iudicat, quàm incipiat, quid decorum, quid  
honestum sit, de pœ. dist. iii. inter hæc huius cum. c. magne. de vo.  
Et melius est ante tempus occurrere, quàm post causam vulnera-  
tam remedium quærere. C. in quib. cau. restit. in integ. non est  
nece. l. si. Nam ex quo aduersarium conuenerit, oportet eum li-  
tem prosequi aut qui semel. C. quomodo & quando iudex sen-  
prose de ¶ Porro si aliquis vult aliquem denunciare vt fratrem  
suum corrigat a peccato. tunc præcedere debet caritatiua ad-  
monitio, vt in c. super his, & c. qualiter ii. de accu. & c. licet heli.  
de si ii q i si peccauerit & xi. q. iii. præcipue in fi. ¶ Si autem ve-  
lit agere ciuilitate, vtpote pro fundo, vel pecunia, vel seruitute,  
tunc priusquàm in causam illum vocet, ab eo id ter exigat, sci-  
licet, de vbanitate Quod si non satisfaciet, tunc per iudicem  
compellatur ii q vii si quis erga C de pigno. l. debitores. ¶ Si ve-  
rò vult de aliquo crimine accusare, tunc necesse est q se ad pœ-  
nam talionis ante omnia inscribat vt in d. c. super his & c. qua-  
liter & quando ii de accu. Nam crimen potest deduci in iudi-  
cium quatuor viis, scilicet, per denunciationem, accusationem,  
inquisitionem, & exceptionem. Versus.

Quattuor ecce modis agitur de crimine, Cum quis  
Nunciat, accusat, inquirat, & excipit, Anie  
Admonet, inscribit, infamat, & obligat extra  
Sic canet, & deponit, & amouet, atque repellit.

De quibus vide glo i & pe. in al. c. qualiter. ii. de accusa. quæ ista  
latè declarat, & glo. ii. q vii in sum.



**CIRCA** iudicem etiam distinguit Spec. vbi supra Nam si agitur criminaliter tunc iudex debet examinare personam accusatoris, scilicet cuius estimationis, vel opinionis sit, qua intentione, qua fide, qua temeritate, qua vita, qua conscientia, quoque merito, si pro Deo, an pro vanagloria, aut pro inimicitia, vel odio, aut pro cupiditate accusat. ii. q. vii. si qui sunt. Debet etiam examinare cuius conuersationis, & fidei sit. Quia hi q. non recte fidei, ac conuersationis sunt, & quorum vita accusabilis est, quorum fides, vita & libertas nescitur, & viles persone non admittuntur accusantes. ea q. c. querendum. Et sic de his, & similibus debet examinare. Nam accusatio presumitur fieri malo zelo, quia est genus illaudabilis intentionis ii. q. vii. si quis episcopus. Quod si agatur actione iniuriarum semper debet iudex laborare, ut partes componat si potest, etiam si agatur criminaliter. v. q. ii. si primates, vbi de hoc, & xc. dist. c. i. Veruntamen si talis laborat infamia, iudex ex officio suo procedat. c. i. & ii. de col. dete. & ii. q. iii. si quem. Si autem agatur civiliter iudex eodem modo studeat componere c. si de transac. cum suis concor. xi. q. iii. iniustum. ff. de offi. presi. cog. uit. Et hoc maxime facit cum sint ignota iura partiū, alias cum sibi constat de crimine, etiam si partes inter se componant, ipse iudex ex officio suo procedat, ut d. c. i. & ii. de col. dete. Quia crimina vndeūque claruerint, punienda sunt xxiii. q. iii. ecce aut. ¶ Si autem postquam conclusum est in causa videt iudex esse ius clarum, ita q. debet pronunciare pro altera parte, nunquid tunc debet illum inducere ad componendum. Spec. vbi supra relinquit hoc curiosis disputandum Io. An ibi in addi. Spec. & Panor. in c. si de trans. dicunt, q. nisi a quibus circumstantiis laudeant, abstinere debet a tali compositione, quia ex quo sibi liquet de causa, non debet reducere ad compositionem, ne videatur de iure vnus dari alteri sine causa, qd. non licet, cum iudex debeat reddere vnicuique quod suū est, in proemio decreta. xii. q. ii. cum deuotissima Sed ex circumstantiis posset hoc facere. Ceteris paribus magis debet suadere auctori vinceri, quam reo absoluedo. Ratio quia sententia ferenda pro auctore, est mandanda executioni, & in executionis actu, posset fieri longū litigiū, per binas appellationes, que ratio cessat ex parte rei. Tñ etiam in eo posset subesse causa, vtputa si auctor succubens est litigiosus, & pecuniosus, & paratus per



per appellationem reum fatigare. Debet ergo iudex his, & simili-  
bus causis consideratis, abstinere, vel reducere ad concordiam  
facit ad prædic. capit. nisi. de preben.

**C**um summa itaque nota quod nemini expedit ut sit nimis pro-  
ptus ad litigandum Scriptum est enim Matth. v. c. ante fin. Si  
quis voluerit tunicam tuam tollere & in iudicio tecum com-  
pendere, dimitte ei & palium. xiii q. i. §. i. & apostolus. i. Corin.  
v. inquit. Secularia negotia si habueritis, omnino peccatum  
est in vobis. & vos contemptibiles facietis, ut ibi. & xi q. i. §. ex  
his Maxime autem hoc non expedit clericis. xiii q. i. c. i. Quia  
nemo militans deo implicat se negotiis secularibus, ut x q. in. c.  
i. ne cleri vel monac. cum hæc vix sine nota peccati valeant ex-  
plicari. ut supra de pœ. dist. v. qualitas. Hinc est quod litigiosus  
prohibet apostolus ordinari, ut i ad Thimo. iii. & dist. lxxvi di. & sm. f. l. s.  
xc. per tot. Et multo minus hoc expedit religiosis xii q. i. mona-  
chi Quia seruum Dei non oportet litigare, ut ii q. vii. sicut & c. *in manu*  
vnico di. fin. **C**uilibet ergo consulimus bona fide (dicit Specu.)  
quod pronior sit ad componendum, quam ad contendendū, ut  
xc di. per tot. & c. si. de trans. v. q. ii. si primares. Nam & litigans  
qui iurat ad pacem cum proximo non venire, non tenetur tali  
sacramento xxii. q. iiii. qui sacramento.

**T**ertium præambulum ortum præcessus iudiciarii, tam a lege natu-  
ra, quam scripta insinuat concludens exercitationem  
artis esse necessariam.

**Q**UAMVIS Summa Deus, qui opus imperfectionis non  
nouit. c. maiores §. sed adhuc quaeritur, de hap homi-  
nem ad similitudinem sui formatum (xxxv q. iii. hæc  
imago) rectum creauit, ut dicitur Ecclesiastes vii. ante fin. ad eius  
regulationem ius naturale concreando. v. dist. post prin. ita q.  
tale ius naturale ad regimen ipsius creati hominis secundum  
conditionem naturæ institutæ, sufficebat, tamen ipse homo à  
sui status rectitudine lapsus, infinitis se immiscuit questionibus,  
Ecclesiastes. vii. Vnde iure gentium orta sunt bella & distincta-  
rerum dominia. i. dist. ius gentium. & ff. de iusti & iure. I ex hoc  
Quo iure vnus dicit hoc esse meum, alter vero suum. viii. dist.  
quo iure. De quo Seneca. Homines inquit, quietissime viuē.

rent, si hæc duo pronomina, meum & tuum, de medio tollerentur. Hinc est, quod post lapsum hominis, forma litigandi, & ordo iuris, ac vsus creditur in paradiso exortus. Cum enim Deus redargueret Adam de inobediētia, Genes. iij. dicens: Quis indicauit tibi, quod nudus esles, nisi quod ex ligno, de quo præceperam tibi ne comederes, comediti. Adam relationem huius criminis conuertit in coniugem, dicens; Mulier quam dedisti mihi sociam, dedit mihi de ligno, & comedi. Et mulier occasionem reorlit in serpentem, dicens; Serpens decepit me, &c. de poeniten. dist. ij. c. serpens.

¶ Item ex lege veteri & Mosaica, ordo & vsus iudiciorum comprobatur. Nam Moyses interrogatus à Ietro suo tocero, Exod. xviii. Cur solus sedes, & omnis populus præstolatur de mane vsque ad vespem. Respondit; Venit ad me populus quærens sententiam Dei, Cuiusque accideret eis aliqua disceptatio, veniunt ad me vt iudicem inter eos.

¶ Item Deuter. xviii. In ore duorum vel trium testium peribit qui interficietur. Et sequitur Nemo occidatur vno dicente contra se testimonium.

¶ In nouo etiam testamento approbatur iuris vsus. Nam Apostolus i. Corinth. vj. dicit; Aude aliquis vestrum habens negotium aduersus alterum iudicari apud iniquos & non apud sanctos &c. Quare secundum statutum humane naturæ destitutæ, non sufficiebat lex naturæ, sed necessaria erat promulgatio legis positivæ, tã in iure canonico, quàm civili traditæ. Quia nisi iurgi, & lites per iustitiam exprimerentur, non esset in mûdo concordia, vt supra dixi in primo præambulo. Et quauis super hoc emanauerit ius posituum, tamen cum hoc exercitiũ, & ars placandi maximè sunt necessaria xlv. dist. licet plerumque so. dist. inq. vt constitueretur. Nam per scientiam, & experientiam, seu exercitium omnis acquiritur notitia, vt patet in præmio Metha. Et omne artificium per exercitium recipit incrementum, vt dicitur in l. legatis. S. ornatricibus ff. de leg. iij. Nam inia ab arte debent proficisci, cætera facillè comparabit exercitatio, inquit Cicero. ij. libro Rhe. ad Herennium. Idcirco pauca & breuia pro exercitatione incipientium in hac arte, subiiciam.

¶ *Secundum principale.*

**N**on sum nescius quantum viri docti circa iuris processum elaborarint, utpote Abb. Pandr. in suo processu iudiciario, quem plerique ascribunt cuidam Ioanni Urbach. Item N. Ferrarien. plura super hoc commentando. Item L. a franc. de Oria. in sua repetitione super c. quoniam contra de proba. qui omnino, & doctè & copiose etiam subtilia profectis in iure tradiderunt. Verùm cum mihi cordi sit incipientibus in iure pabula lacte à degustanda porrigere: recipiam ad præsens processum iuris breuiorem Ioannis An. ex. ij. li. decretalium per eum excerptum, cui pauca breuiter interferam, quia gaudent breuitate moderni.

¶ Antequam tamen dicam de processu iudicii, tria præmittam. Primo, quid sit iudicium. Secundò, quæ sint personæ quæ debent consistere in iudicio. Tertiò, quòt sunt species iudicii.

¶ *Iudicium.*

**IUDICIUM** Est actus legitimus trium personarum, scilicet iudicis, actoris, & rei in iudicio consistentium, argu. c. j. in q. iij. Et debet primò intelligi, quod sint tres personæ substantiè vere vel fidei vel saltem representatiue. Ita quod de substantia & esse iudicii necessariae sunt tres personæ, scilicet iudex, actor, & reus. Nā de bene esse iudicii est quandoque aliæ personæ sunt necessariae, videlicet: consulendo, defendendo, vel adminiculando in causa, ut sunt testes, aduocati, assessores, tabelliones, procuratores, & auditores. Dixi autem fidei vel representatiue. Quia licet in iudicio inquisitionis generalis, quā s. facit prælatus inter suos subditos, nō interueniat persona actoris vel rei de quo in c. bona. i. de electi. similiter in iudicio inquisitionis specialis, ut quā episcopus inquit contra aliquem presbiterum de crimine infamatum, ut in c. qualiter. ij. de accus. deficit persona actoris veri tamen infamia præcedens fingitur loco actoris vel accusatoris.

¶ Dixi etiam, quòd est actus legitimus. Nam ad explicationem iudiciarii actus, necesse est per certas partes & actus particulares, certo ordine procedere. Pro quo noto secundum Abba. in c. causam. j. de testi. quòd.

*Acta iudicij* ACTA Iudicij sunt triplicis qualit. Quædam sunt iudicii or-  
dinatoria, vt citatio, libelli oblatio, satisfactio i. cautio, & similia.  
*Quædam sunt causæ* Quædam sunt causæ instructoria seu veritatis indagatiua, vt at-  
testationes, instrumentorū productiones, confessiones &c. Quæ-  
*dum sunt causæ seu negotii* dam sunt causæ seu negotii decisoria, vt sunt sententiæ quæ se-  
runt in causa, de quibus in c. cum super & c. cum inter & c. pe-  
de re iud. Et ista acta iudicii, seu ordinem, & partes eius, tractat  
liber secundus decretalium, & optimè ea perstringit tex., in c.  
quoniam contra de probatio & ibi plenius videbimus.

¶ Item istarum partium iudicii, aliquæ sunt de substantia proces-  
sus & ordinis iudiciarii, vt sunt citatio, libelli oblatio, litisconte-  
statio, conclusio, & sententia. Et hæc non debent præmitri, con-  
fundi, vel præposterari, et de cōsensu partiū, alias ex omissione,  
vel confusione, aut p̄posteratione, induceretur & surgeret nul-  
litas iudicii, & p̄cessus ii. q. vj. § diffinitiuæ, & seq. & c. qualiter. ij.  
de accu. de quo gl. vult in cle. sepe. de ver. sig. Aliquæ verò non  
sunt de substantia, sed de solennitate, vt sunt recusationes, dila-  
tiones, exceptiones iur̄m calumniæ &c. de quibus j. p̄ ordinem  
videbimus in exemplari practicæ. ¶ Nunc redeamus ad p̄sonas.

¶ Index.

*Index* IVDIX Est qui indicat de cā. Et d̄r iudex, quasi ius dans, vel  
dictans, vel dicens. Dicitur autem à iustitia, quia debet esse ius-  
tus alias non meret dici iudex vt. c. forus. § in omni, de ver. sig.

¶ Species Iudicis

*Iudicis* TRES Autē sunt species iudicis, scilicet ordinarius, delega-  
tus, arbiter. ¶ Ordinarii iudices sunt qui habetur potestatem iu-  
dicandi a se iure suo. i. hoc ipso q̄ sunt tales in suo territorio, vt  
p̄sides prouintiarū, episcopus, & similes, de quibus per tot. ti. de of.  
iudi. ordi. Vnde quatuor dant iurisdictionem in dubio ordina-  
riam. Primò lex inanimata vel canon. Nisi appareat velle dare  
delegatū. Secūdo lex animata i. Papa Imperator, vel Ep̄s suo vi-  
cario, Princeps n. est lex aīata in terris. In aut de cōsul § si col.  
lii. ix. q. iiii. Ipsi sunt iuncta gl. Tertiò cōsuetudo, vt pastori sup  
parochianos. de quo. iiii. c. Cum ab ecclesiarum, de of. ordi. Quar-  
to

tò vniuersitas approbata, vt electores in vniuersitate ipsi Recto-  
ri sic alii arifices suo seniori, vide gl. in l. Et quia. ff. de iurisd. om.  
iud. Et nota. iiii. d. c. cum ab ecclesiarum.

¶ Delegati seu extraordinarii iudices sunt, qui videntur iurisdic-  
tione aliena; & habent potestatem cognoscendi in eâ ab aliquo sibi su-  
periore commissam, vt sunt illi iudices qui p. rescripta dantur à  
Papa vel eius legato, aut etiam ab ipso episcopo, qui delegat eâ  
specialiter alicui personæ cognoscendam ¶ Et scias qd delegatus  
à principe potest subdelegare, vt in c. pastoralis. & in c. super qd  
num. de of. dele. aliud nō. vt in l. i. iudice C. de iud. ¶ Arbitri sunt  
iudices compromissarii. in quos partes litigaturæ comprome-  
tunt de cōi. consensu, super re litigiosa. Et à sententia talium nō  
potest appellari ff. de arb. l. diē proferre. S. stari. & l. i. C. eo. si sed  
statut eorum sententię, ratione pœnæ appositæ, alias soluta per  
na potest pars non parere sententię. Dixi autem super re litigio-  
sa, quia in hoc dñr arbitri ab arbitratoribus Arbitri. n. eliguntur  
vt iudices à partibus super re litigiosa Arbitratores verò non su-  
per re litigiosa, sed vt componant vel diffiniant inter partes, ali-  
quas dissidentias, vt si duo heredes, vel socii velint diuidere hæ-  
reditatem, aut rem communem ad arbitrium Petri tanquam ho-  
ni viri, tunc Petrus erit arbitrator. ar. l. societatem. ff. pro so. 11

### ¶ Indicis impedimenta.

¶ Sunt quæ impediunt aliquē esse iudicem, scilicet na-  
tura, lex, & sexus, vt est tex. in c. i. iii. q. viii. Natura prohibet fur-  
dum, mutum, perpetuo furiosum, impuberem. Lex prohibet ir-  
regularem excoicatum, hereticum, paganum, & cum qui à se-  
natu amotus est Sextus, & mores prohibent mulieres esse iudi-  
ces, propter earum inconstantiam & mutabilitatem, de quo tra-  
ctatur in c. dilecti de arbi. Similiter serui prohibentur fungī ciui-  
libus officiis, eo qd seruitus fere mortis comparatur, vt in l. serui  
tutē ff. de ver. sig. mortuus at nō exercet operationes legitimas.

### ¶ Indicis condiciones.

¶ Condiciones iudicis patent in his verbis.

Iustus, veridicus, discretus, eloquiosus,  
Cautus, causibilis debet iudex fore talis.

Iustus, quia debet iudicare gratis. Non enim licet iudici vendere  
iustum



iustum iudicium, etiam seculare xi. q. iii. non licet Discretus, q. a  
debet in decidendo sequi communem opinionem non singula  
rem alicuius doctoris ff. de leg. ii. l. qui solidum. S. etiam. Cautus  
quia iudicantem oportet cuncta rimari, nec à certis pro inter-  
tis recedere. c. si xxx. q. v. & grauius incedere debet sicut graui-  
da mulier, non currere sicut nuncius, vel libardus. Causabilis a.  
quia debet causas, & lites dirimere.

**Actor.**

**ACTOR** Est qui agit causam contra aliquem in iudicio, pe-  
tens nomine suo aliquid ab eo. ff. de iud. l. in tribus Et est regu-  
lare, q. actore non probante id, q. asseuerat, reus qui cōuenitur,  
etiam si nihil prestitit, absoluitur l. qui accusare. C. de eden. vi.  
q. v. accusator c. vt nostrum. vt eccles. benefi. sine di. com. Fallit  
hoc in certis casibus quibus actore non probante reus nō absol-  
uitur, quos enumerat glo. in d. c. vt nostrum. & ibi vide. ¶ Item  
aliud regulare, q. actor sequitur forum rei. xi. q. i. experientie. c. si  
clericus. & c. cum sit generale, de fo. comp. ¶ Excipiuntur certi  
casus in quibus reus laicus cōuenitur in foro ecclesiastico, quos  
enumerat gl. in c. licet ex suscepto, de fo. compe. Versus

Hereticus, simon, seuius periuus, adulter,  
Pax, priuilegium, violentus, sacrilegusque

Si vacas imperium, si negligit, ambigit an sit.

Suspectus iudex, si subdita terra, vel vsus,

Rusticus, & seruus, peregrinus, fenda viator,

Si quis paniteat, miser aut sit, causaque mixta.

Si denunciat ecclesie quis, indicat ipsa.

¶ Et nota, q. periuri, & infames, aut aliquis simili morbo labo-  
rantes, non pnt accusare, nec testificari. c. si de test. nisi in crimi-  
ne simonie. c. tanta de si. Item in crimine læse maiestatis. c. si. de  
confe. xv. q. iii. c. pe. Item in crimine hæresis. ii. q. vii. sacerdotes.  
Item cum suam, vel suorum iniuriam prosequitur. iiii. quæ stio.  
vlt. Omnibus.

**Reus.**

**REVS** Est contra quem agitur in iudicio. Et dicitur reus nō  
à reatu sed à re super qua agitur, & quæ ab eo petitur. c. forus, de  
veri. sig. ad fi. ¶ Et nota, q. actori excōicato non tenetur reus in

iudicio respondere cū inter priorem de exce. c. pia eo ti lib. vj.  
 Licet reus posset se defendere etiam excōicatus, tñ reconuenire  
 non posset d. c. cum inter priorem vide c. intelleximus. de iudl.  
 ¶ Item reus non tenetur actori rñdere si plures habet psonas  
 actiones contra eundem coram diuersis iudicibus delegatis. c. ex  
 tenore. de rescri. & c. dispendia eo. tit. lib. vj. de quo dic vñ ibi.

¶ *Testis.*

**TESTIS** Est q̄ testimonium perhibet in iudicio. Et est rei  
 gestę probator ¶ Et nō q̄ testes antiquitus vocabant superstitēs  
 eo q̄ super statu causę stabant, seu proferebantur, vt in c. forus,  
 de verb. sig. ad fi. ¶ Item nota q̄ septem sunt quę prohibent ali  
 quem esse testem iiii. q. iiii. fere per totum i. Versus.

*Conditio, sexus, etas, discretio, fama.*

*Et fortuna, fides, in testibus ista requirunt.*

**Conditio.** Si enim aliquis est seruilis conditionis, talis nō pōt  
 esse testis, maxime in cā criminali. vt vbi de furto, homicidio,  
 & c. agitur. Sexus. Quia mulier nō pōt esse testis in causa crimi  
 nali. Aetas. Nam puer nō potest esse testis. Discretio. Furiosus  
 enim vel fatuus nō pōt esse testis. Fama. Infamis nāquam & vi  
 tiosus nō pōt esse testis. c. sup. eo. & c. testimonium, de testibus.  
**Fortuna.** Quia infortunatus seu pauper nō admittit in testes,  
 q̄a p̄sumitur ob eius paupertatem facile p̄ munera corrumpi,  
 & hoc intelligi de vili paupere, q̄a pauper honestus pōt esse testis  
 c. pauper. xi. q. iiii. **Fides.** Quia infidelis, vt hereticus, vel paganus,  
 nō potest esse testis contra Christianum: c. iudei. de testi.  
 ¶ Item consanguinei, & domesticis, seu familiares inter se, & lai  
 ci contra clericos in causa criminali nō possunt esse testes. c.  
 personas & c. in litens, de testi Versus.

*Et clericus laicum fugiat, & viceuersa.*

*Et consanguinei, pariterque domestica turba.*

¶ *Testes quā iurare debent.*

**FORMA** Iuranditestium ponitur in c. quotiens. & c. frater  
 nitatis, in gl. de test. iurabunt enim, q̄ dicent pro vtraq; parte to  
 ram veritatem iudici examinatori, quam de re illa super qua in  
 ducuntur, & hoc siue interrogati fuerint siue nō ¶ Item q̄ nul  
 lam interserant falsitatē. Nam falsidicus testis tribus personis a  
 se est obnoxius, vt dicitur infra capitū. i. de crimin. falsi. Primum

Deo cuius præsentiam contemnit. Deinde iudici quem mentie do fallit. Postremo innocenti quem falso testimonio lædit Item q non pretio, odio, amore, vel timore, nec spe lucri promissi, aut remissi sed solius iustitiæ, & veritatis causa testimonium dicent. Item q secretum teneant vsque ad publicationem, vide glo. fi. ij q. iij. § ult. Debent insuper deponere, & testificari de loco, & de tempore, id est quo tempore, & in quo loco, & quo loco loci factum est id de quo deponunt, & debent dicere causam sui dicti, quo modo & vnde sciant id quod dicunt c. cum causam. de testi. Versus

*Es locus, & tempus annuntiantur eis.*

### ¶ *Advocatus.*

**ADVOCATUS** Proprie in iure vocatur is, qui in forensibus seu extraneis negotiis præ eminentibus. præbet litigantibus suum patrociniū Inde dicitur advocare, id est postulare, hoc est, pro eo quem defendit coram iudice desiderium exponere Et advocati præstant consilium, & auxilium in causa per iuris allegationes. Hi gloriose vocis consili munimine, laborantium spem, vitam, & posteros defendunt, & ambigua facta causarum dirimunt, ut dicitur in l. advocati C. de aduo. diuer. iudi.

### ¶ *Procurator.*

**PROCURATOR** Dicitur is qui in iudicio, vel mandato domini negotia administrat, agendo vel defendendo pro pretio l. i. § j. ff. de procurato. ¶ Et nota, q duplex est procurator, scilicet, ad iudicia & ad negotia, de quo vide not. in c. qui generaliter, de procur. lib. vi. ¶ Item nota, q multa sunt, quæ impediunt aliquem esse procuratorem Versus

*Surdus, cæcus, mutus, vel perpetuo furiosus.*

*Fæmina, vel servus, infans vel minorennis.*

*Publicus atque pugil, male credens vel religiosus.*

*Pactus, & abnegans non abneganda sacerdos.*

Vide tex. iij q. vij. fere per totum Item sacerdos non potest procurare seu postulare, nisi in causa propria, vel in causa suæ ecclesiæ vel coniunctæ personæ, id est consanguinei, aut affinis.

¶ Item in causa miserabilis personæ, ut videtur, orphani vel cæci, & si. c. ij. & iij de postu. Item monachus non potest advocare,

nisi



nisi mandato Abbatis Item isti procurare non possunt.

*Testis, assessor, paciscens, reus & index.*

*Aktor, & auditor, commendator, simul ista require.*

*Procuratores, doctores simul ista sociabis.*

*Rusticus, & miles, mulier, necnon minorenis.*

*Pauper, bannitus, non procurare debent.*

¶ Et ratio horum est Quia non potest quis gerere simul vicem plurium personarum in iudicio. iij. q. iij. c. j.

¶ *Assessor.*

**ASSESSOR** Est qui assidet in iudicio & iudicem instruit, & forte iudex est imperitus. C. de assel. j. & fere per tot. Vide not. in c. statutum. § assessorem autem. de rescrip. lib. vj.

¶ *Auditor.*

**AUDITOR** est cui aliquis certus articulus causę audiedus vel examinadus a iudice committitur, vt recipere attestaciones & similia. Scito qd nec assessor, nec auditor pōt ferre diffinitiuā.

¶ *Tabellio.*

**TABELLIO** Est persona publica habens officium scribendi instrumenta super contractibus vel aliis rebus ad faciendum fidem super eisdem. Et quia hoc officium est genus negociationis, ideo prohibetur sacerdotibus, vt not. in c. sicut ne clerici vel mo. Nisi in causa ecclesiastica vel spiritali. Et idem appellatur notarius. Vide no. in d. c. statutum. §. notarium. verò de rescrip. lib. vj. Quomodo autem tabellio equiualeat duabus personis, videbimus in c. quoniam contra. de proba. quod propediem lecturi sumus. Et hæc de personis, que debent interuenire in iudicio, aut verè aut fictè, vel nomine suo, vel alieno, aut defendendo, aut adminiculando in causa, dicta sufficiant.

¶ *Species iudicij.*

**N**UNC Restat videre de speciebus iudicij. Vnde sequendo dicta do. Panor. in rub. de iudi. pono quadruplicem iudicij diuisionem, & quidem breuissime.

¶ Prima diuisione respicit effectum cōcludendi. Iudiciorum, aliud criminalc,

criminalē, aliud ciuile, aliud mixtum. ¶ Criminalē est quādo agitur de crimine, criminaliter, vt in c. at si clerici. & in c. cum non ab homine, de iud. Et dicitur super iudiciū criminalē, quando finistendit ad commodum republice vel fidei, siue pœna sit corporalis siue pecuniaria, gl. nō in l. prætore in prin. ff. de sepul. viō. ¶ Ciuile est quando non agatur de crimine, sed ad aliquam rem temporalem, vt puta de feudo, de mutuo &c. vt in c. ceterum & c. dilecti, & c. cām, de iud. Et semper dicitur ciuile, dū finistendit ad commodum partis, vt gl. nō in d. l. prætore ff. de sepul. viō. Mixtū est, vt cum agitur de crimine ciuilitet, de procura c. tuę & c. suñ his, de accu. Illud enim dicitur mixtū, q̃ participat de natura extremorum, iuxta nō per doct. in §. i. in gl. super verbo summa in f. de actio & ibi per do. Iaso.

¶ Vnde nota pro cōi doctrina. Quando pœna pecuniaria venit applicanda fisco pro crimine, tunc iudiciū dicitur mere criminale. Quando verò parti tunc dicitur ciuilitet agi, & per consequens iudiciū non erit mere criminale, sed mixtum l. criminale, ciuilitet intentatum, iuxta tex in al. c. tuę de proc. Hanc doctrinam cōm ponit gl. in l. iii. ff. de sepul. viō & ibi Bar. & sequitur eum Inn. in c. qualiter ii. de accu. & Ant. de But. in rub. de iudi. Item ponitur hęc doctrina cōis. §. in summa iuncto §. pœna. in f. de iniur. vbi clare innuit tex q̃ tunc dicitur agi de iniuria ciuilitet, qñ agitur ad pœnam pecuniariam parti applicandam. ¶ Secūda diuisio sumitur ex parte formę iudiciorū. Aliud ordinariū vt ē. examinata, de iud. Aliud extraordinarium, de quo in c. nō uir de iud. Aliud mixtum, quale est (secundum Abba in rub. de iud.) iudiciū inquisitionis, q̃ ex eo (quia inquisitionis via est iure principaliter introducta, & in eo seruatur ordo iuris, licet nō vsquequaq̃,) p̃t dici iudiciū ordinariū ad hoc d. c. super his. & c. qualiter ii. de accu. Sed alio respectu, quia, l. procedit non com parente actore, seu accusatore. c. accedens, de accu. & quod not. in l. ii. §. si publico. ff. de adul. & quia non vsquequaque seruatur in eo ordo iuris, vt in d. capitu. qualiter in §. debet & quia tanta pœna regulariter non imponitur de iure canonico, potest dici extraordinarium secundum Abbatem, licet aliqui dicant iudiciū inquisitionis esse simpliciter extraordinarium, sed id non est curandum. ¶ Ex his sequitur, quod in iudicio ordinario, requiritur persona actoris, rei, & iudicis explicitē. Item quod libellus

libellus offeratur, lis contestetur & cætera substantialia iudicii obseruentur. In extraordinario non requiruntur ista, vt in iudicio quod fit per viam denunciationis, aut inquisitionis generalis, vel specialis, de quo not in al. c. nouit.

¶ Tertia diuisio sumitur ex parte materie Iudiciorum. Aliud spirituale, quod fit super rebus spiritualibus & ecclesiasticis, vt de sacramētis, de causa matrimonii, decimarū, vsurarū, vt in cle. di. spēdiosa de iudi. & in c. exhibita eo ti in anti. Aliud tēpale qđ fit super rebus mere tēporalibus & prophanis. i. quæ sunt remotę à phano. i. templo & rebus sacris, vt in c. venerabilis, de iudi. Aliud mixtū quod fit super annexis spiritualibus, vt dum agitur de iure patronatus. Habet. n. aliquid spiritualitatis & aliquid tēporalitatis, ita qđ de vtroq; extremorū participat, nec precisē accidit ad alterū tñ. Nō enim est mere spirituale, cum laico competat, & ad hæredes transeat. vt in c. filiis. xvj. q. vii. Temporale aut non est, quia licet sequatur vniuersitatē rerum venditarū. c. ex literis, de iurepa. tñ vendi non pōt, ita declarat gl. in c. pig. mētis xvj. q. ij. Pro tanto aut dicitur spirituali annexum, quia parat viam ad obtinendam ipsam institutionem, quæ est ius spirituale, secundum Abb. in rub. de iudic. & in c. quanto. eo. ti. Et quia mixtum sequitur naturam simplicis dignioris, (vt dicit Abb. in d. c. quanto) & spiritualitas est dignior temporalitate sicut anima corpore. c. solite. de maio. & ob id ius patronatus censet̃ plus annexum spiritualitati, & ideo vendi per se non potest. c. ex literis, de iurepat.

¶ Quarta diuisio sumitur ex parte quantitatis. Iudiciorū aliud vniuersale, aliud generale, aliud singulare. De his habetur gl. in c. ij. dē li. obl. & per Spec. de iudi. in fi. per to.

¶ Iudicium vniuersale seu actio vniuersalis est, qñ actio datur ad aliquid quod de sua seruatione multa in se vniuersaliter cōtinet, tanqñ vniuersum ius, vt est petitio hæreditatis familiæ exciscundę, id est hęreditatis diuidendę, actio ex testamēto, quā datur pro hæreditate ex trebelliano restituenda, actio ex empto quę datur quotiens tota hęreditas emitur. Item qñ petitur villa seu Castrum cum suis pertinentiis. Item quando petitur ecclesia cum suo iure & omnibus prouentibus, secundum Innocen. in c. conquerente, de offi. ordi. & melius secundum Abb. in d. c. ij. de li. obl.

¶ Generale iudicium, seu actio generalis dicitur quæ

strumentis editis ab utraque partium & allegationibus iuris factis ab aduocatis partium ab ipsismet partibus iudex debet morū animi sui informare secundum dicta testium, & instrumentorum, secundū rationes, & allegationes aduocatorū Deinde cū iudex discussisset merita causę plenissime, debet ipsum negotiū terminare per sententiā diffinitiuā. A qua si in qua, vel iniusta fuerit, poterit condemnatus, aut grauatus appellare.

¶ Scias autem, qđ ordo iudiciarius propriē dicitur in his consistere, quę aguntur inter litem con & sententiā, cum litis cont. sit exordium litis c ex parte. ii de verb sig Nam ante litis contestationem quis propriē non dicitur agere, sed agere velle, vnde omnia quę litis contestationem præcedunt dicuntur præparatoria iudicii, vt s̄ dixi.

### ¶ Citatio

PRIMÒ, Videndum est de citatione rei ad iudiciū vocatio. Et est principium causę, ita quòd per ipsam citationem causa dicetur incepta secundum ius canonicum, vt in c. gratū de off delega. Idcirco omnia quę fiunt sine citatione, in præiudiciū absentium sunt inualida c omnia, & c. caueāt. iii q ix. Vñ si iudex c ter aliquem, & citatus pendente citatione transfert se ad aliud domicilium, & ad aliam iurisdictionem, tamen nihilominus non pōt declinare iurisdictionem primi iudic. quia præuentus est citatione c. proposuisti. de fo compe. ¶ Pro quo aduertendū quòd in pluribus iudicibus ordinariis, qñq; est gradualitas, & quandoque accumulatio fori vt no in c. cum ab ecclesiariū. de offi ord & in c. cum contingat. de fo com. Vbi est pluralitas iudicū per modum accumulationis, locus est præuentioni, vt qui primo citat, sit iudex, alias secus Vt scolaris habet iudices accumulatos tres, iuxta authen habita C. ne fil. pro pat. videlicet, magistrum suum, dominum suum, & ep̄m loci. item ista præuentionio habet locum in delegato & ordinario, vt in c. vt debitus, de ap. Et ista præuentionio fit per citationem. Vnde.

### ¶ Effectus citationis.

TRES Sunt effectus citationis. Primus. Quia facit litem pendere, ita quòd nihil possit innouari in causa. Et hoc est talis citatio, per quam pars citata potuit instrui, super quò

conueniebatur, vt in cle ij. vt lit pen. Secundus Quia facit locū  
prædictioni, & iam post domicilij mutationem, vt supra dixi,  
Teitius. Quia post citationem executam, aduersarius coram  
alio iudice se conuenire non potest, not in al. c. vt debitus vide  
glo. in al. c. quoniam contra in ver citationes, de proba.

¶ Sciat iunior, quòd citatio potest fieri multipliciter, secundum  
spec. in ti. de citatione. § sequitur videre, circa prin. Aut viua vo  
ce, aut per literas, aut per edictum, aut realiter.

¶ *Citatio viua voce.*

**V**IVA Voce fit citatio. Quandoque per ipsum iudicem, vt  
si dicat iudex. Compareas coram nobis tali hora, Qñque per ta  
bellionem, & tunc p̄ ipse tabellio in actis scribere, se talē de mā  
dato iudicis citasse &c. Quandoque p̄ ipsam partem in vim tm̄  
prouocationis ad cām. c. cum sit Romana. & c. bonæ memoriæ,  
de ap. Quandoq; per nuncium, de of. dele. prudentiam & c. cū  
parati. de ap. In quibusdam autem locis fiunt nuntii cum infu  
lis rubeis vel baculis depictis vel alio signo deputati ad citandū,  
vt fit Romę, & creditur eis propter eorum officium publicum  
iuratum, de quo plura Spec. in loco proxime al. Nota tamen vti  
le & quasi necessarium esse, q̄ notarius in actis scribat, qualiter  
iudex mandauit nuntio q̄ talem citaret ad instantiam talis &  
nuntius reuersus retulit se eum citasse. Et cautela est, vt nuntius  
citet in præsentia testium secundum lo. Andr. in d. c. quoniam  
contra, ar. c. sacro de sen. excom.

¶ *Citatio per literas.*

**S**I Autem citatio fit per literas iudicis, hoc fit aut iudicis or  
dinarij, aut delegati, aut auditoris, de quibus supra dixi.

¶ Et nota quòd omnis citatio debet fieri tribus edictis, vel vno  
peremptorio loco trium, & iste secundus modus est in vsu ca  
nonico apud nos. Vide not v q ij. in summa. & in c. tum ex lite  
ris, de resti in integ.

¶ *Citatio ordinarij.*

**I**UDEX Ordinarius sic citat apud nos. Thomas R. Canoni  
cus & officialis Bonon. generalis prouidis & discretis viris execu  
toribus, intra & extra muros ciuitatis Bononien. constitutis, sa  
lutem,

lutem. Vobis in virtute sanctæ obedientię & sub excommunicationis pœna mandamus quatenus ad instantiã venerabilis Gregorii de S. curati in N discretum Ioãnem Marefcottum ciuem Bonon personaliter accedentes, vno edicto pro tribus peremptoriè citetis, quem & nos presentibus citamus, vt coram nobis tali die, hora tertiarum compareat, ad quẽuis obiiicienda responsurus Datum Bononiæ. Die tali. Mense tali Anno tali. nostro sub sigillo.

Literas reddite debite executas.

*¶ Citatio delegati.*

**I V D E X** Autem delegatus vel auditor, in citatione sua inserit autenticum seu rescriptum, & commissionem (c præterea. de dila. & vij. q. ij. c. j. de of. dele. cum in iure) delegantis. i. domini Papæ aut eius legati, vel alterius commissarii superioris, in propria forma ipsius Hoc modo Ioannes Contarenus Archidiaconus & Canonicus ecclesię Cathedralis Rauenaten iudex vnus à sede apostolica, vel eius legato. &c. ad infra scripta partibus delegatus & deputatus, honorabilibus viris dominis executoribus in tali loco cõstitutis, salutem in domino. Noueritis nos literas sanctissimi domini nostri Pauli Papæ feliciter moderni. &c. sanas, saluas, & nullo suspicionis vitio subiectas cum ea qua decuit reuerentia recepisse, quarũ tenor sequitur, & est talis. Paulus ep̃s, seruus seruorum Dei, dilecto filio Archidiacono ecclesię Rauenaten. salutem & apostolicam benedictionem Sua nobis. H. Canonicus Rauen. querela monstrauit, q̃ N de tali loco, & quidam alii canonici & laici talis cimiratis, in quadã summa pecuniæ, vel possessione, & aliis rebus iniuriatur eidem, ideoq; discretionis tuæ per apostolica scripta mandamus, quatenus partibus conuocatis, causam huiusmodi audias, & appellatione remota sine debito diffinas, eamq; decisionem facias & decernas per censuram eccle. firmiter obtinuere. Testes verò si qui citati se gratia, odio vel amore vel timore subtraxerint, censura simili cogas veritati testimonium perhibere Datum Romę &c. huius ergo mandati apostolici autoritate, in hac parte nobis delegata, virtute sanctę obedientię, districtè præcipiendo mādamus quatenus dictum N & concanonicos seu consocios, ad nostrā peremptoriè citetis præsentiam, vt proxima feria tertia post fe-



stum sancti Bartholomei, coram nobis, in tali loco legitimè compareant, prædicto H. iudice respondenturi. Datum Bononię in loco residentię nostrę. Anno tali, Die tali.

¶ *Citatio per edictum.*

**D i x i** Tertiò fieri citationes per edictum. Et hæc antiquitus sic fiebant. Quotiens coram prætore vel ordinario aliquis de aliquo conqueiebatur, prætor in albo (quod erat quidam locus in muro seu pariete pallatii dealbatus) faciebat tale edictum scribi tali in questione. Verum huiusmodi edicta ab usu discesserunt. Erant autem tria alba. Primum in quo describebantur citationes de quo hic fit mentio. Secundum in quo scribebantur generalia edicta prætorum, & de isto loquitur tex. si quis id. ff. de iuris. om. iu. Tertium in quo scribebantur nomina decurionum. ff. de albo feri l. j. & ij. vide gl in ver. ad album. l. j. ff. de eden. & Henricum Boic. in c. proposuisti de fo. comp. ¶ Hodie verò citationes per edictum aliter fiunt. Nam si reus non inuenitur, aut impedit citationem ad se peruenire, aut se occultat, vel eius domicilium non potest tute adiri per executorem, tunc citetur eius procurator si quem dimisit, quem tenetur dimittere. c. dilectus de procu. Alioquin ad domum citatio fiat & requirantur amici. de quo in c. cam. quæ de do. & con. & ibi glo. & in c. si de eo qui mit. in pos. Tandem sufficit publicè citationem ad ecclesiã suam in valuis proponi. de quo no. in c. si de do. & con. & in cle. j. de iud. Potest etiam reus citari in tali causa ad totã causam, scilicet ad procedendum & ad procedi videndum in tali causa, ad omnes & singulos actus, seruatis terminis debitis & consuetis vsque ad diffinitiuam inclusiue, vt compareat cum omnibus iuribus, actis acticatis munimentis quibus in huiusmodi negotio uti intendit & se iuuare. Et hoc quoniam talis causa est in hoc privilegiata vt electionis, pussionis, postulationis, de quo in c. si de ele. li. vj. & in Spe. de citatione. § viso vide tex. & no. in c. cum dilecti de do. & con. & c. auditis, de proc. Nota quando quis citatur ad totam causam tunc recipiatur informatio summaria à iudice de citati. absentia & & scribatur ad acta. Et nihilominus citetur per edictum publicum, vel in audientia causarum ad singulos actus, & terminos, usque ad diffinitiuam. ar. c. ii de do. & con. li. vj. à contrario sensu. Et ibi glo pen.

¶ *Citatio realis*

**Q**UARTO Fit citatio realiter, quando persona rei realiter capitur & inuite ducitur ad iudicem De quo Io. Andr. in addi. Spec. ti. de. cit. §. sequitur, & in c. Romana §. contrahentes, de fo. comp. li. vj. ¶ Sciendum qd iudex non debet aliquem citare tempore feriato, vnde videndum est de feriis.

¶ *Feriae triplices.*

**F**ERIAE Sunt triplices, scilicet solennes, rusticæ, & repentine, vt not in c. si de fer.

¶ Solennes feriæ sunt, quæ introductæ sunt ob reuerentiam Dei & sanctorum, vt sunt dies festi quos populus solet celebrare. In his feriis non valet citatio facta à iudice, nec processus iudicii habitus, nec sententia lata etiam de consensu partium Quia his feriis partes non possunt renunciare. ¶ Rusticæ feriæ sunt, q̄ introductæ sunt ob necessitatem hoīum laborantium, & vtilitatē rusticum, & publicam, vt tempus messium, vel vindemiarum, & tunc etiam debet quiescere strepitus iudicii Iudex tamen potest citare & in causa procedere, si fuerit consensus vtriusque partis. Quia his feriis partes possunt renunciare, cum sunt introductæ in fauorem hominum iuri autem pro se principaliter introducto potest quis renunciare. c. ad apostolicam, de regula. & l. si quis in conscribendo. C. de epi & cle.

¶ Repentine feriæ vocantur, quas aliquis princeps introduxit, ppter aliquam rem solennem feliciter & prospere se cum actam, vt pp natiuitatem filii vel sui, vel quia triumphauit de hostibus. &c. Et hæc cōiter non sunt apud nos in vsu. Et dicuntur repentine quia repente & subito inducuntur, nec sunt certè iudici, quia à nullo iudice induci possunt, nisi à principe, vt in. C. eo. ti. l. j.

¶ Sciat iunior qd feria vno modo accipit̃ pro qualibet die in hebdomada, vt dicimus j. feria ii. feria. &c. Et dicitur feria à for faris. i. à fando & loquēdo, eo qd singulis feriis deus loquēdo, solo verbo oīa creauit, vt legit̃ Gen. j. c. alio mō capiūt feria, p die solenni festiuāda. Et dī tunc à ferendis seu feriendis victimis, q̄ offerebātur seu feriebantur. i. mactabantur in feriis. Et sic capitur hic. Vide tēx. in c. capellanus, & in capitu. fin. de feri. & xv. q. 4 placitas.



¶ Vnde si iudex citat aliquem vt compareat tali die dñico, vel alio festo iudicialiter responsurus, citatus non tenetur comparere, quia error est in citatione expressus Si autem citat vt compareat decimo die à die executionis, tunc dies insinuationis seu intimationis ipsi citato excluditur, & si decimus dies venerit in diē feriatum, tunc tenetur citatus prima iuridica comparere, secundum doctrinam lo. An. in c. fin de fer. Ideo cauti iudices hodie apponunt istam clausulam, vt coram nobis decima die, si ipsa iuridica fuerit, alioquin prima iuridica, compareas &c.

¶ *De contumace*

**R 173** Citatus, aut comparet aut non. Si non compareat & contumaciter se citatus absentat, excommunicandus est propter contumaciā, secundum ius canonicum. Et tunc iudex q̄ eū excommunicat, taliter apud nos scribit. Tho. R. Canonicus & officialis Bonō. generalis, honorabilibus viris in tali loco executoribus salutem in domino. Quoniam N. de S. ciuis & parochianus vř, ad instantiam. C. clenci taliter, coram nobis legitime citatus comparere minime curauit, ideo ipsius contumacia exigente, ipsum contumacē reputauimus, & eum excōicauimus & præsentibus excōicauimus, quem & vos singulis diebus dominicis & festis in ecclesia vestra publicē excōicatum denunciatis, & denunciare curetis, tandiu donec à nobis aliud habueritis in mandatis Datum &c. ¶ Si autem iudex contumacem non vult excōicare, aut non potest maximē in foro seculari, tunc procedit contra contumacem aliis pœnis & remediis quæ ponuntur in glo pe c tuę, vt lit. non con. & in c. j de do. & con. Versus

*Iudicis officio mulctat, pignus capietur.*

*Diruit ac retinet, ius denegat intereritque.*

*Seruat anathema, punitur sic quisque rebellis.*

¶ Contumax autem fit multipliciter, vt not. gloss. c. ij. de do. & con Versus.

*Non veniens, non restituens, citiusque recedens,*

*Nil dicens, pignusque tenens, iurare ve nolens.*

*Obscureque loquens, isti sunt iure rebelles.*

¶ Vide tex. in c. quoniam frequenter S. porro, vt lite non conte.

¶ *Citatus comparens.*

Si Verò citatus compareret, & tunc aut sibi competunt, aliquę exceptiones, aut non. Si competunt, tunc potest excipere. Vnde videndum est quid sit exceptio.

¶ *Exceptio.*

**E**XCEPTIO Est actoris exclusio. Et est quædam defensio per quam reus intendit se defendere. Exceptionum autem quædam est dilatoria, quædam peremptoria, & quædam anomala.

¶ *Exceptio dilatoria.*

**DILATORIA** Dicitur, quia per eam differtur causa & impeditur negotium principale, & hæc quandoque proponitur contra iudicem, quandoque contra suam iurisdictionem, quandoque contra procuratorem actoris, quandoque contra tempus quo aliquis citatus est.

¶ Contra iudicem sic excipit reus. Quoniam res est periculosa, & tristes solet sortiri euentus, sub iudice suspecto subire iudiciū. Ideo ego Titius, audientiam tuam domine. R. ex tali causa suspecto recuso, vel sic. Quia suspecti, & inimici esse iudices non debent. Et quodammodo naturale est suspectorum iudicium in sidias declinare & inimicorum examen vel refugere, ea de re, ego iudicium vestrum ex tali causa declino & recuso super que huiusmodi suspicionis causa discutienda talem arbitriū pro parte meo nomine. iij. q. v. quia suspecti vide c. suspicionis de offic. dele. & c. cum speciali de appe & c. ij. eo ti. lib. vi. & ibi Ge. vel sic pueriliter. Domine, non potestis esse iudex meus, quia estis seruilis cōditionis, vel infamis, vel excommunicatus vel suspectus mihi ex certa causa, eo quod estis inimicus meus, vel consanguineus aduersarii mei, & c. de quo aliquid supra, dictum est cū diximus de impedimentis iudicium. Versus.

*Subiectus dominus sic commensalis, amicus.*

*Incola, canonicus ac attingens, inimicus.*

*Consimilis causa, prius appellatio facta.*

*Advocat, affinis, consanguineus sociusque.*

*Casibus his merito, iudex suspectus habetur.*

¶ Et nota, q̄ exceptiones recusatorie iudicis, seu declinatoriæ faciunt, sunt in initio proponendæ, ut sunt ille quæ competunt contra iurisdictionem iudicis Ratio est Quia si eis scienter omissis, cedatur ad alia sine protestatione, citra approbationē iurisdictionis, tunc comparens videretur in iudicem consentire. l. vlti. C. de excep. Vnde amplius eum recusare, aut eius forum declinare non posset Quod enim semel approbo, reprobare iterum non possum. iij. q. iij. § item si quis, vbi gl. & regula. Quod semel placuit. lib. vj. Nisi ex noua causa, vel ex antiqua occulta, nouiter mihi pandita. in c. insinuante de offi. dele. de sent. & re iudic. ad probandum, & l. si C. si à non compe iudi.

¶ Item nota, q̄ contra exceptiones possunt dari replicationes, & iterū cōtra replicationes, possunt dari duplicationes, & tertio contrā duplicationes, possunt dari triplicationes, & vltimo contra triplicationes possunt dari quadruplicationes, & ibi erit status. ff. de exce. l. ij. de quibus videbimus infra in practica exemplari.

¶ Contra actorem sic reus excipiat Vos non potestis esse actor contra me, quia estis excōicatus. c. exceptionem, de excep. & ibi gl. ponit varias species exceptionū. c. pia eo. ti. li. vj. Et eodē modo pōt excipi contra procuratorem, q̄ sit excōicatus c. post cessionem, de proba. Item si sit constitutus ab excōunicato actore. c. si de procura. ¶ Item si reus fuerit ab aduersario spoliatus, non tenetur citatus respondere, nisi prius fuerit restitutus. c. super spoliatione, de ordi. cog. c. j. de resti. spol. Item si quis mandauit me spoliare, aut spoliationem suo nomine factam, ratam habuerit, quia tunc reus non teneor ei respondere, nisi ante omnia restituat, ut in c. cum ad sedem, de resti. spol.

¶ Contra iurisdictionem iudicis sic reus excipiat. Nō potestis me citare, quia nō sum de foro vestro Ego enim sum diocesis Parmen vos verò Bononien Item ego sum clericus, vos verò estis iudex laicus. Itē vestra iurisditio tanquā pedaneus iudicis, nō extendit se ad tantā summam, vel ad talem causam, quā actor extimat & proponit, ergo nō potestis se de tali causa intromittere.

¶ Dicitur autē iudex pedaneus ille, cuius officium est de causis minimis & infimis cognoscere Et dicitur à pede, q̄ est extrema pars corporis. l. ij. & ibi. gl. C. de peda iudi. vñ sunt isti officiales foranei qui constituuntur in certa parte diocesis, vel ad certos actus, vel ad certam summā iudicandū, utpote ad x. marcas & vltra.

ultra. ¶ Exceptis tamen illa qua reus dicit se non esse de diocesi iudicis, valet & competit reo contra iudicem ordinarium, sed non contra iudicem delegatum Papæ, vel legati eius, quia ille potest citare ex aliena diocesi, vt in c. statutum. S. cum vero. & S. cum autem de rescrip. lib. vj.

¶ Contra tēpus sic excipitur. Quo tempore citatus sum non potui iure citari, quia feriatum fuit, vnde peto condemnatus partē aduersam in expensis, per l. cum quem temere ff. de iudi.

¶ *Exceptio peremptoria.*

**PEREMPTORIA** Exceptio est, quæ probata perimit causam & intentionem actoris. c. j. de litis contest. lib. vj. c. veniens, de accu. Verbi gratia. Vt si reus dicat contra actorem. Tu petis à me tot marcas quas tenebar, q̄ tamen non confiteor, dato vero & non concesso tamen iniuisti mecum pactum de non petēdo, id est promisti, quod nō peteres à me tale debitum. Hoc enim probato, reus absoluitur ab instantia iudicij, & actori imponit perpetuum silentium in illa causa, cōdemnando cum in litis expensis. Versus.

*Incidens permittit, emergens quæstio differt.*

Vide glo. mag. c. j. de or. cog. ¶ Et nota, q̄ exceptiones dilatorie sunt proponende ante litis contestationem, peremptoriæ vero post, vel etiam ante, vt sunt transactiones pacta, res iudicata cōsanguinitas, & alia perpetua impedimenta in causa matrimoniali, sed non probantur nisi actor fundauerit suā intentionē, vī de gl. mag. in c. exceptionem, de excep. & in c. j. & ij. de lit. contest. lib. vj.

¶ *Exceptio anomala.*

**ANOMALA** Exceptio est illa, quæ non sequitur normā & regulam aliarum exceptionum, quia scilicet potest opponi indifferenter, tam ante lit. cont. quā post, vt exceptio excommunicationis, vt in c. pia de excep. lib. vj. & d. c. exceptionem, eo. ti. Similis est quodammodo huic, exceptio falsi procuratoris, quia & illa potest opponi quodocunque etiam post sententiam. c. in nostram de procur. & l. licet C. eo. Item exceptio matrimonij. Item non numeratæ pecuniæ. Item non numeratæ dotis, vt no in § appellatur. Insti. de excep.

**S**i Autem reo citato venienti ad iudicium non competant exceptiones prædictæ respondere tenetur actori, sed prius certificandus est reus super quo conuenitur & impetitur ab actore. Vnde offerri ei debet libellus, vt dicit tex. in c. offeratur. iij. q. iij. Offerat ei libellus q. ad iudicium est vocatus xx. dierū gaudeat, iudicis, in quibus deliberat an velit cōrendere, an liti cedere. ¶ Videndū est igitur de libelli oblatione quod est secundū substantiale iudicarij processus. Et primò quid sit libellus, & quomodo sit formandus, & quid in se continere debeat.

¶ *Libellus quid sit.*

**L**IBELLVS Est scriptura breuis continens personam iudicis, actoris & rei, rem quæ petitur & causam petendi, contra aduersarium necessario inferens & concludens, vt c. j. & per tot. de lib. obl. Quid autem continere debeat libellus his versibus continetur. Versus

*Quis, quid, coram, quo, quo iure petatur & à quo.*

*Recte compositus quisque libellus habet.*

Vide glo. mag. in c. j. de libel. obl. Et quomodo causa petendi in libello exprimi debeat not. in c. ij. eo. ti. Nota, quòd libellus exigitur in scriptis necessario in causis plenariis & magnis, secundū doct. in c. j. de lib. ob. Secus in causis summariis & vulibus xj. q. j. c. si quis cum clerico. Vide glo. in ver. necessario in cle. sape, de verbo signifi. Quomodo autem libellus sit sillogismus iuristarum, vide j. post xxx. folia. In processu coram ordinario in prima instantia.

¶ Formatur autē sic. Coram vobis venerabili patre domino iudice tali (id est ordinario vel delegato,) Ego N. ciuis talis propono contra A. talem militem de tali loco, q. ei mutuaui, vel alia causa tradi xx. flor. in moneta cōmunis numeri & monetæ in regno currētis, &c. & realiter numeravi, quos mihi soluere promisit proximo festo pasche transacto, quod tñ hactenus non fecit, nec curat soluere, vnde pto quatenus ipsum ad soluendū dī qā summam pecunię compellatis per vestram diffinitiuā, ac in litis expensis quas ob hoc fieri contigerit condemnētis Saluo tñ iuris

juris beneficio addendi, minuendi, corrigendi, mutandi, declarandi & alium si opus est libellum porrigendi.

¶ De hac tamen clausula Saluo, &c. vide tex. & per doct. in c. inter dilectos post prin. de fi. instru.

¶ *Libellus conuentionalis.*

ΕΤ ΝΟΤΑ, quod est libellus conuentionalis Et est ille per quem conuenitur reus ab actore, & debet hunc libellum actor offerre iudici seu notario apud acta, & iudex seu notarius, offerat ipsum (id est copiam eius,) ipsi reo. Quo oblato iudex dabit inducias deliberandi ipsi reo, in quibus deliberet an velit contendere vel liti cedere, vide glō. in ver. dilationes. c. quoniam contra de probati

¶ Vnde apud nos sic seruatur in practica. Quia actor volens offerre libellū debet aduertere an fuit terminus p iudicē præfixus ad describendū. Et tunc termino adueniente dicat actor vel eius procurator. Domine iudex, iuxta exigentiā termini hodierni, vel ad hoc p v p. limitati produco seu offero libellum in scriptis, cōtra aduersariū talem, petens eū admitti in contumaciā pareis ad hoc terminū habentis. Et tunc aduersarius vel eius procurator, si est præsens, pōt dicere. Ego peto copias eiusdem libelli & terminum ad dicendum contra præfigi. Si aut offerretur libellus in primo citationis termino, tunc sic dicat actor vel eius procurator. Pater reuerende, citatus est ad hodiernalis, & hic produco citationē legitimē executā & cōtra eundē offero libellū in scriptis quem peto admitti, &c. vt prius. ¶ Et tabellio accepto libello ab actore, taliter scribit à tergo eiusdem libelli. Anno tali, die tali mensis talis oblata per principalem introscriptum vel procuratorem principalis introscripti petentem admitti in contumacia partis legitimē citati, vel ad hoc terminum habētis, & dominus in quantum de iure admisit Et hoc si est reus absens. Si autem est præsens, tunc tabellio scribat sic. Anno tali, &c. in præsentia talis ex aduerso principalis vel sui procuratoris petētis copiam, & terminum ad dicendum contra præfigi, & obtinuit ex decreto domini iudicis ad octauam.

¶ *Libellus reconuentionalis.*

¶ 11118 Est libellus reconuentionalis. Et est ille per quem



reus conuentus, auctorem suum reconuenit iudicialiter antequam diffiniatur causa & negotium auctoris, vt no in c. j. & ii. de mut. pet. Nam conuentio est ex parte auctoris, reconuentio autem (i. secundaria conuentio) fit ex parte rei. Vnde libellus reconuentio nalis includit quandam respectiuitatem. Quia reconuentio est dicto respectiua seu relatiua. Nam reconuentio non procedit, nisi si præmissa conuentio Et tunc solū proprie dicitur reconuentio, cū reus qui est conuentus petit sibi ēt ab auctore iusticiam fieri ministerio iudicis. ¶ Et nota qd licet reconuenire auctorem ante litis contestationem, vel ipsa contestatione, vel etiam statim post litem con. intelligendo antequam procedatur in meritis ipsius causę conuentionis pro aut & consequenter C. de sen. & inte. om. iudi. Ita tenet An. de Pomace in c. j. de mut. pet. super glo. vbi de hoc. Et iudex vicissim audiet vtramque causam, tam. f. conuentionis quā reconuentionis, & vna sententia diffinit, vt in d. c. j. de mut. pet. vide gl. in ver. in ipso exordio in cle. sepe de ver. si.

#### ¶ Vicia libelli.

**N O T A** Etiam qd libellus non debet esse obscurus neque eguocus, neq; amphibologicus. Si enim fuerit talis, reus petet eū reici, alias peter sibi declarari eius obscuritatem. Sed hoc casu informaret partem Verbi gratia. Si petat auctor à reo. xx marcas, petat reus sibi declarari cuius monetę fuerint. Item si petat auctor agrū, vel vineam, reus faciat aut petat compelli auctorem declarare quis talis ager vel vinea, vel vbi sita sunt &c. Sed semper melius est reus, petat libellum obscurum & confusum reici & lacerari per iudicem. vt no. in c. significantibus, de lib. ob. Quia iudex faciet faciendū. i. inueniet medium, & decernet declarandum, aut corrigendum. &c.

#### ¶ Effectus libelli.

**I T E M** Nota qd tres sunt effectus libelli oblatis ipsi iudici & parti primus. Quia per eius talem oblationem actio annalis perpetuatur. C. quando lib. princi. dat lit. con. fa. l. ii. Secundus. Quia rem litigiosam facit subsecuta per executorem conuentione, auth litigiosę C. de litig. Ita qd talis res in libello petita. amplius ante decisionem causę alienari per eam non pōt. vt in c. ecclesia. vt lit. pen. Tertius. Quia interruptit prescriptionem. l. sicut. C. de

de præscri xxx vel xl.anno De hoc vide glo. not in c.j. de lib. ob.  
 Quomodo autem præscriptio interrumpatur nota in c. illud de  
 præscriptio de actione autem annali quomodo perpetuetur vi-  
 de instit. de temporibus. & perpetuis actio. in princ. Et hæc de li-  
 bello oblato.

*¶ Reo responsuro videnda.*

**F. N. T. I. S.** Induciis deliberandi, partes (actor scilicet & reus).  
 ad iudicium redeunt. Et si reus conuenitur actione reali, sed ip-  
 sam rem ab eo per actorem petitam non possidet nec detinet,  
 veniat in termino statuto in presentiam iudicis dicendo se non  
 possidere nec detinere rem petitam in libello. Et per hoc nego-  
 tium erit expeditum, quia dimittetur à iudicio. l. in rem ff. de rei  
 ven. c. ult. de excep. Si autem possidet, sed nomine alieno, euicto  
 rem talem nomini & coram iudice, & per hoc se exonerabit, de  
 quo tex. opti. in c. quoniam frequenter. S. q. si super, vt lit. non  
 con. ¶ **C**auet tamen reus si possidet rem petitam, ne neget se  
 causa possidere. Quia si de mendatio conuicitur, res petita ab  
 eo aufertur & assignatur actori, donec reus probet se eius rei do-  
 minum esse, vt in l. pe. ff. de rei ven.

¶ Si verò possidet nomine proprio, tunc offerendo se liti defen-  
 sioni, videat si sibi competant aliquę exceptiones contra iudicem  
 vel actorem vel eius procuratorem, de quibus supra dictum est.  
 Et si competant sibi aliquę exceptiones contra libellum, tunc in  
 tali termino constitutus easdem exceptiones producat realiter  
 & in scriptis. Vnde si scribat. Ego N. talis Vel procurator & no-  
 mine procuratorio N. talis, contra quandam chartam seu præte-  
 sum libellum pro parte talis in causa tali oblato seu oblatum, co-  
 ram vobis domine iudex talis proponi, allegat & excipiendo de-  
 ducit q. tali libello, si meretur sic appellari, non venit responden-  
 dum nec debet cogi, pro & ex eo, quia talis libellus est incogruus,  
 confusus, generalis, & obscurus, non declarans intentionem acto-  
 ris (& specificet causas quanto meliores potest) ideo per vos do-  
 mine iudex memorate venit reiiciendus, & debet reiici ac lace-  
 rari partem aduersam in litis expensis condennando. Et tabellio à tet-  
 go huiusmodi exceptionum contra libellum daturum scribat sic. An-  
 no tali, die tali. mensis talis oblata iuxta exigentiam termini p. talē  
 principa-



principalem vel eius procuratorē, in præsentia ex aduerso principalis talis vel eius procuratoris qui petiuit dictarum exceptionum copiam, & terminum ad dicendum contra & obtinuit ad quindennam, vel primam iuris. Si verò reo deficiunt huiusmodi exceptiones, tam dilatorię quàm peremptorię, nec vult actorem reconuenire, cogitur in termino statuto, libello respondere, & ad hoc actor vel eius procurator debet contenta in libello proponere & petere cogi ad respondendum apud acta producto. Et iudex vel etiam ipse actor debet interrogare reum Vtrum contenta & proposita in libello credat esse vera & petita fieri debere. Et sic reo respondente fit litis contestatio, vt in. c. vnico de lit. Con. Vnde.

¶ *Litis contestatio.*

**LITIS** Contestatio est fundamentum iudicii per petitionem in iure propositam vel in scriptis porrectam, & congruam responsionem secutam, animo contestandi litem faciunt, quo omisso (si in figura iudicii proceditur) vexantur inanibus laboribus & sumptibus litigantes. Hanc descriptionē declarat latē Io. And. in rub. de lit. con. & Panor. in c. vnico eor. tit. Per hanc eandem descriptionem datur intelligi, q̄ tunc dicitur fieri litis contestatio, quando in iudicio oblato libello actor aliqua narrat s. cum causa & ex narratis petit aliquid sibi fieri a iudice & reo, & ipse reus animo litem contestandi, respondet affirmando vel negando narrata prout narrantur, & petit conclusiue petita per actorem fieri non debere.

¶ Et dicitur litis contestatio, quasi simul testatio vel declaratio mentis litigare volentium. Et sic litem contestari, non est aliud nisi simul testari q̄ reus vult cum aduersario simul litigare secundum Innocen. in rub. eo titu.

¶ Fit autem litis con. communiter per reū hoc modo. Ego Io. reus principalis, vel eius procurator, animo & intēione litē contestādi nego narrata, put narrantē, petēs petita fieri nō debere.

¶ Et notarius hanc litis cōtestationem ad acta inscribit sic. Anno tali, die tali, talis mensis. Honorabilis N. actori ad libellum summarium conuentionalem Ioan. talis, animo & intentione litem conte. negauit narrata prout narrantur, vt supra. Et hoc si tantum libellus conuentionalis offertur.

¶ Si autem fuerit etiam reconventionalis oblatus, notarius scribit sic Nicolai ad libellum conuentionalem Ioannes, & Ioannis ad libellum reconuentionalem Nicolaus, hincinde, & respectiue negant narrata prout narrantur, animo & intentione litem contestandi, petens petita seu contenta in eisdem fieri non debere, & iurabitur de calumnia tali die. Et ista litis contestatio fit negatiue. Potest tamen fieri etiam affirmatiue per confessionem ad ipsum libellum. Nota secundum Ioan. And. in c. vno. de litis contesta. Si reus dixerit, nolo litigare, non est litis contestatio. Quia nec confitetur, nec negat. Similiter si dixerit volo litigare, oportet enim quod reus detegat animum suum ad litem affirmando vel negando, super re, quæ petitur ab eo.

¶ Vnde sciatur iudex quod potest iudex ante libelli in scriptis oblationem facere & iubeat factum proponi verbo per actorem vel eius procuratorem. cap. pastoralis, de iudi. Quo audito, statim, potest reum interrogare super facto. Et si reus confiteatur, iudex ei præcipiat quod satisfaciatur actori. Et per talem confessionem non fit litis contestatio ex quo datio libelli non præcessit. Ita not. glo. in vers. responsionem in c. dudum ii. de elec. § licet. Nec enim tunc fertur sententia diffinitiva sed fit præceptum reo ut soluat debitum infra certum tempus ff. de iudi. l. si debitori. Secus autem si libellus fuisset oblatus & super illo secuta fuisset confessio, tunc enim deberet ferri sententia l. Iulianus ff. de confess. & ita seruatur. Et hanc cautelam commendat Guil. Spec. de lib. ob. ver. licet, quia per eam lites possunt trahi quod fieri debet, ne sint immortales, ut in c. finem de do. & con. & in l. properandum, post prin. C. de iudi. Nota quod post litis contestationem dicitur pendere, i. quasi in dubio esse, & in suspensio. Nam dubius est exitus litis sicut & belli ii. reg. xi. Quamuis etiam dicatur lis pendere per recusationem consultationem appellationem & relationem vel quam diu sententia diffinitiva non fuerit lata de quo not. in tit. ut lit. pend. per totum.

¶ *Effectus litis contestationis.*

**EFFECTVS** autem litis contestationis est multiplex: Nam post eam iudex non recusatur, nisi ex noua causa, ut in c. inuauante. de offic. dele. Item per eam omnis actio temporalis perpetuatur

perpetuatur, & vsque ad xl annos extenditur, & postea transit ad hæredes, vt C. de præscrip xxx. vel xl an sæpe. Saluo eo quod dicitur de actione de dolo, quæ non perpetuatur per litis conte. C. de do. l. de dolo. Item post eam fit vsuraria, quæ prius non erat. ff. de vsur. l. lite. Item, interruptit quamlibet præscriptionem. xvj. q. iij. Post eam nulla dilatoria obicitur, vt in c. inter monasterium, de re iudi. nisi excommunicationis, vt in c. pia. de excep. lib. vj. Item post eam non potest reuocari mandatũ procuratoris, nisi certis ex causis c. ij. de procura lib. vj. & ff. de procur. l. litem. Item post eam prorogator, & tutor, tanquam domini litis procuratorem constituere possunt. d. c. ij. de procu. li. vj. & C. eo nequẽ. Item post eam delegatus ab alio quàm à principe potest alteri causam committere c. cum Bertholdus, de re iudi de quo tamen dic, vt ibidem. in glo in ver. committentibus. Quia corrigit illum tex. Item post eam iuratur & probationes recipiuntur, quòd ante non fit regulariter, vt lit. conte. per tot. Item per eam clauditur via multis malitiis, & reus iudici subiicitur & obligatur auctori C. de procu l. neq; ff. de redhibito l. ediles. S. item sciendum hæc spec. de litis con. §. fi.

¶ De iuramento calumniæ.

**L**ITIS Contestata, actor & reus regulariter statim iurare debent de calumnia c. j. & ij. & c. cum causam, in fi. de iura. calum. Et hoc vocatur iuramentum calumniæ, cū quis iurat, quòd bona fide, & sine dolo agat, & respondeat, vt si est actor, agat, si reus, respondeat. Et est calumnia, falsa petitio, vel actio. Nam calumniari, est falsa crimina scienter intentare, & alicui imponere. ij. q. iij. S. notandum. Et inde dicitur iuramentum calumniæ, subauditur vitandæ, sicut aliàs dicitur, habeat vnusquisque suam propter fornicationem, scilicet vitandā, non committendam, vt xlii. dis. netui testiculorum, prope fi. Sensus ergo est iuramentum calumniæ vitandæ, scilicet quia partes debent vitare calumniam in actione vel accusatione. ¶ Non est tamen de substantia iudicarij ordinis, quòd statim post litē cont. iuretur de calumnia, nec annullatur processus, licet tacitè omittatur iuramentum calumniæ, vt dicit tex. in c. j. eo ti. lib. vj. Expresse tamen remitti non potest. C. de iura. cal. ii. S. sed quia, nec

nec valet consuetudo de ipso non præstando sic, nec quis paci-  
sci potest, vt non teneatur de dolo. vt l. j. §. si conueniat ff de-  
pos. Quia vtrunque bonam fidem, & bonos mores, ideo non  
sequendum.

¶ *Forma iuramenti calumniæ.*

SI EST Actor, iurabit, quòd credit se habere iustam actio-  
nem, similiter reus. Item iurabit vterque, q̃ interrogatus à iudi-  
ce non negabit dicere verum, nec dabit scienter falsam proba-  
tionē, nec petet malitiosè dilationē friuolā i inducias friuolas,  
vt cā proteletur, & dilatetur. Item iurabit vterque, q̃ nec dedit,  
nec dabit, nec promissit, nec promittet aliquid iudici, vt ferat sen-  
tentiam pro eo. Et sic iurando, si est clericus ponat indicem cū  
medio digito super euangelium, si autem laicus super imaginē  
Crucifixi flectendo, & mitram, aut peplum deponendo. Et id  
quidem in omni iuramento seruandum est. Hæc forma iuran-  
di de calumnia continetur his versibus.

*Illud iuretur quod lis sibi iusta videtur.*

*Et si quaeretur, verum non inficietur.*

*Nil promittetur, ne falsa probatio detur.*

*Vt lis tardetur dilatio nulla petetur.*

¶ Si verò actor noluerit præstare hoc iuramentum, pœna eius  
erit, quia cadet à causa, i. non permittet eum iudex agere. Pœna  
verò rei recusantis iurare est, vt pro confesso habeatur. i. repete-  
tur ita reus ac si confessus esset se debitorem. c. fi. de iur. cal.

¶ Hoc iuramentum ideo est inuentum, vt homines huius iura-  
menti metu, non facilius litigent, nisi credant se iustam habere  
litigandi causam, Vnde iuramentū debet habere tres comites,  
scilicet veritatē, iudiciū, & iustitiam, de quo vide in c. etsi Chri-  
stus de iure iuran. Et iuramētum non extenditur ad illicita mā  
data & statuta, vel impossibilia, aut obuiantia ecclesiasticę liber-  
tati, de quo in c. j. de iure iur. lib. vj.

¶ Sciat iunior quadruplex esse genus iuramenti.

¶ Primum est decisorium, quod desertur in defectu probatio-  
num, & deciditur causa per illud inter litigātes. De hoc habet in  
c. fi. de iure iur. Et tale est triplex. Quoddam. n. est iuramentum  
conventionale, seu voluntariū, super quo partes ipse conueniūt  
inter se extraiudicialiter, vt si petis à me decem, & ego nego tibi

C debere,

debere, tñ deferro tibi iuramentum, q tu suscipis, & iuras me tibi debere. Aliud est necessarium q necessitate à iudice imposita deferretur vel suscipitur iudice deferente nec potest recusari nisi ex iusta causa l mandante ff. de iureiur. Quoddam est delatorium & iudiciale, q in iudicio à parte parti deferretur, vel refert, & manifestè turpitudinis & confessionis est, nolle iuramentum delatum suscipere nec relatum subire vt dñ in l. manifestè. ff. de iureiur. vide gl in al c si eo ti ¶ Secundum est iuramentū de malitia, q præstatur super exceptionibus vel cum aliquid loco exceptionis proponitur Et præstatur hoc antequam post litem cō testa. semel vel pluries. in ciuilibus & spiritualibus ac criminalibus causis, quotiens præsumptio est contra aliquē q aliquid malitiosè proponat, vt ff. ad exhiben. l. thesaurus, de ele. cū dilectus vbi suspectus est qui post terminum peremptorium dilatoriam proponit, & ideo ibi iurat, vide capitulum secundum de iuramēto calumniæ libro sexto, Tertium est iuramentum de veritate dicenda, quod præstatur in spiritualibus vel annexis spiritualibus in quibus non iurabitur calumnia secundum antiqua iura, vt in capitulo literas, de iuramento calum. Sed dicit Spec. certè cum maius periculum sit in his calumniari quam in ciuilibus, multo fortius videtur in spiritualibus de calumnia iurandum. Et ita hodie seruatur. vt in c j §. vi eo ti lib vi.

¶ Quartum est de calumnia scilicet vitanda de quo supra dixi. ¶ Differt autem iuramentum de calumnia à iuramento de veritate dicenda, quia in isto respondetur de scientia quam iurans scit, hoc est, de eo q iurans scit vel nescit esse verum. In iuramēto verò calumniæ, iuratur. de credulitate. i. secundum q iurans credit & estimat, taliter tenetur respondere.

¶ Item iuramentum calumniæ differt à iuramēto malitiæ Quia iuramentum de calumnia præstatur tñ post litem con. vt patet ex tex. c qm̄ contra de proba. ex ordine verborum, & ex serie rubricarum secūdi libri decreta. vbi post rubricam de litis con. ponitur rubrica de iuramento calumniæ. Iuramentum autem malitiæ potest præstari & ante & post, de ele. cum dilectus. c. in causis, de testi. & c. pe. & vlt. Item iuramentum calumniæ semel tantum præstatur in causa & extendit se ad omnes actus cause vt supra. Iuramentum verò malitiæ præstatur quotiens aliquid dici vel fieri malitiosè præsumitur, etiam si de calumnia vel veritate

estate iuratum sit, vt est tex. in c. ii. S. si eo. ti. lib. vj.

¶ *De interrogationibus in iudicio faciendis.*

**P**OST QVAM Præstitum est iuramentum calumniæ à partibus, vt dictū est, interrogandę sunt partes per iudicem. Et debent aduocati partium offerre illas interrogationes. Verbi gratia. Aduocatus actoris rogabit iudicem dicēs. Domine iudex interrogetis reum quo iure possidet agrum talem vel vineam. Et si reus responderit, q̄ iure hæreditario, interrogetur vltorius q̄s ille tuit cui succellit in tali re tanquam hæres. Item si reus respondeat quòd titulo emptionis rem possideat, interrogetur à quo emit & pro quanto pretio, & vbi, & coram quibus, & pro quali moneta. Et omnes responsiones rei scribendę sunt ab aduocato actoris, aliàs per notarium instante actore. Similiter aduocatus rei dicat iudici Domine iudex interrogetis actore quo iure petit rem à me. Si tunc actor respondeat quòd titulo emptionis vel donationis talem rem petat, similiter interrogetur à quo emerat vel donatam habuit. Et generaliter quicquid respondeat actor ad interrogata rei scribendum est ab aduocato rei, aliàs à notario ad instantiam aduocati ipsius rei. ¶ Si quid autē reus confessus fuerit in iudicio contra seipsum, pro conuicto habebitur, & feretur sententia contra eum ex ipsius confessatis.

¶ Nec obstat si dicatur quòd in confessum nullę sunt partes iudicis. l. proinde. ff. ad l. aqui & c. preterea de transac. Quia illud verum est in cognoscendo, non in sententiando. Ita quòd iudex contra confessum, non interponit officium suum cognoscendi, sed bene sententiam ferendi. Nam contra confitentem ex sua confessione feret sententiam. ¶ Prædictę verò interrogationes non semper fieri solent, neque ybique locorum, sed sepius prætermittuntur ab aduocatis.

¶ *De positionibus.*

**V**NDE Positio secundum Io. An. est brevis verborum formula, mentem ponentis continens ad veritatē eliciendam concepta. Vel secundum Vincen. positio est assertio alicuius dicti vel facti, vt ad ipsam, aduersario ponenti respondeamus. Vnde



positioni multiplici impertinenti negatiue, captioſe obſcurę, & generali, non eſt purè reſpondendum, de quo Spec. latè in ti. de poſitio. § ſeptimo. videndum Quantum autem ad præſens atti- net. ¶ Sciendum, q̃ loco interrogationum ſucceſſerūt hodie poſitiones, vt, q̃ olim interrogatiue fiebat, hodie ſit poſitiue. Verbi gratia Dicebat olim actor. Interrogate domine iudex an reus ſit hęres & pro qua parte, hodie dicitur, ſeu ſcribit actor. Pono te eſſe talem hęredem Item pono te eſſe hęredem ex aſſe. i. tota hæreditate. &c. Ex his collige, q̃ poſitiones & interrogationes in hoc differunt. Quia poſitiones ſiunt aſſertiuę & à parte, interro- gationes autem ſiunt interrogatiue & à iudice. Conueniunt ve- rò quia tam poſitiones, quam interrogationes debēt fieri ſuper contentis in libello, ad hunc finem, vt per confeſſionem aduer- ſarii releuetur ponens ab onere probandi. c. j. de confeſ. lib. vj ff. de inter. aſt. l. ii. iii. & iiii. Nam qui poſitiones vel interrogata confi- tetur. habetur pro conuiſto. C. de confeſ. l. vnica § j. Et poſitioni- bus non reſpondere iuſſus per iudicem habetur pro confeſſo. c. ij. de confeſ. lib. vj. & c. fi. de iura. cal. in fin.

¶ *Confeſſio quando noceat.*

**A. D.** Hoc autem vt alicui noceat propria confeſſio multa re- quiruntur, quę complectuntur his verſibus.

*Maiores, ſponte, ſciens, contra ſe, vbi ius ſit & hoſtis.*

*Certum, nec natura, fauor, lis, ius ve. repugnet.*

¶ Hęc declaratur in gl. c. fi. de confeſ. in antiquis, & ibi Ab.

¶ Dicitur maior. Quia ſi aliquis infra. xxv. annos confeſſus fue- rit contra ſeipſum, non ſibi præiudicat ff. de min. l. non omnia.

¶ Sponte. Quia confeſſio per metum extorta non nocet, & eo minus per torturas, niſi perſeueret confitens. Nihil enim ratum eſſe poteſt quod metu extorquetur. ff. de quæſti. l. j. reſpon. j.

¶ Sciens. Quia ſi quis fuerit confeſſus per errorem contra ſe & probet erraſſe, non nocet ei. Nihil enim eſt tam contrarium cõ ſenſui quam error, & qui errat non conſentit. xxix. q. j. § j.

¶ Contra ſe. Quia confeſſio pro ſe non prodeſt xiii. q. ii. § j.

¶ Ius ſit. Quia confeſſio extra iudicium aut nō coram ſuo iudi- ce facta, non nocet de iudi. at ſi clerici.

¶ Hoſtis vbi ſit. Quia ſi fiat confeſſio abſente hoſte. i. aduerſa-  
rio



rio vel procuratore suo non nocet confitenti. ff. de interro acti. l. vlti. §. Certum. Quia si ille qui confitetur dat incertam & obscuram responsionem de aliqua re, non valet confessio.

¶ Nec natura repugnet. Quia si quis confiteatur quidpiam quod esset contra naturam, non nocet, vt si quis confiteatur se occidisse hominem qui adhuc viuit, vel illum esse filium suum qui est senior eo. ¶ Nec fauor repugnet. Quia si aliquis ingenuus cōfiteatur se esse seruum, non nocet ei si probauit contrarium, & hoc est propter fauorem libertatis. Nam libertas est res inestimabilis ff. de reg. iu. l. libertas.

¶ Lis repugnet. Quia si aliquis confitetur super aliqua re de qua non est lis, non nocet ei confessio. Verbi gratia. Tu petis à me agrum, & ego confiteor quòd domus mea non est. ¶ Iusve repugnet. Quia si confessio fiat contra ius, non nocet, vt si Christianus confiteatur se esse seruum iudei, de iude. c. si vel confiteatur se maritum infidelis xxviii. q. j. caue. ¶ Et nota q̄ ad positiones debet respondere pars, non aduocatus, imo cauti iudices solent tunc aduocatos expellere, ne doceant clientulum falsum respondere. alias tenentur tales aduocati ad damna refarcienda quę ob hoc pars aduersa pertulit ex onere probandi vel amissione causę de iniur. c. vlt. l. dis. sepe. Quia qui occasionem damni dat & c. d. c. vl.

¶ *Positiones & ante litem con. & post.*

ITEM Nota q̄ quādocūque faciendę sunt probationes, fieri possunt positiones siue ante litem con. siue post Verbi gratia. Si reus citatus vult actorem repellere à iudicio ante litem con eo quòd ipse actor sit excoicatus quia percussit clericum, tunc reus sic ponet. Pono quòd percussisti talē. Itē quòd in tali parte corporis. Item pono quòd gladio. Item quòd in tali loco. Item pono quòd tali die. Item pono quòd talibus presentibus. Item q̄ ex tali causa turbatus percussisti illum. Item pono quòd animo iniuriandi. Item quòd ille tunc erat clericus. Item pono quòd sciebas illum clericum esse & vidisti cum deferre tonsuram & habitum clericalem. His enim per actorem confessatis, probata est excommunicatio, alias reus hoc tenebitur probare. Vnde solet apponi in fine positionum. Hęc si negata fuerint probare intendit, ad superfluum tamen probationem se non astringendo.

do, de quo solenniter protestor vel protestatur. ¶ Post litem & contestatam fiunt positiones. Verbi gratia. Peto aliquem ab ecclesia quam contra iura retinet remoueri, & dicam sic. Pono medio iuramento, meo quod talis N. habet & possidet ecclesiam sancti Petri in tali loco Item Pono, q̄ habet & possidet ecclesiam sancti Marci. Item q̄ quolibet habet curam animarum, Item pono q̄ eas post concilium generale (de quo in c. de multa, de præb) acquisiuit. His enim confessatis succumbit reus, nisi dispensationem vel iustam causam ostendat. De huiusmodi positionibus vide op gl mag in c. j. de confess. lib. vj. & infra in practica exemplari.

¶ *De specibus probationum.*

**D I C T V M** Est quid iuris sit quando reus in iudicio confitetur ea quæ actor contra eum proponit. Verum quia negante reo incumbit actori probatio v. q. vlt c. fi. ideo videndum est de probationibus ¶ Est autem probatio, rei dubiæ in iudicio legitime facta declaratio, & hoc fit per testes, per instrumenta vel aliis modis, qui principales sunt nouem. Versus.

*Aspectus, scriptum, testes, notoria, sculptum.*

*Iurans, confessus, præsumptio, fama probatum.*

¶ Primus modus est per aspectum corporis, vt si vir dicat se cognouisse mulierem & illa negat, committitur mulier inspicienda matronis peritis & probis, an remaneat virgo c. proposuisti, de proba. Item probatio fit per aspectum in atroci iniuria ff. de iniur l. ii. Atrox enim iniuria ponderatur ex loco & vulnere & coram quibus, insti de iniur § atrox. Vnde assertioni medicorum creditur, an sit vulnus letale nec ne. c. ad aures, de æta. & qua. l. septimo mense ff. de sta. ho Item probatio fit per aspectum in ætate ff. de mino. l. minor c. puberes, de despon imp.

¶ Secundus modus probationis est per scripturam instrumenti publici. de quo infra videbimus. ¶ Tertius per testes plures. c. licet vniuersis de testi ¶ Quartus per euidenciam facti & notorietatem, vt si clericus habet animalia bipedia super terram gradiente in domo conuincitur per euidenciam facti de incontinentia c. tua & c. clericos. de coha cle & mul ¶ Quintus per scripturam antiquorum librorum. vel per sculpturam in lapidibus & imaginibus. c. cum causam. de proba. ¶ Sextus per iuramenti dila-

tionem-

tionem. i. quando vna pars alteri desert iuramentum vt iuret q̄  
ita sit sicut dicit. c. fi. de iureiur. ¶ Septimus per spontaneam pro-  
priam confessionem in iure factam ii q̄ j. nos in quemquam, de  
quo supra vidimus, vide tex. in c. cum ad sedem, de resti. spol.  
¶ Octauus per presumptione violentā vt in c. literas de præsump.  
Vt cum videtur solus cum sola, nudus cum nuda, in loco suspe-  
cto præsumentur q̄ eam cognouit carnaliter. ¶ Nonus per famā  
cum aliis præsumptionibus. c. tertio loco de præsump. Et si iu-  
dex dubitat de fama, quærat a vicinis ff. de magi conue. l. j. Po-  
test autem fama probari per duos testes. c. in literis, de testi. ita  
quod testes iurabunt famam esse sparsam per viciniam de re de  
qua fama esse dicitur. Et per famam cum vno teste in causa ciui-  
li sit plena probatio c. sicut de proba. Non tamen debet quis cō-  
demnari de crimine per famam & vnum testem, vt in gl. ii. in c.  
veniens i. de testi. Nam in crimine debent esse probationes aper-  
tissime, & clariore luce meridiana, secus in causa ciuili l. fin. C.  
de proba. ¶ Nota q̄ si pariter & æqualiter probant actor & reus,  
debet reus absolui Quia cum sint partium iura obscura, reo po-  
tius fauendum est quam actori. c. ex literis de proba. Et hoc ve-  
rum est, nisi actor fauorabilem causam foueat. c. fi. de re iudi.  
Versus.

*Stat testamentum, libertas, coniugium, dos.*

*Si sunt æquales qui producuntur virinque.*

¶ *De speciebus præsumptionibus.*

ET QVIA Supra mentio facta est de vehementi præsump-  
tione ideo nota q̄ quatuor sunt species præsumptionis. Quæ-  
dam enim præsumptio est temeraria quæ con surgit ex causis &  
suspitionibus leuibus & à malis hominibus. Vt si videro virum  
cum muliere semel colloquentem & præsumo eos loqui de re il-  
licita, præsumptio hæc esset temeraria, quia possunt licita & ne-  
cessaria tractare, & talis repellitur à probatione. vi q̄ j. oues c. fi.  
de præsump. Nam de quolibet præsumentum est bonum, nisi  
probetur contrarium, vt ibidem dicitur ¶ Alia est probabilis seu  
verisimilis, q̄ cōsurgit ex multis causis & suspitionibus simul iun-  
ctis, vt si vir visus est sæpe cū muliere in secreto confabulari &  
vterq; est iuuenis præsumentur illicita tractare, ar. lxxxii. dis. cle-  
ricus solus Et dī probabilis & iusta i. iuste causata & non teme-  
rè. Veri-

re. Veriſſimilis autem, quia reddit factum veriſſimile, non tamen ita violententer vt ſufficiat ad ſententiam, ſed iudex procedet in doctrinam in c. ii. de cohab. cle. & mul. & no in gl. ſi. c. inſinuat-um, de ſimo. & c. ſi quis de pur. can. ¶ Tertia eſt violentia quæ conſurgit ex cauſis magis virgentibus & vehementer probantibus de qua ſupra in octauo modo probationum exemplificatū eſt, & hæc reputatur ſufficiens ad pronuntiandum & condemnandum, vt in c. literas. & c. tertio lo. o. de præſum. xxxii q. j. dixit dominus. ¶ Quarta eſt neceſſaria quæ eſt iuris & de iure ſi-mul, cum ſcilicet ius præſumit aut fingit & ſtatuit de præſump-tio vel ficto, contra quam præſumptionem vel fictionem non admittitur in contrarium probatio Vt ſi mulier ſponte cohabi-tat viro & poſtea dicit ſe inuitam ei nupſiſſe nō creditur ei: imo præſumitur q̄ per talem cohabitationem in eum conſenſerit, adeo q̄ non admittitur mulier ad probandum contrarium, vt in c. ad id & is qui ubi bo gl. de ſpon. Vide gl. in c. ferrum. l. diſ. & gl. op. in l. non eſt veriſimile ff. quod met. cau. Vide Panor. in c. quan-to, de præſump.

¶ De numero & iuramento teſtium.

Q V I A Item dictum eſt ſupra in tertio modo probationi<sup>3</sup> q̄ probatio fit per teſtes plures No q̄ in qualibet cauſa regulari-ter ad minus duo teſtes idonei ſunt neceſſarii iuxta illud Mat-thæi xviii. In ore duorum vel trium teſtium, ſtat omne verbū. c. veniens. i. & c. licet vniuerſis. de teſti. Et hii non ſunt introdu-cendi in iudicium niſi poſt litem conteſta vt lit non conte per tot Et debent iurare (cuius iuramenti forma ſupra poſita eſt cū diximus de perſonis in iudicio interuenientibus) alias non credi-tur eorum deſitionibus quantuncunque præfulgeant digni-tate. vt in c. nuper. & in c. tuis eo ti ¶ Item citatio præmitti debet tam contra teſtes, quam contra partem contra quam inducun-tur, vt videat pars eoſdem teſtes induci & iurare, alias eorum teſtimonium non valet c. ii. de teſti ¶ Et poſtq̄ teſtes inducī iura-uerint, tabellio iuxta ſtilū noſtrorū à tergo citationis contra teſtes emanatq̄ ſic ſcribit. Anno tali, die tali, menſis talis oblata p̄ principatē vel eius ꝓcuratorē petentē introſcriptos teſtes legiti-mē citatos admitti, alias ꝓut intro cōtineē, i ꝓſentia ex aduerſo principalis (ſi aduerſarius eſt ꝓſen.) vel eius ꝓcuratoris ꝓteſtātis  
velle

velle excipere vel opponere contra personas & dicta eorūdem  
testium loco & tempore suis oportunis, & dominus inductio-  
nem & protestationem admisit, præsentibus ibidem notariis cu-  
rie, sociis ¶ Tandem iudex, vel de mandato iudicis notarius pe-  
ritus in secreto examinabit quēlibet testem seorsum, ita quōd  
vnus non audiat alium. Et veniens ad examen testium, sic scri-  
bat, Anno tali, die tali, &c testes infrascripti. A. de S. H. de P. &c.  
citati & iurati per me N notarium causæ de mandato dñi iudi-  
cis R. pro parte nobilis A. de G. producti, sunt examinati & de-  
posuerunt in hunc qui sequitur modū. ¶ Primus testis talis &c.  
Et singulorum responsiones, vel depositiones diligenter scribat  
tam super causa principali quam super interrogatoriis aduersæ  
partis, puta an interfuit tali loco facti, vt in c. venerabili. de testi-  
bus. Et si ille dicit q̄ sic, interrogandus est quo die, quo loco lo-  
ci i. an in stuba vel caminata talis domus, & an domus sit alba,  
vel nigra. Item in qua parte anni, & quot anni transacti sunt.  
Item coram quibus hoc factum sit. De his & aliis circumstantiis  
interrogabit eos examinans, & diligenter consideret si testis pal-  
leat, aut titubet in aliquo dicto suo, quod etiam diligēter scri-  
bat, prout latius videbimus in practica exemplari.

¶ Nota, q̄ si coram iudice principalis protestatus est contra per-  
sonas testium velle aliquid excipere, vsque post publicationem  
testiū tuas exceptiones propones. Si autem coram iudice remis-  
sario tunc potes statim post eorum depositiones, tuas protesta-  
tas exceptiones contra eorum personas opponere. Vide text. cū  
no in l. iudices, & in auth. ibi, seq. C. de si instru. & in c. constitu-  
tus, de fideius. Et tali protestatione facta si quid præfati testes p̄  
te deposuerint non eis credetur, quia præsumitur q̄ ideo depo-  
nerent pro te, ne eos per tuas exceptiones de aliquo crimine re-  
pellas. c. presentium de testibus.

¶ *De publicatione testium.*

DICTIS Testium singulorum in scripto redactis, iudex, de-  
bet præfigere terminum ad publicandum, vel manifestandum  
dicta testium. Et communiter hoc facit ad instantiam partium,  
vel alterius earum quę procurat citari aduersarium ad videndū  
& audiendum publicari dicta testium. Quo termino citatio-  
nis adueniente, publicentur dicta testium in iudicio, vtraque  
parte præsente. Regulare enim est, quōd publicationes testium  
debent

42  
debent fieri vtraque parte presente, vel saltem altera per contumaciam se absentante Et talis publicatio fit per iudicem, cum pronunciat iudex, dicens. Decernimus tales attestaciones in tali causa, habendas pro publicatis. Alicubi autem legit iudex, vel de eius mandato notarius, partem illarum attestacionum publice in iudicio, & per hoc vult eas esse publicatas ¶ Facta tali publicatione testium siue eorum dictis recitatis in iudicio, petat pars contra quam, aut aduocatus eius, vt sibi iudex det copiam huiusmodi attestacionum, id est testimoniorum Petat etiā alia pars, vel eius aduocatus, quòd iudex præfigat terminum ad excipiendum cōtra personas & dicta testium. Et omnia ista tabello astitet in scriptis Quo die seu termino sibi præfixo ad excipiendum adueniente, pars cōtra quam accedat ad iudicium & excipiat, tam contra personas (si vult) quam contra dicta testium contra personas in scriptis excipe ¶ Contra personas sic in scriptis excipiat Talis non potest esse testis, quia est pater, filius, vel frater actoris, vel est mulier, vel vitiosus, vel infamis, simoniacus, latro, homicida, fur, periurus, &c Et huiusmodi exceptiones dicuntur personales, quia obiciuntur contra personas testium, de quibus etiam supra dictum est ¶ Debent autem huiusmodi exceptiones dari in scriptis, vt sint occulte & non publicate vocaliter in iudicio, quia alias posset aduersarius cōtra te agere de infamia. Vide c. j. de excep. & quòd ibi not.

¶ Contra dicta testium possunt fieri sic exceptiones. Domine iudex. Dico testimonium non valere propter diuersitatem loci & temporis. Quia vnus asserit, q̄ in ecclesia actum sit, alius dicit, q̄ in foro. Item vnus dicit q̄ die dominico & festo, alius die Iouis & non celebri. Item vnus dicit, q̄ tali parte anni putat in autumno circa festum sancti Michaelis, alius in æstate circa festum sancti Ioanni Baptistæ, &c. Cum ergo actor non probat intētionem suam per præfatos testes quos pro se, & sua parte, ac intentione fundanda induxit, peto vt ab impetitione & instantia ipsius me absoluatis, eidem perpetuum silentium imponendo & in expensis litis eundem mihi condemnando, vestra diffinitiuā, aut interlocutoria habente vim diffinitiuā, mediante. Hæc omnia latius infra in exemplari practica extenduntur. ¶ Sciat iunior q̄ contra testes inductos, admittuntur alij testes induci, quia appellantur reprobatorii. Item contra istos secun-  
dos



dos reprobatorios, admittuntur alii testii, qui appellantur repro-  
batoriorum reprobatorii Ita q̄ in vna & eadem causa actor ad-  
mittitur inducere testes duplices reus vero vnicos, de quo inc. ii.  
de testi. li. vi. & c. licet dilectus in anti. co. ti. Versus.

*In testem testis, & in hunc, sed non datur vltra.*

¶ *De instrumentis.*

RESTAT Videre de specie probationis, quæ sit per instru-  
menta, & de exceptionibus contra instrumenta. Est autem in-  
strumentum in proposito, scriptura ad assertionem, seu proba-  
tionem alicuius rei facta Et dicitur instrumentū, quasi instruēs  
mentem, scilicet iudicis ¶ Instrumentorum autem aliud publi-  
cum, aliud priuatum. Publicum dicitur quod publicam habet  
authoritatem Eius plures sunt species. ¶ Vno modo dicitur pu-  
blicum, quia per manum publicam est scriptum, id est per ma-  
num tabellionis, seu publici notarii. ¶ Secundo dicitur publicū,  
quod est sigillatum sigillo autentico, scilicet sigillo episcopi, vel  
capituli, vel alicuius notabilis personæ, de quo not. in c. post ces-  
sionem, de probat. ¶ Tertio dicitur publicum, quod autoritate  
iudicis authenticatum est, vel quod in iudicio scriptum est.  
¶ Quarto, q̄ habet subscriptionē duorū, vel triū testium idoneo-  
rum. ¶ Quinto dicitur publicum, quod de archiuio, id est de pu-  
blico armario vniuersitatis producitur, sicut liber censualis in  
quo census & redditus scribuntur.

¶ Priuatum instrumentum est, q̄ aliquis facit sibi scribi, vel alij,  
vel sibi & alij simul. De his not. do in c. j. de proba.

¶ Nota, quod si partes habent aliqua instrumenta per quæ pro-  
bare aliquid intendunt, debent illa producere ante publicatio-  
nem testium Non est tamen præcipitandum, vt edas instrumē-  
ta siue tua, siue aliena, nisi per compulsū, id est per literas iudi-  
cis monitorias, quibus solent monere, vt hi qui habeant aliqua  
monumenta ad talem causam seruientia inter tales agitatam,  
ea sub pœna excommunicationis coram nobis tali die reponāt.  
Et cum ea cōtigerit produci, si non est præfixus terminus parti  
aduersæ ad videndum talia produci, citetur eadem pars. Et in  
termino producti instrumēti recognoscatur sigillum per testes  
idoneos, & manus notarii.

¶ Potest etiam fieri conclusio edendi talia instrumenta per ip-  
sum



sum iudicem ad instantiam partis, quę petit executorem à iudice, ut ipse executor moneat talem, ut edat tale, vel tale instrumentum. Et hæc omnia tabellio signet in actis. De instrumentorū editione tractant do in c. j. de proba.

¶ Et si aliqua partium voluerit transcribere instrumentum, vel inspicere priuilegium alterius partis, datur ei copiam transcribendi per notariū, prius quam reddatur aduersæ parti cuius est.

¶ *De exceptionibus contra instrumenta.*

¶ *De exceptionibus contra instrumenta.*

**N**O T A N D U M Quod multis modis contra instrumentū excipitur, scilicet contra formam, stilum, filum, bullam, rasuram. Et hoc maximè fit in literis Papę, de quo tractatur in c. licet, de cri. fal. Versus

*Forma, stillus, filum, raso membrana, sigillum.*

*Hęc sex falsata, dant scripta valere pusillum.*

¶ Solennitas autentici consistit in his octo puta, ut præponatur nomen summi Pontificis, Annus domini, inditio mensis, dies, locus, testes, & nomen notarii, de quibus not. gl. in l. generali, C. de tabula. lib. x.

¶ *Terminus ad producendum omnia.*

¶ *Terminus ad producendum omnia.*

**P**O S T Q U A M Publicata sunt dicta testium in iudicio & instrumenta exhibita utrique parti ad inspiciendum, seu transcribendum concessa. Et tunc si potest pars aduersa aliquid replicare contra talia, replicet, & iterum alia duplicet, & contra iterum prior triplicet, & alia ultimò quadruplicet, rationes & allegationes inducendo pro suę causę informatione hinc inde. Deinde procurator actoris procuret citari aduersam partem ad videndum, & audiendum produci omnia, & singula iura & munimenta, literas, scripturas, priuilegia, & instrumenta sibi in huiusmodi causa necessaria, ipsumque reum compelli ad dicendum contra ea, si quid habeat, verbo, vel in scrip. ¶ Quo termino adueniente, procurator actoris dicat: Ego procurator & nomine procuratorio talis actoris, satisfaciendo termino hodierno, reproduco hæc singula, & huiusmodi producta verbo Et si habuerit aliqua, quæ non sunt prius producta, illa producat in scriptis.

ptis. ¶ Et procurator rei sic dicat. Ego peto mihi dari copias istorum de nouo productorum, & terminum statui ad excipiendum, siue dicendum verbo, vel in scriptis contra omnia & singula producta in huiusmodi causa. Et tunc si vult actor, vel eius procurator, replicet contra illas exceptiones, & reus iterum duplicet contra replicationes, prout supra.

¶ *Terminus ad concludendum in causa.*

**D**EINDE Actor vel suus procurator procuret reum, vel ipsius procuratorem citari ad videndum, & audiendum concludi in huiusmodi causa, vel ad dicendum & allegandum causas rationabiles, quare in huiusmodi causa concludi non debeat. Et idem potest facere reus, vel suus procurator, si videret actorem deficere, & tepescere in causa. ¶ Quo termino adueniente actor, vel eius procurator dicat. Ego procurator, & c. ipse actor peto in huiusmodi causa concludi, & mecum pro concluso haberi. Ex aduerso autem reus, vel suus procurator si quam habuerit causam rationabilem, quare in huiusmodi causa non sit concludendum, illam proponere debet. Et si illam causam iudex audire recusauerit, reus vel suus procurator protestari debet de grauamine, & appellando. Quod semper facere debet, quotiens se grauari prætendit.

¶ Sed si reus vel ipsius procurator non habuerit causam rationabilem impediendi conclusionem, iudex potest cum ambabus partibus concludere in huiusmodi causa, & pro concluso habere, & ex post partibus hinc inde terminum assignare ad videndum, & audiendum sententiam diffinitiuam in huiusmodi causa ferri & promulgari.

¶ Scito autem, quod apud nos frequenter iudices non concludunt in causa, nisi dum debent diffinitiuam pronunciare. Vnde antequam incipiant legere sententiam, dicunt sic. Concludimus in causa, dilationes & appellationes, si quæ sunt, rescamus.

¶ *Sententia duplex.*

**Q**U<sup>IA</sup> Tractandum est nobis de sententia. Ideo præmittendum est, quòd sententia, alia est interlocutoria, quæ est sententia semiplena, & profertur inter principium & finem causæ, non super principali negotio, sed super emergentibus, vel emergenti, vel incidentibus quibusdam questionibus, vt super libello, per partem offerendo, vel ad eundem libellum respondere partem cogendo, vel dilationes in tali productione testium vel instrumentorum dando. Et hanc reuocare potest iudex, siue ordinarius, siue delegatus, siue arbiter. Vide glo. ij. q. j. in sum & glo. in cle. vnica. de seques. pos. & fru.

¶ Alia est sententia diffinitiuæ, quæ est iudicialis diffinitio, controuersię finem imponens ex pronuntiatione iudicis, condemnationem, vel absolutionem continens, vt l. j. ff. de re iudi. Quæ semel latam, iudex reuocare non potest, siue benè, siue malè tulerit etiam si sit successor iudicantis C. sen. rescin. non pos. l. j. Et iudex esse definit, & officio suo fungi, licet adhuc retineat iurisdictionem quo ad exequendum eandem sententiam c. in literis. & c. quærenti. de offi. dele. l. iudex. ff. de re iudi.

¶ Ferenda autem est sententia à suo iudice, quia aliàs à nō suo iudice lata est nulla, vt in c. at si clerici, de iudi. etiam in foro poli. vt in c. quòd autem, & c. omnis de pœni. & remis.

¶ Itē quomodo sententia fit iniusta tribus modis, scilicet ex causa, ex animo, & ex ordine. Vide gl. iij. c. sacro. de sen. excom.

¶ *Terminus ad videndum, & audiendum diffinitiuam ferri.*

**P**OSTQUAM Itaque producta sunt omnia causæ munimēta, & allegationes sunt factę ab aduocatis partium, iudex debet motum animi sui informare secundum dicta testium & instrumentorum, quibus lux veritatis magis assistat capitulo præterea, de testi. & maximè secundum allegationes, & rationes aduocatorum, & iurisperitorum. Deinde cum iudex inspexerit, & discussisset merita causæ plenissimè, debet ipsum negotiū terminare per diffinitiuam, postquam conclusum est in causa. Et tunc adueniente termino, quo debet sententia ferri vna pars procuret

procuret aliam citari ad videndum & audiendum sententiam diffinitiuam in huiusmodi causa ferri. Et in eodē termino pars citans, vel eius procurator dicat sic. Ego procurator talis N. produco citationem debitē executam, & partis aduersæ non comparentis accuso contumaciam, ipsamque contumacem peto reputari, & in eius contumaciam sententiā diffinitiuam pro me & parte mea, & contra partem aduersam, secundum formam petitionis per me superius in libello oblata, in scriptis ferri, & promulgari.

¶ Et si alia pars, vel eius procurator fuerit præsens, potest sic dicere. Ego N. nomine procuratorio talis, protestor de non consentiendo in sententiā diffinitiuā ferendam. Ex eo, quod causas rationabiles pposui, & allegaui in causa huiusmodi, & alias protestor de grauamine, & appellando.

¶ Vel secundum exigentiam materiæ potest sic dicere Ego. N. peto ēt sententiā diffinitiuam pro me, & parte mea, & contra partem in huiusmodi causa aduersam ferri, & promulgari.

¶ Et tunc dominus iudex pronuntiando ferat sententiā diffinitiuam sedendo pro tribunali, in loco & tempore consueto iudicandi, vt in c. si de re iudi. lib. vi. nō in aliquo loco inhonesto, vt coquina, stabulo, &c. Et debet eam ferre vtraque parte præsentē, vel altera per cōtumaciam absente. Itē in scriptis est pronuntianda, alias nec potest habere nomen sententiæ, vt d. c. fin. de re iudi. li. vi. Vnde sic in scriptis pronanciatur.

¶ Christi nomine inuocato, & ipsum solum præ oculis habentes, in causa quæ vertitur inter A. talem ex vna parte, & N. talē ex altera super tali vinea, allegationibus & meritis causæ auditis. hinc inde propositis, & examinatis, ex his quæ vidimus, & in huiusmodi causa cognouimus de consilio iuris peritorum, dicimus, decernimus, & declaramus, ipsum N. ab instātia ipsius A. absoluendum prout absoluiumus, ipsi A. perpetuum silentium imponendo in huiusmodi vinea, & ipsum prædicto N. in expēsis litis condemnando, quarum taxationem nobis in posterum reseruamus, per hanc nostram sententiā diffinitiuam.

¶ Et tabellio subscribit. Lata & lecta est talis sententia per talem iudicem Anno & die tali, in præsentia partium, &c.

¶ Et pars pro qua fuerit lata, vel suus procurator potest sic dicere: Ego procurator & nomine procuratorio talis, in quantum huiusmodi

huiusmodi sententia pro parte mea, & cōtra partem aduersam facere videtur, & nō alias per vos notarium causæ huiusmodi, mihi publicum instrumentum fieri & confici peto. Inquātum verò contra partem meam faceret, & pro parte aduersa, ex tūc protestor de grauamine & appellando. &c.

¶ Ex aduerso alia pars contra quam sententia est lata, vel suus procurator dicere debet. Ego procurator vice & nomine procuratorialis N dico huiusmodi sententiam (si sic dici meretur.) fore iniustam & iniquam honore & reuerentia saluis, & protestor de grauamine & appellando. Et tunc infra decem dies ab illo grauamine, & sententia sic lata, debet in scriptis appellare alias enim sentētia transiret in rem iudicatam. ii. q. vi. biduum, Videndum est igitur de appellatione.

¶ De appellationibus.

**A**PPELLATIO Est prouocatio à minore iudice ad maiorem, ab iniqua sententia, vel iniquo grauamine illato, aut per iudicem comminato. Si enim iudex iniquè sententiat, vel grauat, aut comminatur contra aliquam partem, pars taliter grauata potest appellare iudicem superiorem super tali sententia, vel grauamine. Ex hoc patet effectus finalis appellationis, scilicet vt iniquitas, vel imperitia iudicantium corrigatur. Nonnunquam tamen benè latas sententias superior in prius reformat. c. cum speciali § porro. de appel. Item vt homines oppressi releuentur. j. q. vi. ad romanam. ii. & per tot. illam q.

¶ Et semper à minore iudice ad maiorem est appellandum ad quem spectat, & pertinet, vt per suam sententiam cōfirmet, seu approbet, vel infirmet sententiam iudicis à quo, & declaret benè, aut malè fuisse appella.

¶ Et regulariter gradatim est appellādum ab ordinariis, vel eorum vicariis, vt ab episcopo ad Metropolitanum, à quo ad legatum Papæ, & à legato ad Papam, vt not in c. dilecti. iii. co. ti. Vide glo. lon in c. vt debitus co. ti. post med. Sed tamen omni medio omisso, potest immediatè à quolibet iudice appellari ad Papam. ii. q. vi. ad romanam, quia ipse est ordinarius ordinariorū non habens comparem ix. q. iij. cuncta. Imo etiam omisso medio potest appellari ad legatum Papæ, vt est glo. in ver. curiam.

c. romana.

c. Romana. §. j. de appe. lib. vj. & ibi doct. Item nisi proximus in gradu non esset catholicus, vt in c. quia diligētia. de elect. Item nisi recusetur vt suspectus, vt not. in c. Si is cui. de offic. deleg. lib. vj. Item nisi consuetudo disponat contrarium, vt est tex. in d. ca Romana. §. j. de appel. lib. vj. de quo ibi videte doct. Item nisi omittatur exceptio contra appellationem omisso medio interiectam, secundum glo. in cap. dilecti sui prior. de appel.

¶ Item appellandum est à die latæ sententiæ inclusiue, infra decem dies, & post decem dies nō auditur appellans. ij. q. vj. anteriorum. Et appellandum est in scriptis. Et debet causa legitima exprimi, si appellatur ab interlocutoria. Si autem à diffinitiuā, potest incontinenti appellari verbo, dicendo Appello, etiam si non addatur à sententia iniqua & iniusta. Et tandem infra decem dies in scriptis, etiam sine expressione causæ, vt not. in c. j. eod. tit. lib. vj. & in l. ij. ff. de appell. Scias tamen qd si à pluribus iudicibus venit appellandum, appellatio potest interponi coram maiori parte iudicum, & Apostoli peti, etiam separatim, si eorum præsentia simul haberi nō potest, vt est tex in clem. j. de appel.

¶ Et appellando in scriptis petat reuerenter, instanter, instantius & instantissimè vno contextu, (vt in clem. ij. de app.) Apostolos, de quibus & forma eorum videbimus infra in præctica, & est tex. ij. q. vj. §. forma Apostolorum.

### ¶ De Apostolis.

DICUNTUR Autem Apostoli in proposito literæ dimissoriales à iudice à quo, ad iudicem ad quem, testificantes de appellatione, quibus continentur allegationes appellantis, & ad easdem responsio iudicis à quo. Et dicuntur Apostoli ab *epi*, qd est supra, & *ffolon*, idest missio. Sunt enim literæ ad superiorem missæ, vt dixi.

¶ Debent autem Apostoli siue libellus appellatorius seu literæ dimissoriales regulariter continere, quis, à quo, contra quem, super quo, & ad quem, coram quibus & quare appellat Et an is à quo appellatur deferat, vel non, & an appellan- tem dimittat vel non. Hoc probatur, in l. vnica. ff. de libe di-



mis. quæ est ij. q. vj. post appellationem. & opti. in cap. j. eod. tit. lib. vj. Vide Spec. in iij. parte. tit. de appellat. §. sequitur videre de Apostolis. Ad sanio rem intelligentiam præmissorum, nota quod.

¶ *Apostoli Quadruplices.*

QVIDAM Apostoli sunt conuentionales, quidam testimoniales, quidam reuerentiales, quidam dimissoriales & quidam refutatorii. de quo vide gloss. in clem. i. de appellat. & Spec. vbi supra.

¶ Conuentionales sunt, quando pars appellata admittit appellationem, siue in iudicio, iudice refutante vel tacente. siue extra iudicium. cap. sæpe. & cap. oblato. & cap. secundo requiris. eod. tit.

¶ Testimoniales sunt, qui testificantur de appellatione facta coram iudice, vel facta coram publicis vel honestis personis coram quibus absente iudice potest appellari. ca. pastoralis, ad fin. de offic. ord. c. vlt. de appel. Et isti Apostoli sunt quasi idem cum conuentionalibus secundum Spec. vbi supra.

¶ Dimissorii sunt per quos apparet quod iudex appellationi detulit, & sic partem à sua iurisdictione & potestate dimittit & causam ad iudicem ad quem remittit. ff. de libe. dimiss. l. vnica. ij. q. vj. post appellationem. ca. j. eod. tit. lib. vj. Et tunc si appareat malè appellatum, non reassumit iudex delegatus à quo iurisdictione, sed per iudicem ad quem causa finitur.

¶ Reuerentiales sunt, quando ob reuerentiam superioris, iudex à quo appellationi defert. Vt si appellantem petentem Apostolos dicat iudex. Ego ob reuerentiam sedis Apostolicæ, aut talis superioris huic appellationi defero, & talem tibi terminum præfigo ad prosequendum, & hoc tibi do loco Apostolorum.

¶ Refutatorii sunt per quos apparet quod iudex non defert appellationi, sed eam refutat ex aliqua causa licita. Vt si dicat ad appellantem. Cum ex causis friuolis & frustratorijs vel falsis appellas, non defero tuæ appellationi, cum nec iura talibus deferunt, & hoc tibi do pro Apostolis, de appel. c. vt debitus. & c. cū appellationibus friuolis. eo. tit. lib. vj.

¶ Ali-



¶ Aliquando autem dantur acta pro reuerentialibus, vt tenet decisio Rota, lxx. in antiq. & tunc appellans nõ aliter se debet præsentare iudici ad quem, nisi cum actis.

¶ *Tempus petendorum Apostolorum.*

S I Appellans non petierit infra triginta dies Apostolos, talis appellationi renunciat, vt in cap. ab eo. de appel. libr. vj. Et hi triginta dies, currunt à die latæ sententiæ. ij. q. vj. §. fin. in fi. & C. de appellat. l. iudicibus, de quo glo. j. in d. ca. ab eo. & glo. 3. in clem. ij. eod. tit. de consuetudine tamen apud nos currunt hi triginta dies petendorum Apostolorum, à die interpositæ appellationis, & hanc consuetudinem approbant domini de Rota decis. 19. in nouis, & 484. in antiq.

¶ *Tempus ad prosequendum appellationem.*

**N**O T A Quod qui appellat, debet appellationem suam prosequi infra annum. cap. cum sit Romana. de appellat. & j. q. vj. ei qui appellat, Nisi iusta causa eum impediat, puta infirmitas vel captiuitas. &c. quia tunc haberet inducias biennij ad prosequendam appellationem, aliàs si infra id tempus non prosequitur, rata manet sententia vel causa redit ad priorem iudicem à quo, si ante sententiam appellatum est, vt not. in d. c. cum sit.

¶ Potest etiam iudex à quo, appellanti præfigere certum terminum infra quem appellationem suam prosequi non negligat, aliàs censetur deserta appellatio, vt in cap. personas. & c. reprehensibilis. eod. tit. vbi de hoc.

¶ *Quando non est appellandum.*

S V N T Certi casus in quibus non appellatur nec iuuat appellare. Versus.

*Appellare vetant, scelus, excellentia, pacta,  
Contemptus patris, & interdictio facta,  
Arbitrium, res quæ perit, est si longius acta.*

Vide ij.q.vj.in sum.& §.sunt etiā quorum, & C.quorum app.non recip.in l.ij.

¶ Primò non appellatur in crimine notorio. ca.cum sit Romana. §.præterea eod.tit. ¶ Secundò ab excellenti iudice, id est, à principe non recognoscente superiorem. ff. à quibus appell. non licet. l. j. Et ob id à sententia fortis, seu fortunæ non appellatur, vt si esset diuisio bonorum inter aliquos per sortes, vel per breuiā. Quia fortuna non recognoscit superiorem. Sed ratione enormis læsionis potest peti sententia fortis in melius reformari, de quo Philip. Franc. in rubr. de appel. lib. vj. ¶ Tertiò si partes paciscantur nō appellandum, vt ea l. j. §. si quis. ¶ Quartò contumax in non comparendo non appellat. xxiii. q. ii. de illicita, & d. §. sunt etiam. ¶ Quintò si princeps interdixit appellare per suum rescriptum. d. l. j. §. vlt. & c. pastoralis, & cap. vt debitus, de appel. vbi ponitur not glo. de illa clausula appellatione remota. ¶ Sextò ab arbitro non appellatur, sed petitur reduci arbitrium, seu laudum ad boni viri arbitrium. C. de arb. l. j. ¶ Septimò si res est tempore peritura, non admittitur appellatio in causa huiusmodi rei, nè in mora sit periculum. ¶ Octauò si lapsum est tempus appellandi, puta decennium, vel annus, aut ex causa biennium prosequendi, vt supra dixi, vnde si non appellatur infra decem dies sententia quamuis iniqua transit in rem iudicatam, adeò quòd de iniquitate illius conqueri non licet. c. concertationi, de appel. lib. vj.

## Tertia Pars Principalis.



VIA Illis plurimum tribuendū est officij, quibus arctiori vinculo coniuncti sumus, docet Tullius, idcò rectè facere videntur, qui primum suis, quos genere, natione, & lingua, coniunctos habēt, prodesse satagūt, deinde & alijs. Quos ego imitatus Polonus Tirunculis in Iure Polonis principaliter in seruire volens, practicam in regno Poloniae vſitatam, præmissis subiungere deliberaui in hunc qui sequitur modum.

PROCESSVS CORAM IVDICE  
DELEGATO.

¶ *Quomodo Iudex delegatus sit cum rescripto  
Impetrantis adeundus.*

**I**MPESTRANS Rescriptum, vel eius procurator accedat iudicem delegatum hora congruâ, in loco honesto. c. confuluit de offic. deleg. clem. quamuis, de appel. Assitq; ei publicus notarius, vel duæ idoneæ personæ, & in eorum præsentia præsentet rescriptum apostolicum dicens: Pater Reuerende Dominus Papa vos salutatur, & hoc rescriptum in personam vestræ paternitatis impetratum cum sua benedictione vobis mittit. Vnde supplico, vt secundum eius tenorem, seu secundum eiusdem rescripti continentiam procedere dignemini.

¶ Iudex autem ipsum rescriptum, seu commissionem reuenter birro deposito de capite inclinato suscipiens, si clausum est, cautè aperiatur, nè builla à literis ex toto separetur, alias enim nulla rescripto fides relinqueretur, arg. ca. licet, de crim. fals. Post hoc statim ipsum legatur, & totum tenorem, & bullam, & cartam, & stylum, & filum diligenter inspiciat. Et si inuenerit ipsum falsum prout not. in d. ca. licet, de crim. fals. illud rejiciat, nec ei fidem, adhibeat ix. dist. si ad sacras. Imò si euidentis falsitas est, offerentem capiat, vt in ca. ad audientiam, de crim. fals. xix. dist. in memoriam. Si verò de vitio rescripti dubitat, delegantem consulat, c. super literis. prope fin. & c. cum contingat, de rescrip. Si autem sine omni vitio fuerit, iudex præcipiat notario, vel pars eum requiratur, vt tam de præsentatione, quàm receptione faciat publicum instrumentum. Vel præsentatio & receptio & totus tenor rescripti, scribatur inter acta, iuxta doctrinam. c. quoniam contra. de prob.

¶ *Forma Instrumenti super præmissis.*

**NOTARIUS** Ergo super præmissis sic concipere potest Instrumentum.

¶ In nomine Domini. Amen. Anno mense, die, loco talibus. &c. in mei notarij infra scripti & testiũ subscriptorum præsentia, talis. P. principalis, vel eius procurator talis, in præsentia talis domini vel canonici constitutus, quasdam literas Apostolicas, vel Imperatoris, aut Regis, aut Metropolitani, vel Episcopi &c. cum vera bulla & filo pendentibus, vel cum sigillo cereo, vel ceræ albæ impresso ad cordulam de serico pendenti, & habenti in circuitu sui tales literas, infra circulum verò tale signum vel talem imaginem (& hic exprimat formam bullæ Papalis, vel sigilli Imperialis aut episcopalis) obtulit, præsentavit & dedit eidem, requirens eũ sollicitè, quòd in causa sibi delegata procederet iuxta ipsarum continentiam literarum. Quas quidem literas dominus cum ea qua decuit reuerentia, suscepit & perlegit. Quarum tenor, prout ego notarius vidi & legi, talis erat. Clemens Episcopus, servus servorum Dei &c. Vel Ioannes de Conari Episcopus Cracouien. &c. Et inserat notarius totum tenorem rescripti de verbo ad verbum. Et tandem subiungat illam clausulam. Post quarum quidem literarum oblationem &c. talis impetrator supplicauit, vt supra. Et dominus decreuit citationem contra & aduersum reum, vel alios in literis rescripti principaliter nominatos & ad alia procedi iuxta eiusdem rescripti continentiam. Actum anno, die & loco præmissis, præsentibus talibus N. & N. testibus.

¶ Et in fine Instrimenti notarius ipse se subscribat more solito sic. Ego. N. talis, tali autoritate notarius, præsentationi præscriptæ literarum & earum cum reuerentiã susceptioni & alijs dum sic vt præmittitur fierent & agerentur rogatus vna cum præmemoratis testibus interfui & de mandato prædicti iudicis autoritatem præstantis, hæc scripsi & transcripsi. nil addendo, vel minuendo, vel mutando, & in hanc publicam formam redegi.

¶ Sit autem cautus notarius vt & ipse diligenter rescriptũ inspiciat. Nam cum eum oporteat in suo instrumeto asserere se vidisse ipsum integrum, illæsum, incorruptum & saluum, si post contrarium apparebit eius instrumentum poterit meritò redargui falsitatis, nisi vitiũ probetur postea subsequutum. Caueat etiam nè falsum asserat. c. inter. de si. inst.

Nec

Nec actor vel reus falso instrumento vtantur, vt in c. ad falsa rorum, de crim. falsi. Vide de præmiss. Spec. in tit. de rescript. præsentatione per totum.

¶ Apud nos autem circa rescripti præsentationem ipsi delegato, notarius loco instrumenti, de quo supra proximè facta est mentio, scribit actum communiter à tergo commissionis, in quo actu testificatur sic. Anno, die & loco talibus, talis principalis, vel eius procurator, præsentis commissionis literas tali domino obtulit, & petiuit iuxta illarum intro continentiam procedi. Et dominus cum ea qua decuit reuerentia, susceptis huiusmodi commissionis literis, citatorium contra partem aduersam intro contentam decreuit, vt supra præsentibus. N. & N.

¶ Fiat tandem citatio sub titulo, & sigillo commissarij, seu delegati in quo totus tenor rescripti ipsius delegantis inferatur. Et mandetur pars citari vt compareat legitime ad videndum, & audiendum fundari iurisdictionem, seu iudicem se competentem pronunciari, aliàs ad dicendum, & allegandum si quas legitimas rationes habuerit contra huiusmodi commissionem nobis factam. &c. Forma autem huiusmodi citationis iudicis delegati supra posita est, vbi de citatione diximus.

¶ *Citatus comparens coram delegato.*

**A**D V E N I E N T E. Itaq; termino citationis iudicis delegati, procurator rei coram eo pacifice, & reuerenter compareat. Et si vult sic verbo dicat. Ego procurator, & nomine procuratorio talis. A. &c. ante omnia protestor quòd in vos venerabilem virum talem. &c. tanquam in iudicem competentem, aut in vestram prætentam iurisdictionem si quam habere prætenditis in hac parte, non consentio, neque consentire intendo, quouis modo, nisi in quantum de iure debeo, & astringor. Et si vos venerabilis domine &c. utique habere prætenditis aliquam iurisdictionem ex commissione, tunc ego peto nomine procuratorio quo supra huiusmodi commissionis, & iurisdictionis copiam mihi fieri, & terminum competentem ad dicendum contra statui, atque dari, aliàs ego protestor de grauamine, & appellando.

¶ Notarius sic scribat. Anno tali, die tali. &c. Honorabilis. L. procurator, de cuius procuratorio apud acta constabat, talis. A. ad hodie citati comparuit, & protestatus est de non cōsentiendo in iurisdictionem domini, nisi in quantum de iure teneatur, petiuitq; sibi dari copias rescripti, aliās commissionis, & terminum ad dicendum contra commissionem, & iurisdictionem huiusmodi assignari. Et dominus iudex rescriptum originale exhibuit, ipsiusque cōpiam fieri decrevit, & terminum ad dicendum contra præfixit ad octauam, præsentibus. A. B. & me Notario publico.

¶ Si verò actor in huiusmodi termino absens fuerit, citra approbationem iurisdictionis reus facta protestatione de comparitione sua, & de expēsis quas fecit eundo ad terminum, & de absentia actoris accuset contumaciam eius, & petat actorem sibi in expensis condemnari, & processus contra eum decerni, cum maior sit contumacia actoris, quàm rei. c. causam quæ. de dolo, & contumaz.

¶ *Terminus ad dicendum contra commissionem.*

ADVENIENTE Termino ad dicendum contra commissionem & iurisdictionem delegati, siue reus compareat in termino, siue non, procurator actoris dicere potest. Reuerende Pater. Terminus per vestram paternitatem est ad hodie limitatus, vel talis est citatus ad dandas exceptiones contra commissionem, & iurisdictionem vestram in causa tali contra talem. Vnde accuso eius contumaciam non comparentis, & in termino nil facientis, petoque per vos iurisdictionem fundari, & se iudicem competentem causæ, & partibus pronunciari.

¶ Si verò reus præsens fuerit, vel eius procurator, potest sic dicere verbo. Reuerende Pater citra approbationem iurisdictionis vestræ iuxta exigentiam termini ad hodie limitati, produco exceptiones tori declinatorias. Et easdem offerat in scriptis, & porrigat notario causæ. Quæ sic possunt concipi, & formari.

¶ *Exceptiones*



¶ *Exceptiones contra commissionem & iurisdictionem.*

**C**ORAM Vobis venerabili viro domino Tho. Ro. Canonico & officiali generali Bonon. procurator & nomine procuratorio nobilis A. de B. diocœsis Bononien. citra approbationem iurisdictionis vestræ personaliter comparens protestans quòd in iurisdictionem vestram, si quam fortè in præfato A. nobili habere prætenditis vigore cuiusdam prætensi rescripti Apostolici sub forma. Ea quæ de bonis. &c. pro parte. P. de C. plebani diocœ. Bonon. obtenti. non consentit nec consentire intendit, sed si qua dixerit proposuerit vel allegauerit quæ iurisdictionem vestram aliquatenus approbare videantur, illa vult habere pro non dictis & allegatis, de quo solenniter protestatur. Et protestatur quòd non comparet coram vobis tanquam iudice sibi competenti, sed tanquam persona veneranda, cum vobis nulla iurisditio in prædicto A. nobili competat ex vi prædicti prætensi rescripti, prout ex causis & rationibus infra deductis in modum exceptionum clarius apparet.

1 ¶ Et primo procurator in modum exceptionum deducit quòd vos venerabilis domine, in causa præsentis iudex esse non potestis, pro & ex eo quia regulariter secundum canonicas sanctiones actor forum sequi rei debet, vt habetur in c. cum sit, de for. compet. Et quia nobilis A. est laicus & de foro seculari, ideò non debet nec potest trahi per P. clericum aduersam partem in causa, ad iudicem & iurisdictionem spirituales, qualem vos esse & habere prætenditis vigore cuiusdam prætensi rescripti per prædictum P. in vestram personam vt asseritur impetrati & obtenti. Vnde in præsentiam vestri præfatus nobilis A. non tenetur nec debet comparere, nec vos iudex eius competens esse potestis.

2 ¶ Item pro & ex eo iudex esse non potestis vigore præfati prætensi rescripti. Quia actor existens alterius diocœsis quàm reus, non potest de iure delegatum impetrare in sua diocœsi, vt habetur in c. statutum. §. cum autem, de rescript. lib. vj. Cum igitur memoratus P. in hac causa pars aduersa sit diocœsis Craco. Nobilis verò A. qui trahitur diocœsis Geneznen.

Genezenen. Propter quod ad præsentiam vestri in diocæsım Craco. de iure non potuit præfatum A. trahere. Et consequenter nec vos iudex esse potestis.

3. ¶ Item posito & non concessio quod prædicta non obstant, prout in rei veritate obstant, adhuc iudex esse non potestis, pro & ex eo quia prætensum rescriptum est obtentum & impetratum per non procuratorem. Et huiusmodi rescripta secundum iuris dispositionem nullius sunt momenti, ut habetur de rescrip. c. nonnulli. §. cum autem lites, cum suis concordant. circa, glo. annotatis.

4. ¶ Item pro & ex eo iudex esse non potestis, quia cautum est in iure, quod etiam in casibus in quibus iura permittunt aliquem trahere extra suam diocæsım, de quibus nullus habetur in præsentia causa, reus non debet trahi à fine suæ diocæsıs ultra vnam dietam, ut not. de rescrip. ca. statutum. §. cum autem actor. lib. vj. cum alijs quampluribus iuris concord. super ista materia concordantibus, Et quia prædictus P. in vim prædicti prætensi rescripti traxit dictum A. ultra vnam dietam à fine suæ diocæsıs, propter quod iudiciū nullum, cum dictum rescriptum nullam vobis tribuat iurisdictionem propter clausulam irritantem quæ ponitur in fine. d. c. statutum. Quod autem prædicta sint vera, præfatus procurator offert se probaturum legitimis documentis, & ad ea probanda se petit admitti, de quo solenniter protestatur.

¶ Ex præmissis igitur, & quolibet præmissorum præfatus, procurator nomine quo supra procuratorio, salua protestatione de non approbanda iurisdictione vestra domine venerande, petit per vos, & per vestram interlocutoriam sententiam, dici, pronuciari, decerni, & declarari vos ex causis supra deductis in exceptionibus, non potuisse, nec posse esse iudicem competentem in hac causa: rescriptumq; in personam vestram obtentum, fuisse, & esse nullum, vel alias non valere ipso iure, partemq; aduersam ob indebitum tractum in causam præfato domino. A. in expensis in causa legitimè factis condemnandum fore, & condemnari, iustitia mediante.

¶ Has exceptiones, causasq; legitimas dictus procurator, dat,

dat, facit, exhibet, & producit, omnibus melioribus modo, via, iure, stilo, & forma, quibus potest, & debet, petens easdē admitti, aliās protestatur de grauamine & appellando. Saluo iure addendi, minuendi, corrigendi, &c. & alijs iuris beneficijs sibi semper saluis. Item petit expensas in lite factas, & protestatur de fiendis.

¶ Ex aduerso actor, vel eius procurator petat copiam harum exceptionum, & terminum ad dicendum contra, seu replicandum assignari.

¶ Notarius autem sic scribat, aut à tergo exceptionum, aut in actis. Anno tali, die tali, &c. S. procurator. P. plebani in G. oblata citatione legitimè executi accusauit contumaciam rei nihil facientis in termino. Ex aduerso L. de S. procurator nobilis. A. de B. citra approbationem iurisdictionis domini Tho. obtulit exceptiones in scriptis, in præsentia S. procuratoris talis petentis copiam, & terminum ad dicendū contra præfigi. Et dominus præfixit ad primam iuris, præsentibus B. & E. notarijs.

¶ Iubeat autem reus diligenter notari suam protestationem, quodd comparet citra approbationem iurisdictionis.

¶ Notet hic iunior duo. Primum, quodd dieta vltra alia significata secundū Phisicos est vnus diei, certa, & determinata comestio de hac nil ad propositum. Alio modo dieta dicitur spatium, seu operatio, vel cursus vnus diei. Et sic quædam est dieta legalis, quæ continet xx. miliaria Italica. l. vicon. ff. si quis cautio. Alia est dieta vulgaris quæ computatur secundū consuetudinem regionis attenta locorum, & temporum qualitate, & diei quantitate, & de hac est hic ad propositum.

¶ Secundum notet. Sex esse casus in quibus reus potest trahi extra suam diocœsim. Primus si Episcopus aliquem de sua diocœsi debeat conuenire. Secundus econtra. Tertius si capitulum. Quartus si vniuersitas alicuius ciuitatis, vilis, vel castri est conuenienda. Quintus quando actor non audet ciuitatem, vel diocœsim rei intrare. Sextus quando actor sui aduersarij potentiam perhorrescit, de quibus vide tex. in alleg. e. statutum. §. Cū verò, de rescrip. lib. vj.

¶ *Tenor replicationum.*

**C**ONTRA Quandam prætenfam cartam loco exceptionum pro parte nobilis A. nuper in iudicium veſtrū. Venerabilis domine Iudex oblatam, procurator, & nomine procuratorio discreti domini P. de G. arguit, opponit, replicat, & replicando dicit, quòd dicta prætenſa carta cum contentis in ea eſt friuola, impertinens, vaga, non releuans producentem, nec nocens parti contra quam producitur, & aliàs eſt talis quòd ipſa non obſtante vos venerabilis domine poteſtis, & de iure debetis pronunciare ſe iudicem competentem, veſtram iuſtam per interlocutoriam. Non obſtantibus prædictis friuolis exceptionibus, pro parte prædicti A. nobilis productis & oblatis, prout ex cauſis & rationibus in replicando deductis liquidè conſtat.

1 ¶ Et primo deſcendendo ad primam præteſam exceptionem in qua excipiens, ſalua ſui reuerentia, inualidè deducit quòd vos iudex de iure eſſe non poteſtis, cum actor debet ſequi forum rei, & allegat. ca. cum ſit generale. de foro competen. Ad hoc replicando dicitur, quòd dictus procurator præfati nobilis A. excipiendo quòd ad fori declinationem & allegando. d. c. cum ſit generale. principium quod videtur eſſe pro ipſo allegat, ſed quod contra ipſum eſt in eo. c. tacet. Nam in eo. ca. vltèrius deducitur, quòd clerici ſuos malefactores poſſunt trahere ad iudices quos placuerit ipſis. Et ſic excipiendo deficit, prout dictus procurator replicans, refert ſe ad. d. c. cum ſit. Et quia dictus nobilis eſt malefactor eccleſiæ & clericorum prout loco & tempore ſuis deducetur igitur. &c.

2 ¶ Item ad hoc vbi dicit quòd actor exiſtens alterius diocœſis quàm reus non poteſt de iure delegatum impetrare in ſua diocœſi, & allegat. c. ſtatutum. §. cum autem. de reſcrip. lib. vj. Replicando dicitur quòd præfatus dominus P. in caſu excepto per iura traxit dictum nobilem A. extra ipſius diocœſim. Nam memoratus dominus P. nequit ſecurè conuenire præfatum nobilem A. in diocœſi Genenznen. ſui aduerſarij potentiam merito per horreſcens, de quo ipſe fidè  
facere

facere coram vobis domine iudex paratus est per proprium iuramentum quod sibi veniet de iure, vt habetur in d.c. statu. §. cum verò.

3 ¶ Item posito & non concesso quòd prædicta memorata partis aduersæ prætensam exceptionem non repellerent, prout in rei veritate repellunt & penitus annihilant. Adhuc tamen ad idem replicando dictus procurator præfati domini P. dicit quòd nominatus nobilis A. quò ad hac causam est de diocœsi & iurisdictione Craco. Nam ratione delicti efficitur quis de iurisdictione alterius, vt habetur in ca. fin. de foro compe. ad quod ibi adducuntur multæ concor. in glos. 1. Et quia præfatus nobilis A. maleficium in diocœsi Craco. commisit, vt tempore & loco suis & opportunis probabitur, non potest ergo sua prætensa exceptione qua se alterius asserit iudicium & iurisdictionem vestram domine iudex declinare.

4 ¶ Item ad hoc vbi dicit quòd rescriptum non valet tanquam obtentum per non procuratorem, & allegat. ca. nonnulli. §. cum autem. de rescrip. Ad hoc replicando dicitur quòd ius per partem aduersam allegatum est per consuetudinem contrariam abrogatum, quæ admittit rescripta indifferenter siue per procuratores obtenta fuerint siue non, dūmodo alia non obstant, vt not. glo. in alleg. c. nonnulli. Et eadem consuetudo legitimè præscripta communiter, seruatur in regno Poloniae in practica.

5 ¶ Item ad vltimam prætensam exceptionem in qua breuiter deducitur quòd dictus A. fuisset tractus vltra vnam dietam à fine suæ diocœsis, & allegat. c. statu. in §. cum autem de rescrip. lib. vj. Ad hoc replicando dicitur, quòd dictus procurator non benè nouit fines diocœsis Geneznen. & sic deducit de quibus sibi non constat, cū tamen rei veritas est in contrarium. Nam prædictus P. non vltra, sed infra vnam dietam à fine Diocœsis Geneznen. traxit ipsū A. in causam. & hoc sic deducitur, quia fines diocœsis G. eundo de Craco. sunt in campis villæ S. communiter nominate, quæ villa cum campis suis non distat per vnam dietam à ciuitate Craco. imò infra vnam dietam, prout hoc dictus procurator offert se probaturum legitimis documentis.

¶ Ex præmissis igitur, & quolibet præmissorum, petit dictus procurator nomine quo supra procuratorio, per vos venerabilem virum dominum Tho. vestram sententiam per interlocutoria dici, pronunciari, decerni, & declarari replicationes, præsertim quòd dictus. A. est citatus infra vnā dictam, fore admittendas ad probandum, ipsiq; probatis, non obstantibus prætenfis friuolis exceptionibus, vos iudicem competentem declarari, & corā vobis ad vltiora procedi, partemq; aduersam ob indebitas dilationes præfato domino P. Plebano in expensis condemnandum fore, & condemnari, iustitia mediante.

¶ Has replicationes, causasq; legitimas, dictus procurator dat, facit, exhibet, & producit, omni meliori modo, via, iure, stilo, & forma quibus potest, & debet, petens easdem admitti, aliàs protestatur de grauamine, & appellando. Saluo iure addendi, minuendi, corrigendi, & alijs iuris beneficijs semper saluis.

¶ Huiusmodi replicationibus in præsentia iudicis oblati, & notario causæ porrectis, pars aduersa si vult petat earum copiam, & terminum ad duplicandum assignari aut duplicet verbo & petat interloqui.

¶ Notarius autem sic scribit à tergo replicationum. Sub anno domini & c. die tali, mensis talis. S. procurator P. de G. plebani, obtulit in scriptis has replicationes in præsentia L. procuratoris nobilis A. prout terminus requirebat. Ex aduerso L. prædictus procurator duplicauit verbo petens interloqui. Et dominus ad interloquendum terminum præfixit ad vnum diem, præsentibus A. & G.

¶ *Cautela replicantis.*

CIRCA Præfatas replicationes nota, quòd replicans nō solum debet se referre ad allegationes, & producta excipientis, sed etiam pro parte sua debet videre allegationes, & deducere prout melius poterit. Et hoc idem in duplicationibus, triplicationibus & quadruplicationibus fieri debet, hoc seruato, vt loco huius quòd in exceptionibus dicitur, excipiendo, & in replicationibus replicando, dicatur duplicando



cando, triplicando, & quadruplicando, secundum materiam exigentiam.

¶ *Terminus ad audiendum interloqui.*

**NOTA** Quod si iudex non præfixit terminum interlocutorie ferendæ. actor qui in causam prouocat, procurat citari reum ad videndum, & audiendum interloqui super exceptionibus, & replicationibus hincinde productis, & termino adueniente petant partes, vel vna earum in contumaciam alterius absentis, vt iudex interlocutoriam ferat, quæ sic poterit pronunciari.

¶ Sedentes pro tribunali, interloquendo pronunciamus, partes, puta A. reum exceptiones, & P. actorem replicationes quod ad dietam ad probandum hincinde fore admittendas, & admittimus. Super alijs exceptionibus, & replicationibus alias interlocuturi loco ac tempore opportunis in quantum partibus fuerit visum, expensas hincinde compensantes.

¶ Notarius sic scribit, Anno domini 1543. Septima Mensis Februarij. S. ipsius. P. Actoris, & L. ipsius. A. rei procuratoribus petentibus interloqui, prout terminus requirebat Dominus interlocutus est in scriptis, admittendo partes hinc inde ad probandum, reum exceptiones, & actorem replicationes, quod ad dietam. Et statim post interlocutoriam prædictam, partibus hincinde præsentibus, terminum ad ponendum, & articulandum. viij. dies præfixit, & assignauit præsentibus. &c.

¶ Nota quod non oportet ponere annum domini circa singulos actus, qui in libris actorum introducuntur, sed sufficit scribere diem & mensem. Semper enim post festum natiuitatis Christi notarij signant Annum domini, quo acta incipiunt, imò mensis & dies in actis præmittuntur. sub quibus acta in iudicio conscribi solent sine speciali temporis annotatione.

¶ *Cautela excipienti .*

**N O T A** Quod per præfatam interlocutoriam aliæ exceptiones præter exceptionem dietæ sunt tacitè repulsæ . Vnde procurator rei non rectè peteret terminum ad ponendū & articulandum , sed potius debet protestari de grauamine & appellando, quò ad repulsionem aliarum exceptionum , vel vnius ex ipsis quæ magis fuerit efficax, & interponere appellationem in scriptis à repulsione exceptionum infra decem dies .

¶ Sit ergo cautus procurator vt non proponat simul plures exceptiones dilatorias : quarum vna admissa, aliæ repellerentur : vt si in approbatione vnius defecerit, postea ad aliàs recurrat . Dilatoriæ enim tamdiu possunt proponi , quousque iudex præfixerit terminum ad producendum omnes dilatorias, iuxta tenorem . c. pastoralis. de except. Quo termino sic præfixo elapso, amplius super dilatorijs non auditur .

¶ Attamen in casu præsentis delegatus potuit per interlocutoriam admittendo exceptiones de dieta , suspendere interlocutionem super alijs exceptionibus , quousque probaretur exceptio de dieta , & post eius probationem vel defectum probationis , super alijs visa opportunitate ad instantiam alicuius partis interloqui . Et sic in fine interlocutorie de qua supra post verbum admittimus, potuit addere. Super alijs autem exceptionibus pro parte rei deductis supersecentes interloqui pro hac vice , reservamus nobis saluū ius, si necesse fuerit, interloquendi, habitis probationibus , siue contentis in præsentis interlocutoria.

¶ *Terminus ad articulandum.*

**S I N O N** Fuit præfixus terminus ad articulandum, cite-  
tur pars ad videndum produci positiones, & articulos, & ad  
producendum alios pro sua parte, qui articuli vtriusq; par-  
tis possunt sic depingi . Ex parte rei sub hac forma .

¶ *Tenor Articulorum pro parte rei.*

**P**OSITIONES Et articulos infrascriptos, procurator, & nomine procuratorio nobilis A. de B. diœcesis Gneznen. dat, facit, exhibet, & producit, coniunctim, & diuisim, petens eisdem per partem aduersam medio suo iuramento responderi, qui si negati fuerint intendit probare, non assergens se, & suam partem ad aliquod onus superflue probationis, sed duntaxat ad ea probanda quæ pro intentione sua, & victoria præsentis causæ sufficere videntur, de quo solenniter protestatur.

1 ¶ In primis igitur ponit, & si negatum fuerit, probare intendit, q̃ in Regno Poloniæ, & in diœcesi Gneznen. & præsertim in terra Siradiæ dictæ diœcesis Gneznen. fuit, & hodie est, esseq; consuevit quædam villa vulgariter nuncupata B. inhabitata per homines vtriusq; sexus à x. xx. xxx xl. citra, vel vltra annis, ac à tali tempore, & per tantum tempus cuius initij memoria hominum non existit, & eandem villam prædictam nobilis A. consuevit inhabitare, & nunc inhabitat iam multis annis. Et sic fuit, & est verum, tentum, habitum, creditum, & reputatum, & hoc tenetur, habetur, creditur, & reputatur, palam, publicè, notoriè, & manifestè.

2 ¶ Item ponit, vt supra, q̃ prædicta villa de qua supra distat à villa C. in medio, citra vel vltra miliari Polonicali. Et eadem villa. C. directè transeundo de villa. B. Cracoui. fuit, & est in finibus, seu in limitibus diœcesis Gneznen. ita videlicet q̃ eadem villa C. est finis diœcesis Gneznen & initium Craco. Et sic fuit, & est verum palam, publicum, notorium, & manifestum.

3 ¶ Item ponit vt supra, q̃ prædicta villa C. vulgariter nuncupata distat à Craco. ad quam præfatus nobilis A. de G. tra hitur, per xx. miliaria Polonicalia, quorum quodlibet miliare facit, & potest facere Italica tria, vel quatuor, quæ miliaria sic computata extendunt se vltra vnam dietam, & verius vltra duos dies. Et sic fuit & est verum, publicum, notorium, & manifestum.

4 ¶ Item ponit vt supra, quod quilibet homo bene sanus

tempore æstiuali communi cursu pro dieta absque læsione sui transeundo per terras regni Poloniæ contehatur in septem miliaribus, immo vix poterit septē transire. Et sic fuit, & est verum. &c.

5 ¶ Item ponit vt supra q̄ secundū dispositionem noui iuris reus à fine suæ diœcesis ad instantiam actoris, vigore rescripti apostolici, ad aliam diœcesim nō debet trahi ultra vnā dietam, vt not. de rescrip. c. statutum. §. nullus. lib. vj.

6 ¶ Item ponit q̄ dictus. P. contra iuris dispositionem traxit prædictum nobilem A. ad suam diœcesim Craco. quā inhabitat de diœcesi Gneznen. quod facere non debuit. vt habetur in c. præal. statutum. §. cum autem. lib. vj.

7 ¶ Item ponit, q̄ de omnibus præmissis publita vox est, & fama.

¶ *Tenor articuloꝝ pro parte actoris.*

**P**ositiones Et articulos infrascriptos, procurator, & nomine procuratorio discreti domini P. plebani iu Q. diœcesis Crac. dat, facit, exhibet, & producit, coniunctim & diuissim, petens eisdem per partem aduersam iudicio suo iuramento responderi. Qui si negati fuerint probare intendit, non astringens se, & suam partem ad aliquod onus superflue probationis, sed dūtaxat ad ea probanda, quæ pro intentione sua & victoria præsentis causæ sufficere videntur. De quo solenniter protestatur,

1 ¶ In primis igitur ponit, & si negatum fuerit probare intendit, q̄ in regno Poloniæ, & in diœcesi G. præsertim in terra Siradien diœcesis Gneznen. fuit, & est esseque consuevit quoddam opidum cōmuniter nominatum V. a. xx xxx. xl. citra, vel ultra annis, ac à tali tempore, & per tantum tempus cuius initij, & contrarij memoria hominum non existit. Et sic fuit, & est verum, tentum, habitum. &c.

2 ¶ Item ponit vt supra q̄ prædictum opidum fuit & est in limitibus diœcesis G. cum Craco. ita q̄ dictum opidum in suis campis eundo de prædicto opido Craco. est finis diœcesis Gneznen & initium, seu principium diœcesis Craco. & sic fuit. &c.

3 ¶ Item

3 ¶ Item ponit vt supra q̄ prædictum opidum V. & præfer tim campi eiusdem procedentes, seu extendentes se ad oriẽ tem, seu ad partem illam, vbi est Craco. eundo de V. distat & distant infra vnã dietã à Craco. ita videlicet q̄ vix præ dictum opidum distat vii. vel viij. miliaribus à prædicta ciui tate Craco. communiter nominata Cracouia. Et sic fuit, & est verum. &c.

4 ¶ Item ponit quòd de omnibus præmissis publica vox, & fama.

¶ Prædictis articulis hincinde oblati notarius à tergo, vel in actis scribat sic. Sub anno domini. &c. die tali mensis talis L. rei, & S. actoris procuratores, hincinde positiones, & articulos producentes petiuerunt copias alter alterius, ac terminum ad dicendum contra. Vel aliàs ad faciendum ea quæ iuris fuerint, & dominus præfixit terminũ ad octauã diem, præsentibus &c.

¶ Adueniente autem tali termino prædicti procuratores offerant in scriptis exceptiones alter contra alterius positiones & articulos. Vel verbo excipiant, & notarius sic scribit. Anno domini. &c. die tali. &c. prædicti L. Andreæ. & S. P. procuratores hincinde generaliter verbo exceperunt alter contra alterius positiones, & articulos, dicentes ipsos de iure inadmissibiles, & aliàs non procedentes de exceptionibus, seu ex tenore exceptionum, quos hincinde articulauerunt, petentes hincinde interloqui, & dominus ad primam diem præfixit terminum ad interloquendum.

¶ Quo termino adueniente prædicti procuratores com parentes petant ferri interlocutoriã, quæ sic potest formari.

### ¶ Interlocutoria.

NOBILIS A de B. ex vna, & honorabilis P. de C parti bus ex altera, in causa tali coram nobis. vertente. & mota, in terloquendo pronunciamus hincinde articulos, tam pro parte A. de B. quàm P. de G. coram nobis oblatos, fore ad mittendos, & admittimus: terminum ad respondendũ hinc inde eisdem, assignantes ad octauam.

¶ Notarius scribit. Sub anno domini. & c. die tali &c. præ dictis

dictis L. A. & S. P. procuratoribus competentibus & petentibus interloqui super exceptionibus ipsorum verbalibus, de quibus supra dominus interlocutus est in scriptis, admitiendo hincinde articulos, & terminum ad respondendū eisdem præfixit, & assignauit ad octauā diem, præsentib. A. b.

¶ *Tenor responsionum ad articulos.*

RESPONSES Infra scriptas S. procurator P. de G. ad positiones & articulos A. de B. dat, facit, exhibet, & producit, prout sequitur. Et primò respondendo ad primam, & secundā positiones, ipsas credit esse veras. Item ad tertiam & quartam non credit. Ad quintam credit. Item ad sextam dubitat. Item ad vltimam de fama quò ad positiones creditas per ipsum credit, sed quò ad alia non credit.

Et sub simili forma respondere possit alia pars ad articulos aduersæ partis. Item etiam sic consuevit responderi. Ad positiones & articulos pro parte talis oblatos procurator talis respondet sub hac forma. Ad primam & secundam credendo credit &c.

¶ Modum autem qn̄ in alijs seruatur partibus vbi sic respondetur. Ad primum & secundum articulos procurator talis respondet per verbum credit. Ad alios autem sequētes respondet per verbū non credit, nec approbo, nec reprobo.

¶ Notarius acceptis responsionibus scribit. Sub anno domini. &c. die tali mensis talis L. An. & S. ipsius P. procuratores hincinde responderunt in scriptis ad articulos. Et procuratoribus approbantibus hincinde responsiones, dominus ad probandum articulos hincinde negatos præfixit terminum ad octauam diem, præsentibus. &c.

¶ Notā quòd oblatis responsionibus procuratores possunt petere copias, & terminum ad dicendum contra, & si vitum fuerit ipsisque insufficienter est responsum, possunt excipere & contra exceptiones replicare, & si sic fuerit iudex debet interloqui repellendo responsiones tanquā insufficientes, vel admittendo tanquā suffi-

¶ *Terminus.*



¶ *Terminus in quo comparent testes citati ad probandum articulos negatos.*

IN QVO Quidem termino ipse inducens, vel procurator eius dicere sic potest. Reuerende pater hic testes tales sunt legitime citati, super quo offero citationem debitè exequutam. Vnde peto eos ad iurandum admitti, & iuratos super negotio examinari.

¶ Notarius sic scribere potest. Sub anno domini. &c. die tali mensis talis per S. ipsius P. & L. ipsius A. procuratores oblati citationibus legitimè exequutis iuxta consuetudinè patriæ A. G. C. D. testes, prout terminus requirebat pro prima dilatione, alijs dilationibus renunciantes, sunt inducti. Et dominus receptis iuramentis prædictis testibus commisit mihi N. notario examen ipsorum procuratoribus hincinde facientibus protestation. de excipiendo contra testes, & dicta ipsorum, & q̄ non examinentur, nisi secundum interrogatoria per ipsos danda, quæ incontinenti obtulerunt, præsentibus A. B. & C.

¶ *Dilationes ad producendos testes.*

NOTA q̄ testes in qualibet causa possunt produci pro tribus dilationibus & productionibus, hoc est in tribus terminis successiuè pducuntur. Quarta verò dilatio de iure non datur, nisi cū solēnitare legali, ita videlicet q̄ is qui petit dilationē quartā iurat, q̄ nec p se, nec p aliū didicerit testificata, & q̄ non p dolum aut artē aliquā quartam pductionē exposcat, sed quia testes quos desiderat de nouo pducere prius habere nequiuit, vide c. pe. de testi. & ibidem nota.

¶ *Tenor Interrogatoriorum.*

INTERROGATORIA Infra scripta procurator, & nomine procuratorio discreti domini P. plebani in Q. diocesis Craco. dat, facit, exhibet, & pducit secundum

cundum quæ & quodlibet ipsorum petit testes partis aduersæ examinari: Qui si secundum ipsa & quodlibet ipsorum non fuerint examinati vult habere pro non examinatis, de quo solenniter protestatur.

¶ Et primò cuilibet testi seorsum reducatur iuramentum ad memoriam per ipsum præstitum de veritate dicenda pro vtraque parte, quam scit, & super qua requisitus fuerit.

¶ Item exponatur sibi quomodo quilibet testis falsidicus tribus personis est obnoxius. c. j. de cri. fal. Primò Deo cuius præsentiam contemnit. Secundò iudici quem mentiendo fallit. Tertiò innocenti seu proximo, quem falso testimonio lædit, & quòd non absoluetur, nisi præstita satisfactione sufficienti cum graui pœnitentia.

¶ Item inquiratur à quolibet teste cuius ætatis sit, & quàm tum habeat in bonis, & cuius conditionis sit: vtrum nobilis an plebeus, & si sit subditus producentis. Item vtrum sit consanguineus vel amicus producentis vel inimicus contra quem producit, & cui fauet, seu optat victoriam in præsentia causa. Item si scit Pater noster Ave Maria. Credo, & si de anno præsentis communicauit. Item si est excommunicatus. Item si condicauit cum suis contestibus de vna nimi testimonio proferendo.

¶ Item si est instructus per producentem vel amicum ipsius quomodo debeat testificari. Item requiratur vtrum sibi datum, aut promissum est aliquid per producentem vel amicum eius, vt daret testimonium pro ipso. Vel si sperat se aliquid exinde habiturum.

¶ Item inquiratur vtrum scit villam quæ dicitur esse in finibus diœcesis Gnez. cum Craco. Et si dixerit quòd scit, inquiratur diligenter de causis scientiæ.

¶ His generalibus breuiter præmissis veniendo ad positiones & articulos, omissis primo & secundo articulis tanquam per aduersarium confessis & admissis. Si testis dixerit aliquis ex articulis per aduersam partem negatis, puta. iij. iij. &c. esse verum, inquiratur diligenter de causis scientiæ, & vnde & quomodo scit esse verum, & singula fideliter conscribantur.

¶ In fine autem interrogatoriorum consuevit poni per procuratores per modum subscriptionis. Cætera committuntur vestræ discretionis domine Notarie. Notarius enim cui committitur examen testium, vel ipse iudex, debet diligenter examinando prudenter inquirere de singulis circumstantiis, puta loco, tempore, auditu, visu, scientia, credulitate, fama, & certitudine inquirere. Et cuncta fideliter conscribat quicquid testis dixerit, ut in c. cum causa. de testi. Et præsertim de causis scientiæ, ut no. iij. q. iij. §. solā. & xxij. q. iij. si habes. Et diximus aliqua supra in ij. parte ubi tractauimus de numero & iuramento testium.

¶ Item nota quod quemadmodum procurator actoris dedit, vel dare debet interrogatoria secundum quæ testes per reū inducti, sunt examinandi, ita etiam procurator rei dabit alia interrogatoria secundum quæ testes per aduersam partem inducti debent examinari. Quia quod licet actori, licet & reo, regula Non licet, de reg. iur. lib. vj. Nam ad imparia non iudicantur. c. gaudemus, de diuor.

¶ *Examen testium super præmissis articulis.*

NOTARIUS Itaque habitis interrogatorijs, testes examinando sic scribit. Sub anno domini. &c. die tali mensis talis, testes infra scripti de M. & B. de C. pro parte nobilis A. de B. inducti per me. N. notarium causæ de mandato domini talis, sunt examinati.

¶ Primus testis nobilis. M. de G. citatus, iuratus, ætatis xl. annorum, habens in bonis ultra centum marcas, nullius partis consanguineus, nec amicus, fauens parti quæ habuerit iustitiam, nihil pro testimonio ferendo receperit nec sperat se recepturum, sed causa Dei, & iustitiæ deponit, scit Pater noster, Ave Maria, Credo, communicauit de anno præsentis ad festum Paschæ, non est excommunicatus. Et reducto sibi ad memoriam iuramento per ipsum præstito de veritate dicenda pro vtraque parte in causa præsentis, & exposito quomodo falsidicus testis. &c. Omissis primo & secundo articulis, tanquam per procuratorem partis aduersæ confisus, creditis, & admissis.

¶ Ad tertium articulum qui incipit. Item ponit vt supra, quòd prædicta villa vulgariter nuncupata. C. &c. sibi vulgariter expositum, interrogatus dixit præfatam villam. C. solū vij. miliaribus distare à Cracouia, & causam scientiæ subiūxit, quia illac frequenter equitabat. Et hunc esse communem computum asserbat. De alijs autem contentis in articulo, videlicet, quòd vnum miliare Polonicum equiualeat tribus, vel quatuor Italicis, dixit sibi non constare, ex eo quod nunquam fuit in Italia.

¶ Item ad quartum articulum qui sic incipit. Item ponit vt supra, quòd quilibet homo. &c. sibi vulgariter expositum interrogatus dixit ipsum esse verum quòd ad aliquos homines, maximè cursores, quod absque læsione possunt transire vno die septem miliaria Polonica. Dixit quidem se vix posse transire ad vnum diem septem miliaria, de alijs audiuit quod non solum septem, sed & octo & plus peragrarè vno die possunt. Et dixit se nosse vnum in eadem villa. C. qui vno die viij. miliaria sine læsione peragrabat & plus, & credit eum posse & decem transire.

¶ Ad quintum autem qui incipit. Item ponit quod secundum &c. & sextum qui incipit. Item ponit quod prædictus &c. sibi vulgariter & planè expositos interrogatus dixit se non nosse iura, & sic sibi de contentis in præfatis articulis non constare, subiungens quòd de talibus iuris periti inquirendi essent.

¶ Item ad vltimum de fama sibi vulgarizatum & expositum, respondit famam fuisse & esse de his quæ desposuit.

¶ Secundus testis. B de C. citatus. &c. prout circa primū visum est. Et supponatur quod deponeret sicut & primus.

¶ Nota quod notarius examinando secundum testem & alios sequentes debet omnia diligenter conscribere de verbo ad verbum quicquid testes dixerint, & non satis est quod scribat secundus testis deposuit præcisè vt primus, quia huiusmodi examen est inualidum, & nullius momenti.

¶ Item nota quod si testis dixerit sibi de contentis in aliquo articulo non constare, vel dixerit se nescire, non debet inquiri amplius super tali articulo ne reddatur periurus.

¶ *Examen testium alterius partis.*

IN NOMINE Domini. Amen. Sub anno domini. &c. die tali. &c. testes infra scripti I. de H. & I. de M. pro parte discreti P. de G. plebani in Q. citati, iurati, per me. N. vt supra.

¶ Primus testis nobilis I. de H. citatus, iuratus, & secundum interrogatoria examinatus, reducto sibi iuramento ad memoriam per ipsum præstito de veritate dicenda pro vtraque parte, & exposito quomodo falsidicus testis tribus personis est obnoxius, ætatis. xl. annorum, habens in bonis, prout ipse æstimat vltra trecentas marcas. Nullius partis cõ sanguineus, amicus vtriusque, fauens parti habenti iustitiã. Nihil est sibi datum aut promissum pro testimonio ferendo, nec sperat se aliquid habiturum. Scit Pater noster, Aue Maria, Credo, confessus in anno præsentis, & communicauit ante festum Paschæ. Non condiscipulauit cum contestibus de vnanimi testimonio, nec est informatus qualiter debeat testificari, Omissio primo articulo tanquam per procuratorem nobilis A. confesso, & admissio.

¶ Super secundo articulo qui sic incipit. Itẽ ponit q̃ prædictũ oppidũ. &c. sibi vulgarizato, & exposito, interrogatus, dixit articulum per oĩa esse verum, causam scientiæ reddẽs, quia vicinus est eiisdẽ oppidi, & sæpius ipsum solet visitare. Et fines, seu limites diocesis Gneznen. cum Craco. scit bene.

¶ Et prout in articulo describit de limitibus, & finibus, ita dixit esse verum & non aliter, subiungens causam sciẽtię, quia ista est communis fama, nec ipse aliter credit.

¶ Super tertio articulo de dieta sibi vulgarizato. &c. interrogatus dixit ipsum esse verum, prout sibi apparet, quia prædictum oppidum distat à Craco. per viij. miliaria vel modico plus, causam scientiæ reddens, quia sæpius equitabat de C. Craco. & ita etiam audiuit communiter fari à præposito & canonicis Craco. ac etiam vicarijs, & communiter ab omnibus.

¶ Item super articulo de fama dixit esse publicam famam & vocem super depositis per ipsum.

¶ Nota quòd etsi mos nostræ patriæ sit, vt notarius solus in secreto testes seorsum examinèt, tamen si esset ardua causa potest adhibere circa huiusmodi examen aliquos honestos & idoneos viros vel alios notarios, vt si postea testis deponens aliquid variare contra suas despositiones ausus fuerit, facillè conuinci possit de falso. Ista est doctrina Abb. in c. quoniam contra. de probat. post glo. iij. per tex. c. vt officiũ, de hæret. lib. vj.

¶ *Publicatio testium.*

Cum Renunciatum sit alijs dilationibus, restat testium publicatio, vbi vna pars procurat citari aliam ad videndum & audiendum publicari attestations. Et notarius sic scribit.

¶ Die Mercurij sexta mensis Februarij L. procurator nobilis A. citato S. procuratore P. plebani in Q. per Io. Vicarium ab omnibus sanctis pro executore per dominum Tho. sibi deputatum petijt sibi publicari dicta testium in causa, renunciendo vltiori dilationi, & hincinde procuratoribus renunciantibus vltiori productioni testium super eisdem articulis, dominus publicauit, & copias attestacionum partibus fieri decreuit, terminumq; ad dicendum contra, seu ad excipiendum. xiiij. dies præfixit, præsentibus. &c.

¶ Huiusmodi autem termino adueniente, vel si non est præfixus vna partium aliam citari procurante, exceptio-nes in scriptis offerantur, vel verbo excipiat. Et notarius scribit.

¶ Die tali mensis, &c. L. nobilis A. & S. ipsius P. plebani procuratores exceperunt generaliter verbo vnus contra alterius attestatioues seu dicta testium, dicentes testes esse singulares in suis testimonijs, & aliàs contrarios sibi ipsis & alijs testibus aduersos, & aliàs tales quòd ipsis fides non est adhibenda, petentes hincinde interloqui, & dominus præfixit terminum ad interloquendum ad octauam, præsentibus, &c.



¶ *Interlocutoria.*

SEDENTES Pro tribunali interloquendo dicimus, decernimus, pronunciamus, & declaramus, replicationes pro parte discreti. P. de. G. plebani in. Q. quòd infra vnam dietā à fine diœ. C. nobilem. A. de. B. vigore rescripti apostolici ad præsentiam nostri traxit in causam, fuisse sufficienter probatas. Et ob hoc non obstantibus friuolis exceptionibus pro parte nobilis. A. de. B. nos iudicem competentem, & coram nobis in causa ad vltiora procedi, rationeq; indebitæ protractionis causæ prædictū nobilem condemnamus ipsi. P. in expensis, quarum nobis taxationē in posterum reseruamus.

¶ Notarius verò scribit. Die Veneris, &c. L. nobilis. A. de B. & S. ipsius P. plebani in Q. procuratoribus petētibus hinc inde interloqui prout terminus requirebat, dominus interlocutus est in scriptis, pronūciando replicationes fuisse probatas. Et repulsis exceptionibus nobilis A. pronunciauit se iudicem competentem. Et incontinenti L. nobilis A. de B. procurator protestatus est de grauamine, & appellando, præsentibus &c.

¶ *Appellatio.*

CORAM Vobis venerabili viro Th. &c. ego L. de N. procurator nobili A. de B. diœcesis Gneznen. animo & intentione appellandi propono, allego, atq; dico, quòd quamuis coram vobis iudicialiter exceptiones de iure admissibiles produxerim & obtulerim in quibus deduxi quomodo vos de iure iudex esse non potuistis, nec potestis vigore rescripti apostolici in personam vestri impetrati per P. plebanum in Q. diœcesis Craco. aduersarium in hac causa, pro, & ex eo, quia prædictus plebanus prætatum nobilem A. vltra vnam dietam à fine suæ diœcesis ad præsentiam vestri traxit in causam, prædictasque exceptiones sufficienter per testes idoneos probauerim, vos tamen prædictis, vestra reuerentia semper salua, non attentis, in fauorem, prout præsumitur, aduersæ partis, contra iuris dispositionem prædictas meas  
exce-

exceptiones repulistis, & reiecistis vestram per interlocutoriam talem qualem, si dici meretur, quam in scriptis tulistis pronunciando vos iudicem competentem, & mandantes coram vobis sub penis excommunicationis ad vltiora in causa procedi, præfatum nobilem. A. in expensis condénando. Vnde ex præmissis, & quolibet præmissorum sentiens præfatum nobilem. A. de. B. & me fore grauatum, à prædictis omnibus, videlicet, repulsione exceptionum, condemnatione expensarum, & interlocutoria vestra, contentisque in ea, ac à sententijs excommunicationis per vos comminatis, fulminatis vel fulminandis, ad Sanctiss. in Christo patrem do. Paulum diuina prouidentia Papam I I I. & Sacrosanctam Rom. Ecclesiam, Sedemq; Apostolicam in his scriptis prouoco & appello, & apostolos primò instantèr, secundo instantius, tertio instantissimè à vobis domine Tho. vel si est qui mihi eos dare velit & possit & mihi super eadem appellatione responderi, vel saltem à te notario publico literas testimoniales, aut instrumenta publica in fidem & testimonium omnium præmissorum mihi dari peto, subiiciens præfatum nobilem & me procuratorem ipsius cum omnibus mihi adhærentibus, & adhærere volentibus tuitioni, & protectioni sedis antedictæ. Saluo iure addendi, minuendi, corrigendi, alijsque iuris beneficijs remedijsq; semper saluis.

¶ Notarius scribit à tergo appellationis, vel in actis. Anno domini. &c. L. nobilis. A. de B. procurator, Domino Tho. &c. pro tribunali sedente interposuit appellationem in scriptis ab interlocutoria pro parte discreti domini. P. & contra ipsum lata. Et lecta appellatione, factaq; insinuatione eiusdem appellationis. S. procuratori, P. plebani, petijt sibi apostolos dari, & dominus infra terminum iuris, vel aliàs in termino promisit se daturum, vel aliàs super ipsis responsurum.

¶ *Doctrina appellanti.*

NOTA Quòd cum quis duxit appellandum, debet appellare in scriptis infra decem dies à grauamine illato, vt superius diximus. Si tamen alicui terminus præstatetur & præcipitur sub pœna excommunicationis, vt infra certum tempus

pus (puta tres dies) aliquid faciat (puta vt cedat de possessione decimæ, vel alterius rei) appellare volens ante tempus sibi præfixum in scriptis ex causis sibi ad hoc deseruientibus appellet; nec expectet decendum ne incidat in excommunicationem. c. præterea. ij. de appel. Appellatio enim excommunicatum non releuat ita vt suspendat excommunicationem. Nam sententia excommunicationis trahit post se executionem. c. pastoralis. ante fin. de appel.

¶ Custodiat autem diligenter ipse appellans, vt appellatio ne interposita petat infra xxx dies a apostolos instāter, instantius, instantissime in præsentia notarij & testium. Et facta per iudicem responsione super appellatione, notarius scribit.

¶ Anno domini &c. die tali mensis talis. L. procurator nobilis A. personaliter comparens corā Domino Thō. exposuit coram eodem quomodo iam pluries accessit ipsum cum debita instantia super Apostolis sibi dandis. Et facta expositione petijt vltimatē sibi dari Apostolos vel aliās responderi super ipsis. Et dominus refutando appellationem suam ad petitionem. S. procuratoris aduersæ partis taxatis expensis litis ad vnam marcam decreuit processus censurarum pro apostolis contra prædictum nobilem A. prædicto L. protestante de grauamine, & quomodo velit cum appellatione sua stare, & eam proseguī, præsentibus. &c.

¶ Nota q̄ appellans seu procurator appellantis metu censurarum potest à sua appellatione non recedendo citare ad uersarium ad videndum satisfieri sibi pro expensis condemnatis, citra tamē approbationem iurisdictionis iudicis à quo appellauit.

¶ Et notarius scribere posset. Die Veneris penultima mēsis. &c. L. procurator nobilis A. oblata citatione qua citauit fieri pro expensis, comparendo citra approbationem iurisdictionis domini, facto satis pro expensis, protestatus est, quod per hunc actum & alios si quos faciet, non intendit approbare iurisdictionem domini, nec recedere à sua appellatione, sed quæcunque fecit, aut faciet, illa metu censurarum excommunicationis facit. præsentibus. &c.

¶ *Appellans excipit.*

NOTA Quòd appellatione refutata, iudex non obstante protestatione de qua supra potest mandare appellanti corā se procedi ad vltèriora: Appellans autem protestatione facta quòd non vult recedere ab appellatione per eum interposita, & citra approbationem iurisdictionis, posset adhuc aliquas exceptiones dilatorias opponere contra iurisdictionem delegati, vt sic.

¶ *Exceptiones.*

CITRA Approbationem iurisdictionis vestræ domine venerande, procurator nobilis A. de B. diœcesis Gneznen. personaliter comparens protestatur, q̃ in iurisdictionem vestram (siquam fortè in præfato nobili A. habere prætenditis vigore cuiusdam prætensi resccripti apostolici per P. plebanum in Q. in personam vestram obtenti) non cōsentit nec consentire intendit, sed si qua dixerit proposuerit vel allegauerit quæ iurisdictionem vestram approbare aliquatenus videantur, illa vult habere pro non dictis, & allegatis, de quo solenniter protestatur, cum vos nullo modo iudex præfati nobilis A. esse potestis ex causis violentarum suspicionum, prout ex infra deductis in modum articulorum clarissimè constabit, atque constat

1. ¶ In primis siquidem ponit, asserit, & dicit, & si negatum fuerit probare intendit quod præfatus P. plebanus in Q. diœcesis Craco. fuit & est vester domine Thom. &c. filiaſter seu nepos ex fratre, progenitus ex strennuo milite. C. camerario Sandomiriensis fratre vestræ paternitatis reuerendæ. Quem etiam P. tanquam consanguineum speciali affectione & caritate prosequimini. Et de isto habetur apud homines grâues & leues, status & sexus vtriusq; fama communis, assertio & opinio Et sic fuit. &c.

2. ¶ Item ponit, asserit & dicit, & si &c. quòd communis opinio, assertio & fama habetur quod prædictus P. plebanus in Q. autequam rescscriptum in personam vestram obtinuit, habuit

habuit à vobis consilia super impetratione rescripti & meritis causæ. Et sic per vos informatus prædictum rescriptum in personam vestram impetrauit. Et vt præsumitur à vobis (vestra reuerentia semper salua & absque aliqua iniuria loquendo) informationes hucusque in eadem causa recipit & recepit. &c.

3 ¶ Item ponit vt supra, quod communis opinio hominū, assertio & credulitas & vera reputatio, communeq; dictum ac publica vox & fama fuit & est, quod vos venerabilis domine Tho. ex singulari affectione caritatis qua prosequimini ipsum plebanum de Q. communicatis sibi secreta consiliorum vestrorum, & pro secretario vestro eundem P. plebanum tenetis & habetis &c.

4 ¶ Item ponit quod de omnibus præmissis, fuit & est publica vox & fama, quod prædictus procurator asserit se probaturum legitimis documentis.

¶ Ex præmissis igitur & quolibet præmissorum, salua protestatione de non approbanda iurisdictione vestra, petit procurator prædictas exceptiones suas articulatim deductas secundum iuris dispositionem coram arbitris eligendis ad probandum admittendas fore & admitti, & prædictum P. de G. præfato nobili A. de B. in expensis ob indebitum tractum in causam condemnandum fore & condemnari debere: ab impetitioneq; sua nobilem A. absoluendum & absolui, iustitia mediante. ¶ Has exceptiones. &c. vt supra.

¶ Notarius acceptis exceptionibus scribit. Anno. &c. die tali mensis. L. procurator nobilis A. facta protestatione de non approbanda iurisdictione domini, obtulit exceptiones contra iurisdictionem in personam domini, deducens ipsum sibi & parti suæ suspectum, ex aduerso S. procuratore P. petente copiam & terminum ad dicendum contra alias ad replicandum. Et dominus ad octauam diem præfixit. Et in eodem termino dicto L. procuratori omnes alias dilatorias exceptiones peremptoriè mandauit proponere, alias nollet ipsum audire super dilatorijs.

¶ *Quis cognoscit de causa suspicionis.*

NOTA Quòd iudex recusans ex causa suspicionis, non assignat

assignat terminum ad probandum causas suspicionis coram se, sed coram arbitris à partibus electis, vt est tex. in c. secundo requiris. de appel. & not. in ca. suspicionis. de offic. deleg. Et si arbitri recusarent recipere in se onus arbitrij & conuenire in vnum, iudex poterit eos compellere per censuram ecclesiasticam & terminum præfigere infra quem conueniant, vt in c. legitima suspicionis. §. volentes. de appel. lib. vj. Et quod plus est iudex suspectus à quolibet etiam excommunicato poterit recusari. Quia periculosum est coram suspecto iudice litigare, vt in c. cum inter priorem. de except. cum concordant.

¶ *Replicationes.*

• **CORAM** Vobis venerabili viro domino Tho. canonico. & Offic. Craco. iudice causæ præsentis per sedem apostolicam deputato, procurator & nomine procuratorio, discreti P. plebani in Q. contra quandam præsentam cartam loco exceptionum pro parte nobilis A. de B. Gneznen. diocesis, nuper in iudicium vestrum causa diffugij & iustitiæ suppressæ, malitiosè oblatam, arguit, opponit replicat & replicando dicit quod prædicta præsentia & friuola carta, est inepta, impertinens, vaga, obscura, concepta contra stilum & modum prouinciæ Gneznen. prout verius inspicienti liquidè apparet, & aliàs est de iure inadmissibilis, non nocens parti contra quam, nec releuans partem pro qua producit, prout ex causis & rationibus in vim replicationum deductis manifestè constat.

¶ Et primò descendendo ad primam & secundam exceptiones, quasi imò potius fictè deductas, in quibus breuiter tangit excipiens quod obstante consanguinitate, & ex eo quod dictus dominus P. habuisset consilia à vobis pro rescripto impetrando in personam vestram & communicaretis sibi consiliorum vestrorum secreta ex affectione quam ad ipsum haberetis, iudex esse non potestis. Ad hoc replicando dicitur quod dictus excipiens non est audiendus nec exceptiones suæ sunt admittendæ de iure, cum non specificat in alijs suis præsentis exceptionibus gradum & lineam consanguinitatis



sanguinitatis videlicet in quo gradu, primò, vel secundò &c. vobis attineat, seu cōsanguinitate sit iunctus c. licet ex quadam. de testi. & ca. tua de consanguin. & affini.

¶ Ad hoc autem vbi excipiendo allegat communicationē secretorum, & q̄ de consilio vestro sit impetratum in p̄sonā vestram, replicando dicitur, q̄ dictus excipiens, malitia sibi innata (loquendo absque omni iniuria) excogitauit dictas exceptiones longē à veritate, sicut cœlum à terra, distantes. Et absurdum est q̄ vir tantæ reputationis audet talia excogitare, quæ non tantum dissonant veritati, sed etiam piarum aurium sunt offensiuæ. Et sic non est audiendus, nec exceptiones admittendę tanquam causa dislugij & protractionis causæ excogitaræ.

¶ Ex p̄missis igitur & quolibet p̄missorū petit dictis p̄curator nomine quo supra p̄curatorio p̄ vos venerabilem virum dominum. Tho. p̄nūciari, decerni, & declarari, (nō obstantibus p̄dictis p̄tenlis & friuolis exceptionibus de iure inadmissibilibus) vos iudicem competētem, p̄ut aliās fecistis, p̄dictumq̄ue nobilem A. p̄fato domino P. in expensis litis cōdemnandum fore & condemnari, vestra interlocutoria iusta mediante. Has igitur &c.

¶ *Terminus ad proponendum omnes dilatorias.*

TERMINO Itaque proponendi omnes dilatorias exceptiones ipsi L. & replicandi ipsi S. p̄curatoribus, adueniente, illis comparentibus & factis fiendis, notarius scribet secundum exigentiam materiæ, vt sic.

¶ Die Veneris vigesima mensis Februarij L. p̄curator nobilis A. de B. diœcesis Gneznen. iuxta exigentiam termini personaliter comparens, renunciauit omnibus alijs exceptionibus dilatorijs, saluis exceptionibus vltimò p̄ductis per ipsum super recusatione domini ex causis suspicionis. Et statim eodem iudicio durante S. p̄curator P. plebani in Q. obtulit replicationes in scriptis pro parte domini P. ex aduerso L. p̄dicto p̄curatore nobilis A. duplicante generaliter verbo & petente interloqui; & dominus p̄fixit terminum ad interloquendum. Præsentibus. &c.

¶ *Alia forma replicationum.*

¶ **NOTA** Quod hic replicans, in replicando impertinenter pcessit. Debit enim aliter replicare in forma meliori. Sed quia intellexit quod replicando ptingenter, admisisset implicitè exceptiones aduersarij ad pbandum, quare consultò sic fecit, plus aures iudicis demulcendo quàm rem ipsam prosequendo. Forma verò & stilus rectior, potuit esse talis. Præmissò principio. Coram vobis. &c. tandem subiungeretur.

1 ¶ Primò descendendo ad primam prætensam exceptionem articulatim deductam, quæ sic incipit. In primis siquidem ponit. &c. in qua breuiter deducit excipiens, quòd obstante consanguinitate (ex eo quod. Idem P. plebanus in Q. fit vobis filiaster aliàs nepos ex fratre & affectione speciali, ac charitate astrictus) iudex esse non possitis. Ad hoc replicando dicitur, quòd dictus excipiens quòd ad hoc non est audiendus, ex quo gradus consanguinitatis, non specificat, videlicet in quo gradu consanguinitatis an primò, vel secundò. &c. vobis præfatus P. plebanus attineat. Et posito, & non concesso, quòd ista hic adducta non obstarent, adhuc dictus replicans in replicando non credit, deducta in exceptione esse vera, nisi probarentur legitimis documentis.

2 ¶ Item ad secundam prætensam exceptionem, quæ incipit. Item ponit quòd communis opinio &c. in qua breuiter deducitur quòd dictus P. de consilio vestro, per vos informatum prædictum rescriptum impetrasset in personam vestram, replicando dicitur, quod dicto excipienti non est credendum, nisi probauerit legitimis documentis, cum falsè & causa diffugij excipiat.

3 ¶ Item ad tertiam quæ similiter incipit. Item ponit quòd communis opinio. &c. in qua breuiter deducit excipiens, quòd dicto domino P. secreta consiliorum vestrorum communicaretis, & ipsum pro secretario habueritis, replicando dicitur, quòd dictus excipiens in excipiendo imaginabatur chimerea statuas, & alià sibi non est fides

des adhibenda, nec est sibi credendum, nisi probauerit legitimis documentis. Ex præmissis igitur. &c.

¶ *Terminus ad interloquendum.*

NOTA quodd delegatus adueniente termino ad interloquendum ex replicationibus occasione capta, quæ sibi mulcent aures, licet sint inefficaces, & solum euasivæ, posset de facto in fauorem partis repellere exceptiones, sed iniuriam faceret excipienti, & appellatis à repulsione exceptionum haberet locum. Si tamen voluerit iustitiam facere, tunc admittendo exceptiones, mandabit eas probare coram arbitris, & præeiperet partibus, vt eligant arbitros. Et ipsis discordantibus, poterit ex officio arbitros solos dare, & assignare, non tamen alicui partium suspectos. Si itaque exceptiones repulsæ fuerint, notarius scribere posset sic.

¶ Die Veneris L. ipsius A. de B. & S. ipsius P. de G. procuratoribus in præsentia domini Thom. &c. comparentibus, & petentibus interloqui, prout terminus requirebat, dominus interloquendo verbo repulit exceptiones pro parte nobilis A. oblatas. Et incontinenti L. procurator dicti nobilis A. protestatus est de grauamine, & appellando. Præsentibus. &c. Vnde sequitur.

¶ *Appellatio.*

CORAM Vobis venerabilibus etiam discretis viris dominis hic præsentibus, & assistantibus, ac D. publico notario, tanquam persona autentica, & fideli, ego L. de N. procurator, & nomine procuratorio nobilis A. de B. diœcesis Gneznen. animo, & intétione appellandi, propono, allego atque dico, quodd. Quauis in causa quam discretus dominus P. de G. plebanus in Q. vigore rescripti Apostolici præfati nobili A. intentauit, coram venerabili domino Thom. Rom. offic. Cracoui. citra approbationem iurisdictionis ipsius domini T. comparédo exceptiones

de iure admissibiles iudicialiter produxerim, in quibus inter cætera fuit deductum quomodo ipse dominus T. de iure in vim dicti rescripti iudex esse non potest, propter causas suspicionis vehementes, pro & ex eo quia dictus P. plebanus in Q. fuit & est sibi filiaſter, & consanguineus, quem maxima affectione caritatis proſequitur, ſecreta conſiliorum ſuorum ſibi communicando, & in præſenti cauſa conſilia ſibi dando, offerendo me prædictas meas exceptiones coram arbitris iuris probaturum, ipſe tamen dominus. T. in fauorem prædicti P. de G. pronunciauit ſe iudicem competentem contra iuris diſpoſitionem, comminando prædicto nobili A. de B. ſententiam excommunicationis, niſi coram ipſo procederet in eadem cauſa. Vnde ex præmiſſis & quolibet præmiſſorum ſentiens præſatum nobilem A. de B. fore grauati, timenſq; in poſterum plus poſſe grauari, à prædictis omnibus grauaminibus illatis & inferendis, videlicet repulſione exceptionum prædictarum, comminatione ſententiarum excommunicationis fulminan. & quouis alio grauamine quod ex inde ſequi poſſet, ad ſanctiſſimum in Chriſto patrē dominum Greg. diuina prouidentia Papam x i i i. & ſacroſanctam Romanam Eccleſiam, ſedemque apoſtolicam in hiſcriptis prouoco & appello, apoſtoloſq; primò inſtanter, ſecundò inſtantius, tertio inſtantiffimè peto, ſi eſt qui mihi eos dare velit & poſſit, vel ſaltem à te notario publico literas teſtimoniales in fidem teſtimonij omnium præmiſſorum, ſubiiciens præſatum nobilem, tuitioni ac protectioni ſedis apoſtolicæ antediſcæ. Saluo iure addendi, minuendi, corrigendi, & alijs iuris beneficijs.

¶ Notarius ſcribit. Die Veneris. &c. procurator nobilis. A. de B. appellationem parti aduerſæ inſinuatam, domino T. in terpoſuit & apoſtoloſ petijt, & dominus reſpondit ſe velle deliberare ad xiiij. dies ſuper apoſtoliſ recepta copia appellationi. Præſentibus &c.

¶ *Reſtitutio in locum grauaminis.*

ADVENIENTE Autem termino dandorum apoſtolorum, ſeu reſponſionis ſuper appellatione iudex potuit reſtituere

tuere partem appellanti in locum grauaminis: Et notarius sic scriberet. Die Lunæ. &c. L. procuratore nobilis, A. de B. in præsentia domini T. comparente & petente apostolos prout terminus requirebat, dominus ad pronuntiandum voluntatem suam super apostolis, mandauit incontinenti citari S. procuratorem discreti domini P. plebani in Q. Et ipso citato comparente, reposuit nobilem. A. de B. in pristinum statum & locum grauaminis, reuocando suam interlocutoriam à qua fuit appellatum, & interlocutus est denuo admittendo exceptiones de quibus supra ad probandum coram arbitris eligendis per partes. Et partibus discordantibus assignauit arbitros Vene. Grego. de Sha. & Lau de Slup. decre. doct. præfigendo terminum duorum mensium ad probandas dictas exceptiones, alius in defectu probationum, dixit se velle procedere in causa. Et. L. procuratore nobilis A. petente vt dominus in scriptis committeret dictis doctoribus recipere probationes, vt receptis probationibus, facerent, quod iuris est, dominus respondit, quòd de iure hoc facere nõ deberet, ad importunam tamen instantiam dicti procuratoris prædicti nobilis A. de B. decreuit in forma meliori.

¶ Nota quæcunq; notarius circa huiusmodi scribit processum, illa intelliguntur facta fuisse in iudicio. Vnde ex huiusmodi actis facile quis doctrinam elicere potest, quid opus facto sit, simili casu eueniente.

¶ *Subdelegatio arbitris.*

THO. Rom. Canonicus, & Offic. Craco. generalis, iudex commissarius causæ partibus infrascriptis per sanctissimum in Christo patrem dominum Greg. diuina prouidentia Papam xix. specialiter deputatus. Venerabilibus viris dominis. G. de S. & L. de S. decretorum doctoribus, salutem in domino. Literas sanctissimi in Christo patris & domini domini Greg. diuina prouidentia Papæ prædicti pro parte discreti domini P. de G. plebani in Q. diocesis Craco. coram notario & testibus in actis nostris descriptis, noscum ea qua decuit reuerentia recepisse noueritis, huiusmodi sub tenore Greg. Episcopus seruus seruorum Dei, dilecto filio T. Cano. & of-

ficiali generali Craco. salutem, & apostolicam benedictionē. Dilecti filij P. plebani in Q. diœcesis Craco. præcibus inclinati, p̄sentium autoritate tibi mandamus, quatenus ea quæ de bonis &c. Vigore quarum literarum, vocato, & citato nobili A. de B. diœcesis G. ad instantiam p̄dicti P. plebani in Q. diœcesis Craco. ad p̄sentiam nostri, processimus ad nonnullos actus iudiciarios successiuè, & tandem per L. de N. p̄curatorem p̄dicti nobilis A. de B. exceptum extitit contra iurisdictionem & de suspicionē personæ nostræ, ac alijs in exceptionibus contentis. Et quia secundum iuris dispositionē in proprio facto iudex esse non possumus, cum iuxta decreta legum nullus sibi ius dicere potest. C. ne quis in sua ca. iudi. p̄f. per tot. Indignum est enim aliquē suæ rei iudicē fieri. l. Iulianus. ff. de iudi. p̄pter quod admisimus p̄dictas partes per nostram interlocutoriam, ad eligendum arbitros idoneos, qui si deles in dictis exceptionibus valeant, p̄bationes recipere testium, & ipsis receptis, quod iustum esset decernerēt. Et quia p̄dictæ partes super electione arbitrorum dictorū discordes fuerunt & discordabant, nos litibus finē imponere volentes, & de vestris, legalitate & industria in domino plurimum confidentes, ex officio nostro, vestras venerabilitates ipsis partibus in arbitros elegimus, & ad præmissa assignauimus & assignamus, mandantes vobis in virtute sanctæ obediētiae, & sub excommunicationis pœna, quatenus receptis actis corā vobis actitatis, quæ vobis per notarium causæ propter loci vicinitatē dirigimus, à die datæ p̄sentium, probationes testium, & alias quibus dictus excipiens voluerit uti, infra duos menses recipere curetis, & quod iustum fuerit, vestrā per interlocutoriam, vtpotē si vitum fuerit causam prædictam ad nos remittētes, vel nos iudicem competentem non posse pronunciando, sine debito decidatis. Testes verò, qui nominati fuerint, si se gratia, timore, odio, vel amore subtraxerint, censura simili, appellatione cessante, compellatis veritati testimonium perhibere. Datum. &c.

¶ Nota quòd iudex qui recusatur, potest statuere terminum arbitris ad finiendam causam recusatōis, quo termino elapso, si causa non fuerit finita, procedet in causa principalis, vt est tex. in c. legitima de appel. lib. vj.

¶ Presentatio



¶ *Præsentatio subdelegationis coram aliquo.*

H VIVS MODI Subdelegatione arbitris præsentata, notarius scribit. Anno domini &c. die tali. mensis. In collegio canonistarum studij Cracoui. generalis in caminata venerabilis domini G. de S. decret. doct. L. de N. procurator nobilis A. de B. & N. de I. imperiali autoritate, notarius, personaliter constituti, in præsentia venerabilium dominorum Gregorium de Sham. & Laurentium de Slu. decretorum doctores, commissionem & acta coram præfato venerabili domino. T. actitata, in octo folijs conscripta, præsentauerunt: præfatiq; domini doctores receptis prædictis commissione & actis, cum debita reuerentia, tanquam filij obedientes, citationem contra testes, prædicto L. de N. procuratori nobilis A. per ipsum nominandos decreuerunt ad octauam diæ. Præsentibus. &c.

¶ *Testes inducuntur.*

TESTIBVS Citatis in termino comparentibus, procurator petat vt supra.

¶ Notarius verò scribat. Die Martis decima mensis Februarij Laut. procurator nobilis A. de B. diœcesis Gneznen. in præsentia venerabilium doctorum Gregorium de Sha. & Laurentium de Slu. oblata citatione legitimè executà iuxta morem patriæ, produxit testes infra scriptos H. de D. & M. de F. hæredes pro prima dilatione (renunciando alijs dilationibus) à quibus prædicti domini doctores receptis iuramentis, mihi notario examen eorundem commisserunt, S. ipsius P. procuratore protestante de excipiendo contra personas testium & dicta ipsorum, & quod non examinentur, nisi secundum interrogatoria per ipsum danda, quæ præfati domini doctores statim peracto prandio iusserunt dare, aliàs in contumaciam ipsius non dantis interrogatoria, decreuerunt testes examinari.

¶ *Interrogatoria.*

**I**NTERROGATORIA Infraſcripta, procurator & nomine procuratorio discreti domini P. plebani in Q. dat facit, exhibet & producit, secundum quæ & quodlibet ipsorum petit testes partis aduersæ examinari, qui si secundum ipsa & quodlibet ipsorum non fuerit examinati, vult habere pro non examinatis, de quo solenniter protestatur.

¶ Et primò notarius recepto quolibet teste in secretiore locum, reducat sibi ad memoriam iuramentum per ipsum præstitum de veritate dicenda in præſenti causa pro vtraque parte. Item exponat sibi quomodo falsidicus testis tribus est obnoxius, vt supra. Item inquirat vtrū sit Pater noster, Ave Maria, Credo, & si communicauit de anno præſenti. Item si est excommunicatus. Item cuius ætatis sit, & quantum in bonis habeat, & vtrum sit consanguineus vel amicus vel inimicus alicuius partium. Et si dixerit quòd sit cōsanguineus, inquirat in quo gradu consanguinitatis, & omnia fideliter conscribat. Item quem vellet esse victorem in causa præſenti, & cui plus faueret de victoria causæ. Item num condicauit cum suis contestibus de vnanimi testimonio ferendo. Item si est informatus qualiter debeat testificari, & per quē. Item vtrum habeat notitiam parentum venerabilis domini Tho. canonici & officialis generalis Craco. Et signanter si nouit patrem vel matrem & alios consanguineos præfati domini Thomæ, videlicet strenuum C. camerarium Sandomi. vel alios eius genealogiæ. Et si dixerit quod sic: interrogetur de causis notitiæ & scientiæ diligenter. Generalibus sic expeditis.

¶ Veniendo ad exceptiones articulatæ, & primò ad primam quæ sic incipit. In primis. &c. Si testis dixerit esse verum, inquiratur diligenter de causis scientiæ & gradibus consanguinitatis, videlicet in quo gradu consanguinitatis discretus dominus P. plebanus in Q. attineat præfato domino Tho. seu in quo gradu consanguinitatis sit sibi iunctus. Et omnia diligenter conscribantur, per notarium, cum singulis circumstantijs prout ipse testis deposuerit.

¶ Item

¶ Item circa alias sequentes, si testis dixerit aliquas ex ipsis esse veras, inquirat diligenter de causis scientiæ . &c. vt supra circa priora interrogatoria dictum est .

¶ *Examen testium.*

NOTARIUS Itaque habitis interrogatorijs, testes examinaturus scribit. Sub anno domini 1573. Die Martis penultima Februarij, testes infrascripti pro parte nobilis A. de B. diœcesis Gneznen. videlicet I. de Q. & D. de H. hæredes, per me N. notarium de mandato dominorū doctorum sunt examinati .

¶ Primus testis nobilis H. de D. citatus, iuratus & secundum interrogatoria examinatus, reducto sibi in memoriam iuramento per ipsum præstito de veritate dicenda, & quomodo falsidicus testis &c. Scit Pater noster. Ave maria. Credo. Communicauit de anno præsentis in festo paschæ . Non est excommunicatus, ætatis quadraginta annorum, habens in bonis vltra trecentas marcas vt ipse æstimat. Consanguineus & frater domini P. plebani in Q. contra quem producit, fauens parti habenti iustitiam . Non condicauit cum suis contestibus, nec informatus est qualiter debeat testificari. Deponit non causa odij, amicitiae, vel fauoris: sed purè propter deum. Nihil est sibi datum, nec sperat se aliquid habiturum pro testimonio per ipsum ferendo .

¶ Super prima exceptione articulata, sibi vulgarizata, quæ sic incipit. In primis siquidem ponit. &c. interrogatus, dixit ipsam esse veram ex propria scientia, causam scientiæ reddens, quia nouit parentes vtriusque, videlicet domini T. &c. strenuum S. palatinum Sandomi. & dominū P. plebani in Q. strenuum . C. Camerarium Sando. qui dum vixit in humanis, fuit frater patruelis germanus dicti domini Tho. &c.

¶ Super secunda sibi vulgarizata interrogatus, dixit sibi non constare .

¶ Super tertia, quæ sic incipit. Item ponit vt supra. quòd communis, &c. interrogatus, dixit ipsam esse per omnia veram, causam scientiæ reddens. Quia quotiescunque prædi-  
ctus

ctus P. habeat aliqua ardua facere, sine consilijs præfati domini T. non facit, & econuerso.

¶ Item super quarta videlicet quod consanguinei inter se iudices esse non possunt, sibi vulgarizata interrogatus, dixit sibi non constare, quia non est iurista, sed laicus, solum literas missiles dixit se scire legere, sed non scribere.

¶ Super vltima de fama interrogatus, dixit famam fuisse & esse super depositis per ipsum &c.

¶ Causa breuitatis committitur secundi & tertij testium examen, & pone casum propter sententiam interlocutoriã, quod præcisè eodem modo deponant, sicut primus. Si tamen examinarentur, necesse est cuiuslibet dicta seorsum diligenter conscribere nihil omittere. vt supra. circa simile examen diximus.

¶ *Præparatio ad interlocutoriam.*

¶ Quid Demum faciendum sit, sequentes actus edocēt. Notarius scribit.

¶ Die Iouis secunda mensis Martij procurator nobilis A. de B. citato L. procuratore discreti domini P. de G. plebani in Q. renunciando vltiori productioni testium, petijt per dominos doctores interloqui. Ex aduerso S. procurator plebani, petijt sibi publicari dicta testium. Et præfati domini doctores publicatis attestationibus, decreuerunt fieri copias procuratoribus partium hincinde, & terminum prædicto S. ad dicendum contra seu ad excipiendum ad octauam diem assignauerunt. Præsentibus &c.

¶ Die tali mensis. &c. L. procurator nobilis A. de B. personaliter comparens, accusauit contumaciam S. procuratoris P. plebani in Q. nihil facientis in termino seu non excipientis prout terminus requirebat, & contumaciam ipsius nihil facientis petiuit interloqui. Ex aduerso procurator dicti P. plebani, satisfaciendo termino, excepit generaliter verbo contra dispositiones & dicta testium nobilis A. de B. dicens ipsas de iure inadmissibiles, & testes similiter tanquam singulares, diuersos & aduersos sibi inuicem & cum suis contestibus. L. autem procurator nobilis A. replicando verbo generaliter,

liter, dixit ipsos optimè deposuisse & suam intentionem sufficienter probauisse. Et hincinde peten. interloqui, domini doctores præfixerunt terminum ad octauam diem ad interloquendum & pronunciandum voluntatem ipsorum. Præsentibus &c.

¶ *Interlocutoria habens vim diffinitivæ.*

Nos Grego. de Sha. & Lauren. de Slup. decretorum doctores arbitri per venerabilem dominum Tho. &c. auctoritate apostolica deputati, sedentes pro tribunali, interloquendo pronunciamus exceptiones pro parte nobilis A. de B. diocesis Gneznen. oblatas iudicialiter coram præfato domino Thom. contra iurisdictionem suam in personam ipsius de suspicionem & alijs contentis in eisdem exceptionibus, fuisse & esse sufficienter probatas, & ob hoc obstantibus dictis exceptionibus præfatum dominum Tho. non potuisse nec posse esse iudicem competentem in causa, quam discretus dominus P. plebanus in Q. diocesis Craco. prædicto nobili A. de B. intentaui auctoritate antedicta coram præfato domino Tho. prædictumq; dominum P. plebanum in Q. præfato nobili A. de B. in expensis in lite factis à principio causæ, condemnandum fore & condemnamus, quarum expensarum taxationem, nobis in posterum reservamus. Lata & lecta est hæc sententia interlocutoria per me G. de S. decretorum doctore de consensu domini L. de S. decretorum doctoris coarbitri præsentis causæ.

¶ Notarius &c. Die tali mensis &c. in collegio canonistarum in camera venerabilis G. de S. decretorum doctoris L. procurator nobilis A. de B. in præsentia dominorum doctorum personaliter comparens, per eosdem dominos doctores interloqui petiuit. Et hinc inde petentibus, præfatus dominus G. de S. de consensu & voluntate domini L. de S. doctoris sui coarbitri interlocutus est in scriptis pronuncians exceptiones pro parte nobilis A. de B. super suspicionem domini Tho. fuisse sufficienter probatas, & ipsis obstantibus præfatum dominum Tho. &c. non potuisse nec posse esse iudicem competentem in causa prædicta, condemnantes

nantes dominum P. plebanum in Q. in expensis prædicto nobili A. de B. in lite factis, referuando ipsarum taxationem in posterum S. procuratore prædicti P. de G. plebani in Q. protestante de grauamine & appellando Præsentibus. &c.

¶ Nota circa prædicta, quod illa interlocutoria dicitur habere vim diffinitiuæ. quæ quamuis non diffiniat negotium principale, ad quod principaliter in iudicio est actum, tamen post se non expectat aliam sententiam à iudice eam proferente, secundum Anto. de Butr. & Sicul. in cap. j. de re iudic. Unde sententia super exceptione peremptoria, habet vim diffinitiuæ secundum gloss. ij. in clemen. fin. de appel. vt si iudex pronunciet electum pati defectum in scientia, ætate, moribus, vel natalibus, iuxta. c. cum in cunctis. de elect. vel si in causa matrimoniali, pronunciet actorem seu petentem, esse consanguineum vel affinem. &c. ipsius rei c. literas de resti. spoli. cum simili. vel si pronunciet iudex, sibi iurisdictionem non competere c. siccantibus. de offic. deleg. vel si pronunciet super desertione appellationis, à diffinitiuâ, interpositæ, vt tenet Decis. Rotæ. 412. vel si pronunciet super taxatione expensarum: aut pronunciet, tertiò appellari non posse ij. q. vj. si quis in quacunque, & c. sua. de appel. C. ne liceat in vna ea. causa tertio ap. l. vna. Et talis interlocutoria, habens vim diffinitiuæ, non potest reuocari per iudicem vt tenet doct. in c. cum cessante. de app. & in l. quod iussit. ff. de re iud. sicut & diffinitiuâ. Nam eam semel latam siue bene siue male, iudex tulerit, reuocare non potest, cum suo sit functus officio, etiam si sit iudex successor, tamen sui antecessoris diffinitiuam reuocare non potest l. j. C. senten. rescin. non posse, vbi de hoc vide glo. ij. q. j. in summa.

### ¶ Appellatio.

**C**ORAM Vobis venerabilibus & honorabilibus viris dominis hic præsentibus & assistantibus & te notario publico tanquam persona authentica & fidei, ego S. procurator discreti P. plebani in Q. animo & intentione appellandi, propono, allego, atque dico, quod Quamuis venerabilis



bilis T. &c. venerabilibus G. de S. & L. de S. decretorum doctoribus per ipsum arbitris deputatis super quibusdam prætenfis friuolis exceptionibus pro parte nobilis A. de B. contra iurisdictionem suam in personam ipsius coram ipso iudicialiter productis, in quibus quædam de suspicionem ipsius domini T. quomodo esset suspectus ratione consanguinitatis, consiliorum admissione & alijs in eadem prætenfa exceptione deductis prædicto nobili A. de B. in causa vertente inter discretum dominum P. plebanum in Q. actorem ex vna & prædictum nobilem A. de B. reum partibus ex altera auctoritate apostolica non plus quam nudam & singularem exceptionem testium, super causis suspicionis in dictis exceptionibus contentis & pronunciationem an ipse possit esse iudex competens in prædicta causa aut non, ex probatione dictarum prætenfarum exceptionum, commiserit vel aliàs subdelegauerit, præfati tamen domini doctores dilatantes fimbrias ipsorum & os in cælum ponentes (ipsorum reuerentia semper salua) excedentes metas dictæ commissionis, aliàs subdelegationis, exceptiones fuisse probatas, & obstantibus probationibus dictarum exceptionum præfatum dominum T. non potuisse nec posse esse iudicem tanquam suspectum nobili A. de B. pronunciauerunt, præfatum dominum P. plebanum in Q. in expensis prædicto nobili A. de B. condemnantes, quod nunquam fuit eis commissum. Vnde ex præmissis & quolibet præmissorum sentiens præfatum dominum P. plebanum in Q. fore grauatum, timensque in posterum plus posse grauari, cum ex præteritis malis verisimiliter præsumendum est de futuris, à prædictis omnibus grauaminibus illatis & inferendis, & quolibet ipsorum, condemnatione expensarum & interlocutoria prætenfa, sine alio grauamine quod exinde sequi possit, ad sanctissimum in Christo patrem dominum, dominum Greg. diuina prouidentia Papani xxi. & sacrosanctam Romanam Ecclesiam, sedemque apostolicam in his scriptis pronoco & appello, apostolosque primò instantè, secundò instantius, tertio instantissimè peto, si est qui mihi eos dare velit & possit, vel saltem à te notario publico literas testimoniales in fidem & testimonium omnium præmissorum, subiiciens præfatum dominum

num P. de G. plebanum in Q. cum omnibus sibi adhærentibus, & adhærere volentibus, tuitioni & protectioni sedis antedictæ. Saluo iure addendi, minuendi, corrigendi. &c. Et alij iuris beneficijs semper saluis.

¶ Notarius &c. Dietali, mensis talis S. procurator discreti domini. P. plebani in Q. in caminata venerabilis domini G. de S. decretorum doctoris, in collegio canonistarum, in præsentia venerabilium dominorum doctorum prædicti G. de S. & L. de S. insinuauit & notificauit ipsis appellationem, interpositam ab interlocutoria ipsorum lata pro parte nobilis A. de B. & contra prædictum P. plebanum in Q. petens apostolos. Et præfati domini doctores responderunt velle deliberare super eisdem infra terminum iuris. Præsentibus. &c. Quod autem supra in appellatione est dictum quod in expensis condemnare, non fuit arbitris commissum. Illud est verum, quod non fuit explicitè & expressè commissum. Sed benè implicitè, tacitè, & interpretatiuè. Quia cui committitur principale, eidem & accessorium. ca. de prudentia. de dote post diuortium restituenda. cum similibus. at expensæ litis sunt accessoriæ, vide text. in cap. cum appellationibus. de appellat. lib. vj. Notandum pro sequenti processu, quod quatuor requiruntur in appellatione ab interlocutoria, vel à grauamine extraiudiciali.

¶ Primò quod appellans appellet in scriptis.

¶ Secundò quod exprimat causam in specie, suæ appellationis, clem. appellanti. de appell. & c. j. eod. lib. vj.

¶ Tertiò quod illa causa sit rationalis & legitima, id est talis quæ si esset vera, concluderet ipsum appellantem fuisse grauatum.

¶ Quartò appellans requirat iudicem à quo, vt sibi det apostolos, qui apostoli dicuntur pars appellationis, adeò quod si infra triginta dies non fuerint legitime petiti, perinde censebitur, ac si non fuisset appellatum, vt in ca. ab eo. de appell. lib. vj. & in clem. ij. eo. de quo not. in c. cordi. de appell. lib. vj. Vnde iudex appellationis, antequam appellanti decernat citationem contra appellatum. Primò debet animaduertere, vt sibi constet quod fuerint obseruata omnia prædicta per ipsum appellantem, quia illa requiruntur ad deuolutionem causæ,

causæ, de quo ipse appellans tenetur iudicem appellationis informare . Ita quòd cautum imò necessarium est, quod appellans portet secum sententiam interlocutoriam vel diffinitiuam, & instrumentum appellationis, ostendatque ea iudici ad quem, vt illis simul collatis appareat infra decem dies, ex causa legitima fuisse appellatum, & apostolos petitos. &c. secundum Phil. Franc. post Gemin. in ca. Romana. §. cum autem & §. sequenti. de appel. lib. vj. alioquin iudex appellationis non debet inhibitionem facere iudici à quo, nisi primò citet appellatum, ad opponendum contra ipsam appellationem. vt in al. ca. Romana. §. quod si obijciatur . Et si iudex appellationis cognouerit esse appellatum ex causa legitima tunc incipiat cognoscere de eius veritate, puta admittendo testes vel instrumenta, per quæ possit probari veritas causæ. Quibus sic præcedentibus, statim potest inhibere iudici à quo, & non ante, vt tenet Gemin. in al. §. quod si obijciatur . & ita tenent domini de Rot. decis. 412. quæ incipit. Item si manifestè friuolæ, in nouis decis. alioquin his omissis, non erit inhibitiō legitimè & canonicè facta, nec operabitur effectum reuocationis attentatorum, de quo vide te latius, si placet Philip. Franc. in d. §. quod si obijciatur, & in al. Decisi 412 Si autem fuerit à diffinitiuā appellatum, primò oportet quòd constet benè appellatum, & infra decem dies, etiam nulla causa expressa, dum tamen appellatio, non sit inhibita à iure vel ab homine. Nam his concurrentibus statim inhibere potest iudici à quo, de quo latè Gemi. in al. §. quod si obijciatur, addens, quòd attentata post interlocutoriam & ante inhibitionem, non reuocantur per iudicem appellationis per modum attentatorum sed attentata post diffinitiuā, bene reuocantur. cap. non solum. de appel. lib. vj. Notandum etiam quòd iudex appellationis, ab interlocutoria, debet duas proferre sententias, primò debet pronunciare ex legitima causa fuisse appellatum, & ob id sibi iurisdictionem in causa appellationis competere seu causam ad se esse legitimè deuolutam. Secundò debet pronunciare benè, aut malè in prima instantia per iudicem à quo fuisse sententiatum, & ob id benè, aut malè fuisse ad se appellatum, de quo infra latius in processu secundæ instantiæ .

¶ *Declarationes expensarum.*

**D**ECLARATIONES Expensarum infra scriptas. L. procurator nobilis A. de B. dat, facit, exhibet & producit, secundum quas petit expensas per ipsum factas in causa, taxari. Et primo idem nobilis. A. de B. marcas dedit procuratori pro salario tres, pro mercede obligando se adhuc satisfacturum, quam satisfactionem, adhuc ad quinque marcas æstimat ultra prædictas tres. Item notario dedit marcam salariando ipsum pro notis, copijs & literis citationum. Item pro registro in causa vnam sexagenam. Item pro constitutione procuratoris vnum grossum. Item quinque vias fecit per se met bis in equis per viginti miliaria de domo Cracoui. Item procurando testes expensis super duplicibus exceptionibus, exposuit quinque marcas. Item pro examine testium pro quolibet teste dando duos grossos. exposuit decem grossos. Item pro poculento à lata sententia dominis doctoribus ad malmaticum exposuit marcam. Item pro salomonibus tres fertones. Saluis alijs quæ committit.

¶ *Taxatio expensarum.*

**N**OTARIVS Scribit. Die tali mensis talis, procurator nobilis A. de B. citato S. procuratore discreti domini P. plebani in Q. declarationes expensarum conscriptas in carta papi, in præsentia præfatorum dominorum doctorum G. de S. & L. de S. comparendo obtulit, petiuitq; ipsas taxari. Ex aduerso S. procuratore P. plebani dicente ipsas non debere taxari, cum adhuc penderet terminus ad dandum apostolos. Et præfato L. procuratore nobilis. A. petente sibi dari apostolos, domini doctores ambo responderunt sibi, quomodo iam functi essent officio, & iurisditio ipsorum expirauit, & nihil amplius haberent facere in causa prædicta. Et facta hac responsione super apostolis, taxauerunt expensas ipsi nobili A. de B. ad septem marcas, recepto iuramento à dicto L. procuratore nobilis A. quod tantum necesse habuit exponere in causa, aliàs non expositurus. Et processus censurarum decreuerunt

creuerunt super eisdem. Et ibidem statim dictus S. parendo mandatis dominorum doctorum, petiuit sibi terminum præfigi ad soluendum, protestando quòd solutionem quam facturum est, illam non facit nisi metu sententiarum excommunicationis, asserens se propter hoc grauatum. Et domini doctores secundum iuris dispositionem præfixerunt sibi terminum quadrimestre. Præsentibus. &c.

¶ Intra quod tempus sententia est executioni demandanda notatur infra post 36. folia, aliàs in fine vltimæ instantiæ ipsius causæ.

¶ *Processus coram iudice ordinario in prima instantia.*

**C**ASSATA Delegati iurisdictione, amplius coram eo non proceditur. Quæ si cassata non fuisset, puta si arbitri eum iudicem competentem causæ & partibus pronunciarent, vel si partes in eum mutuo consensu consentirent, idem processus in causa seruaretur coram illo, qui coram ordinario iudice obseruari solet. Vnde optimo iure post præmissa, processum coram ordinario iudice subiungimus in hoc exemplo.

¶ *Casus Figuratio.*

**M. PLEBANVS** In L. diœcesis Craco. intentauit actionem S. plebano in N. eiusdem diœcesis, occasione decimæ, quam præfatus S. occupauerat in parochia & infra limites parochiæ prædicti M. Actor fundat intentionem suam in iure communi, reus verò sese defendendo fundat suam intentionem in præscriptione. Et ventilatur causa coram Episcopo Craco. vel eius vicario, aut officialibus.

¶ Parte itaq; citata corā iudice competenti, actor contra reū iudicialiter proposuit, hæc quæ notarius sic conscripsit.

¶ Sub Anno Domini. &c. quintadecima Mēsis Februarij. F. de C. oblata citatione legitimè executi proposuit contra dominum S. plebanum in N. verbo quomodo decimam predialem & post agros obtinet bonum in villa G. suæ parochiæ, quæ de iure communi ad ipsum dominum M. & suam paro-

chiam pertinet, occupauit & detinet occupatam, nullo sibi iure in eadem competente, spoliando suam Ecclesiam, petens sibi eandem decimam adiudicari, ipsumq; in perceptis fructibus & expensis condemnari, offerens se prædicta latius daturum in scriptis, & dominus præfixit terminum ad octauam diem ad describendum. Præsentibus.

¶ Notandum quòd de iure communi, omnes decimæ intra fines alicuius parochialis Ecclesiæ sitæ, sunt eiusdem Ecclesiæ. c. cum homines. c. tua nobis. de deci. Videte tex. cum no. in c. j. de præscr. li. vj. & in c. ad decimas. de rest. spol. eo. li.

¶ Notandum etiam. Quòd præscriptio, idest diuturna possessio rei, continuata bona fide, dat iustam causam acquirendi dominium rei, dum tamen còcurrant quinque. versus.

*Non usu capies, nisi sint tibi talia quinque.*

*Recta fides, iustus titulus, res non vitiosa.*

*Quòd res tradatur, possessio continuetur.*

Videte glo. summæ. xvj. q. iij. cum concord.

¶ Tenor libelli conuentionalis summarij.

**C**ORAM Vobis venerabili domino T. Cano. & Officali generali Craco. procurator & nomine procuratorio discreti domini M. plebani in L. Ecclesiæ tituli sancti I. diocesis Cracoui. suo & Ecclesiæ suæ nominibus, contra & aduersus discretum S. de B. plebanum in N. dictæ diocesis Cracoui. & contra quamcunque personam pro ipso vestro in iudicio legitimè interuenientem, graui cum querela proponit, atque dicit, quòd quamuis omnes & singulæ decimæ manipulares campestres, diuersi grani seu seminis, videlicet, tritici, siliginis, auenæ, pisæ, ordeï, cæterorumq; frugum, seu sementorum, post agros omnes & singulos, tam prediales nobilis P. quàm sculteti, & chmetonum in villa G. infra & intra limites parochiæ Ecclesiæ prædictæ in L. sita & locata, à xx. xxx. xl l. lx. citra & ultra annis, & à tali tempore, & per tantum tempus cuius initij & contrarij memoria hominum nō existit, & præsertim à tempore erectionis, & fundationis dictæ Ecclesiæ in L. ad prædecessores præfati domini M. & ipsius Ecclesiæ parochiale in L. pertinuisent & spectassent, & nunc pertinent, & spectant, tam de iure communi, quàm de consue-



consuetudine legitimè præscripta, hominesq; vtriusq; sexus, in prædicta villa G. à temporibus supra descriptis perceperunt, & percipiunt Ecclesiastica sacramenta, tam voluntaria, quàm necessaria, à plebanis & ipsorum ministris seu vicarijs pro tempore existentibus ibidem in L. ac ab ipso M. domino plebano, à temporibus quibus prædictam Ecclesiam fuit, & est assecutus, fuerintq; nonnulli prædecessores præfati domini M. plebani, & suæ Ecclesiæ in possessione pacifica, & quieta, vel quasi prædictarum omnium, & singularum decimarum, in prædicta villa G. dictas decimas manipulares, & campestres percipiendi, leuandi, colligendi, ac eas sæpe & sæpius collegerunt, & leuauerunt, & de ipsis secundum libitum & voluntatem ipsorum disposuerunt, in vsus proprios conuertendo, prout etiam ipse dominus M. deberet percipere, & leuare, & de ipsis disponere. Nihilominus tamen prædictus dominus S. aduersarius prædicti M. plebani in hac causa, de & super prædictis decimis se opposuit, & opponit, impediuit, & impedit, fecitq; & facit quominus idem dominus M. dictas decimas percipere, & colligere possit, ipsasq; nescitur quo ductus spiritu, vsurpauit, & intrusit se & intrudit ad easdem, ac ipsas prætextu intrusionis, & vsurpationis à triginta annis citra vel ultra detinuit, & detinet indebitè occupatas & minus iustè, in animæ suæ periculum, dictiq; domini M. & suæ Ecclesiæ præiudicium non modicum & grauamè.

¶ Petit igitur dictus procurator nomine quo supra procuratorio per vos venerabilem virum dominum Tho. Cano. & Offic. Craco. vestramq; sententiam diffinitiuam dici, discerni, pronunciari, & declarari omnes & singulas decimas manipulares & campestres, ex quibuscunque granis, vel seminibus infra fines & limites prædictæ villæ G. in parochia, seu infra parochiam Ecclesiæ parochialis sancti I. in L. sitæ, tam post agros prædiales nobilis A. excrescentes, quàm etià omnium & singulorum sculteti, & chmetonum eiusdem villæ G. ad prædecessores præfati domini M. & suam Ecclesiam à temporibus legitimè præscriptis, & supra deductis, pertinuisse, & ad ipsum dominum præfatum M. à tempore quo assecutus est Ecclesiā prædictam in L. pertinuisse & spectasse, pertinereq; & spectare, tam de iure communi, quàm de con-

suetudine legitimè præscripta, prædictoq; domino M. prædictas decimas cum omnibus iuribus & pertinentijs suis adiudicandum fore & per vos adiudicari, prædicto S. aduersario in dictis decimis manipularibus & earum occasione iniurias & damna præstitas & præstita fuisse & esse temerarias, illicitas & iniustas: temeraria illicita & iniusta, & de facto præsumptas & præsumpta, ipsiq; domino S. de & super occupatione & detentione dictarum decimarum oppositionibus, intrusionibus vsurpationibus, detentionibus, & impedimentis, ac decimis manipularibus prædictis, perpetuum silentium imponendum fore & per vos imponi, dictumq; dominum S. aduersarium ab occupatione & detentione dictarum decimarum amonendum fore & per vos amoneri, præfatumque M. plebanum in L. in & ad realem, actualem & corporalem possessionem dictarum decimarum inducendum fore & per vos induci, dictumque dominum S. aduersarium, in decimis prædictis manipularibus & campestribus à tempore dictæ intrusionis perceptis, & in expensis in hac causa coram vobis propterea legitimè factis, condemnandum fore & per vos condemnari, iustitia mediante.

¶ Prædicta & quodlibet prædictorum petit dictus procurator nomine quo supra, tam coniunctim, quàm diuissim, alijsq; omnibus melioribus, modo, via iure stilo, & forma, quibus melius & efficacius peti possunt & debent. Saluo iure addendi, minuendi, corrigendi, & alijs iuris beneficijs semper saluis. Item protestatur de expensis in lite factis. Item protestatur vt est moris atque stili huius consistorij. Circa prædicta scito quòd sacramenta necessaria seu necessitatis sunt quinque scilicet Baptismus, Confirmatio, Pœnitentia, Eucharistia, & Vnctio extrema. Et dicuntur necessitatis, quia sine his homo saluari nequit, si ex contemptu omittantur, dum haberi possunt. Sacramenta autem voluntaria, seu voluntatis sunt ordo, & matrimonium, quia ea omittere non est peccatum, de quo not. j. q. j. §. sed notandum. & glò. ordinaria, in c. veniens. de transact.

¶ Nota quòd in primo termino citationis potest indifferenter offerri libellus summarius, vt præmissum est, vel articulatus, vt sequitur.

¶ *Libellus Conventionalis Articulus.*

CORAM Vobis venerabili viro domino Tho &c. procurator & nomine procuratorio discreti M. rectoris Ecclesiæ in L. diœcesis Craco. contra & aduersus discretum S. & contra quamcunque personam pro eo vestro in iudicio legitimè interuenientem dat, facit, exhibet, & producit, positiones & articulos infra scriptos per viam & modum libelli, ac summarie petitionis coniunctim & diuim narratiuè & dispositiuè alijsq; melioribus modo & forma, quibus potest & debet, petès eisdem singulariter singulis p partem aduersam, medio iuramento responderi, qui si negati fuerint, petit se & partem suam ad probandum admitti, non astringens propter hoc se ad aliquam superfluum probationem, sed duntaxat ad ea quæ sibi ad præsentis causæ victoriam sufficiant obtinendum. De quo solenniter protestatur.

1 ¶ In primis igitur ponit, & probare intendit, quod à x. xx. xxx. xl. &c. annis præteritis & continuè citra vel supra, ac à tanto tempore & per tantum tempus cuius initij seu contrarij memoria hominum non existit, in regno Poloniæ & intra ipsum, fuit & est esseq; consuevit, & hodie est quædam solennis ciuitas Craco. communiter vocata & appellata, habens Ecclesiam cathedralem, siue Episcopalem, ac ipsum Episcopum pro tempore vt caput, prælatos & canonicos velut membra, capitulum facientes & representantès, longam & limitatam diœcesim. Quod sic fuit & est verum. De hoc articulo videre. cap. nouit. & ca. & si membra, de his quæ sunt à prælat. sine consensu cap.

2 ¶ Item ponit quod à dictis temporibus, & per ipsa tempora in dicta diœcesi Cracoui. & infra ipsam fuit esseq; consuevit quædam Ecclesia parochialis, vocata communiter & appellata Ecclesia parochialis sancti I. in L. diœcesis Craco. habens campanas campanile, fontem baptismalem, cœmeterium pro corporibus suorum parochianorū tumulandis, ac hominibus vtriusque sexus, certam & limitatam parochiam à finibus, & limitibus aliarum parochiarum circumiacentes separatam & distinctam, & alia insignia Ecclesiam

parochialem representantem. Quòd sic fuit & est verum. De hoc articulo videtext.in cap. sicut antiquitus. & in ca. si quis in atrio. xvij. quæstione iij. iuncto. cap. patentibus. de priuilegijs.

3 ¶ Item ponit, quòd à temporibus in primo articulo descriptis, & per ipsa tempora, necnon à tempore foundationis, siue erectionis dictæ parochialis Ecclesiæ, in L. omnes & singulæ decimæ manipulares & campestres diuersi grani, excrecentes post agros, & araturas prædiales nobilis A. ac omnium & singulorum incolarum sculteti, & chmetonum villæ prædictæ annuatim prouenientes, spectauerunt & pertinuerunt, spectareque & pertinere consueuerunt, ac hodie spectant & pertinent, ad dictam Ecclesiam parochialem in L. & ad rectorem eiusdem Ecclesiæ, pro tempore existentem in solidum absque requisitione, siue consensu alterius cuiuscunque hodieque spectant & pertinent, ad ipsum dominum M. rectorem modernum. Rectoresque pro tempore existentes, ac ipsa Ecclesia à dictis temporibus, & per ipsa tempora, citra vel ultra fuit in possessione iuris percipiendi, leuandi, exigendi, colligendi, & habendi, supra dictas decimas manipulares, & campestres post araturas prædictorum, nobilis A. incolarumque & chmetonum, vsque ad tempus spoliationis infra scriptum. Quòd sic fuit. &c.

4 ¶ Item ponit, quòd communis opinio, assertio, credulitas & vera reputatio communeque dictum, ac publica vox & fama fuit & est, quòd decimæ manipulares & campestres diuersi grani, excrecentes post agros, & araturas prædiales nobilis A. prædicti, omniumque & singulorum incolarum chmetonum villæ supradictæ G. de usu, more, & consuetudine præscriptis, & inuiolabiliter obseruatis, spectauerunt & pertinuerunt, spectareque & pertinere consueuerunt, & hodie spectant & pertinent ad prædictam Ecclesiam in L. & eius rectorem pro tempore existentem, quodque prædicta Ecclesia & eius rector qui pro tempore existerat, fuit & erat præsertim ante mensem Augusti de anno præsentis, in pacifica possessione, habens ius decimandi, ac decimas huiusmodi singulis annis leuandi, & percipiendi, ac habendi pacellam & publicè. Quòd sic fuit, & est verum.

5 ¶ Item

5 ¶ Item ponit, quòd prædictus S. iuri vero & optimo dictæ Ecclesiæ parochialis in L. & rectori eius in dictis decimis, & possessione earum temerè, & de facto se opposuit, & opponit, ipsamque Ecclesiam in L. huiusmodi decimis, de anno Domini 1573. mense Aug. eiusdem anni temerè spoliavit, ipsamque Ecclesiam & eius rectorem à dicto anno millesimo. &c. citra continuè detinuit, prout, & hodie detinet spoliando præter voluntatem dicti rectoris, huiusmodique decimas sibi appropriavit & appropriat indebitè, & aliàs dictum dominum M. & eius Ecclesiam super huiusmodi decimis multipliciter molestat, & impediuit, ac molestat, & impedit, quominus huiusmodi decimas recuperare valeat, & ad eas restitui in animæ suæ periculum, & dictæ Ecclesiæ parochialis & eius rectoris, præiudicium non modicū & grauamen.

6 ¶ Item ponit, quòd huiusmodi decimæ siue fructus decimarum prædictarum, vt præmittitur spoliatarum xx. marcas annis singulis valuerunt, & hodie valent, si venditioni exponerentur. Et ita fuit & est verum.

7 ¶ Item ponit, quòd idem dominus M. ab vno duobus, tribus, & quatuor. &c. annis proximè præteritis citra & supra fuit, & erat, & hodie est rector Ecclesiæ in L. ac in ipsius pacifica & quieta possessione, & talis fuit habitus tentus & reputatus. Quòd sic. &c.

8 ¶ Item ponit, quòd dictus dominus M. rector, & sui antecessores, sæpe & sæpius dictum dominum S. spoliatorem, ac occupatorem decimarum prædictarum, monuit & interpellauit, monueruntque & interpellauerunt, quatenus huiusmodi decimas spoliatas, seu earum valorem præfato domino M. & eius Ecclesiæ restitueret cum effectu, ac se de huiusmodi decimis de cætero nullatenus intromittere deberet.

9 ¶ Item, quòd prædictus S. spoliator decimas, & earum valorem dicto domino M. rectori & eius Ecclesiæ, soluere, & restituere recusauit & contradixit, prout & hodie refusat, & sic contradicit. Quòd fuit.

10 ¶ Item ponit, quòd de omnibus præmissis fuit, & est publica vox & fama.

¶ Petit igitur dictus procurator nomine quo supra, procuratorio per vos venerabilè. &c. vestramque sententiam diffinitiuam

nitiuam dici, pronunciari, & declarari, prædictas omnes & singulas decimas, tam prædiales post araturas nobilis Ant. quam etiam omnium & singulorum sculteri, incolarum & cinethonum in villa G. communiter nominata ad prædecessores dicti domini M. & Ecclesiam suam pertinuisse & spectasse, & nunc pertinere & spectare, ac ad ipsum dominum M. modernum rectorem ecclesiamq; suam prædictam hodie pertinere & spectare, ipsasq; decimas omnes & singulas supra descriptas omnis grani seu seminis, ipsi domino M. & ecclesiæ suæ adiudicandas fore & ad iudicari, ipsumq; dominum S. detentorem & occupatorem dictarum decimarum, à detentatione & occupatione amouendum fore & per vos anoueri, ac ipsum dominum M. & dictam suam Ecclesiam in & ad realem, corporalem, actualemq; possessionem iuris percipiendi decimas superscriptas restituere. reintegrari. & reinducen. fore: & per vos restitui, reintegrari, & reinduci, oppositionesque, contradictiones & recusationes ac impedimenta fuisse temerarias, illicitas & iniustas: ac temeraria, illicita & iniusta, & de facto duntaxat præsumptas & præsumpta: ipsumq; S. in dictis decimis à tempore occupationis, spoliationis, & detentionis, perceptusq; fructibus, necnon in expensis propterea coram vobis legitimè factis condemnandum fore, & per vos condemnari, & alias, in, de & super præmissis omnibus sibi fieri iustitiæ complementum, vestrum benignum officium ad hoc humiliter imploran.

¶ Præmissa & quolibet præmissorum petit dictus procurator nomine quo supra procuratorio, coniunctim & diuisim, omnibus melioribus, modo, via, iure, stilo & forma, quibus melius & efficacius potest & debet. Saluo iure. &c.

¶ Notarius Die Lunæ xv. mensis &c. V. de C. procurator M. plebani in L. obtulit libellum in scriptis in causa decimarum ecclesiæ eiusdem, & ex aduerso A. de D. procurator S. plebani, in N. petiuit copiam & terminum ad deliberandum, alias ad dicendum contra. Et dominus præfixit octauam diem Præsentibus. &c. Nota circa prædictam petitionem, quòd non solum possunt peti fructus capti seu percepti, sed etiam qui à primo possessore diligentius percipi potuerunt, sed captor per suam incuriam, non omnes præcepit.



pit. vt not. in cap. grauis. de restitu. spolia.

*¶ Theorica in materia Libelli notanda, & quomodo Libellus est syllogismus Iuristarum.*

EX PRAEMISSIS Formulis elicere promptū est, quòd libellus est veluti syllogismus iuristarum. Nam in eo interuenit maior, minor & conclusio quemadmodum & in syllogismo. Plerumq; tamen tacetur in libello maior præmissa tanquam de se nota. Vnde iuristæ sic implicite arguunt. Omnis qui recipit pecuniam mutuo, tenetur illam restituere. Ticius à me accepit decem. Ergo debet mihi condemnari ad restitutionem. Sepius tamen iuristæ vtuntur entimematico argumento sic. Mutuauit Ticio decem, quare peto ipsum condemnari. Quia lex habet maiorem propositionem omissam pro nota secundum Lanf. in c. quoniam contra. de probationis.

*¶ Et nota quòd libellus exigitur in scriptis necessariò in causis plenarijs & magnis, secundum Cardina. & Abb. in ca. j. de lib. ob. & Paul. de Eleaz. in cle. sæpe. de verb. sign. secus in causis summarijs & vilibus xxj. q. j. si quis cum clerico. Vi de gloss. in ver. necessaria. in d. cle. sæpe. Item quia sententia debet esse conformis libello, vt in c. qualiter. ij. de accusa. c. licet heli. de si.*

*¶ Quomodo sententia debet esse conformis libello.*

S E D Dices si iudex iuxta formam & petitionem libelli debet formare sententiam, ergo omnis sententia erit condemnatoria. Omnis enim actor conclusiue petit in libello reum condemnari. Sol. Lanf. in d. c. quoniam. dicens quòd sententia debet esse conformis libello quòd ad modum decidendi, non quòd ad modum concludendi seu petendi per actorem. Ita quòd sententia debet esse conformis libello non quòd ad eius conclusionem, sed quòd ad modum decidendi, & hoc quòd ad tria, videlicet quòd ad rem, quòd ad causam, & quòd ad actionem, hoc est per sententiam res debet terminari deducta in libello, secundum causam ex qua est petita, & secundum modum

dum deductum in iudicio. Et sic poterit etiam esse sententia absolutoria, cum talis poterit in se continere rem causam, & actionem in sui decisione.

¶ *Exceptiones contra libellum.*

**C**ONTRA Quendam prætenfam cartam loco libelli pro parte discreti M. plebani in L. contra discretum S. plebanum in N. nuper in iudicium vestrum oblatam & productam procurator & nomine procuratorio præfati domini S. excipit, opponit, arguit & excipiendo dicit, quod dicta prætenfa carta cum contentis in ea est impertinens, vaga, obscura, in intelligibilis, & aliàs est talis quòd non meretur habere nomen libelli, prout ex eius inspectione cuilibet intuenti liquidè apparet.

1. ¶ Et primo excipiendo dicit, quòd ipse prætensus libellus seu carta libelli est de iure inadmissibilis, peccans in modo & forma, & aliàs incongruus, peccans incongruitatibus & in orthographia grammaticæ, ita quod non meretur dici libellus, nec meretur dici verus vel falsus, quia incongruus, cum verum & falsum præsupponunt congruum. Et cum hoc non est debite specificatus. Nam licet in eodem adducitur nomen villæ & nomen proprium hæredis, non tamen specificantur nomina propria, sculteti & cmetonum prout dictus procurator refert se ad tenorem prædicti prætensi libelli.

2. ¶ Item pro & ex eo dictus libellus est inadmissibilis, quia in eodem licet deducatur tempus prætenfæ spoliationis, non tamen specificatur annus mensis & dies, cum omnia in libello specificari & absque omni ambiguitate, debeant deduci: prout ex descriptione libelli & ijs quæ debeant contineri in libellis clarissimè elicitur.

3. ¶ Item pro & eo prædictus libellus est de iure inadmissibilis quia diffusus in materia, & confusè & indebitè conceptus, in constructione suspensus, ac talis quod etiam ad debitum intellectum non potest reduci, & aliàs est malè narrans, peius & pessimè concludens, ita quod etiam conclusio seu petitio non procedit ex narratis. Et posito & non concessio quod procederet ex narratis, nihilominus tamen est de iure

re inadmissibilis, quia narrata in petitione non concluduntur, prout dictus procurator refert se ad dictum prætensum libellum, si dici meretur, & aliàs est talis quod obstan. prædictis exceptionibus venit de iure repellendus.

¶ Ex præmissis igitur & quolibet præmissorum petit dictus procurator nomine quo supra procuratorio, per vos venerabilem dominum. &c. & vestram interlocutoriam, obstantibus deductis exceptionibus dictum prætensum libellum repellendi fore & per vos repelli, dictumq; M. plebanum in L. prædicto domino S. in expensis litis condemnandum fore & per vos condemnari, iustitia mediante. Has exceptiones &c. Saluo iure addendi, minuendi, corrigendi.

¶ Notarius die Martis sexta mensis. &c. A. de D. procurator discreti domini S. plebani in N. obtulit exceptiones in scriptis contra libellum pro parte domini M. plebani in L. super decimis oblatum. Ex aduerso V. de C. peten. copiam & terminum ad dicendum contra, aliàs ad replicandum, dominus ad octauam diem præfixit. Præsentibus. &c. Nota circa primam exceptionem superscriptam. Quod vitium latinitatis in congruitate & constructione viciat rescriptum imò ignorans Grammaticam, deijcitur à beneficio obtento. cap. fin. de æta. & quali.

### ¶ *Replicationes.*

**C**ONTRA Quandam prætenfam cartam loco exceptionum pro parte domini S. plebani in N. & contra libellum discreti domini M. plebani in L. nuper in iudicium vestrum oblatam & productam, procurator & nomine procuratorio discreti M. replicat, arguit, opponit & replicando dicit, quòd dicta prætenfa carta cum contentis in ea est friuola, impertinens, causa diffugij & indebitæ productionis data & concepta, non releuans producentem, nec nocens parti contra quam producit, & aliàs est talis, quòd ipsa non obstante prædictus libellus per vos venerabilis domine, tanquam in bona & optima forma conceptus, est admitteendus & debet admitti prout ex infra deductis patebit.

1 ¶ Et primò descendendo ad primam & secundam exceptiones, in quibus breuiter deducitur confusè & falsè quomodo dictus libellus peccaret in materia & forma in congruitatibus grāmaticalibus. Ad hoc replicando dicitur, q̄ dictus excipiens fortassis non nouit materiam & formam libellorū. Quia si intellexisset, nunquam excepisset, cū dictus libellus sit optimè conceptus, nullum prædictorum vitiorum in se continens. Quantum autem ad congruitatem grammaticalem, replicando dicitur, quod dictus excipiens nō est audiendus, quia non specificat loca & capitula dicti libelli in quibus esset vel videretur esse incongruus.

2 ¶ Item ad hoc vbi dictus excipiens falsè deducit libellum nō esse specificatum in proprijs nominibus sculteri & chmetonum. Ad hoc replicando dicit, quod quotiescunque actio dirigitur cōtra vniuersitatem seu communitatem ciuitatis, villæ vel castri. &c. nunquam personæ sub proprijs nominibus debent specificari, aliàs mutatis vel extinctis personis actio extingueretur, de quo not. in l. proponebatur. ff. de iudic. & in c. quoniam Abbas. de offic. deleg.

3 ¶ Item quò ad hoc vbi dicit non esse specificatum annum mensem & diem spoliationis. Ad hoc replicando dicitur. Quantum ad annum sufficienter est specificatum, quia à xx. annis. Quantum autem ad mensem & diem. Replicando dicitur. quia in articulis specificabitur. Nam generaliter deducta in libellis, in articulis debēt specificari, aliàs essent articuli superflui, si omnia specificè deberent deduci in libello. Et tamen ad conuincendam malitiam excipientis, dictus replicans specificando tempus spoliationis, dicit ipsam fuisse & esse factam sub anno domini. &c. die mēsis talis. &c. Et istam specificationem dictus replicans, repetit in libello petens eam reponi in actis.

4 ¶ Item descendendo ad alias prætenſas exceptiones in quibus excipiens non intelligens dicit libellum diffusum & indeterminatum & inconstructiuè confectum, & cum hoc deducit, licet falsè, quod narrata non concluderentur in petitione. Ad præmissa omnia replicando dicitur, quod dictus excipiens, fortassis grammaticæ non studuit, aut in domo non fuit concipiendo dictas exceptiones, Et breuiter dicendo,

cendo, falsè singula deducit, salua sui reuerentia, fortassis libellum non intellexit. Et vt intelligat, vadat ad scolas vt sibi declaretur. Et sic breuiter sufficienter est replicatum ad prædictas suas exceptiones impertinen. & de iure inadmissibiles.

¶ Ex præmissis igitur & quolibet præmissorum petit dictus procurator nomine quo supra procuratorio, per vos venerabilem. &c. non obstantibus dictis friuolis & prætensis exceptionibus, libellum pro parte domini M. plebani in L. oblatum, in omnibus punctis & capitulis admitendum fore & per vos admitti, vestra sententia interlocutoria mediante. Has replicationes dictus procurator. vt supra.

¶ Notarius. Die mensis. &c. V. de G. procurator M. plebani in L. præsentem A. de D. obtulit replicationes in scriptis in causa decimali. Et V. prædicto duplicante verbo & hincinde peten. interloqui, dominus ad interloquen. præfixit primam diem iuridicam. Præsentibus. Nota circa primam replicationem supradictam. Quod communitas seu vniuersitas cum sit quid inanimatum mori non potest. Imò nec excommunicari debet tanquam quid inanimatum, sed primi de vniuersitate. vt est textus in capit. Romana. §. in vniuersitatem de senten. excommunic. lib. vj. de quo dic vt ibi.

¶ *Aduersariorum prætenſa quæ dicuntur.*

NOTA Ex præmissis quod quæ contra nos sunt, prætenſa ideo appellamus, vt ea per hoc extenuemus. Cautela enim est ne aduersarij producta per nostram simplicem assertionem approbemus, sicuti cauendum est ne aduersarium nomine beneficij super quo litigamus, prælatum appellemus, vel sibi aliquem honorem ratione huiusmodi beneficij litigiosi exhibeamus, ne per hoc videamur iuri nostro cedere. ca. ex ore. de his quæ fi. à ma. parte ca.

/ ¶ *Facta interlocutoria.*

NOTARIUS Scribit. Die Veneris decima mensis Martij V. de C. ipsius M. & A. de D. ipsius S. procuratoribus petent. interloqui super ipsorum exceptionibus, & replicationibus, in causa decimali, dominus interlocutus est verbo, admittendo libellum M. salua specificatione de tempore spoliationis, compensando hinc inde expensas. Et statim V. de C. specificando libellum quò ad tempus spoliationis dixit ipsam fuisse de anno domini. &c. die prima Mensis Augusti, & petiuit ipsam in actis reponi, dicto V. protestantibus de reconueniendo, & petentibus sibi dari terminum ad reconueniendum. Et dominus ad octauam diem præfixit. Præsentibus.

¶ *Libellus reconventionalis.*

CORAM Vobis venerabili Domino T. &c. A. de D. procurator, & nomine procuratorio discreti S. de G. rectoris Ecclesiæ parochialis sancti P. in N. diocesis Cracoui. contra & aduersus discretum dominum M. rectorem Ecclesiæ parochialis sancti I. in L. præfatæ diocesis Cracoui. & contra quamcunque personam pro eo, vel eius nomine vestro in iudicio interuenient. graui cum querela, reconuenient. proponit atque dicit, quòd Quamuis à x. xx. xxx. xl. &c. citra, vel vltra annis, ac à tali tempore, & per tantum tēpus cuius initij, & contrarij memoria hominū non existit, omnes & singulæ decimæ manipulares, & campestris diuersi grani, seu seminis, videlicet, tritici siliginis, auenæ, pisæ, ordeï, scruti, cæterorumque frumētorum post omnes & singulos agros, tam prædiales nobilis A. quam etiā omnium singulorum sculteti, & cniethonum, & incolarum in villa G. communiter nominata, dictæ diocesis Cracoui. ad prædecessores præfati domini S. & ecclesiam suam pertinuis sent, & spectassent, prout, & hodie pertinent, & spectant de consuetudine legitimè præscripta, ac à temporibus foundationis, & erectionis prædictæ ecclesiæ in N. ac ad ipsum dominum



dominum S. à tempore affecutionis eiusdem ecclesiæ, fueruntque omnes & singuli sui prædecesores in pacifica possessione iuris percipien. tollen. leuati. & in vsus ppios iuxta placitum, & libitum, ipsorumque voluntatem cōuertē. & per tempora descripta inconcussē, & inuiolabiliter conuērterunt absque aliqua interruptione, ac ipse dominus S. à temporibus quibus cœpit esse plebanus similiter in possessione prædictarum decimarum fuit, prout & hodie est, saluis impedimentis de quibus infra, nihilominus tamen prædictus Matthæus prætensus, Plebanus, Ecclesiæ, prædictæ parochialis in L. perturbauit, & perturbat, molestat, & molestat, impediuit, & impedit præfatum dominum S. in possessione prædictarum decimarum, de Anno p̄senti, opposuitque se & opponit, contradixit, & contradicit, impedimenta que præstitit, & præstat domino S. quominus possit atque valeat gaudere pacifica, & quieta possessione prædictarum decimarum, in periculum animæ suæ, & in præiudicium non modicum, & grauamen præfati domini S. & suæ ecclesiæ prædictæ.

¶ Petit igitur dictus procurator nomine quo supra. p vos venerabilem &c. vestramque sententiam diffinitiuam constituto de assertis dici, pronunciari, & declarari, prædictas oēs, & singulas decimas, tam prædiales postaraturas nobilis A. quam etiam omnium, & singulorum incolarum sculteti, & cmthonum in p̄fata villa G. ad p̄decesores domini S. & suā Ecclesiam in N. p̄tinuisse, & spectasse, & hodie p̄tinere, & spectare, omnesque & singulos p̄decesores p̄fati domini S. in pacifica, & quieta possessione dictarum decimarum fuisse & extitisse, p̄dictasque decimas manipulares, & campēstres p̄fato domino S. & Ecclesiæ suæ p̄dictæ, adiudicari. fore, & p vos adiudicari, p̄dicto que domino M. & Ecclesiæ suæ in L. in ipsis decimis, & ad ipsas nullum ius competisse, nec competere, oppositionesque & contradictiones, ac impedimenta p̄fato domino S. & Ecclesiæ suæ p prædictum dominum M. p̄stitas, & p̄stita, temerarias, & iniustas, temeraria, & iniusta fuisse, & extitisse, & ob hoc p̄dicto domino M. & Ecclesiæ suæ de & super p̄dictis decimis ppetuum silentium imponendum fore, & p vos imponi, p̄fatumque dominum S. ab impetitione

titutione dicti domini M. absoluendum fore, & per vos absolui, occasioneque indebiti tractus in causam p̄dictam p̄fatoro domino S. in expensis in causa legitimè factis condemnandum fore, & per vos condemnari, iustitia mediante, & aliàs de & super p̄missis sibi fieri iustitiæ complementum, vestrum benignū offic. ad hoc humiliter implorañ. prout sup.

¶ Notarius. Die Veneris x. Mensis. &c. R. de D. p̄curator domini S. de G plebani in N obtulit libellum reconuentionalem in scriptis, ex aduerso V. de C. p̄curatore domini M. plebani in L. peteñ. copiam, & terminum ad deliberandum, aliàs ad dicendum contra, & dominus p̄fixit terminum ad octauam diem. Præsentibus.

¶ *Exceptiones verbales.*

NOTARIVS Scribit. Die Mercurij. vndecima Mensis. &c. V. de C. p̄curator discreti d. M. de P. plebani in L. excep̄cit generaliter verbo contra libellum reconuentionalem pro parte domini S. plebani in N. iudicialiter p̄ductum: dicens ipsum de iure inadmissibilem tanquàm impertinētem. &c. Ex aduerso A. de D. procuratore domini S. replicañ. verbo. Et hincinde peteñ. interloqui, dominus ad primam diem iuridicam p̄fixit terminum ad interloquendum. Præsentib.

¶ *De mutuis petitionibus.*

DICTVM Est supra folio xxviij. vbi notauimus de libello reconuentionali.

¶ *De interlocutoria verbali.*

NOTARIVS. Die Lunę x. Mensis. &c. A. de D. plebani in N. & V. de C. plebani in L. p̄curatoribus peteñ. interloqui super libello reconuentionali, & exceptionibus verbalibus contra dictum libellum reconuentionalem, dominus non obstantibus exceptionibus p̄ parte M. de P. plebani in L. & ipsis repulsis, admisit libellum, & p̄curatoribus p̄dictis ad respondendum hincinde libellis terminum ad octauam diem

diem præfixit, & assignauit. Præsentibus.

¶ *Responsiones ad libellos.*

NOTARIVS. Die Lune xvj. Mensis. &c. A. de D. ꝑcurator plebani in N. ad conuentionalem, & V. de C. plebani in L. ad reconuentionalem libellos super decimis ꝑductos, responderunt hincinde, negantes natrata, ꝑut narrantur fore vera, & peten. petita fieri non debere animolitem contestandi. In suis verò libellis, quilibet ipsorum diceñ. narrata fore vera, & petita fieri debere. Et hincinde D. ꝑcuratoribus terminum ad ponendum, & articulandum dominus ad duodecesimum diem præfixit. Præsentibus.

¶ Nota quòd ad articulandum Romana curia xij. dies præfigere consuevit, & ille terminus est essentialis verum apud nos arbitrio iudicis relinquitur.

¶ *Articuli pro parte actoris.*

**P**OSITIONES Et articulos infrascriptos, procurator, & nomine procuratorio discreti domini M. rectoris ecclesię parochialis in L. dat, facit, exhibet, & producit, coniunctim, & diuim, narratiuè, & dispositiuè, petens eisde per partem aduersam medio suo iuramēto responderi, qui si negati fuerint, petit se, & suam partem ad probandum admitteri.

1 ¶ In primis igitur ponit, & si negatum fuerit probare intendit quòd à x. xx. xxx. xl. citra, vel vltra annis, ac à tali tempore, & pertantum tempus cuius initij, & contrarij memoria hominum non existit quòd in regno Polonię, & in diocesi Cracoui. fuit, & est esseq; consuevit, & hodie est Ecclesia parochialis communiter nominata, & appellata sancti I. in L. habens campanas, campanile, cēmeterium pro tumulandis, & sepellendis corporibus parochianorum suorū, fontem baptismalem, cæteraque insignia Ecclesiā parochialem representantia, parochiam amplam, & latam, limitatam, & separatam ab alijs parochijs circumiacentibus. Et sic fuit, & est verum, rentum, habitum, creditum, reputatum. &c.

2 ¶ Item ponit, vt supra, quòd à temporibus supra descriptis.

in proximo articulo, in parochia, & in parochiam prædictæ Ecclesiæ parochialis in L. præter alias villas eiusdem parochiæ, tuit & est esseque consuevit, & nunc est quædam villa G. communiter nuncupata, inhabitata, per homines vtriusq; sexus, hominesque, & incolæ omnes, & singuli eiusdem villæ C. tam nobilis A. hæres in ibidem cum sua curia quam etiam scultetus, & incolæ, ac cmethones villæ prædictæ pceperunt, & percipiunt ecclesiastica sacramenta, tam voluntaria quam necessaria, à rectore prædictæ Ecclesiæ in L. & suis vicarijs à temporibus supra descriptis. Quod sic fuit, & est verum.

3 ¶ Item ponit vt supra, quod à x. xx. &c. centum citra, & ultra annis, ac à tali tempore, & per tantum tempus cuius initij, & contrarij memoria hominum non existit, omnes & singulæ decimæ manipulares, & campestres diuersi grani, & seminis, videlicet tritici, siliginis, auenæ. &c. cæterorumq; fructuum post omnes, & singulos agros, & araturas, tam prædiales nobilis A. prædicti quam omnium, & singulorum incolarum, sculteti, & cmethonum, in villa prædicta communiter nominata, & vocata G. dictæ parochiæ, in L. ad prædecesores præfati domini M. & Ecclesiam suam in L. prædictam, per tempora supra descripta, ac à temporibus supra descriptis ptinuerunt, & spectauerunt ptinereque, & spectare consueuerunt, & hodie ptinent, & spectant, fueruntque nonnulli prædecesores præfati domini M. in pacifica, & quieta possessione iuris percipientium. tollentium. leuantium. habentium. prædictas decimas, tuleruntque, & leuauerunt, ac in vsus proprios conuerterunt iuxta placitum ipsorum. Quod sic fuit &c.

4 ¶ Item ponit vt supra. quod communis hominum opinio & credulitas, & vera reputatio fuit & est, quod omnes & singulæ decimæ prædictæ, tam post araturas præfati nobilis A. quam omnium, & singulorum incolarum, sculteti, & cmethonum, in villa prædicta G. ex crescentium. ptinuerunt, & spectarunt ad prædecesores præfati domini M. & Ecclesiam suam in L. à temporibus supra in proximo articulo descriptis, rectorque pro tempore existens & Ecclesia prædicta fuit in possessione pacifica prædictarum decimarum, ante Mensem. August. Anno domini &c.

5 ¶ Item

5 ¶ Item ponit quòd temporibus supra descriptis in articulo proximo, p̄dictus dominus S. iuri vero & optimo p̄fati domini M & Ecclesie sue quod sibi cōpetit in decimis p̄dictis, se opposuit, & opponit, contradixit, & contradicit, ac p̄decessores suos, ac Ecclesiam ab Anno domini. &c. die decimo Mensis Augu. de p̄dictis decimis, in p̄dicta villa G. spoliavit, & ad ipsas se intrusit, & est intrusus in easdem, occupavitque ipsas propria temeritate, & occupat, detinuit, & detinet spoliatas vsque ad p̄sens tempus, videlicet Annum domini, &c. Quod sic fuit. &c.

6 ¶ Item ponit vt supra, quòd decima, siue fructus decimarum p̄dictarum spoliatarum, secundum communem hominum reputationem, valuerunt, & valere potuerunt xx. marcas quolibet anno à tempore spoliationis, si venditioni exponerentur. Quod sic fuit.

7 ¶ Item ponit quòd de omnibus p̄missis fuit & est publica vox, & fama.

¶ *Articuli super reconventionali Libello.*

**P**OSITIONES Et articulos infrascriptos, procurator, & nomine procuratorio discreti domini S. rectoris Ecclesie parochialis in N. diocesis Cracoui. dat, facit, exhibet, & producit, coniunctim, & diuim narratiue, & dispositiue, petens eisdem per partem aduersam medio suo iuramento responderi, quos si negati fuerint probare intēdit, non astringēs per hoc se, nec suam partem ad aliquod onus superflue probationis, sed duntaxat ad ea probanda, quæ pro intentione sua, & victoria p̄sentis causę obtinenda sufficere videantur, de quo solenniter protestatur.

1 ¶ In primis igitur ponit, & si negatum fuerit, probare intendit quòd à x. xxx. lx. &c. & citra, & vltra annis, ac à tali tempore, & per tantum tempus cuius initij, & contrarij memoria hominum non existit omnes decime manipulares, & cāpestres diuersi grani, seu seminis, videlicet tritici, p̄si, &c. ceterarumque frugum post omnes & singulos agros, & araturas, tam p̄diales nobilis A quàm omnium & singulorū, incolarum, sculteti, & cmethonum in villa G. excresecn.

diœcesis Craco. ad prædecessores præfati domini S. & suam Ecclesiam pertinuerunt, & spectauerunt, & hodie pertinent, & spectant. Quod. &c.

2. ¶ Item ponit vt supra, quod omnes prædecessores præfati domini S. & Ecclesia sua fuerunt in pacifica, & quieta possessione dictarum decimarum à temporibus supra descriptis inconcussæ, & inuiolabiliter absque interruptione aliqua, ac præfatus dominus S. à temporibus quibus cœpit esse plebanus, semper & absq; alicuius contradictione, saluo impedimento præsentis, fuit in quieta, & pacifica possessione dictarum decimarum à temporibus supra descriptis, toleñ. leuāñ. decimañ. & in vsus proprios iuxta placitū cōuerteñ. Qd.

3. ¶ Item ponit vt supra, quod prædictus dominus M. rector Ecclesiæ parochialis in L. prædictæ diœcesis Craco. nescitur quo ductus spiritu, aut qua temeritate inflatus (loquendo absque omni iniuria) perturbauit, & molestauit, perturbat, & molestat, prædictum dominum S. & Ecclesiam suam in possessione prædictarum decimarum, opposuitque se, & opponit præfato domino S. quominus prænominatus dominus S. & Ecclesia sua possit, & valeat gaudere pacifica, & quieta possessione prædictarum decimarum, in periculum animæ suæ, & in præiudicium non modicum, & grauamen ipsius domini S. & suæ Ecclesiæ. Et sic. &c.

4. ¶ Item ponit quod de omnibus præmissis publica vox est & fama.

¶ *Oblata.*

NOTARIVS Die Veneris. &c. V. de C. ipsius M. plebani in L. & A. de B. ipsius S. plebani in N. procuratores, hincinde oblati positionibus, & articulis in causa decimarum villæ G. petiuerunt copias, & terminum ad dicendum contra, alias ad respondendum. Et dominus ad viij diem præfixit. Præsentibus.

¶ *Exceptiones verbales.*

NOTARIVS. Die Mercurij. &c. A. de D. ipsius S. de G. plebani in N. & V. de C. ipsius M. plebani in L. procuratores hincinde verbo generaliter exceperunt alter contra alterius articulos



articulos, dicentes ipsos de iure inadmissibiles tanquam nõ procedẽ. ex libellis non bene specificañ & aliã negatiuos, petẽ. hincinde interloqui. Et dominus ad primam diem terminum prætex. Præsentibus.

¶ *Interlocutoria verbo.*

NOTARIUS In actis scribit. Die Veneris xx &c. V. de C. ipsius M. de P. plebani in L. & A. de D. ipsius S. de G. plebani in N. procuratoribus petẽ. interloqui super exceptionibus ad articulos verbo factis, dominus interlocutus est verbo, admittendo hincinde articulos, & terminum ad octauam diem ad respondendum præfixit. Præsentibus.

¶ *Responsiones pro parte. S.*

RESPONSIONES Infrascriptas ad positiones, & articulos pro parte discreti S. plebani in N. oblat. & producti procurator discreti domini M. plebani in L. dat, facit, exhibet, & producit in forma, vt sequitur. Salua protestatione quod si alicui articulorum responderit cui de iure respondere non debeat, vult habere pro non responso.

¶ Et primò ad primam, & secundam positiones respondẽ. non credit ipsas esse veras. Item ad tertiam credit quod Dominus M. opposuit se pro iure suo, & Ecclesię suę, & non aliter, nec alio modo credit. Item ad quartam, & vltimam, non credit esse veram.

¶ Solet etiam sub alia forma responderi sic. Salua ineptitudine, & impertinentia non admittendarum. Procurator, & nomine procuratorio ipsius M. de P. plebani in L. ad positiones, & articulos ipsius S. plebani in N. respondet sub hac forma &c. vt supra.

¶ Sub simili forma posset altera pars respondere, in scriptis positionibus, & articulis aduersę partis secundum materię exigentiam. Et oblatis responsionibus pro vtraque parte, vel pro vna tantum. Notarius scribit.

¶ *Oblata .*

**DIE** Martis xx. mensis . &c. V. de C. procurator ipsius M. plebani in L. oblatiis responsionibus ad articulos , ipsius S. plebani in N. in scriptis accusauit contumaciam ipsius A. de D. procuratoris dicti S. non respon. suis articulis & in termino nil facientis, dicto verò A. peten. copiam & terminum ad dicendum contra , dominus ad octauam diem statuit . Et statim incontinenti ad positiones & articulos ipsius M. respondit verbo sic. Primum & secundum articulos credo esse veros . Ad alios autem omnes sequentes responden. dixit quod non credit eos esse veros .

¶ Solet & sic sub alia forma notari responsio A. procurator respondendo ad positiones & articulos pro parte M. plebani in L. oblatos. Adj. & ij. positiones respondendo credit, ipsas esse veras. Alias autem sequen. omnes non credit.

¶ *Respondetur libello .*

**NOTA** Quòd si à principio produxisti libellum articulatam, ad illum eodem modo responderi debet sicut ad libellum summarium, & facta responsione, debet peti terminus ad ponendum & articulandum, quo veniente, is qui produxit libellum articulatam, debet reproducere libellum loco articulorum verbo, sic. Venerabilis domine in causa tali reproduco verbo libellum articulatam, aliàs per me productum loco articulorum . Et hoc facto is qui debet respondere, petat terminum sibi dari ad respondendum . Et in termino respondeat sub forma præmissa tanquam ad articulos seorsum productos, ex libello simplici, non articulato procedentes.

¶ *Exceptiones verbales contra responsiones.*

**NOTARIVS.** Die Lunæ x. mensis. &c. A. de D. ipsius S. plebani in N. & V. de C. ipsius M. plebani in L. procuratoribus hincinde verbo excipientibus generaliter alter con

tra alterius responsiones, dixerunt sufficienter fuisse responsum ad articulos, referendo se ad eosdem. Et peten. interloqui, dominus ad primam diem iuridicam, terminum ad interloquendum præfixit. Præsentibus. &c.

¶ *Interlocutoria super præmissis.*

NOTARIUS Die Mercurij. ix. mensis, &c. V. de C. ipsius M. plebani in L. & A. de D. ipsius S. plebani in N. procuratoribus peten. interloqui super ipsorum exceptionibus contra responsiones & articulos, dominus verbo interlocutus est, admittendo & approbando responsiones. Et pro prima dilatione præfixit terminum ad octavam hincinde ad probandum. Præsentibus.

¶ *Citatio contra testes.*

THORO. Cano. & off. generalis Cracoui. prouidis & discretis viris Vicarijs in L. alijsq; præsentibus requiren. salutem in domino. Vobis in virtute sanctæ obedientiæ & sub excommunicationis pœna mandamus, quatenus ad instantiam discreti M. plebani in L. personaliter accedentis nobis les H. & F. hæredes in G. testes ad perhibendum testimonium veritati in causa decimarum inter præfatum M. ex vna & discretum S. plebanum in N. partibus ex altera coram nobis verten. & mota. Et nihilominus personaliter accedendum S. ad viden. & audien. huiusmodi testes induci, iurari, & ad examen admitti vno edicto pro tribus peremptoriè citetis, quos & nos præsentibus citamus, terminum ipsis coram nobis Craco. feria sexta post festum sancti S. proxima hora tertiarum peremptoriè assignan. Datum Craco. &c.

¶ *Forma iuramenti testium.*

EGO N. iuro dicere totam veritatem in causa vertente inter M. & S. litigan. pro vtraque parte mihi cognitam. Et hanc veritatem non celabo, amicitiae, odij, vel timoris, aut alius cuius muneris dati, promissi, vel remissi, sed etiam dicam so-

lius iustitiæ & veritatis gratia, nullamq; intermiscebo falsitatem. Sic me deus adiuuet & eius sanctum Euangelium . Et hoc si iurat clericus . Si autem laicus , post præfatum iuramentum addat . Sic me deus adiuuet & eius sancta passio seu crux .

¶ *Inductio testium.*

NOTARIVS Die Iouis xx. mensis . &c. V. de C. ipsius M. & A. de D ipsius S. Procuratores oblati citationibus legitimè executis, testes videlicet. A. de G. & P. de N. pro parte plebani in L. & B. de K. & P. de F. pro parte S. pro prima dilatione produxerunt. Et dominus receptis iuramentis, commissit mihi P. notario examen eorundem , procuratoribus prædictis protestan. de excipien. contra testes & dicta ipsorum, & quod non examinarentur, nisi secundum iurrogatoria per ipsos danda, quæ dominus statim post prandiū facit dari, alias iussit testes examinare in contumaciam non dan. Præsentibus &c.

¶ *Interrogatoria.*

INTERROGATORIA infra scripta procurator & nomine procuratorio discreti domini S. plebani in N. dat, facit exhibet, & producit, secundum quæ & quodlibet ipsorum petit testes partis aduersæ examinari, qui si secundum ipsam & quodlibet ipsorum nō fuerint examinati, vult habere pro non examinatis. De quo solenniter protestatur.

¶ Et primò notarius recepto quolibet teste seorsum ad locum secretum, reducat sibi iuramentum ad memoriam per ipsum præsticum de veritate dicenda in tali causa pro vtraque parte . Item exponat sibi quomodo falsidicus testis. &c. Item inquiratur cuius status aut conditionis sit, vtrum nobilis vel subditus siue cmethon . Et si dixerit, quia subditus, inquiratur cuius . Item inquiratur vtrum scit Pater noster. Ave maria. Credo. Vtrum scit villam G. vulgariter nominatam . Et si dixerit quod sic inquiratur in quo districtu est, & in quo loco, & in qua parochia . Item si scit quis percipiebat decimam à xl. annis de prædicta villa G. Et si dixerit quòd plebanus pro tempore existēs in N. inquiratur quo iure

iure percipiebat. Et si dixerit quod sibi non constat de iure, inquiratur per quem modum venit ad possessionem prædictarum decimarum. Et si scit quis plebanorum habuit primus possessionem prædictarum. Et omnia fideliter conscribat quæcunque testis dixerit.

¶ Expeditis generalibus, veniens ad articulos, omisso primo tanquam generali, procedendo ad secundum & sequen. omnes. si testis interrogatus dixerit ita esse, vt in articulo continetur, inquiratur de causis scientiæ & alijs circumstantijs ad hoc requisitis. Si autem testis dixerit sibi nihil constare de contentis in articulo, amplius non interrogetur ne reddatur periurus. Cætera committuntur vestræ discretioni domine notari.

¶ Eodem modo procurator actoris debet dare interrogatoria secundum quæ testes rei debent examinari, & interrogatoria actoris possunt depingi in forma præmissa mutatis mutandis.

### *¶ Examen testium actoris.*

NOTARIUS Examinans scribit. Sub anno dñi. &c. die mensis talis, testes infra scripti pro parte M. plebani in L. citati & iurati, per P. notarium sunt examinati prout sequitur.

¶ Primus testis nobilis A. de G. villa communiter nominata, de parochia ecclesiæ parochialis in L. ætatis prope. l. annorum, citatus, iuratus, & secundum interrogatoria examinatus, reducto sibi ad memoriam iuramento per ipsum præstito de dicenda veritate pro vtraque parte, & exposito sibi quomodo falsidicus testis &c. Scit Pater noster. Ave maria Credo. vt supra. Omissio primo articulo tanquam per partem aduersam admissio & concessio veniens ad secundum, dicto testi vulgarizatum & expositum de verbo ad verbum, dixit ipsum esse verum, causam scientiæ reddens, quia in eadem villa est genitus & pater suus sepultus, & semper pertinuerunt & spectauerunt ad ecclesiā parochialem in L. & ibi est baptizatus, & pater suus & sui predecessores qui in eadem villa manebant, & ibidem cum curia sua semper confitetur & comunicat ad festum paschæ, & omnes cunctos eiusdem villæ.

Nec

Nec alium habuerunt pro plebano suæ memoriæ, nisi plebanum in L. pro tempore existentem, & ita etiā audiuit à pluribus, videlicet patre, matre, auo, nec aliter credit.

¶ Item ad tertium & quartum articulos tanquam condepnentes, sibi vulgarizatos & expositos, interrogatus dixit ipso esse veros, & sic audiuit à suis prædecessoribus, patre & auo, quòd decimæ pertinebant ad Ecclesiam prædictam in L. & quod quidam prædecessores plebani moderni, recipiebant ipsas, sed annum, diem & mensem nō recordatur, quia à temporibus iuuetutis fuit in Vngaria in seruitijs & ibi creuit. Sed postquam de Vngaria venit, pro plebano in N. recipiebantur. Interrogatus quo iure recipiebantur, dixit sibi non constare de iure & titulo.

¶ Item super quinto articulo sibi vulgarizato, interrogatus, dixit, sibi non constare vtrum opponit se iuri ipsius M. plebani in C. quia de iure suo sibi non constat.

¶ Item super sexto sibi vulgarizato dixit, quod aliquando vendebatur pro xx. aliquando pro xvj. aliquando pro xvij. secundum exigentiam annorum, & diligentiam decimatorum.

¶ Item super articulo vltimo de fama interrogatus, dixit fuisse, & esse famam publicam de depositis per ipsum.

### ¶ Secundus Testis.

SECUNDVS Testis nobilis P. hæres de N. xl. annorum citatus, iuratus, reducto sibi iuramento ad memoriam de veritate dicenda, & exposito sibi quomodo falsidicus testis, &c. Scit Pater noster, &c. Communicauit de anno præsentis ad festum Paschæ, non excommunicatus, nullius partis consanguineus, amicus vtriusque, non deponit causa inimicitiae, fauoris vel odij, sed purè propter Deum, fauet de victoria habenti iustitiam, non est informatus per producentem qualiter debeat testificari, non condictauit cum suis contestibus de vnanimi testimonio, nec aliquid est sibi datum, aut promissum pro testimonio ferendo.

¶ Veniendo ad articulos, omisso primo tanquam per aduersarium credito & confessio, super secundo articulo, qui incipit.



incipit. Item ponit, quòd à temporibus supra descriptis, &c. sibi vulgarizato, interrogatus, dixit, ipsum esse verum in toto. Quia in eadem parochia natus est, & in eadem villa N. quæ est in qua tali vnus miliaris, ab Ecclesia parochiali in L. Et homines vtriusque sexus, à temporibus suæ memoriæ ibidem à plebanis pro tempore existentibus in L. percipiebant, & percipiunt sacramenta Ecclesiastica, & paruuli ipsorum baptizantur, & adulti habentes annos discretionis confitentur & communicant, & infirmi à vicarijs cum sacramentis visitantur & procurantur.

¶ Super tertio & quarto articulis tanquam condependentibus, sibi vulgarizatis dixit esse veros, causam scientiæ reddens, quia recordatur quod decimæ totius villæ prædictæ, de qua in articulis, pertinebant ad Ecclesiam in L. iure communi & parochiali. Et plebani fuerunt in possessione. Et signanter quidam P. plebanus qui ipsam patri suo bina vice vendiderat pro xx. marchis. Sed post mortem ipsius, archidiaconus Lub. eas impetrauerat, impetratasq; occupauerat, & super eisdem cum quodam B. plebano in L. successore præfati P. per multos annos litigabat. Et ipsis litigatibus dicta decimam quidam plebanus in N. cuius nomen ignorat, recipiebat pro impetrante, quo mortuo in curia Romana, pro se vsque ad mortem easdem decimas recipiebat. Nam præfatus B. colligans ipsius impetrantis præmortui, in redeundo de curia Romana, fuit captiuatus in Austria, & per multos annos tentus & impeditus. Et postea cum fuit liberatus de carcere, infirmitatibus pedum laborando per multos annos, mortuus est multis debitis inuolutus, quæ contraxit multa exponendo ad medicos & medicinas volens recuperare sanitatem. Annum, mensem & diem, prout in dictis articulis deducit de possessione & spoliatione, dixit se non recordare.

¶ Item super articulo sexto qui sic incipit. Item ponit, vt supra quod decimæ siue fructus. &c. sibi vulgarizato interrogatus dixit (vt credit) posse in articulis fieri verum, non tamen annis singulis. Quia annis fertilibus vix solueretur duo decim marchis.

¶ Item ad articulum vltimum de fama interrogatus, dixit fuisse, & esse famam publicam de depositis per ipsum.

¶ *Alij Testes.*

ITEM Ponatur causa breuitatis, quòd alij testes inducendi & inducti vario modo deponant, quòd ad articulos de possessione. Vt quidam dicant se audiuisse, quòd plebani fuerunt in possessione. Alij dicant fuisse in possessione, sed tempus non recordari. Et tertij dicant sibi nil constare.

¶ *Examen Testium rei.*

S V B Anno Domini. &c. testes infra scripti pro parte plebani in N. videlicet B. de K. P. de F. citati & iurati, sunt per me notarium de mandato domini examinati, prout in forma.

¶ Primus testis B. de K. chmeto, citatus, iuratus. &c. vt supra. Veniendo ad articulos. Et primò ad primum, qui sic incipit. In primis igitur. &c. & secundum condependentem, sibi vulgarizatos & expositos, de verbo ad verbum dixit ipsos esse veros. Causam scientiæ reddens, quia à xj. annis & vltra recordatur quod prædicta decima in villa G. pertinebat ad Ecclesiam parochialem in N. & rectores eiusdem fuerunt in possessione prædictarum decimarum prædialium & ipsas decimabant, colligebant, & vendebant, in vsus proprios conuertendo. Et nouit duos plebanos scilicet. P. & B. qui ipsas colligebant & vendebant.

¶ Item ad tertium articulum, qui incipit. Item ponit, vt supra, quòd prædictus dominus M. &c. sibi vulgarizatum & expositum, interrogatus dixit ipsum esse verum, prout sibi apparebat quòd iniuste ipsum molestaret, & opponeret se, subiungens quòd non constaret sibi, quòd aliquando plebani in L. habuissent ius ad prædictas decimas, nec credit aliquando fuisse in possessione, à temporibus suæ memoriæ.

¶ Item ad vltimum de fama, interrogatus dixit fuisse, & esse famam publicam, apud omnes homines, & vicinos dictæ parochiæ, nec aliter credit.

¶ *Alij Testes.*

PONATUR Casus quòd omnes alij testes inducti conformiter

formiter deponerent sicut primus, quorum etiam dicta, seu attestationes conscriberetur, de verbo ad verbum. Vt autem melior sit informatio iudicis pro sententia ferenda, ponatur adhuc vnus actus pro secunda dilatione. Testibus itaq; citatis inductis, notarius scribat.

¶ *Testes pro secunda dilatione ipsius rei.*

DIE Lunæ decima mensis. &c. A. de D. procurator domini S. plebani in N. oblata citatione legitimè executà, pro parte dicti plebani in N. produxit testes infrascriptos pro secunda dilatione citato V. procuratore plebani in L. ad videndum, & audiendum induci, iurari & admitti testes infrascriptos videlicet P. de B. & F. de H. & dominus receptis iuramentis, commisit mihi P. notario examen dictorum testium, præfato V. procuratore dicti plebani in L. protestante, de excipiendo contra personas testium, & dicta ipsorum, & quòd non examinarentur, nisi secundùm interrogatoria per ipsum data.

¶ *Examen testium.*

ANNO Domini. &c. vt supra.

¶ Primus testis P. de B. ætatis xl. annorum citatus, & iuratus, & secundùm interrogatoria examinatus &c. Exposito sibi quomodo falsidicus testis. &c. Scit Pater noster. Habens in bonis xl. marcas. &c. vt supra. Expeditis generalibus, veniendo ad articulos, & primò ad primũ, & secundum condependentem sibi vulgariter expositum, interrogatus dixit, quòd à temporibus à quibus recordatur semper decimæ, in articulo descriptæ, pertinebant ad Ecclesiam parochialem in N. Interrogatus quo iure pertinebant, dixit sibi non constare, sed recordatur à xl. annis, quòd prædecessores domini S. quorum duos recordatur videlicet E. & B. fuerunt in possessione prædictarum decimarum, ipsas vendentes, & pro libito ipsorum in vsus suos conuertendo, & dictus S. modernus plebanus similiter in possessione ipsarum fuit quæta, nec recordatur quòd aliquis prædecessores suos, ac ipsum domi-

num S. impediuiſſet, excepto domino M. moderno plebano in L. qui ipſum traxit in cauſam præſentem.

¶ Item ad tertium articulum, qui incipit. Item ponit, vt ſupra, ſibi vulgarizatum interrogatus dixit, ipſum eſſe verũ, prout ſibi apparet, quòd iniuſtè dictus dominus S. moleſtatur per præſatum M. ex quo nullum ius competit ſibi.

¶ Ad vltimum de fama, ſibi vulgarizatum & expoſitum, interrogatus dixit, publicam vocem & famam eſſe ſuper omnibus per ipſum depoſitis.

¶ *Alij Teſtes.*

PONATUR Caſus quòd alij omnes in toto conformiter deponant, prout iſte immediatè præcedens depoſuit.

¶ *Teſtes pro ſecunda dilatione ipſius aëtoris.*

NOTARIVS. Die Veneris ſecunda menſis. &c. V. de C. procurator M. plebani in L. citato A. procuratore plebani in N. ad videndum teſtes induci, iurari, & admitti, oblataque citatione legitimè executà, teſtes infraſcriptos pro parte dicti M. pro ſecunda dilatione produxit videlicet A. & B. &c. petendo eos ad iuramentum & ad examen admitti. Et dominus receptis iuramentis à teſtibus, mihi P. notario examen eorundem commiſit A. procuratore S. plebani in N. proteſtante de excipiendo contra teſtes, & dicta ipſorum, quodq; non examinarentur, niſi iuxta interrogatoria. &c.

¶ Ponatur autem amore breuitàtis, vt ij teſtes conformiter primis deponant, vel vtcunque contingat.

¶ *Publicatio Teſtium.*

DIE Tali, menſis talis. &c. V. de C. plebani in L. & A. de D. plebani in N. procuratoribus petentis publicari dicta teſtium, dominus publicatìs atteſtationibus, decreuit copias petendi, & terminum ad dicendum contra ad diem decimum præfixit. Præſentibus.

¶ *Exceptiones contra dicta testium.*

**C**ONTRA Quosdam pretensores testes, & dicta ipsorum pro parte discreti M. de P. plebani in L. & contra discretum S. de G. plebanum in N. productos procurator & nomine procuratorio præfati domini S. protestatur, quod si aliqua sunt, aut contineantur in dictis prætensis attestacionibus seu dictis testium, quæ faciant aut facere videantur pro parte sua, & contra partem aduersam, illa in ea parte impugnare non intendit, nec impugnat, sed approbat, & admittit saltem per modum tacitæ admissionis, & approbationis. Inquantum verò faciunt, aut facere videantur pro parte aduersa & contra suam partem, ex tunc dictus procurator excipit, opponit, arguit, & excipiendo dicit, quod dicti prætensi testes sunt friuoli, inepti, & inefficaces, in tantum quod ipsis fides non est adhibenda in iudicio & extra, & aliàs sunt tales quod non nocent parti contra quam nec releuant partem pro qua producuntur, cum in testimonijs ipsorum sint singulares diuersi, & aduersi sibi metipsis & suis contestibus contrarij & contradicentes. Et breuiter dicendo, sunt tales quod ipsis non obstantibus, vos venerabilis domine potestis, & de iure debetis sententiam diffinitiuam pro parte dicti S. & suæ Ecclesiæ in N. contra prædictum M. & suam Ecclesiam pronunciare & ferre iuste & sanctè, prout ex infra deductis clarius apparebit.

1 ¶ Et primò prædicti testes sunt inualidi, & penitus nil facientes, quia secundum interrogatoria pro parte dicti S. data non sunt examinati, prout dictus procurator refert se ad prædicta sua interrogatoria & quodlibet ipsorum.

2 ¶ Item pro, & ex eo prædicti prætensi testes sunt inualidi, & nulli, ita quod eis nulla est adhibenda fides, quia non sunt examinati ieiuni. Et sic eorum testimonium non valet, ut habetur in capitulo primo. de testibus, & attestacionibus. circa finem.

3 ¶ Item pro & ex eo prædicti prætensi testes sunt inualidi, & non faciunt aliquam fidem, nec etiam præsumptionem, quia sunt singulares, diuersi & aduersi in suis testimonijs.

Et hoc si deducitur. Nam primus testis nobilis A. de G. examinatus, ad tertium & ad quartum articulos, primò dixit articulos posse esse veros, ex post tamè ad tertium dixit, quòd plebani in L. pro tempore existen. recipiebant decimam ad ecclesiam illam. Et hoc dixit sibi constare. Et sic primò dubium deposuit & secundò certum ad idem respondit. Talis autem contrarius est sibiipso, cum articuli sint condependen. Item super quinto examinatus dixit sibi non constare de iure plebani in L. in hoc iterum contrarius sibiipso vt supra.

¶ Secundus etiam testis nobilis P. de N. In tertio & quarto articulis examinatus, dixit ipsos simpliciter veros cum causis scientiæ. Et iste est singularis & vnicus in suo testimonio. Suum etiam testimonium quò ad quintum articulum vacillat, quia dixit articulum posse esse verum, & sic dubitat vtrum dominus S. opposuit se iuri domini M. & ecclesiæ suæ in L. cum de iure eiusdem ecclesiæ quò ad decimas sibi non constat, & sic sibiipso est cōtrarius, diuersus & aduersus, quia prius ad prædictos articulos iij. iiij. de pertinentia & possessione decimarum ad prædictam ecclesiam in L. respondendo dixit ipsos veros, super quinto autem examinatus dixit sibi de iure non constare. Cum itaque sit & singularis & sibiipso contrarius, diuersus & aduersus suis contestibus eius testimonium non est validum vt habetur c. licet. §. quāquam. de proba. iij. q. ix. nihilominus. iiij. q. iij. qui falso. de ap. sollicitudinem. xxij. q. vij. quod autem. de ele. bonę. j. & de ꝛcu. cum dilectus.

4 ¶ Tertius testis N. de P. & quartus E. de F. quantum ad tertium & quartum articulum examinati, licet videantur aliquid facere, sunt tamen famę malę, & levis opinionis, propter quod eorum dictis nulla vel modica fides est adhibenda. vt in ce. supra al. cum alijs quamplurimis iuris concor. ibidem circa glo. annotatis.

5 ¶ P. de R. & A. de B. examinati & iurati ad tertium & quartum articulos licet videantur aliquid facere, non tamè in rei veritate aliquid faciunt, quia nec sunt citati nec iurati nec de singulis circumstantiis ininterrogati secundum quę debebant examinari. Huiusmodi autem testes non valent



ut habetur de testi. & atte. c. cum causam. & xxij. q. viij. occidit, cum alijs quampluribus iuris concordantijs super hac materia concordan.

¶ Testes autem pro parte præfati domini S. producti optimè deposuerunt pro ipso in petitorio & possessorio proban. præscriptionem legitimam. xl. annorum absque aliqua interruptione, prout dictus procurator refert se ad depositiones & dicta ipsorum. Et cum hoc sunt absque omni suspicionem & omni acceptione maiores, Et breuiter dicendo, omnes conditiones correquisite ad sufficiens testimonium & ad hoc ut testibus credatur dictis testibus competunt.

¶ Ex præmissis igitur & quolibet præmissorum petit dictus procurator nomine quo supra procuratorio per vos venerabilis domine & vestram sententiam diffinitiuam dici, pronunciari, decerni & declarari, non obstantibus dictis prætenfis & friuolis testium probationibus pro parte discreti M. plebani in L. productis, præfatum dominum S. ab impetitione præfati M. absoluendum fore & absolui, sibiq; super vltterioribus impedimentis, oppositionibus & contradictionibus perpetuum silentium imponen. fore & imponi iustitia mediante, vestrum benignum officium ad hoc humiliter imploran. Has exceptiones. &c. ut supra.

*Oblata.*

NOTARIUS. Die tali. &c. A. de D. procurator discreti S. plebani in N. produxit quasdam exceptiones in scriptis contra testes seu dicta testium pro parte M. plebani in L. productorum, accusan. contumaciam productoris dicti M. nil facien in termino, ex aduerso V. de C. procuratore præfati M. peten. copiam & terminum ad dicendum contra, alias ad replican. dominus ad octauam diem præfixit. Præsentibus. &c.

¶ *Simile in actore.*

NOTANDUM quod sicut reus contra testes actoris excipit & excipere potest, ita etiam actor contra testes & atte-

stationes seu dicta testium pro parte rei productorum excipere poterit, cum ad imparia non iudicantur, & quod licet actori, licet & reo. vt habetur de reg. iur. non licet. l. vj. Causa tamen breuitatis exceptiones actoris omittuntur. Nam sub eadem forma actor potest excipere, sub qua exceptiones rei præmissæ sunt. Et postea vnus contra alterius exceptiones replicarent, proceden. si voluerint ad duplicationes, triplicationes, quadruplicationes de quibus supra.

¶ *Castela.*

Hic Nota, postquam induxeris testes, & post eorum depositiones, non curat pars aduersa, petere publicari dicta eorum, nec copias habere attestationum, vel reprobare dicta eorum. Tu procura citari partem ad videndum in causa concludi & sententiam ferri, vel saltem concludi. Quia sic aduersarij negligentiam vel causæ protellationem poteris excludere.

¶ *Tenor replicationum.*

**C**ONTRA Quandam prætensam cartam loco exceptionum contra attestationes & dicta testium pro parte domini M. de P. plebani in L. & contra discretum S. de G. plebanum in N. nuper in iudicium vestrum oblatam, procurator & nomine procuratorio discreti Domini M. plebani in L. ante omnia protestatur, quod si quæ exceptiones sint aut contineantur in dicta prætensa carta, quæ faciant aut facere possint pro parte præfati domini M. & contra partem aduersam, illa in ea parte non impugnat nec impugnare intendit, sed admittit & approbat saltem per modum tacite admissionis. In quantum verò faciunt aut tacere videntur pro parte aduersa & contra suam partem, dictus procurator replicat, opponit & replicando dicit, quod dicta prætensa carta cum contentis in ea est de iure inadmissibilis, tanquam inefficacem inutilemque cauillationem in se continens, prout dictus procurator refert se ad dictam prætensam cartam. Et alias est talis quod ipsa non obstante, vos venerabilis domine iudex

deus potestis & de iure debetis procedere ad sententiam renderā pro parte domini M. & Ecclesiæ suæ, & contra dictū S. & suam Ecclesiam in N. cum ius commune interpellat pro ipso domino M. & sua Ecclesia in L. Nec obstat præscriptio pro parte aduersa sine iusto titulo deducta, & quæ ut apparet prima facie, videtur probare: cum in rei veritate attentis omnibus utrobique factis non sit probata. Præscriptio enim sine iusto titulo aduersus habentem ius commune pro se, non releuat: cum præscriptio ius creatum aduocat, nouum autem non creat, ut xcij. dist. illud. Quod autem præscriptio sine titulo non præiudicet ius commune habenti pro se, habetur de præscriptione cap. si diligenti, in gloss. super ver. iustus titulus. propè medi. ver. ut ergo scias, & in cap. j. eod. tit. lib. vj.

1 ¶ Omissis alijs generalibus, descenden. ad primam prætentam exceptionem in qua deducitur breuiter, quod testes producti & dicta ipsorum pro parte domini M. plebani in L. non valent, quia scilicet non sunt examinati secundum interrogatoria pro parte domini S. oblata. Ad hoc replicando dicitur, quod dictus excipiens in excipien. falsum (absq; eius iniuria loquendo) deduxit, prout dictus procurator refert se ad examen testium.

2 ¶ Item descenden. ad secundam prætentam exceptionem in qua deducitur quod testimonium dictorum testium sit nullum, ex eo quod non sint examinati ieiuni. & al. c. j. de testi. & atte. circa finem. Ad hoc replicando dicitur, quod illud c. quod ad testes quod ieiuni debeant examinari, intelligitur de honestate tantum, ut xxij. q. v. honestum. & maxime ex quo testes ieiuni iurarunt, & postea sobrij, licet non ieiuni deposuerunt.

3 ¶ Item quod ad tertiam prætentam exceptionem in qua breuiter excipiens (licet false & ineptè) deducit quod testes (per ipsum specialiter nominati) inducti pro parte domini M. plebani, in suis testimonijs sint inualidi & testimonium ipsorum non valeat ex eo quod sint singulares, diuersi & aduersi & contrarij sibi ipsis & suis contestibus. Ad hoc replican dicitur, quod dictus excipiens non benè legit attestaciones testium, quod si legisset, inuenisset dicta ipsorum concor-

dia, per quā sufficienter probatur ius commune & petitorium cum possessorio pro parte domini M. prout dictus procurator refert se ad depositiones dictorum testium. Ad allegationes autem iurum per excipientem adductas de prædicta diuersitate & singularitate ficta, replicando dicitur, quòd hic locum non habent & impertinenter deducuntur, cum testes per excipientem nominati sint concordēs in sensu, licet aliqui aliqui ipsorum videantur discordare in verbis. Et posito & non concesso quòd aliqui prædictorum testium videantur discordes esse vel singulares quòd ad verba, tamen benigna interpretatione iudicis sunt concordandi, quòd ad sensum seu intellectum, vt habetur de testi. cum tu. & xj. q. iij. antecessor. & viij. q. j. in scripturis. Nam & euangelistæ reducuntur ad concordiam de pe. dist. j. periculosæ. Et omnia testimonia sequenda sunt iij. q. iij. si testes, prout hic optimè sequi possunt, quia omnes concorditer probant ius commune pro plebano in L. Et licet in possessorio videantur quòd ad verba modicum diuersi, non tamen aduersi cum ad petitorium omnes vnanimiter concordant. Et sic quòd ad hoc sufficienter est replicatum.

4 ¶ Item ad quartam prætensam exceptionem in qua excipiens deducit quomodo tertius & quartus testis sint leuis opinionis & malæ famæ. Ad hoc replicando dicitur, quòd dictus excipiens non intelligit quis dicitur malæ famæ aut leuis opinionis. Replicando autem ad formam dicitur, quòd dictus excipiens falsè deducit, cum dicti testes sint bonæ famæ & optimæ opinionis, & approbati apud homines vtriusque sexus, graues & leues. Et posito & non concesso quòd dicti testes sint pauperes, prout non sunt, probitas tamen in ipsis præminet. Et cum de quolibet præsumitur quòd sit idoneus, nisi probetur contrarium. c. fin. de præsum. de ipsis est præsumen. quòd sint idonei. Et etiam dictus excipiens non specificat in quo sint leuis opinionis, propter quod non est audiendus.

5 ¶ Item ad quintam prætensam exceptionem in qua excipiens videtur confiteri articulos pro parte domini M. probatos, sed dicit testimonia testium in eadem prætensa exceptione nominatorum non valere ex eo quòd non sunt exa-

minati secundum interrogatoria de singulis circumstantiis, & allegat. c. cum causam. de testi. cum alijs iuris concor. Ad hoc replicando dicitur, quod dictus excipiens in excipien. deficit, aut non bene legit attestationes dictorum testium, cum dicti testes optimè sunt examinati de singulis circumstantiis ad hoc requisitis, prout dictus procurator refert se ad depositiones & examen dictorum testium.

¶ Et sic sufficienter est replicatum ad dictas prætenfas exceptiones sigillatim, ad singulas.

¶ Non tamen obliuioni est relinquendū, quod testes præfati domini M. pro sua Ecclesia & ipso optimè singulariter ad singulos articulos deposuerunt, prout in replicationibus est aliquantulū tactum. Et cum hoc sunt digniores & valentiores quàm testes præfati S. quia nobiles & numero plures, propter quod ipsorum testimonia sunt sequēda, vt habetur de testibus ca. in præsentia. Testes autem pro parte domini S. & sua ecclesia in N. sunt pauciores & minus digni, quia emethones & subditi. Exceptis duobus, qui licet videantur aliquid probare, non tamen fundamentaliter probant, quia non probant titulum, seu quo iure dictas decimas ipse S. percipit, immò verius occupat: propter quod ipsorum testimonia non sunt sequenda, prout in allegationibus paulò ante adductis, aliquantulū est deductum, ad quas se dictus procurator refert.

¶ Ex præmissis igitur & quolibet præmissorum petit dictus procurator nomine quo supra procuratorio, non obstan. dictis prætenfis exceptionibus pro parte S. plebani in N. & contra præfatum dominum M. & suam Ecclesiam productis & iudicialiter coram vobis oblatis, ad sententiam definitiuam pro parte domini M. & suæ Ecclesiæ per vos procedendum fore & procedi, iustitia sancta mediante. Has replicationes. &c.

¶ Oblata.

DIE TALI &c. V. de C. plebani in L. procurator, obtulit replicationes prout terminus requirebat. Et A. de D. procuratore S. plebani in N. peten. terminum ad duplicandum dominus ad diem octauam præfixit. Præsentibus. &c.

¶ Possent tandem produci duplicationes, triplicationes, & quadruplicationes, secundum partium libitum, & materiae exigentiam.

¶ *Productio instrumentorum actoris.*

NOTA quod instrumenta producens iudicialiter pro sua parte, & contra partē aduersam simul & articulos offerre poterit in hunc qui sequitur modum.

¶ *Positiones & articuli.*

**A**D ELIDENDVM & excludendum intentionem & ius discreti domini S. de G. plebani in N. diœcesis Cracoui quod prætendit se habere in decimis, tam prædialibus, quàm etiam incolarum & chmetonum in villa G. communiter nuncupata dictæ diœcesis Cracoui. procurator & nomine procuratorio discreti domini M. de P. plebani in L. præfatæ diœcesis Cracoui. deducendo materiam priuilegiorum dotationis Serenissimi principis B. olim Regis Poloniæ, & Reuerendissimi in Christo patris domini S. quondam Episcopi Craco. cum patentibus sigillis prædictorum appendentibus dictis priuilegijs, positiones & articulos infra scriptos dat, facit, exhibet, & producit, petens partem aduersam compelli ad sigillorum recognitionē medio suo iuramento; quæ si negata fuerint probare intendit, non astringens se, nec suam partem ad aliquod onus superflue probationis, sed dūtaxat ad ea probanda, quæ pro intentione sua, & victoria præsentis causæ sufficere videbūtur. De quo solēniter protestatur.

I. ¶ In primis igitur ponit, & si negatum fuerit, probare intendit legitimis documentis, quod de anno Domini 1181. in testō beati Michaelis arcang. Serenissimus princeps B. felicitis recordationis Rex Poloniæ, pro tempore existens. Ecclesiam parochialem in L. sancti I. de nouo fundatam & erectam certis bonis & possessionibus, puta agris, prædijs, censibus & villis circumiacentibus, locatis & quæ locari incipiebant ac decimis certis, dotauit & priuilegiauit priuilegio, de quo supra, & sigillo suæ maiestatis maiori corroborauit.

Quod



Quòd sic fuit & est verum.

2 ¶ Item ponit, vt supra, quòd prædictum priuilegium, de quo supra præfati Sereniss. principis B. sic incipit. In nomine &c. Cum memoria hominum. &c. Data verò prædicti priuilegij fuit & est talis. Datum & actum in castro nostro Lublinen. in Lub. sub anno Domini 1101. in festo sancti Michael. arcang. in cuius rei fidem, sigillum nostræ maiestatis maius est appensum. In quo priuilegio inter cætera dotationis sue maiestatis continetur villa G. communiter nominata cum decimis, tam prædialibus, quàm omnium & singulorum chmetonum, prout dictus procurator refert se ad contenta in dicto priuilegio per ipsum iudicialiter actu producto ad probandam intentionem suam & elidendum intentionē partis aduersæ eius quòd prætendit se habere falsè & iniuste in prædictis decimis prædialibus, & post araturas chmetonum, quas prædictus dominus S. occupauit & occupat, detinuit & detinet iniuste occupatas.

3 ¶ Item ponit, quòd de omnibus præmissis fuit estque publica vox & fama.

4 ¶ Item ponit, quòd principium priuilegij incorporationis opidi prædicti L. & villarum cum agris, censibus & decimis pro prædicta Ecclesia in L. Reuerendissimi in Christo patris domini S. felicitis recordationis Episcopi præfati Craco. & sui capituli fuit, & est tale, In nomine Domini Amen. Nos S. &c. finis verò talis. Datum & actum Craco. in loco capitulari ante thesaurum dictæ Ecclesiæ Cathedralis Craco. sub Anno Domini 1101. die vndecima Mensis Nouembris, in festo sancti Marti. Confessor. In cuius rei testimonium. &c. In quo quidem priuilegio inter decimas prædictæ decimæ prædiales, & post araturas omnium & singulorum chmetonum, de mensa præfati in Christo patris domini S. quondam Episcopi Craco. sunt incorporatæ pro dicta Ecclesia parochiali in L. in villa G. prædicta communiter nuncupata, ac ipsa villa G. pro parochia prædictæ Ecclesiæ parochialis sancti I. in L. fuit & est incorporata prout dictus procurator refert se ad tenorem prædicti priuilegij per ipsum iudicialiter producti.

5 ¶ Item ponit, vt supra, quòd prædictus S. nõ attentis prædictis, videlicet dotatione Ecclesiæ in L. & incorporatione

prædictarum decimarum in villa G. prædicta pro prædicta Ecclesia in L. à tempore primæ suæ foundationis & erectionis, contra suam conscientiam, & in periculum animæ suæ easdem decimas occupauit & occupat, detinuit & detinet in præiudicium non modicum & grauamen prædicti domini M. & suæ Ecclesiæ in L. faciendo palam, publicè & manifestè.

6 ¶ Item ponit, quòd de præmissis omnibus fuit, & est fama & vox publica. Has positiones. &c.

¶ *Oblata.*

DIE Tali Mensis. &c. V. de C. procurator ipsius M. plebani in L. oblati quibusdam positionibus & articulis, produxit quædam priuilegia, vnum dotationis sub titulo B. olim Regis Poloniæ, & aliud foundationis & incorporationis parochiæ & decimarum cuiusdam Reuerend. patris Domini S. Episcopi Craco. cum sigillo eius & capituli dictæ Ecclesiæ Craco. sub datis. Anno Domini. &c. ad probandum positiones & articulos per ipsum productos, petendo partem aduersam compelli ad recognoscendum signa, & sigilla medio suo iuramento, ex aduerso A. procuratore S. plebani in N. petente copiam & terminum ad dicendum contra, & ad videndum seu conspiciendum sigilla. Et dominus ad diem octauam præfixit. Præsentibus.

¶ *Recognitio Sigillorum.*

DIE Tali. &c. V. de C. procurator domini M. plebani in L. petiuit A. de D. procuratorem discreti domini S. plebani in N. ipso domino S. præsentem medio suo iuramento compelli ad recognoscendum sigilla priuilegiorum, de quibus supra: & prædicti A. & S. ad mandatum domini per iuramentum dixerunt, quòd non haberent notitiam sigillorum prædictorum, tactis sacrosanctis Euangelijis. Et incontinenti V. de C. quantum ad sigillum regis produxit nobiles A. de G. & C. de D. ad probandum, qui iurati recognouerunt prædictum sigillum, & per iuramentum dixerunt ipsum fuisse prædicti regis

regis B. pluraq; similia exhibuerunt ad maiorem certitudinem. Item ad recognitionem sigillorum Reueren. in Christo patris domini S. olim Episcopi Cracoui. & sui capituli duos canonicos B. & S. eiusdem Ecclesie idem V. produxit, qui iurati dixerunt esse sigilla Episcopi prædicti & capituli asserentes, quomodo plura priuilegia sub huiusmodi sigillis Ecclesia Cracoui haberet, & similiter de signis dixerunt, & dominus habuit pro recognitis. Et statim ex aduerso post recognitionem sigillorum prædictus A. procurator obtulit exceptiones contra prædicta priuilegia & articulos. Et dominus decreta copia, ad replicandum ad diem octauam terminum præfixit. Præsentibus. &c.

¶ *Exceptiones.*

**C**ONTRA Quasdam cartas loco priuilegiorum sub titulis vnus (vt deducitur) B. Regis Poloniae dotationis, & alterius S. Episcopi asseriti Cracoui. incorporationis ac quorundam articulorum, procurator & nomine procuratorio discreti domini S. plebani in N. excipiendo protestatur, quod si quæ sunt, aut contineantur tam in prædictis cartis priuilegiorum, si dici merentur, quàm etiam positionum & articulorum quæ faciunt, aut facere videntur pro parte sua & contra partem aduersam, illa in ea parte duntaxat non impugnat, sed admittit, & approbat, saltem tacite. In quantum autem facerent, aut facere viderentur pro parte aduersa, dictus procurator excipit, opponit, arguit, & excipiendo dicit, quod dictæ prætensæ cartæ loco priuilegiorum productæ, sunt impertinentes, & inefficaces & de iure inadmissibiles, vetustatæ consumptæ, tum per abusum si aliquid valuissent est ipsis renunciatum, & aliàs extra terminum sunt productæ, contra stilum & obseruantiam curiæ Romanæ. Nam ad ductæ sunt probationes & recognitiones sigillorum antequàm admissio facta est, & terminus præfixus sit ad probandû, pro ut postea latius deducetur verbo & inscriptis, ex quibus apparebit clarius nullitas dictarum cartarum loco priuilegiorum productarum.

1 ¶ Et primò pro & ex eo dicta priuilegia, si dici merentur, non

non releuant producentem; nec nocent parti contra quam producuntur, quia per abufum longi temporis & fignanter fpatium non folum xl. annorum, fed etiam à centum & vltra annis eft ipsis renunciatum, quia nunquam prædeceffores præfati M. fuerunt vfi priuilegijs prædictis. Ex eo quia in poffeffione prædictarum decimarũ, tam prædialium, quàm etiam incolarum & chmetonum non fuerunt, nec ipfe M. à temporibus quibus cepit effe plebanus. Et quòd plus eft fpatio xxx. annorum derogatur priuilegio, ita quòd per xxx. annos abutens ipfo, iuri fuo renunciat, vt habetur de priuileg. c. fi de terra, & fic non folum fpatio xl. annorum, vt habetur. c. accedētibus, eod. tit. fed etiam xxx. vt fupra allegatum eft. Et etiam priuilegium meretur amittere, qui concessa fibi abutitur potestate, vt habetur. eod. tit. c. tuarum. Quòd autem prædeceffores præfati domini & ipfe M. funt abufi priuilegijs prædictis dictus procurator refert fe ad attestaciones & dicta testium, ad pofitiones & articulos libelli reconuentionalis pro ipfo domino S. productorum, & etiam ad testes ipsius domini M. partis aduerfæ in hac caufa fi debite depofitiones dictorum testium intelligantur.

2. ¶ Item pofito & non concesso, quòd prædicta priuilegia releurent vel releuare viderentur aduerfam partem, ficut in rei veritate non releuant, adhuc replicando dicitur, quòd dictus producus fundando fuam intentionem vltimam in eisdem priuilegijs, renunciavit iuri communi in quo fuam intentionem principaliter fundauerat, vt patet in processu eiusdem caufæ. Et fic neutrum ipsum poterit releuare, quia per vnum aliud inficit, eò quod priuilegium dicitur priuata lex iij. dist. priuilegia. Et priuilegium communiter datur, contra aut præter ius commune; ideo quis non potest fimul inniti priuilegio & iuri communi, vt xvj. q. j. hinc eft. & l. j. ff. ad municip. de quo not. in cap. contra morem. ead. dist. Vide etiam. c. cum personæ. de priuileg. lib. vj. Nam quod meum eft ex vna caufa, ex alia caufa meum fieri non potest. ca. inter dilectos. §. fed contra, ad fin. cum multis concord. ibi annotatis, de fide instrum. Si ergo decimæ fuerunt fuæ ex iure communi ergo non ex priuilegio vel e contra.

¶ Ex præmissis igitur, & quolibet præmissorum petit dictus

Quis procurator nomine quo supra procuratorio, non obstatibus dictis prætenfis cartis priuilegiarum pro parte discreti M. plebani in L. productis per vos venerabilem virum &c. ad sententiam diffinitiuam pro parte præfati domini S. procedendum fore & procedi, iustitia mediante. Has except. &c.

¶ *Replicationes.*

**C**ONTRA Quandam prætenfam cartam loco exceptionum pro parte discreti domini S. plebani in N. & contra priuilegia & articulos discreti domini M. iudicialiter oblatam & productam, procurator & nomine procuratorio præfati domini M. replicat, arguit, opponit, & replicando dicit, quòd prædicta prætenfa carta cum contentis in ea est friuola, impertinens, non releuans producentes, nec nocens parti contra quam producit, prout ex infra deductis clarius apparet.

1. ¶ Et primò descendendo ad primam prætenfam, & cauillosam exceptionem, in qua breuiter inter cætera (licet sub alijs verbis) deducitur alleganter & impertinenter, deducendo quomodo prædictis priuilegijs per abusum longi temporis & signanter xxx. lx. xc. citra vel vltra spacium annorum sit renunciatum, & quòd ratione tam longi temporis, priuilegia admitterent vigorem. Ad hoc replicando dicitur, quòd hoc est falsum, quòd vnquam contra prædecessores præfati domini M. transiisset tam longi temporis præscriptio, prout dictus procurator refert se ad depositiones testium pro parte præfati domini M. in hac causa ad articulos ex libello procedentes inductorum. Et posito & non concessio, quòd tanta præscriptio transiuit, prout in rei veritate non transiuit, adhuc non releuaret aduersam partem, cum malæ fidei possessor nunquam præscribit, vt habetur de præscript. cap. fin. & eod. tit. cap. si diligenti. in glo. super verb. iustus titulus prope medi. ver. vt ergo scias. Vbi inter cætera deducitur, quod præscriptio sine iusto titulo contra habentem ius commune pro se, non releuat præscribentem nec ei aliquid prodest. Ratio ibidem quia præscriptio ius creatum aduocat, nouum autem non creat, vt c. dist. contra morem. & xcij. dist. illud. In



casu autem præsentī pro præfato domino M. ius commune interpellat, vt supra probatum est sufficienter, ad quas probationes dictus procurator se refert, facit optimè ad prædicta. c. j. de præscr. lib. vj. & c. ij. de restit. spol. eod. lib.

¶ Ad secundam & vltimam prætenfam exceptionem, in qua breuiter deducitur, quomodo præfatus dominus M. producendo priuilegia in quibus fundauerat suam intentionem vltimam, renunciaret iuri communi. Ad hoc replicando dicitur, quòd hoc est falsum, quia tenor prædictorum priuilegiorum ostendit, vnde ius commune sumpsit exordium, quòd ad prædictas decimas prædiales, & post araturas omnium incolarum in dicta villa G. quia ex incorporatione eiusdem villæ G. pro parochia in L. eò quòd est in parochia ipsius. Ad hoc enim quòd acquiratur alicui Ecclesiæ parochiali, ius commune in sua parochia, quòd ad decimas, requiritur quòd villæ in quibus decimæ consistunt tempore fundationis dictæ parochiæ, incorporètur per loci ordinarium, prout in casu præsentī factum est. Ad hoc verò, vbi excipiēs subiungendo ratione deducit. Quòd meum est ex vna causa. & c. replicando dicitur, quòd hoc dictum nō habet locum in casu præsentī, sed in illis casibus vbi vnum præiudicat alteri. Vt si alicui prouideatur de beneficio autoritate ordinaria, & etiam autoritate apostolica, & ille contra aduersarium primò incipiat se defendere iure ordinarij, & videns illud de ficere haberet recursum ad ius quòd sibi competebat autoritate Apostolica, tunc enim vnum impediret aliud. Sic in alijs pluribus casibus. In casu verò præsentī, quia per incorporationem ordinarij ius commune probatur & adiuuatur, incorporatione non tollit, nec impedit ius commune. Et sic sufficienter est replicatum ad præfatas prætenfas exceptiones.

¶ Ex præmissis igitur, & quolibet præmissorum petit dictus procurator nomine, quo supra procuratorio, non oblatibus dictis prætenfis exceptionibus pro parte præfati S. & c. oblatis & productis, per vos venerabilem virum. & c. ad sententiam diffinitiuam pro parte domini M. plebani in L. & Ecclesiæ suæ procedendum fore & procedi, iustitia mediante. Has replicationes, & c. vt supra.



¶ *Oblata.*

**DIE** Tali. &c. V. de C. ipſius M. plebani in I. procurator obtulit replicationes in ſcriptis, ex aduerſo A. de D. procuratore diſcreti S. plebani in N. petentibus copiam & terminum ad dicendum contra aliàs ad duplicandum, & dominus ad diem octauam præfixit. Præſentibus.

¶ *Duplications verbo.*

**DIE** Lunæ prima menſis Maij. A procurator domini S. plebani in N. præſente V. de C. procuratore M. plebani in L. partis aduerſæ, duplicauit generaliter verbo contra replicationes præfati M. &c. Citatoq; dicto V. per G. nuncium iuratum, petiuit concludi in cauſa & ſententiam ferri. Et præmemorato V. ſimiliter petente concludi, dominus cum dictis procoratoribus concluſit in cauſa hincinde habendo pro concluſo. Præſentibus. &c.

¶ *Sententia diffinitiu.*

**C**H R I S T I Nomine inuocato, pro tribunali ſedentes, & ſolùm Deum præ oculis habente, de iuriſperitorum conſilio, & aſſenſu matura deliberatione præhabita ex his quæ vidimus & videmus, cognouimus, cognoscimus, in cauſa quæ inter diſcretos M. in L. actorem ex vna, & S. in N. partibus ex altera rectores Eccleſiarum parochialium vertente de & ſuper decimis manipularibus & campeſtribus, poſt agros, & araturas tam prædiales nobilis A. quàm omnium, & ſingulorum incolarum, & chmetonum in villa G. communiter nominata in diſtrictu Lub. diœceſis Cracoui, per hanc noſtram ſententiam diffinitiuam, quàm ferimus in his ſcriptis, dicimus, decernimus, procunciamus & declaramus, omnes & ſingulas decimas manipulares & campeſtres, tam poſt agros, & araturas dicti nobilis A. quàm etiam omnium & ſingulorum incolarū, & chmetonum in prædicta villa G. ex præſcriptione legitimè præſcripta pertinuiſſe & ſpectaſſe, & hodie

& hodie pertinere & spectare ad prædecessores præfati domini S. & Ecclesiam suam in N. eisdemq; prædecessores dicti S in possessione dictarum decimarum per tempus legitimè perscriptum fuisse & extitisse absque aliqua interruptione, & ipsum S. à temporibus quibus adsecutus est dictam Ecclesiam easdem pacificè possedisse. Et ob hoc præfato domino S. adiudican. fore & adiudicamus, præfatoq; domino M. & Ecclesiæ suæ in L. in decimis prædictis & ad ipsas nullum ius competisse nec competere, oppositionesq; & contradictiones ac impedimenta præfato domino S. & Ecclesiæ suæ in N. per prædictum dominum M. in prædictis decimis de iure ipsarum præstitas & præstita, temerarias & iniustas, temerariæq; & iniusta fuisse & extitisse: præfatoq; domino M. & Ecclesiæ suæ in L. de & super prædictis decimis perpetuū silentium imponen. fore & imponimus, præfatumq; dominum S. & suam Ecclesiam prædictam ab impetitione dicti domini M. absoluen. fore & absoluimus, condemnan. prædictum dominum M. præfato domino S. in expensis in causa coram nobis legitimè factis, quarum taxationem nobis in posterum reservamus. Lecta, lata & inscriptis pronunciata est hæc sententia diffinitiva per me. &c.

¶ *Notarius.*

DIE x. mensis maij, V. de C. procurator discreti M. de P. plebani in L. citato A. procuratore domini S. plebani in N. per M. nuntium iuratum apud acta, petiuit sententiam diffinitivam ferri in causa decimarum, & dicto A. similiter peten. dominus tulit sententiam in scriptis, adiudican. decimas in villa G. præfato domino S. & suæ ecclesiæ in N. & super eisdem perpetuum silentium imponen. dicto M. & Ecclesiæ suæ in L. ipsumq; M. in expensis condemnan. præfato S. in lite legitimè factis. Et ibidem V. procurator dicti M. appellavit verbo à sententia domini tanquam iniqua ad sedem Metropolitānam Gneznen. petiuitq; sibi cum debita instan. Apostolos dari. Et dominus ob reverentiam sedis Metropolitaneæ detulit suæ appellationi, dando Apostolos reuerentiales. Præsentibus. &c.

¶ *Appel-*

¶ *Appellantis documentum.*

NOTA Quòd à diffinitiuâ sententia potest, vtsuprà diximus appellari verbo & hoc incontinenti, & ibidem possunt peti Apostoli, sic. Domine iudex ego appello à vestra sententia tanquã &c. & peto apostolos. Et si tunc iudex incontinenti dederit apostolos maximè reuerentiales, dabit literas remissoriales ad iudicem ad quem sub hac forma.

¶ *Apostoli venerabiles.*

EVERENDO In Christo patri domino Iohanni Archiepiscopo sanctæ Ecclesiæ Gneznensis, vel eius officiali generali T. R. canonicus & officialis generalis Craco. deuotâ orationes cum debita reuerentia. Reuerendis. pater & domine gratiose, mota coram me materia quæstionis autoritatē ordinaria inter discretos M. sancti I. in L. actorem ex vna, & S. in N. reum partibus ex altera Ecclesiarum parochialium rectores, de & super decimis manipularibus & campestribus, tam prædialibus quàm etiam omnium & singulorum incolarum cmethonum in villa G. communiter nominata in districtu Lub. in eadem causa ritè & rationabiliter proceden. seruatis, seruau. iudicarium processum cōtinentibus, præmissa citatione contra prædictum S. ad instantiam præfati M. & tandem successiuè oblati libellis conuen. pro parte M. præfati actoris, & recōuen. pro parte N. de S. rei & Ecclesiarum suarum, super eisdem litem legitimè contestatâ & post litis contest. dato & assignato termino prædictis partibus ad ponen. & articulan. & ex post prout terminus requirebat, oblati nonnullis positionibus & articulis tam pro parte actoris quàm rei, ex libellis ipsorum procedentibus & hincinde facta responsione ad prædictas positiones & articulos, receptaq; probatione sufficienti pro vtraque parte tam testium quàm literarum siue priuilegiarum quibus dictæ partes vti volebant, & publicatis attestationibus telliū,  
& ad

& ad petitionem dictarum partium copijs eorundem decretis ac per partes receptis hincinde, & termino ipsis ad dicendum, contra præfatas attestaciones per me assignato, demum contra attestaciones & dicta testium per nonnullas exceptiones, replicationes & duplicationes extitit disputatum, tandem partibus vtrisque citatis ad videndum, & audien. concludi, in præsentia procuratorum dictarum partium conclusi cum potestate reuocandi. Et post in alio certo termino citatis procuratoribus partium, & petentibus ferri diffinitiuam sententiam, ipsam ad petitionem dictarum partium tuli & promulgaui adiutore deo, huiusmodi sub tenore Christi nomine inuocato &c. vt supra. ( & ponatur totus tenor sententiæ de verbo ad verbum ) post cuiusquidem sententiæ prolationem & pronunciationem, pro parte discreti domini M. plebani in L. mox & incontinenti extitit verbo appellatum ad vestram sanctam sedem Metropolitanam G. & Apostolicam debita instantia petiti. Et licet crediderim me iustam & sanctam sententiam tulisse, & promulgasse, ob reuerentiam tamen p. v. & sedis autoritatem, eidem appellationi humiliter detulit dan. apolos reuerentiales & literas eorundem apostolorum remisitoriales decreui dan. cum subscriptione notarij causæ, & sigilli officialatus appen. Datum & actum Cracoui. Anno domini &c. die tali, Præsentibus.

¶ Et ego N. clericus diocesis Craco. autoritate apostolica notarius publicus, prædictis, sententiæ prolationi, appellationis interpositioni, Apostolorum petitioni eorumque dationi, & alijs omnibus & singulis præsens interfui.

¶ Nota quòd apostoli possunt interdum dari tantum sub sigillo iudicis absque subscriptione notarij. Cautius tamen est vt notarius se subscribat.

¶ *Quomodo in scriptis appellatur.*

NOTA Quod si non appellatur mox & incontinenti verbo à sententia diffinitiuam vel appellanti non dantur statim Apostoli, debet tandem infra decendum ( vt diximus ) in scriptis appellari si pars prætendens se grauari appellare voluerit,

luerit, quæ appellatio potest concipi sub hac forma.

*¶ Appellatio à diffinitiuâ.*

CORAM Vobis venerabili viro T. &c. Ego V. de C. procurator discreti domini M. plebani in L. Craco. diœcesis animo & intentione appellan. propono, allego atque dico, quod quamuis coram vobis verten. causa inter præfatum M. in L. actorem ex vna. & S. in N. reum parribus ex altera, ecclesiârum parochialium rectores de & super decimis tam prædialibus nobilis A. quàm omnium & singulorum incolarum sculteti & cmethonum in G. villa vulgariter nuncupata, in districtu Lub. diœcesis Craco. ad ipsum dominum M. iure communi pertinen. & spectan. Et quanquam præfatus dominus M. intentionem suam & ius Ecclesiæ suæ sufficienter probauit, vos tamen venerabilis domine (vestra reuerentia semper salua) non attentis probationibus præfati domini M. iuris ordine non seruato, vt præsumitur, in fauorem partis aduersæ vestram sententiam diffinitiuam, si dicimeretur, pro præfato domino S. & Ecclesia sua in N. & contra præfatum dominum M. & Ecclesiam suam tulistis & promulgastis, absoluen. præfatum S. ab impetitione, & præfatum M. in expensis in lite factis eidem S. condemnan. Vnde ex præmissis, & quolibet præmissorum sentiens prædictum dominum M. & Ecclesiam suam fore grauatos, timensq; in posterum plus posse grauari, à prædictis omnibus, videlicet à sententia vestra tanquam iniqua, & iniusta, ac condemnatione expensarum, & quouis alio grauamine quod ex inde sequi vel colligi possit. Ad reueren. in christo patrem dominum I. dei gratia Archiepiscopum, & primatem sanctæ Ecclesiæ Metropolitanæ Gneznen. in his scriptis prouoco, & appello, & Apostolos primò instantèr, secundò instantius, tertio instantissimè à vobis venerabilis domine, vel si est qui mihi eos dare velit, & possit, vel saltem à te notario publico literas testimoniales in fidem, & testimonium omnium præmissorum mihi dari peto. Subijciens prædictum dominum M. cum omnibus sibi adhæren. & adhærere volen. tuitioni, & protectioni, si dis ante dictæ. Saluo iure, adden. minuen.

K corrigén.

corrigenda & alijs iuris beneficijs semper saluis.

¶ *Fatalia peten Apostolorum.*

SUNT Scripta supra folio 26. dicuntur autem fatalia iuris seu dies fatales. Quia eis fatum idest mors seu terminus causæ imponitur. Vide tex in autenti ei qui appellat C. de tempor. appellat.

¶ *Instrumentum appellationis à diffinitiva.*

IN NOMINE domini. Amen, Sub anno natiuitatis domini. &c. pontificatus sanctissimi in christo patris, &c. & in domo habitationis venerabilis domini T. canonici & officialis generalis Craco. in platea canonicorum sita & stuba communis audientia, in mei notarij publici testiumq; infrascriptorum ad hoc vocatorum specialiter & rogatorum, præsentia, coram præfato domino T. cano. & offic. Craco. ad iura reddenda pro tribunali sedente & in audientia publica, constitutus personaliter circumspectus magister V. de C. procurator & nomine procuratorio M. rector is parochialis ecclesiæ in L. tenens & habens in suis manibus quandam appellationem in carta papiri conscriptam à quadam sententia diffinitiva, ut dicitur lata à præfato venerabili T. pro parte domini S. plebani in N. & contra ipsum dominum M. ut dicitur, pronunciata, & quibusdam alijs grauaminibus in dicta appellatione expressis, ipsam animo & intentione prouocandi & appellandi, præfente A. de D. procuratore præfati domini S. interposuit & per me legi fecit lectamq; insinuauit Cuius appellationis tenor fuit & est talis. Coram vobis venerabili &c. (& sic inseratur totus tenor appellationis de verbo ad verbum & tandem continuando subiungitur) Post cuius quidem lectionem & interpositionem ac insinuationem præfatus magister V. petijt sibi à præfato venerabili T. &c. Apostolos dari, vel saltem super eisdem responderi, qui quidem dominus ob reuerentiam sedis Metropolitanæ, incontinenti eius appellationi detulit dando Apostolos reuerentiales. Super quibus omnibus prædictus magister V. petijt sibi



sibi à me notario publico confici publicum instrumentum .  
Acta sunt hæc Anno. &c. inditione. &c. pontificatus. &c. Præ  
sentibus. A.B.C.

¶ Et ego M. de G clericus diœcesis Craco. autoritate apo  
stolica notarius, interpositioni & insinuationi appellationis  
prædictæ, ac Apostolorum petitioni, & super his responsio  
ni, alijsq; dum sic, vt præmittitur, fierent, & agerentur, roga  
tus vna cum prænominatis testibus interfuit & præmissa in  
hanc publicam formam redegi.

¶ *Processus in secunda instantia.*

APPELLANS itaque acceden. iudicem appellationis  
infra iuris fatalia vel tempus sibi per iudicem à quo, præfi  
xum, offerat literas apostolorum uel instrumentum appella  
tionis & petat sibi decerni citationem cōtra appellatum vna  
cum inhibitione contra iudicem à quo, notarios, partem ad  
uersam & procuratores partis aduersæ, ne quid in eadē cau  
sa attentare præsumant . Quem actum petitionis præfatæ  
notarius scribat.

¶ *Actus petitionis.*

ANNO Domini. &c. die tali. In domo venerabilis domi  
ni A. archidia. & officialis Gneznen F de G. afferens se pro  
curatorem discreti domini M. plebani in L. personaliter con  
stitutus, in præsentia præfati domini V. oblati apostolis ven  
erabilibus appellationis interpositæ ( vel oblato appella  
tionis instrumento de manu notarij talis ) à sententia defini  
tiua venerabilis domini T. cano. & offi. Craco. lata pro par  
te S. plebani in N. contra dictum dominum M. super deci  
mis prædialibus & cinethonum in G. petijt sibi decerni cita  
tionem cum inhibitione contra partem appellatam . &c. Et  
dominus decreuit iuxta petita. Præsentibus.

¶ Hic reuoca in mentem eaquæ dicta sunt supra folio 46.  
quæ debet obseruare iudex appellationis antequam decer  
nat citationem cum inhibitione .

bitationum suarū, sit tutus ad ea vobis pateat accessus, sināūt ex tunc in ecclesijs vestris publicè proponen. vno edicto pro tribus & peremptoriē cæteris præfatū S. plebanū in N. ac oēs & singulos sua cōiter vel diuissim interessē putan. in executione præsentium nominatum, quos & nos tenorē præsentium citamus vt coram nobis Gneznen. in domo nostræ solitæ residentię 12. die à die executionis præsentium, si ipsa dies iuridica fuerit, aliās prima die iuridica ex tunc immediatē sequenti, per se aut per procuratores suos ad causam hmōi sufficienter instructos compareant legitimē ad dicen. & opponen. quicquid verbo, vel in scriptis contra hmōi nobis præsentatam appellationem nostramq; iurisdictionem dicere siue excipere voluerint ac impugnan. & iustifican. easdem, nec non ad proceden. & per nos procedi viden. ad omnes & singulos actus, & terminos iudiciarios, gradatim & successiue vsq; ad nostræ sententiæ diffinitiuæ prolationem inclusiue, certifican. eosdem taliter citatos, quod siue in dicto citationis nostrę termino comparere curauerit siue nō, nos nihilominus ad partis comparentis & causam huiusmodi prosequi curantis iustantiā, ad præmissa oīa & singula ac ad ea quæ iuris & rationis fuerint dante domino procedemus, contumacia siue absentia dictorum citatorum non obstante. Et insuper attenden. quod lite & causa huiusmodi taliter coram nobis penden. indecisis, nihil sit per quempiam attentari, siue innouandum. Vobis igitur executoribus supra dictis sub pœnis præscriptis mandamus, quatenus post legitimam dictæ citationis executionem, personaliter accedentes supra dicto domino T. &c. ac dicto S. plebano in N. ex aduerso principali ac alijs omnibus & singulis quorum interest inhibeat, quibus etiam nos præsentibus inhibemus ne ipsi seu illorum alter, per se vel per alium directē vel indirectē, occultē vel manifestē vel quouis quæsito colore, in causis hmōi in vilipendium & leuitatem iurisdictionis, & sedis Metropolitanæ contemptum, dictiq; M. plebani in L. principalis præiudicium, damnum & grauamen, attentare siue innouare præsumant seu præsumat. Quod si secus factum fuerit, nos id totum cassare, annullare & in pristinum statum reducere curabimus iustitia mediante. Diē verò cita-

*¶ Exceptiones citra approbationem iurisdictionis.*

**C**ORAM vobis venerabili viro V. vj & offic. G. procurator & nomine procuratorio discreti S. plebani in N. Craco. diœcesis citra approbationem iurisdictionis vestrę personaliter comparens, protestatur, quod per hunc actum & per alios actus sequentes, si quos ipsum attentare contigerit, iurisdictionem vestram non approbat nec approbare intendit, nec comparet coram vobis tanquam iudice competent. sed tanquam personam veneran. Protestatur etiā quod si aliqua dixerit, proposuerit vel allegauerit, quę iurisdictionē vestram aliquatenus approbare videantur, illa vult habere pro non dictis & allegatis, cum iudex in causa presentī vigore appellationis interpositę pro parte domini M. plebani in L. ā sententia diffinitiva venerabilis domini T. &c. lata pro domino S. & ecclesia sua in N. & contra dictum M. & Ecclesiam suam in L. dictę Craco. diœcesis esse nō potestis ex causis & rationibus in modum exceptionum infra deductis.

**1** ¶ Et primo pro & ex eo dictus procurator excipit, opponit, arguit & excipiendo dicit, quod iudex esse non potestis. Quia dictus appellans infra decem dies ā die latę sententię, non appellavit, & sic appellatio sua censetur dici desertata, cum post decendium aditus non pateat appellandi, vt habetur. c. concertatione. de ap. lib. vj. cum alijs iuris concor. ibidem annotatis.

**2** ¶ Item pro & ex eo iudex esse non potestis, quia posito & non concesso quod dictus appellans infra decem dies ā die latę sententię appellasset, prout in rei veritate non appellavit. Adhuc appellatio sua censetur desertata, quia appellationem suam infra 30. dies seu infra mensem, iudici ā quo & parti appellatę non insinuavit nec notificavit nec in presentia ipsius eandem interposuit infra tempus sibi ā iure cōcessum. Et sic appellationi suę renunciavit, sicq; appellatio sua est deserta & cassata, vt habetur in cle. causam, de elec. cum alijs concor. in glo. an.

**3** ¶ Item pro & ex eo iudex esse non potestis vigore dictę prætensę appellationis, quia dictus appellās, si dici meretur,

infra eosdem 30. dies Apostolos non petiuit nec recepit. Et sic appellationi suæ renunciauit, vt in c. ab eo qui. de ap. lib. vj. cum alijs quampluribus iuris concor. ibidem in gloss. annotatis.

¶ Ex præmissis igitur & quolibet præmissorū petit dictus procurator nomine quo supra procuratorio, salua protestatione de non approbanda iurisdictione vestra domine veneran. per vos & vestram sententiam interlocutoriam. obstan. prædictis exceptionibus, dici, pronunciari, & decerni vos nō potuisse nec posse esse iudicem competentem in causa præsentis appellationis: partem aduersam in expensis ob hoc factis condemnando iuxta. c. cum appellationibus friuolis. de ap. li. 6. iustitia mediante. Has exceptiones.

¶ *Oblata.*

DIE Lunę. xj. & c. P. de B. procurator domini S. plebani in N. obtulit exceptiones contra iurisdictionem domini citra approbationem iurisdictionis, ex aduerso F. procuratore domini M. plebani in L. peten. copiam & terminum ad dicendum contra: & dominus decreta copia præfixit terminum ad diem octauam. Præsentibus. & c.

¶ *Replicationes.*

C O N T R A Quandam prætentam vanam inefficacem & friuolam (quasi ferè valentem obulum) cartam loco exceptionum nuper pro parte domini S. plebani in N. & contra iurisdictionem vestram venerabilis domine. & c. in iudicio vestro oblatam & productam, procurator & nomine procuratorio discreti domini M. plebani in L. arguit, opponit, replicat & replicando dicit, quòd prædicta prætentia carta cum contentis in ea est friuola. impertinens, vaga, causa diffugij & iustitiæ suppressendæ data & producta, non releuant, producentem, nec nocens parti contra quam produci-  
tur, & aliàs est talis quòd ipsa non obstante, vos venerabilis domine. & c. potestis & de iure debetis pronunciare causam prædictam ad vos per appellationem legitime deuolutam &

vos iudicem competentem ex causis & rationibus infra deductis pronunciari.

1. ¶ Et primò descendendo ad primam prætensam exceptionem in qua breuiter deducitur quòd appellatio pro parte prædicti domini M. plebani in I. infra decem dies à die latæ sententię non fuisset nec esset interposita, & alleg. c. concertationi. de ap. lib. vj. Ad hoc replicando dicitur, quòd dictus excipiens in excipiendo & allegando deficit, cum non solum infra decem dies, sed etiam eodem die quo lata est sententia prædicta diffinitiuā, si dici meretur, statim & incontinenti fuit & est appellatum, prout dictus procurator refert se ad instrumenta desuper confecta & literas remisoriales quæ ad proban. suam replicationem coram vobis reproducit.

2. & 3. ¶ Item descenden. ad secundam & tertiam prætensas & friuolas exceptiones, in quibus breuiter deducitur quomodo appellatio iudici à quo & partis appellatę nõ fuisset nec esset insinuata & notificata infra triginta dies, & infra eosdem dies Apostoli non fuissent petiti per appellantes nec cum effectu recepti. Ad hoc replicando dicitur, quòd dictus excipiens, in suis exceptionibus quas solum causa dif fugij & indebitę protractionis produxit, longè discessit à veritate, cum non solum infra xxx. dies à die latæ sententię appellatio est insinuata & notificata iudici à quo & parti appellatę Apostoliq; petiti infra terminum iuris, sed omnia & singula quæ appellationi & appellanti incumbunt, fuerint & sunt facta disposita eodē die quo lata est sententia, prout dictus procurator se refert ad instrumenta seu literas Apostolorū, tpe decretę citationis corā vobis venerabilis dñe oblata & producta. Et sic quòd ad hoc sufficienter est replicatum.

¶ Ex præmissis igitur & quolibet premissarum dictus procurator petit nomine quo supra, procuratorio per vos venerabilem virum dñm V. Vicarium & Officialem generale G. non obstantibus dictis friuolis prætensis exceptionibus, dici, pronūciari, & decerni ad vos causam prædictam vestramq; Ecclesiam Metropolitānam legitimè deuolutam vosque iudicem competentem vestra interlocutoria sententia median te, partemq; aduersam eidem domino M. in expensis còdem nan. fore & condemnari. Has replicationes. &c.

¶ Oblata

¶ *Oblata.*

**DIE** Prima mensis. &c. F. procurator domini M. plebani in L. obtulit replicationes in causa appellationis decimarū, ex aduerso P. procuratore S. plebani in N. petētibus copiam & terminum ad duplicandum & dominus decreta copia terminum ad octauam diem præfixit. Præsentibus. &c.

¶ *Actus.*

**DIE** Tali. &c. P. de B. procurator domini S. duplicauit generaliter verbo, & hincinde partibus peten. interloqui. dominus ad primam iuris præfixit terminum. Præsentibus. &c.

¶ *Interlocutoria.*

**SEDENTES** Pro tribunali interloquendo pronunciamus non obstantibus friuolis exceptionibus pro parte domini S. plebani in N. causam appellationis pro parte M. plebani in L. interpositæ à sententia diffinitiuā venenerabilis domini T. &c. lata pro parte dicti S. ad sedem Metropolitānam G. esse legitime deuolutam & nos iudicem competentem præfatum dominum S. ipsi M. in expensis litis condemnandum, quarum taxationem nobis in posterum reseruamus.

¶ Vel sic. Honorabilis domini M. de P. rectoris Ecclesiæ parochialis in L. ex vna, & discreti S. de B. curati in N. partibus ex altera in causa decimarum campestrium, tam prædialiū, quàm sculteti, & chmetonum villæ G. coram nobis in secunda instantia vigore appellationis vertēte, decernimus & pronunciamus interloquendo non obstantibus. &c. vt supra.

¶ *Notarius.*

**DIE** Tali. &c. F. domini M. in L. & P. domini S. in N. plebanorum, procuratoribus petentes interloqui, dominus interlocutus est in scriptis, appellationis causam legitime deuolutam ad sedem Metropolitānam C. & se iudicem competentem pronun-



pronunciauit dictumq; dominum S. præfato M. in expensis litis condemnando P. procuratore domini S. protestando, de grauamine & appellando. Præsentibus.

¶ *Documenta.*

NOTA Quodd cautè faciet procurator, si infra decem dies à die interlocutoriæ pro se latæ nil attentabit. Nam si ad uersarium statim citasset ad terminum sequentem, poterit eum excitare ad appellandum, qui aliàs dormiuisset. Et id semper seruandum est quando pars aduersa prætedit se grauari per aliquam interlocutoriam. Vnde & cauti iudices quando vident, quodd per interlocutoriam alicui partium grauamen intulerint, infra decem dies ab huiusmodi interlocutoria non procedunt in ea causa propter prædictam rationem.

¶ Nota si appellans obtulit iudici appellationis, apostolos, seu remissoriales literas iudicis à quodd, vel acta primæ instantiæ, tunc replicando referet se ad illas literas, vel ad illa acta pro legitimanda, & iustificanda sua appellatione. Huiusmodi enim literæ vel acta dant testimonium, quodd omnia sint ritè facta quæ incumbunt appellantis.

¶ Si verodd appellans obtulit tantum instrumentum appellationis, vt fit cum appellatur in scriptis, replicando oportet, vt se referat ad acta primæ instantiæ, & tunc loco eius, quodd in fine replicationum ponebat. Prout dictus procurator refert se ad instrumenta, seu literas apostolorum, dicet prout dictus procurator offert se probaturum legitimis documentis, loco & tempore opportunis. Vel sic replicabit.

¶ *Replicationes.*

CONTRA Quandam. &c. vt supra. Præmissis generalibus tandem subiungatur.

¶ Et primodd descendendo ad primam prætensam, & friuolam exceptionem, in qua breuiter deducitur, quodd pro parte domini M. infra decem dies à die latæ sententiæ, non fuerit nec sit appellatum, & alias duas sequentes, videlicet, quodd  
insinuatio

insinuatio dictę appellationis non sit facta infra xxx. dies, & Apostoli non sunt petiti infra eosdem xxx. dies, & ibidē quędam allegationes iuris impertinenter adducuntur. Ad præmissa omnia replicando dicitur, quod pro parte prædicti domini M. omnia quę appellantibus incumbunt, fuerunt & sunt legitimē facta & disposita, videlicet quod appellatum est infra x. dies, à die latę sententię prædictę, & ab eodē die interpositę dictę appellationis Apostoli infra xxx. dies sunt petiti & recepti cum effectu, prout dictus procurator offert se probaturum legitimis documentis loco & tempore opportunis. Ex præmissis.

¶ Et in tali casu iudex non feret interlocutoriam pronuntiando causam esse per appellationem ad sedem Metropolitanam legitimē deuolutam & se iudicem competentem, sed interloquetur admittendo replicationes ad probandum, quę probabuntur ex actis primę instantię per notarios iudicis à quo ex eius actis extractis, & ad iudicem appellationis, vt moris est, reportatis.

¶ Item nota, quod si appellatus viderit omnia quę appellantibus incumbunt esse ritē facta & disposita, poterit omisso articulo appellationis approbare iurisdictionem iudicis ad quem est appellatum. Et hoc maximē intelligendum est qñ appellatur à diffinitiuā, vt colligitur ex c. cordi. de ap. lib. vj.

¶ Item nota circa præmissa.

SI IPSE appellans post fundatam iurisdictionem nō curat, vel negligit causam proseguire. Ex tunc ipse appellatus vel procurator suus, procuret citari ipsum appellantem, ad videndum & audiendum causam ipsam ad iudicem primę instantię remitti, ob negligentiam proseguendi ipsam appellationem, aliās ob negligentiam procedendi in causa, post iurisdictionem fundatam, vt notatur in ca. ad hæc. & infra de appell. Si verò pars appellans post fundatam iurisdictionem, aliquos actus fecit, vtpotē quia obtinuit literas compulsorias pro actis primę instantię, vel aliquid simile. Tum in termino citationis, comparens, dicat. Ecce doceo de diligentijs quas feci, & facio in tali causa &c.

¶ Item

¶ *Item circa omnia præmissa quod alibi est omissum.*

**N O T A** ¶ Replicationes sunt exceptiones actori competentes contra rei exceptiones. Et replicationes semper opponit actor, duplicationes autem sunt exceptiones, seu defensiones reo competentes contra replicationes actoris. Sed iterum contra duplicationem rei, datur triplicatio actori; unde triplicatio est exceptio, seu defensio actori competens, contra duplicationem rei. Postremò contra triplicationem actoris, datur quadruplicatio reo. Unde quadruplicatio, est exceptio reo competens, contra actoris triplicationem, & ibi fit status, vt l. ij. ff. de except. & C. eodem libro. non exceptionibus, vbi dicit Bald. Sicut reus iuuatur exceptionibus, ita actor replicationibus, supple & triplicationibus. Exemplum omnium prædictorum. Peto iudicialiter à te centum, quæ tibi mutuaui. Tu excipis, dicens te habere à me pactum de non petendo, vel te esse absolutum à solutione per acceptilationem, hoc enim probato, absolueris à mea petitione. Sed ego possum replicare, quòd tale pactum de quo tu excepisti, fuit per metum, vel per dolum, vel contra leges, extortum vel ei renunciatum per aliud pactum posterius. Quo probato obtinebo. C. de pactis l. licet, & l. pacta nouissima. verum rursus contra meam replicationem, tu potes duplicare, de alio pacto tertio. Vel quòd dolum, nesciente & volente interuenit. C. de transactio. l. cum dotationis. & ff. de reg. iuris. Regula. nemo videtur fraudare eos, qui sciunt & consentiunt. Vel quòd meus ex post accessit consensus. c. si qui cleri. vel vouen. & cap. ad id quod. de sponsa. Et sic vltterius vsque ad quadruplicationem procedendo, & vsque ad vltimum pactum, hæc habentur institut. de replicatio. & in l. pacta præallegat. Videte Specul. in tit. de exceptionibus, & replicationibus. §. Nunc dicendum restat. de replicationibus &c.

¶ *Ceterum ad sequentia nota.*

**Q U E M A D M O D U M** Apud logicos propositio hypothe-  
tica

tica conſtruitur ex duabus categoricis . Sic libellus appellatorius, ſeu ſecundæ inſtantiæ, tam conuentionalis, quàm reconuentionalis, conſtruitur ex duobus videlicet ex libello primæ inſtantiæ, conuentionali vel reconuentionali, nam in prima inſtantia concludendo libellum, vnum petebatur: hîc autem, ideſt, in ſecunda inſtantia, duo petuntur, videlicet id quòd in primo libello, primæ inſtantiæ fuit petitum . Item quòd pronunciaretur benè appellatum, & malè ſententiatû, adiuncta ſemper expenſarum, & fatigarum petitione, de quo ſequitur exemplum ſtatim in ſequenti libello appellatorio .

¶ *Libellus appellatorius conuentionalis.*

**C**ORAM Vobis venerabili viro V. de L. vicario, & Officali generali G. iudice cauſæ & partibus inſcriptis vigore appellationis, à ſententia diffinitiuâ venerabilis domini T. R. Canonici & Officialis generalis Craco. pro parte diſcreti domini M. ad ſedem Metropolitanam interpoſitæ, procurator & nomine procuratorio prædicti domini M. rectoris Eccleſiæ in L. diœceſis Craco. appellantis, contra & aduerſus diſcretum S. in N. plebanum & contra quamcunque perſonam, pro ipſo veſtro in iudicio legitime interuenientē graui cum querela proponit, quòd quamuis mota materia quæſtionis inter præfatum M. actorem ex vna & dictum S. reum partibus ex altera, coram venerabili domino T. R. Cano & Offic. generali Craco. de & ſuper quibuſdam decimis, tam prædialibus poſt araturas nobilis A. quàm omnium & ſingulorum incolarum, & chmetonum in villa G. communiter nominata diœceſis Craco. in diſtrictu Lub. ad prædictum M. & Eccleſiam ſuam iure communi ſpectantibus, & pertinentibus foundationis & erectionis præfatæ Eccleſiæ parochialis in L. præſatusq; dominus M. intentionem ſuam & ius ſufficienter in petitorio & poſſeſſorio, tam teſtibus, quàm priuilegijs probaſſet & fundaſſet. Nihilominus tamē præfatus dominus T. &c. in præſata cauſa procedens, iuris ordine non ſeruato, nec attentis probationibus, & iure prædicti M. & Eccleſiæ ſuæ, ſententiam ſuam diffinitiuam (ſi dici meretur) tulit & pronunciauit, pro parte dicti domini S. & Eccleſiæ ſuæ in N. & contra

& contra præfatum dominum M. & Ecclesiam suam in L. adiudicando præfato S. & Ecclesiæ suæ decimas supradictas, tam prædiales, quàm omnium & singulorum incolarum, in dicta villa G. ex crescentes & absoluentes dictum S. ab impetitione præfati M. & eidem M. perpetuum silētium super eisdem decimis imponentes, eundemque in expensis in causa factis condemnando, à qua quidem sententia diffinitiva tanquam iniqua, pro parte præfati domini M. fuit & est appellatum, & apostoli petiti, infra terminum iuris, & omnia quæ appellantibus incumbunt, fuerunt & sunt facta & disposita.

¶ Petit igitur dictus procurator nomine quo supra procuratorio, per vos venerabilem virum V. de L. vicarium & officialem G. & vestram sententiam diffinitivam dici, pronunciari, decerni, omnes & singulas decimas, tam post agros & araturas nobilis A. quàm omnium & singulorum sculteti, & chmetonum in villa G. communiter nominata in terra L. dictæ diocesis Craco. ad prædictum dominum M. & Ecclesiam suam iure cōmuni pertinuisse & spectasse, & nunc pertinere & spectare, prædecessoresq; prædicti domini M. & Ecclesiam suam in possessione ipsarum fuisse & extitisse, ipsasque sibi & Ecclesiæ suæ adiudicandas fore, & adiudicari, præfatoque domino S. & Ecclesiæ suæ in prædictis decimis, non competisse nec competere ius aliquod prædictumque dominum Thom. &c. in dicta causa malè, & iniquè, & perperam processisse, & sententiasse & diffiniuisse, sententiamque diffinitivam per ipsum taliter qualiter latam, iuris ordine prætermisso, pro parte dicti S. & Ecclesia sua in N. quatenus de facto processit cassandā, annihilandā, reuocandā, & infringendam fore, cassariq; reuocari annihilari & infringi, pro parteque prædicti domini M. à prædicta sententia tanquam iniqua & iniusta, bene appellatum fuisse & esse, omniaq; quæ appellantibus incumbunt faciendo disposuisse & disposita fuisse, prædictumq; S. prædicto M. & Ecclesiæ suæ, in fructibus perceptis à temporibus occupationis prædictarum decimarum, in expensis in lite, tam coram iudice primè instantiæ, q̃ coram vobis factis & fiendis condemnandum fore & per vos condemnari, iustitia mediante. Saluo iure adden. minuen. omnibusq; melioribus modo, via, iure stilo. &c.

¶ Oblata.

## ¶ Oblata.

**D**IE Tali mensis. &c. F. de G. procurator domini M. plebani in L. citauit P. de B. procuratorem S. plebani in N. ad videndum offerri libellum, ipsoq; oblato dictus P. petiuit copiam ipsius & terminum ad deliberandum, & dñs decreta copia præfixit terminum ad octauam diem. Præsentibus. &c.

¶ Die tali mensis. &c. P. de B. procurator discreti S. plebani in N. deliberatus, petijt sibi dari terminum ad reconueniendum præfente & consentiente F. procuratore M. & dominus terminum ad octauam præfixit. Præsentibus. &c.

## ¶ Libellus reconventionalis.

**C**ORAM Vobis venerabili viro domino V. Vicario & Officiali generali G. iudice appellationis, procurator & nomine procuratorio discreti S. rectoris Ecclesię parochialis in N. diocesis Craco. Contra & aduersus discretum M. rectorem Ecclesię in L. dictę Craco. diocesis, & contra quamcunque aliam personam pro ipso vestro in iudicio legitime interuenientem, proponit & dicit, quòd licet causa quę coram venerabili viro T. &c. inter prædictum dominum M. actorem ex vna & prædictum S. reum partibus ex altera, de & super decimis prædialibus, excrefcentibus post araturas nobilis A. omniumq; & singulorum incolarum, & chmetonum in villa G. communiter nominata seu vulgariter dicta in terra Lub. dictę diocesis Craco. fuisset & esset solenniter acta & tractata, præfatusq; dominus T. &c. in prætata causa benè, & rationabiliter ac solenniter iuris ordine in omnibus seruato processisset sententiamq; diffinitiuam in ipsa pro parte domini S. & Ecclesię suę in N. & contra dictum dominum M. & Ecclesiam suam in L. tulisset, promulgasset, & pronunciasset, easdem decimas dicto S. & Ecclesię suę prædictę in N. adiudicandum. Nihilominus tamen pro eiusdem domini M. ab ipsa sententia fuit & est (vt dicitur) temerè & iniuste, ac de facto duntaxat ad sedem Metropolitanam G. appellatum, & maiè: cum ea quę appellantibus incumbunt non luerunt,



nec sunt facta & disposita.

¶ Petit igitur dictus procurator nomine quo supra procuratorio per vos venerabilem virum dominum V. vestramque sententiam, dici, pronunciari, & decerni, ac declarari in causa prædicta præfatum T. &c. benè & iustè, ac sanctè fuisse & esse processum, sententiatum & diffinitum, ipsiusq; sententiam cum contentis in ea confirmandam, approbandam, & ratificandam fore, & per vos approbari, confirmari, & ratificari, pro parte domini M. ab ipsa sententia diffinitiva malè, iniquè, & de facto duntaxat fuisse & esse appellatum, præfatumq; dominum M. prædicto domino S. in expensis in causa legitimè factis & in posterū faciendis condemnandum fore & per vos condemnari, & aliàs de & super præmissis sibi fieri iustitiæ completum vestrum benignum officium ad hoc humiliter imploran. Saluo iure &c.

¶ *Terminus ad respondendum libello.*

DIE Tali mensis. &c. F. de G. procurator domini M. plebani in L. citato P. procuratore domini S. plebani in N. petit responderi libello oblato pro parte dicti M. offerens se esse paratum ad respondendum libello reconventionali. Et dominus hincinde præfixit terminum ad respondendum ad diem octauam. Præsentibus.

¶ *Responsio super libellis.*

DIE Tali mensis. &c. P. ipse S. in N. & F. ipse M. in L. plebanorū procuratores ad libellos hincinde per ipsos productos, responderunt verbo animo contest. litem super eisdem, negantes narrata, prout narrantur fore vera, saluo eo quod confessi sunt fuisse processum in prima instàtia coram domino T. &c. & quod tulit sententiam contra prædictum dominum M. & Ecclesiam suam & pro parte discreti S. & de mandato domini, hincinde præstiterunt iuramentum calumniæ super omnibus articulis in eodem iuramento cōtentis, & vtriusq; procuratoribus peten. terminum præfigi ad ponend. & articulandum, dominus ad xij. diem præfixit.

¶ Nota, quòd iuramentum calumniæ, nedum in prima instantia, sed etiam in secunda potest, & debet præstari si exigitur, vt habetur. ca. in appellationis, de iuram. calum. lib. vj. Et potest exigi & præstari in quacunque parte litis, cum non sit de substantia ordinis iudiciarij, quòd statim post litem contestatam (vt debet) iuretur de calumnia, vt habetur. cap. j. eod. tit. & lib.

¶ *Articuli super libello conuentionali.*

POSITIONES & articulos infra scriptos, procurator & nomine procuratorio discreti M. plebani in L. diœcesis Craco in causa appellationis, quæ inter prædictum M. actorem ex vna, & discretum S. plebanum in N. partibus ex altera vertitur & vertebatur, de & super decimis prædialibus, post agros & araturas nobilis A. & omnium & singulorum sculteti, & chmetonum in villa G. communiter nominata in terra Lubli. diœcesis Craco. dat, facit, exhibet, & producit, coniunctim & diuissim, petens eisdem per partem aduersam medio suo iuramento responderi, qui si negati fuerint, petit se ad probandum admitti, non astringens se & suam partem ad aliquod onus superflue probationis, sed duntaxat ad ea probando, quæ pro intentione sua & victoria præsentis causæ obtinenda sufficere videantur. De quo solènter protestatur.

I ¶ In primis igitur ponit, & si negatum fuerit probare intendit, quòd à x. xx. xxx. xl. citra vel vltra annis in parochia & intra parochiam Ecclesiæ suæ parochialis. scilicet in L. fuit, & est quædam villa G. vulgariter nominata, quæ consuevit inhabitari & inhabitatur per homines vtriusq; sexus, à temporibus supra descriptis, & q̃ prædicti homines eiusdem villæ vtriusq; sexus percipiunt, & perceperunt à rectore dictæ Ecclesiæ in L. pro tempore existente & suis vicarijs ecclesiasticis sacramenta, tam voluntaria, q̃ necessaria videlicet q̃ paruuli prædictorum hominum, seu incolarum in prædicta villa G. baptizantur & adulti venientes ad annos discretionis, confessi corpore Christi, tam sani, quàm etiam infirmi & alijs sacramentis procurantur, à præfato rectore dictæ ecclesiæ parochialis in L. & suis vicarijs. Quod sic fuit &c.

2 ¶ Item ponit, vt supra, q̄ à temporibus supra descriptis omnes, & singulæ decimæ manipulares & campestris, post omnes & singulos agros & araturas, tam nobilis A. quàm omnium & singulorum sculteti & chmetonum, in prædicta villa G. communiter nominata pertinuerunt & spectauerūt, ad prædecessores prædicti domini M. & Ecclesiam suam & hodie pertinent & spectant, fueruntq; nonnulli prædecessores præfati M. & Ecclesia sua in L. in pacifica & quieta possessione, vel quasi iuris percipiendi præfatas decimas, leuandi, colligendi, decimandi, & in vsus proprios easdem conuerlendi. Quòd sic fuit & est verum.

3 ¶ Item ponit, vt supra, quòd prædictas decimas manipulares & campestris, tam prædiales, post omnes agros & araturas nobilis A. quàm omnium & singulorum sculteti, & incolarum in villa G. communiter nominata, prædictus dominus S. plebanus in N. diœcesis Cracouiens. nescitur quo spiritu ductus, contra Deum & iustitiam pro se & Ecclesia sua vsurpat & occupat, spoliando prædictum dominum M. & Ecclesiam suam in L. in graue periculum animæ suæ, & in scandalum non modicum & grauamen, damnificando eundem dominum M. & Ecclesiam suam à tempore spoliationis & occupationis, anno quolibet ad viginti marcas. Quòd sic fuit & est verum.

4 ¶ Item ponit, vt supra, quòd prædictus M. volens defendere iura Ecclesiæ suæ prædictæ in L. de anno domini. Mille simo. &c. die decima mensis Augusti, prædictum dominum S. plebanum in N. traxit in causam ad præsentiam venerabilis T. R. canonici & officialis generalis Craco. & litem ei de prædictis decimis nouam intentauit. Quòd sic fuit. &c.

5 ¶ Item ponit, vt supra, quòd prædictus dominus T. officialis prædictus, procedendo in causa, iuris ordine prætermisso, & probationibus præfati M. non attentis neq; conspectis, sententiam diffinitiuam (si dici meretur) pro parte dñi S. prædicti & Ecclesia sua in N. tulit & pronunciauit, & contra prædictum dñm M. & Ecclesiam suam in L. decimas præfatas eidem S. & Ecclesiæ suæ in N. adiudicandas perperâ, & iniquè, & eundem do. M. in expensis dicto S. condemnando, silentiumq; perpetuum, quârum in ea fuit, prædicto dño M.

super eisdem decimis imposuit. Et sic fuit & est verum.

6 ¶ Item ponit, vt supra, quòd pro parte prædicti domini M. & Ecclesiæ suæ in L. à tali sententiâ diffinitiuâ (si dici meretur) tanquam iniqua iniusta, infra terminum iuris fuit & est appellatum, apostoliq; petiti & cum effectu recepti, & omnia quæ appellationi incumbunt fuerunt & sunt disposita. Quòd sic fuit & est verum.

7 ¶ Item ponit, & dat propositionibus & articulis acta acti-  
cata in prima instantia, videlicet libellorum articulorum & aliàs probationes in quantum faciunt, & facere possunt pro parte sua, & contra partem aduersam, & non aliter nec alio modo.

8 ¶ Item ponit, quòd de omnibus præmissis est publica vox & fama.

¶ *Articuli ex libello reconventionali.*

POSITIONES Et articulos infrascriptos, procurator & nomine procuratorio discreti domini S. plebani in N. diœcesis Craco. in causa appellationis, quæ inter prædictum S. tanquam reum ex vnâ, & M. rectorem Ecclesiæ parochialis in L. actorem partibus ex altera de & super decimis quibusdâ manipularibus & campestribus in villa G. vulgariter nominata in terra Lubl. diœcesis Craco. vertitur, dat, facit & producit coniunctim & diuisim, petens eisdem per partem aduersam medio suo iuramento responderi. Qui si negati fuerint probare intendit, non astringens se & suam partem ad aliquod onus superflue probationis, sed duntaxat ad ea probanda, quæ pro intentione sua, & præsentis causæ victoria obtinenda, sufficere videantur. De quo solenniter protestatur.

1 ¶ In primis igitur ponit, & dat propositionibus libellum in prima instantia productum & oblatum in causa præsentis, & omnia singula in eo contenta, narratiue & dispositiue de quolibet.

2 ¶ Item ponit, & dat propositionibus & articulis, positiones & articulos, aliàs datos & productos coram iudice, à quo extitit appellatum.

3 ¶ Item ponit, quòd præfata omnia contenta in libello &

in dictis positionibus, fuerunt & sunt vera, & de ijs in confessorio Craco. & Gnez. & alijs vbilibet fuit & est vox publica.

4 ¶ Item dat, pro positionibus & articulis, omnia & singula producta & in posterum producenda in presenti causa, in quantum faciunt, seu facere possunt pro parte sua, & contra partem aduersam, & non aliter nec alio modo.

¶ Prædictas positiones & articulos, dat dictus procurator nomine quo supra procuratorio, prædicti domini S. & Ecclesie suæ in N. saluo sibi iure declarandi, & prædicta omnia in melius reformandi, non astringens se & suam partem ad probandum superflua, sed duntaxat ea quæ sibi sufficiunt in causa presenti pro victoria obtinenda.

¶ *Oblata.*

DIE Tali. &c. F. ipsius M. plebani in L. & P. ipsius S. plebani in N. procuratores, hincinde obtulerunt positiones & articulos prout terminus requirebat. Et hincinde petentibus copiam & terminum ad dicendum contra, dominus ad octauam diem præfixit. Præsentibus. &c.

¶ *Exceptiones ipsius S.*

**C**ONTRA Quandam prætenfam cartam loco articulo rum pro parte discreti M. plebani in L. & contra discretum dominum S. plebanum in N. nuper in iudicium vestrum oblatam & productam venerabilis domine, &c. procurator & nomine procuratorio dicti domini S. arguit, opponit, excipit & excipiendo dicit, quod prædicta prætenfa carta cum contentis in ea, est friuola, impertinens non releuans productam, nec nocens parti contra quam producitur, & alijs est talis, quod de iure est inadmissibilis & repellenda & debet repelli, prout & ex infra deductis clarius apparebit, & ex post verbo & in scriptis si necesse fuerit.

1 ¶ Et primo prætenfa carta quantum ad tres primos articulos videlicet primo secundo & tertio, non est admittenda, nec de iure debet admitti, imò contra ius scriptum esset si admitteretur. Et hoc sic deducitur. Nam materia predictorum articu-

lorum, est in articulis primæ instantiæ sufficienter inducta, super quibus articulis, testes fuerunt & sunt sufficienter inducti & examinati, & dicta eorum publicata, copiarq; attestationum receptæ, itaq; præfatus dominus M. in præsentī causa aduersarius, sufficienter didicit præfatas attestationes. Et sic si præfati articuli admitterentur ad probandum, esset præsumptio violenta de subornatione & corruptione testium inducendorum. Vnde & iura disponunt quod post publicationem attestationum, testes super eisdem articulis vel directè contrarijs, vt in clem. ij. de testib. vel super materia eorundem articulorum non sunt admittendi, vt habetur in ca. in timauit. & c. de testibus de testib. & cap. fraternitatis. eod. tit. vbi glo adducit multas concordant. Vnde & secundum Goff. quatuor sunt quæ tollunt copiā producendi testes, seu quibus obstantibus prohibetur productio testium. Primò publicatio testium, vt in ca. supra alleg. Secundò renunciatio siue conclusio, vt in d. c. fraternitatis. Tertiò productio quarta, vt in c. in causis. de testi. Quartò numerus testium effrenatus, hoc est ultra xl. vt in eod. tit. c. significauerunt. & c. cum causam, cum alijs & plurimis iuris concor.

2 ¶ Item pro & ex eo dicta prætensa carta quantum ad præfatos tres articulos non est admittenda, quia si admitteretur esset contra hoc dictum de corpore iuris exceptum & in causis appellationum communiter allegatum: videlicet, non allegata allegabo, & non probata probabo. Admissis enim dictis prætensis articulis allegata allegarentur & probata probarentur, & sic sequeretur confusio processus in causa, imò committeretur nugatio, cum esset vnius & eiusdem inutilis repetitio, & absurdum est eandem materiam N. eodem modo & sub eadem forma in iudicium deductam, sæpius repetere & resumere. Et sic præmissis obstantibus dicti articuli non sunt admittendi, nec debent de iure admitti.

¶ Ex præmissis & quolibet præmissorum, petit dictus procurator & nomine quo supra procuratorio, obstantibus exceptionibus supra deductis, & de iure admissibilibus. prædicto prætensos articulos tres de quibus supra repellendos fore & per vos repelli, vestra interlocutoria sententia median-  
re, præfatumq; dominum M. ipsi domino S. in expensis condemnan-



demnandum fore & condemnari, & aliàs de & super præmis  
sis sibi fieri iustitiæ complementum, vestrum benignum offi  
cium ad hoc humiliter implorando. Has exceptiones.

¶ *Oblata .*

DIE Tali, mensis talis P. de B. ipsius S. plebani in N. pro  
curator, obtulit exceptiones contra articulos pro parte di  
creti M. plebani in L. productos & oblatos, & ex aduerso F.  
procuratore dicti M. petentibus copiam & terminum ad di  
cendum contra, aliàs ad replicandum. Et dominus. &c.

¶ *Replicationes .*

**C**ONTA Quendam prætensam cattam loco exceptio  
num pro parte discreti domini S. curati in N. & contra  
positiones & articulos discreti domini M. plebani in L. nupee  
in iudicium vestrum venerabilis domine, &c. oblatam & pro  
ductam, procurator & nomine procuratoriò præfati discreti  
domini M. plebani in L. arguit, & opponit, replicat & repli  
cando dicit, quòd dicta prætensa carta cum contentis in ea  
fuit & est impertinens & friuola & breuiter dicendo, de iure  
inadmissibilis, cum non releuat producentem nec nocet par  
ti contra quam producitur, & aliàs est talis quòd ipsa non ob  
stante vos venerabilis domine. &c. potestis & de iure debetis  
admittere articulos eiusdem domini M. ad probandum, pro  
ut ex infra deductis clarius apparebit.

I ¶ Et primò descendendo ad primam prætensam exceptio  
nem in qua breuiter in summa deducitur, quòd si post pu  
blicationem attestationum in prima instantia, articuli con  
formes, seu materiam primorum articulorum continentes  
producantur in secunda instantia, tunc nec illi articuli, nec  
testes super eisdem debent admitti. Et excipiens videtur ad  
ducere causam, quòd postquam pars producens didicit at  
testationes, habetur violenta præsumptio de subornatione  
& corruptione testium producendorum, & allegat dictus ex  
cipiens pro intentione sua. c. fraternitatis, & ca. intimauit, de  
testibus. cum alijs iuribus per ipsum impertinenter adductis.

Ad hoc replicando dicitur, quòd dictus excipiens in excipiendo & præsertim in allegando (salua sua reuerentia) seruat astutiam Satanæ, quia sicut Satanæ cum Christum tentauit dicens Matth. 4. Si filius Dei es, &c. in ea parte illa quæ pro ipso facere videbantur allegauit dicens. Scriptum est Psalmus 90 Angelis suis, &c. quæ verò contra ipsum in mente continebantur, tacuit videlicet. Super aspidem & basiliscum ambulabis, &c. sic & ipse excipiens. cc. prædicta in quantum videbantur facere pro ipso, in ea parte allegauit & adduxit In ea verò parte in qua in toto contra ipsum sunt, maxime in glo. d. c. fraternitatis, tacuit, vbi continetur, quòd in eadem causa & materia si noua capitula, seu noui articuli oriuntur, testes noui possunt induci, & etiam super nouis articulis dependentibus ex veteribus articulis & quæ possunt oriri ex ipsis testes noui & alij prius producti in prima instantia super eisdem possunt produci, vt in d. c. fraternitatis, & in glo. eiusdem. c. super verb. super nouis manifestissime, & expressè continetur & deducitur, prout dictus procurator refert se ad d. ca. & ad glo. per ipsum alleg. vbi prædicta sufficienter deducuntur. Et licet in glo. alleg. legistæ videantur sentire contrarium, vltimatè tamen concluditur in fine eiusdem glo. quòd super nouis articulis pendentes ex primis, siue ex veteribus optimè testes producantur. Et sic constat quòd dictus excipiens in excipiendo deficit. Et vbi videbatur pro se allegare, allegat contra, vt patet cuilibet dictam glo. legenti & intelligenti, cum alijs multis iuris concordantioidem annotatis.

¶ Item ad vltimam præsentam exceptionem in qua breuiter excipiens deducit in effectum, quòd admissis dictis articulis contrarium illius dicti, quòd communiter allegatur videlicet non allegata allegabo, non probata probato, admitteretur, si probata vel allegata iterum allegarentur vel probarentur in causa appellationis. Ad hoc replicando dicitur, quòd dictus excipiens non intelligit illud dictum commune, quia hunc locum in iure contentum non vidit, sed si vidisset, non adduxisset. Nam quamuis illud dictum intelligendum est, quòd omnia in prima instantia possum allegare, & probare, tamen non sequitur quòd probata vel allegata sub alijs mor-  
do

do & forma melioribus nō possem allegare vel probare, quia ex supra deductis apparet, quòd datis nouis articulis pendentibus ex veteribus, possum supplere in secunda instantia per nouas probationes neglecta in prima instantia, vt in præalleg. c. fraternitatis, in tex. rotundo. & in glo. eiusdem. c. super verbo super nouis, de testib. cum alijs pluribus iuris concord. ibidem annotatis, & in l. hanc. C. de tempo. & repara. appellat. vbi de hoc.

¶ Ex præmissis igitur & quolibet præmissorum, petit dictus procurator nomine quo supra procuratorio, per vos venerabilem dominum V. &c. & vestram sententiam interlocutoriam, dici, pronūciari, decerni, & declarari articulos pro parte dicti domini M. oblatos ex libello suo procedentes, nō obstantibus dictis friuolis exceptionibus, admitterēdos fore & per vos admitti, iustitia mediante.

¶ Circa præmissa sciat iunior, quòd subornare est de veritate tacenda & falsitate dicenda testem informare secundum Guil. in clem. ij. de testib.

#### ¶ Oblata.

**DIE** Tali, mensis talis. F. de G. ipsius M. plebani in L. procurator, obtulit replicationes in scriptis. P. procuratore S. curati in N. petentibus copiam & terminum ad dicendum contra, aliās ad duplicandum, & obtinuit ad octauam diem, Præsentibus. &c.

#### ¶ Duplicationes verbo.

**DIE** Tali, mensis talis P. de B. procurator S. plebani in N. duplicauit generaliter verbo. Et hincinde procuratoribus peten. interloqui dominus ad primam diem iuridicam terminum præfixit. Præsentibus.

#### ¶ Interlocutoria.

**SEDENTES** Pro tribunali interloquendum pronunciamus, nō obstā. friuolis exceptionibus pro parte discreti S. plebani.

bani in N. cōtra positiones & articulos M. plebani in L. oblati-  
tis & productis, eosdem articulos admitten. fore & admittimus,  
eundem S. dicto M. in expensis occasione præmissorū  
legitimè factis condemnantes, quarum taxationem nobis  
in postero reservamus. Lecta. &c.

¶ *Notarius.*

Dixit Tali mensistalis F. ipsius M. & P. ipsius S. procuratoribus peten. interloqui. Prout terminus requirebat, dominus interlocutus est; admitten. articulos M. plebani in L. & ad responden. hincinde articulis terminum ad octauam diē præfixit. Præsentibus.

¶ *Responsiones rei.*

**S**ALVA Ineptitudine & impertinentia positionum & articulo-  
rum pro parte domini M. plebani in L. oblatorum & productorum,  
protestatur procurator domini S. plebani in N. quod si alicui vel aliquibus cui vel quibus de iure nō  
esset respondendum, responderit, vult habere pro non responso,  
de quo solenniter protestatur. Qua protestatione solenni sic præmissa,  
ad positiones & articulos prædictos ineptos, satisfaciendo termino si & inquantum ipsis de iure esset  
respondendum, respondet, vt sequitur sub hac forma.

¶ Et primò ad primam positionem respondendo, credit ipsam esse veram. Item ad secundam non credit. Item ad tertiam non credit quod prædictus S. usurparet, vel occuparet, sed credit, quod iuste de iure possidet decimas, quas etiā non credit tanti valoris prout in articulo describuntur. Item ad quartam credit. Item ad quintam credit quod sententia lata est pro ipso S. & ecclesia sua iuste & iuris ordine seruato. Item ad sextam credit quod appellauit, sed non credit quod fecisset ea quæ incumbunt appellationibus. Ad septimam & octauam non credit.

¶ *Responsiones actoris.*

**S**ALVA Ineptitudine & impertinentia positionum & articulo-  
rum

ticulorum non admittendorum, pro parte domini S. plebanī in N. productorum, protestatur procurator & nomine procuratorio domini N. plebani in L. quod si alicui ex ipsis vel aliquibus per ipsum esset responsum cui vel quibus de iure non esset respondendum, vult habere pro non responso, de quo solenniter protestatur. Et præmissa hac protestatione, respondet sub hac forma, vt sequitur,

¶ Et primò descendendo ad primum, & secundum articulos, respondendo credit ipsos esse veros. Item ad tertium non credit. Item ad quartum non credit nisi actu fuerint data & producta.

¶ *Oblata.*

D I E Tali mensis talis P. ipsius S. in N. & F. ipsius M. in L. plebanorum procuratores hincinde produxerunt responsiones & articulos in scriptis. Et dñs decretis copijs, præfixit terminū ad octauam diem ad dicendū contra. Præsentibus.

¶ *Exceptiones verbales.*

D I E Tali, mensis talis P. ipsius S. in N. & F. ipsius M. in L. plebanorum procuratores, hincinde contra responsiones per ipsos datas generaliter verbo exceperunt, & dominus in continenti & statim visis responsionibus admisit responsiones hincinde. Et ibidem eodem iudicio durante dictus F. citato P. procuratore ipsius S. per M. cursorem nuntium iuratum, obtulit quasdam positiones & articulos in scriptis. Ex aduerso P. petenti. copiam & terminum ad dicendum contra. Et dominus ad octauā diem præfixit. Præsentibus. &c.

¶ Circa præmissa de hac clausula saluo iure impertinentium vel non admittendorum. Vide gloss. pen. ordinariam in ver. legitimè, in cle. constitutionem. de elec. & in ea. cum contingat circa si. de offi. deleg. & Gemi. in procemio sexti, propè prin. Quid autem operetur hæc protestatio, dicendo, saluo iure impertinentium &c. Vide si te dilectat, Lane francum in c. quoniam contra, de proba. in ver. exceptiones.

¶ *Item circa præmissa omnia.*

**NOTA** Quòd positioni obscuræ & incertæ non est respondendum. Quia positio habet vim probationis, sed incerta vel obscura probatio, non releuat probantem. cap. in præsentia. de proba. Item impertinenti. Quia positio debet fundari & extrahi de libello. Sed positio impertinens, non pertinet ad causam, nec ad libellum ergo. &c. vt si litigatur de vinea & positio formatur de æquo, vel pellicea: &c. Item captiosè. Item criminosè. Quia positio captiosa & crimino-  
sa, non potest fieri affirmando vel negando, quin respondens ad eam, sibimet præiudicet. Verbigratia: pono quòd tu es vsu-  
rarius. Si dicas propter iuramentum quòd sic, detegis tuam  
turpitudinem. Si dicas q non sic eris periurus, cum sis vsura-  
rius. Item nec positioni multiplici est respondendum. Quia  
omne multiplex est distinguendum, & sic in vno sensu conce-  
dendum, in alio verò negandum, de quo plura Lancfrancus  
in al. c. quoniam contra. de proba. & spec. latè in titulo de po-  
sitionibus. §. septimo videndum. &c.

¶ *Articuli actoris.*

**AD** Elidendum & excludendum intentionem & ius do-  
mini S. plebani in N. diœcesis Cracouiensis, quod præten-  
dit se falsò habere in decimis prædialibus post araturas no-  
bilis A. & omnium & singulorum sculteti & emethonum in  
villa G. vulgariter nominata excrescentibus sita & locata in  
parochia & inter parochiam ecclesiæ parochialis sancti I. in  
L. dictæ diœcesis Cracouiensis, procurator & nomine pro-  
curatorio domini M. rectoris Ecclesiæ prædictæ in L. posi-  
tiones & articulos infra scriptos, dat, facit, exhibet & produ-  
cit, coniunctim & diuisim, petens eisdem per partem aduer-  
sam medio suo iuramento respóderi, qui si negati fuerint, pe-  
tit se admitti ad probandũ, non alstringens se & suã partẽ ad  
aliquod onus superflue probationis, sed duntaxat ad ea pro-  
banda quæ pro intentione sua & victoria obtinenda suffice-



re videantur. De quo solenniter protestatur.

1 ¶ In primis igitur ponit. &c. quod sub Anno domini 1551 & vsque ad annum domini 1563. Honorabilis dominus P. felicitis recordationis fuit & erat verus plebanus & pacificus, in Ecclesia parochiali sancti I. in L. & pro tali tentus, habitus & reputatus.

2 ¶ Item ponit vt supra, quod de anno domini 1563. prima mensis septembris prædictus honorabilis dominus P. felicitis recordationis, rector prædictæ Ecclesiæ in L. clausit suam diem extremam ibidem in domo sua propria penes cæmeterium ad partem aquilonis respectu dictæ Ecclesiæ, & in eadē Ecclesia fuit, & est sepultus.

3 ¶ Item ponit, vt supra, quod vacante prædicta Ecclesia parochiali in L. modo prædicto, felicitis recordationis in G. archidiaconus Cracouiensis, qui in eadem parochia ius patronatus obtinebat discreto domino B. ibidem de L. de eadem Ecclesia prouisit, ipsumq; Reuerendissimo in Christo patri domino S. pro tunc Episcopo Cracouiensi, per suas patentes literas præsentauit instituendum & inuestiendum: quem præfatus Reuerendissimus in Christo pater, dominus S. Episcopus, præmissa crida, id est, citatione, canonicè instituit & inuestiuit de & super Ecclesia, & per certos executores ad prædictam Ecclesiam & ad possessionem eiusdem introduci mandauit & præcepit, præcipiendo omnibus eiusdem Ecclesiæ parochianis eidem obedire, sibiq; de omnibus fructibus & prouentibus ac decimis integraliter responderi. Qui quidem dominus B. vigore literarum prædicti Reuerendissimi in Christo patris ad eandem Ecclesiam in L. fuit introductus & ad possessionem ipsius actualem & realem, dictamq; Ecclesiam in possessionem pacificā per vnum mensem, citra vel vltra, possedit cum omnibus decimis, prouentibus & obuentibus. Et sic. &c.

¶ Circa præmissum articulum sciat iunior, quod crida in Italico, appellatur proclama. Inde literæ cridæ appellantur illæ quæ per ædictum fiunt publicè in Ecclesia vt si qui velint se opponere iure præsentandi aut eligendi in fauorem talis præsentati vel electi, &c. facto compareant in termino cridæ, id est, in termino citationis factæ per proclamationē publicē

publicæ in Ecclesia per executores talis crida, de qua crida videte. c. fi. de elec. lib. vj.

4 ¶ Item ponit, vt supra, quod de Anno domini. 1482. die xxvj. mensis Octobris quidam I. petri capitanei Sando. archiepiscopi Lub. dictæ diocesis Cracouiensis veniens de curia Romana accepit prædictam Ecclesiam in L. autoritate Apostolica, & prædictum B. rectorem eiusdem Ecclesiæ de possessione eiecit & spoliavit violenter, & signanter in decimis prædialibus post araturas nobilis A. & omnium & singulorum incolarum & cmethonum in villa G. communiter nominata excrescen. Quod sic fuit &c.

5 ¶ Item ponit vt supra q̃ prædictus I. postquam apprehendit possessionem decimarum, fructuum & prouentuum dictæ Ecclesiæ in L. modo prædicto, præfatas decimas cuidam T. in N. tunc temporis plebano, quem pro notario circa acceptationem ecclesiæ habebat, dedit & assignauit, quod ei assisteret & possessionem ecclesiæ prædictæ secum defenderet, cū quo idem T. semper continuus fuit defendendo possessionem decimarum eiusdem ecclesiæ in L. Quod sic fuit. &c.

6 ¶ Item ponit q̃ dictus B. rector ecclesiæ prædictæ in L. in terposita appellatione à processibus monitorijs quibus fuit ad instantiam dicti I. monitus, ac à pœnis & censuris in eisdem contentis, dicta appellatione præfato I. insinuata & notificata, se ad curiam Romanam transtulit & cum eodem I. septem annis litigando, triumphum reportauit, & in redeundo de curia Romana, de Anno domini. 1489, die. vij. mensis Martij. circa Viennam in Austria fuit & erat captiuus & per quinque annos continuè sequentes in captiuitate tentus & compedibus ferreis in pedibus totaliter destructus, & rediens in L. in Ecclesiam suam, aliquot annis superuiuens, laborans. graui infirmitate, fuit extinctus & mortuus, ita quod ecclesia prædicta per annos 15. continuè sequen. incipien. ab Anno domini 1482. caruit rectore & defensore. Et sic dictus T. plebanus in S. per eosdem annos continuauit possessionem prædictarum decimarum. Cui succedens præfatus S. hucusque continuat mala fide cum famæ suæ detrimento ac in periculum animæ suæ, & in præiudiciu non modicum & grauiamen ipsius domini M. & Ecclesiæ suæ prædictæ in L. Et sic

ſic fuit & eſt verum. &c.

7 ¶ Item ponit, quòd de omnibus præmiſſis fuit & eſt publi-  
ca vox & fama.

¶ Sciāt iunior circa præmiſſa. Quod nullum eſſe præla-  
tum circa eccleſiam, & inutilem eſſe equipollent. c. ij. de trā-  
ſact. præla. ver. Illa dicitur eccleſia viduata. &c. Inhabilis  
enim ad agendum nullus dicitur. ff. quod cuiuſque vniuerſi.  
not. l. j. §. pe. Sed infirmus vel captiuus, eſt inhabilis ad agen-  
dum, ergo reputabitur nullus.

¶ *Exceptiones verbo.*

DIE Etc. P. de B. domini S. curati in N. procurator ex-  
cepit generaliter verbo contra articulos discreti M. plebani  
in L. aſſerens ipſos de iure inadmiſſibiles. Ex aduerſo F. pro-  
curatore dicti M. replicante verbo & petentibus interloqui.  
& dominus ad octauam diem præfixit terminum ad interlo-  
quendum. Præſentibus.

¶ *Interlocutoria verbo.*

DIE Tali menſis &c. P. ipſius S. in N. & F. ipſius M. in  
L. plebanorum procuratoribus petentibus interloqui ſuper  
exceptionibus verbalibus contra articulos prædicti M. obla-  
tos, dominus interlocutus eſt verbo, admittendo articulos,  
& terminum ad octauam diem præfixit ad reſpondendum  
eiſdem articulis.

¶ *Reſponſio ad articulos verbo.*

DIE TALI &c. P. ipſius S. plebani in N. procurator, re-  
ſpondendo articulis pro parte domini M. plebani in L. vlti-  
mò oblatiſ, generaliter ad omnes dixit, non credit ipſos eſſe  
veros, & F. procuratore dicti M. approban. ſuas reſponſiones  
& peten. compulſoriales contra officialem Cracouien. &  
ſuos notarios pro actis primæ inſtantię & inſtrumentis ex-  
trahend. ad probandum ſuos articulos ex libello proceden.  
& ipſum S. compelli ad ſolutionem medietatis dictorū acto-  
rum

rum apud officialem Cracouien. fiendam, dicto P. recusant. & contra dicen. ac allegante quod velit stare contentus de instrumento sententiæ præfato F. replicante quod sicut acta primæ instantiæ essent sibi necessaria pro iustifican. sua appellatione & articulis proban. ita aduersæ parti pro sententia probanda pro ipsa lata. Et hincinde procuratoribus altercantibus & cōcertantibus dominus decretis compulsorialibus, mandauit acta extrahi, sumptibus duntaxat appellantis, & terminum trium mensium præfixit ad reproducen. eadem acta. Præsentibus. &c.

*¶ Remisso ad examinandos testes.*

DIE TALI men &c. F. de G. procurator M. plebani in L. citato P. procuratore domini S. plebani in N. per M. nuntium iuratum, præsentem dicto P. allegauit coram domino V. vicario & officia. &c. quomodo propter longam distantiam loci ad articulos per ipsum vltimò productos nō possit Gnez. nen. testes producere, petens examen committi super dictis articulis, alicui ex p̄latis vel canonicis aut doctoribus in ciuitate Cracouien. Et partibus discordantibus dominus ex officio suo, commisit domino S. de C. decretorum doctori &c. vt assumpto notario, dictos testes examinaret. Et ibidem dominus, recepto iuramento à B. de G. cursore quod fideliter portaret tam articulos inclusos cum interlocutoria & cōmissione, quàm etiam compulsoriales aliàs decretas, mandauit sibi illa tradi, assignan. men sem tantum ad reportandum. rotulum cum examine testium. Præsentibus. &c.

*¶ Compulsoriales contra iudicem & suos notarios.*

**V**DE L. Archid. Reuerendissimiq; &c. vt in citatione supra, fol. 148. salutem in domino. Noueritis nos in causa appellationis inter honorabilem M. plebanum in L. principalis appellantis ex vna & S. in N. plebanum partibus ex altera, occasione certarum decimarum ac aliarum rerum in processu causę latius deductarum, ad nonnullos actus & terminos iudiciarios gradatim & successiue iuris ordine seruato

uato cum ipsis partibus seu verius ipsarum procuratoribus  
 vsq; ad articulorum hincinde productionem ipsorumq; ad-  
 missionem & responsionem, ritè & legitime processisse Tan-  
 dem die inferius annotata corā nobis, in iudicio pro tribuna-  
 li præsidentibus, comparens personaliter circumspēctus F.  
 de G. magister causarum consistorij G. & dicti M. plebani in  
 L. legitimus procurator, de cuius procurationis onere apud  
 acta causæ huiusmodi euidentissimè dinoscitur constare, ex-  
 posuit, quomodo venerabilis vir dominus T. R. &c. necnon  
 notarij, tabelliones & coram eo scribē, depositiones siue dicta  
 testium, instrumenta, priuilegia literas, scripturas & alia iura  
 & munimenta in suis cistis, scrinijs, thecis, armarijs, actis, no-  
 tis & prothocollis habent & circa se detinent, sine quibus ve-  
 ritas de meritis causæ huiusmodi liquidè & ad plenum con-  
 stare non potest. Propter quod nobis debita iuris cum instan-  
 tia supplicauit, quatenus sibi de remedio opportuno prouide-  
 re, nostrasq; compulsoriales literas contra & aduersus per-  
 sonas prænominatas in forma solita & fieri consueta pro ex-  
 trahen. huiusmodi actis, dare & decernere dignaremur. Nos  
 tunc attenden. petitionem huiusmodi fore iustam & rationi  
 consonam, & quod iusta petentibus non est denegandus as-  
 sensus, boniq; iudicis est cuncta rimari nè ex occultatione  
 huiusmodi testium depositionis & aliorum iurium & mu-  
 nimentorum alicui partium veritas deperire videretur, præ-  
 petitas nostras compulsoriales literas decreuimus fore dan-  
 damusq; & decernimus per præsentēs. Quo circa vobis exe-  
 cutoribus supradictis & vestrum cuilibet in virtute sanctæ  
 obedientiæ, & sub excommunicationis pœna (quam in vos  
 & vestrum quemlibet trina trium duntaxat dierum canoni-  
 ca monitione præmissa, si nostra hmōi mandata neglexeritis  
 seu distuleritis contumaciter adimplere, ferimus in his scrip-  
 ptis) districtè præcipient. mandamus, quatenus personaliter  
 acceden. venerabilem dominum T. &c. ac ipsius notarios,  
 tabelliones & coram eo scribas, si ipsorum præsentias como-  
 dè adire poteritis, aliās vestris in Ecclesijs publicè proponen-  
 ipsos & eorum quemlibet salubriter inducen. moneatis & re-  
 quiratis, quos & nostenore præsentium requirimus & mo-  
 nemus, vt infra vnius mensis spatium, quod spatium ipsis &

eorum cuilibet pro omnibus dilationibus trinaq; canonica monitione ac termino peremptorio præfigimus & assignauimus, acta acticata, testium depositiones siue dicta eorum, literas, scripturas, priuilegia, instrumenta & alia iura ac munimenta necessaria causam & causas huiusmodi tangent. & tãgentia in eorum formis originalibus, seu eorum vera transumpta in publicam formam redactas & redacta, & sigillis autenticis sigillatas & sigillata, aliasq; talibus modo & forma dispositis, quòd eisdem apud nos in iudicio & extra plena fides valeat adhiberi, nil addendo, minuendo, mutãdo quod facti substantiam immutet: dent, tradant, & assignet nobisq; versus locum & consistorium G. dirigant, deferendas & deferenda, saluo nihilominus salario iusto & competenti illi vel illis, cui vel quibus satisfactio ob præmissa fuerit impendenda. Alioquin si dicti moniti & requisiti secus fecerint & præmissa contumaciter adimplere neglexerint, ex tunc pro ex nunc, & ex nunc prout ex tunc ipsos & eorum quemlibet, lapso dicto vnus mensis spatio, Christi nomine inuocato excommunicamus in his scriptis, quos & vos sic excommunicatos, vestris in Ecclesijs, monasterijs & capellis singulis diebus dominicis & festiuis coram Christi fidelibus ad diuinã audiendam congregatis, denuncietis & denunciare curetis. Præmissa tamdiu exequen. donec à nobis aliud habueritis in mandatis. Diem verò executionis præsentium, & quicquid in præmissis feceritis, nobis per vestras patenti. literas, &c. vt supra in citatione ad finem.

¶ *Præsentatio compulsorialium.*

PARS Itaque quæ literas compulsoriales ad extradenda acta primæ instantiæ obtinuit vel suus procurator, requirat in præsentia notarij publici executorem, vt moneat vigorem illarum literarum iudicem primæ instantiæ, & suos notarios iuxta vim & formam in præfatis literis compulsorialibus expressam, & præfatus iudex acta transumpta & sigillata decernet et tadeñ. saluo salario notariorum. Et super oibus prædictis fiat præstatio & petatur publicum instrumentum, vel saltem notarius reponat præmissa in suum prothocollum.

¶ Hic



¶ Hic nota. Quando decernuntur compulsoriales pro actis primæ instantiæ, & iudex à quo residet in eadem ciuitate cum iudice ad quem, quando huiusmodi acta debent comportari per notarium monitum, procuret altera partiū, aliam citari ad videndum eadem acta primæ instantiæ, remitti seu comportari ad iudicem secundæ instantiæ ad probandum suam intentionem, seu rationes per modum exceptionum datas, aliàs ad probandum per acta primæ instantiæ, de nullitate sententiæ, in prima instantia late. &c. Prima autē instantia appellatur, agitata causa seu negotiū coram primo iudice, incepta à prima citatione vsque ad sententiam, à qua si appellatum fuerit. Tunc secunda instantia erit coram iudice appellationis incipiendo iterum à prima citatione vsq; ad sententiam. A qua si iterum appellabitur, tunc tertia instantia erit coram tertio iudice, sicut prius & sic consequenter de quarta, &c.

¶ *Remissio pro examinandis testibus in causa appellationis.*

V. DE L. Archi. reuerendissimiq; . &c. & officia. G. generalis venerabili ac egregio domino S. de C. decretorum doctori, salutem & fraternam in domino caritatem. Orta priusdem coram nobis causa in vim appellationis ad sanctam sedem Metro. Ecclesiamq; . G. per honorabilem M. plebanum in L. diœcesis Craco. appellantem ex vna, & honorabilem S. curatum in N. eiusdem diœcesis Cra. appellatum, de & super decimis manipularibus in villa. G. & earum occasione, partibus ex altera. In qua quidem causa postquam ad nonnullos actus iudiciarios gradatim & successiue cū dictis partibus imò verius cum ipsarum procuratoribus vsque ad productionem articulorum ipsorumq; admissionem & responsionem processimus, tandem die inferius annotata, coram nobis iudicio pro tribunali presidentibus, comparens personaliter circumspectus F. de G. magister causarum consistorij Gne. & præfati honorabilis domini M. legitimus procurator, de cuius procurationis mādato apud acta causæ hmoi per legitima constat documenta, exposuit quomodo testes ad probandum suę partis articulos, propter loci distantiam gra-

uesq; sumptus, fatigas & expensas versus locum & ciuitatē Gne. commodē inducere non posset. Propter quod nobis debita cū instantia supplicauit, quatenus vobis hmōi testium examen committere, eiq; super hoc nostras commissionis siue remissionis literas in forma solita, & fieri consueta in personam vestrā dare, & decernere dignaremur. Nos tunc attendē. quod iusta peten. non est denegandus assensus: nostras commissionis siue remissionis literas decreuimus fore dā. per præsentes, infra hinc & spatium vnus mensis exequen. Quo circa vos dominum supradictum hortamur, & mone-  
mus in domino, quatenus, ne facti huiusmodi veritas obumbrari videatur, vocatis ad vestri præsentiam testibus quos ipse dominus M. aut suus procurator inducere voluerit, ipsos in præsentia partis aduersæ ad hoc legitimē citatē, aliās in contumaciam absentis recipiatis, ipsosq; secundū tenorē articulorum & interrogatoriorum, quos vobis cum præsentibus clausos dirigimus offeren. adhibito vobis notario publico. fideli & legali, quem ad hoc duxeritis eligē. secundū prudentiam vobis à domino deo datam, examinetis & examinare curetis, recepto prius à quolibet testium de dicēda veritate iuxta conditionem ipsorum corporali iuramento. Attestationes verò siue dicta testium hmōi in vno volumine conscriptas, clausas, ligatas vestroq; sigillo sigillatas, & aliās talibus modo & forma dispositas quod ipsis apud nos in iudicio & extra plenaria fides valeat adhiberi, nulli partium attestationibus publicatis nobis versus locum & ciuitatem G. per fidem iuratum nuntium à data præsentium ad vnus mensis decursum vel quanto citius poteritis, dirigatis. Testes verò qui nominati fuerint, si se gratia, odio, timore, fauore, pręce, pręcio, subtraxerint, per censuram ecclesiasticā cogatis testimonium veritati perhibere. In quorū oīum & singulorū fidem & testimonium præmissorum, præsentes nostras commissionis siue remissionis literas seu præsens hoc publicum instrumentum per notarium nostrum & facti huius coram nobis scribam, vt supra in citatione ad finem.

¶ *Subscriptio.*

ET EGŌ N. Ioannis de P. clericus Pozn. diocesis publicus

cus autoritate imperiali notarius & coram memorato reuerendo patre domino V. &c. causarum & facti huius scriba, quia prædictis literarum remissorialium pro examine testiū petitioni & earum decreto alijsq; omnibus & singulis dū sic vt præmittitur fierentur & agerentur vna cum prænominatis testibus, præsens interfui, ideò hoc præsens publicum instrumentum confeci meq; huic signo & nomini meo solitis & consuetis subscripsi & consignavi in fidem & testimoniū omnium & singulorum præmissorum.

¶ Nota quòd si pluribus facta fuisset huiusmodi commissio pro testibus examinandis, cautum est vt ante illam particulam. In quorum omnium. &c. imponatur hæc clausula. Quod si non ambo his interesse poteritis, ea nihilominus vnus vestrum exequatur. In quorum omnium.

¶ *Præsentatio remissorialium.*

**P**RÆSENTATA commissione, seu literis remissorialibus pro examinandis testibus illi cui facta est commissio, petat procurator impetrantis vel ipsemet principalis sibi decerni citationem contra aduersam partem ad recognoscendum sigillum iudicis remittentis & ad viden. ap. riri rotulum. Et in termino aduersa parte comparente & medio iuramento recognosceñ. sigillum, vel per contumaciam absente, petat aperiri rotulum seu literas quibus inclusi sunt articuli & interrogatoria cum alijs correquisitis, super quibus testes debent examinari. Et aperto rotulo petat sibi decerni citationem contra testes per ipsum nominatos & contra partem aduersam ad videndum induci, iurari & admitti huiusmodi testes, & omnia præmissa in actis conscribantur, vt sequitur.

¶ *Notarius.*

**D**IE tali mensis. &c. in domo & in præsentia venerabilis domini &c. in stuba inferiori, magister V. de C. procurator M. plebani in L. cum P. cursore laico. de G. constitutus fecit eidem laico iurato, vt asseruit. præsentare præfato domino commissionem seu literas remissoriales cum quibusdam ar-

ticulis, vt aſſeruit, pro parte dicti M. plebani in L. & facta huiusmodi præſentatione, petijt citationem ad videndum recognoſci ſigillum & rotulum aperiri. Et dñs decreuit propter præſentiam procuratorum ad primam diem. Præſentibus.

¶ *Productio teſtium.*

**D**IE tali menſis. &c. V. de C. procurator M. plebani in L. oblata citatione legitimè executâ produxit pro parte dicti M. xv. teſtes inſcriptos, pro prima dilatione, alijs dilationibus renunciando, & dominus receptis iuramentis dictorum teſtum, commiſit mihi N. &c. notario examen ipſorum D. de A. procuratore domini S. plebani in N. partis in hac cauſa aduerſæ, proteſtan. de excipien. contra dicta ipſorum, &c.

¶ *Examen teſtium.*

**A**NNO domini M. &c. die r. menſis &c. teſtes inſcripti pro parte M. plebani in L. inducti citati, iurati per me N. notarium publicum de mandato domini S. de C. &c. ſecundum interrogatoria & articulos deſuper datos ſunt examinati, vt ſequitur.

¶ Primus teſtis. &c. prout in prima inſtantia. Et ponatur cauſa cauſa breuitatis vt omnes cõformiter deponant ad articulos in forma meliori & optima proban. articulos: & reddend. cauſas ſcientiæ ſufficienter ſuorum dictorum cū alijs circumſtantijs.

¶ *Cauſio rotuli.*

**D**IE ix. menſis. &c. V. de C. procurator M. plebani in L. citato A. procuratore discreti S. plebani in N. petijt rotulum claudi & ſigillari & per nuntium fidelem & iuratum Gne. remitti: & dominus, dicto A. procuratore dicti S. præſente & conſentiente, fecit rotulum claudi & ſigillari, & recepto iuramento à S. laico de Craco. curſorẽ quod fideliter reportaret atteſtationes, fecit eidem tradi rotulum cum atteſtationibus, incluſis ibidem articulis cū alijs quæ prius erant incluſa. Præſentibus.

*¶ Remissio actorum per curforem iuratum.*

**DIE** Lunæ mensis. &c. V. de C. ipsius M. plebani in L. procurator, ad præsentiam domini T. &c. citato A. de D. procuratore S. de N. petijt eundem A. compelli ad recognoscen. sigillum, quod pendebat circa acta primæ instantiæ, & ad videndum mitti & expediri præfata acta ad officialem G. & dicto A. recognoscente sigillum & consentiēte ad portandū dicta acta, dominus recepto iuramento à P. de C. curfore laico, quòd fideliter portabit & nulli tradet nisi officiali Gnez. aut suo locumtenenti, decreuit eidem P. tradi acta ad reportandum. Præsentibus.

*¶ Præsentatio rotuli & actorum.*

**DIE** Ultima P. cursor laicus iuratus de Cra. rotulum cum attestationibus à venera. magistro S. de C. decretorum doctore in præsentia honora. domini. V. &c. præsentavit cū actis primæ instan. in 38. folijs papiri conscriptis cum subscriptione N. notarij. &c. Et ibidem F. de G. procurator discreti M. plebani in L. citato P. de B. procuratore domini S. plebani in N. petijt per iuramentum recognosci sigillū quo rotulum cum attestationibus erat sigillatum & aliud quod appendebat actis primæ instantiæ. Et dicto P. recognoscente vtrunque sigillum per iuramentum, prædictus F. petijt aperiri rotulum absq; eo quod dicta testium publicarētur, dominoq; decernente rotulum esse aperiēdum, prædictusq; F. acta primæ instantiæ verbo reproduxit ad probandum articulos ex libello in secunda instantia proceden. & ad suam intentionem probandam, in quantum faciunt seu facere possunt pro parte sua, & contra partem aduersam & non aliter nec alio modo, de quo protestatus est. Et ex aduerso P. procuratore, post aperturam rotuli peten. publicari dicta testium & copias sibi decerni, terminumq; ad dicendum tam contra attestationes & dicta testium, quàm etiam contra dicta primæ instantiæ, dominus publicatis attestationibus & decretis copijs propter multitudinem testium & attestatio-

num in xvj. folijs conscriptorum, præfixit terminum ad dicen. contra vnus mensis. Præsentibus.

¶ *Exceptiones contra testes verbo.*

**D I E** Tali mensis talis P. procurator domini S plebani in N. citato F. &c. excepit generaliter verbo contra attestaciones & dicta testium pro parte domini M. vltimò productorū, dicens ipsos cum dictis ipsorum de iure inadmissibiles, allegan. causas generales. Contra aut acta primæ instantiæ protestatus est, quod in quantum dicta acta cum contentis in ipsis facerent pro ipso aut facere, viderentur pro parte sua & contra partem aduersam, illa in ea parte non impugnat nec impugnare intendit, sed admittit & approbat, in quantum verò facerent contra partem suam & pro parte aduersa ex tunc generaliter verbo excipit. Et incontinenti hoc pacto produxit instrumentum sententiæ in prima instantia pro parte dicti domini S. plebani in N. latè sub titulis venera. domini T. R. Canonici & offi. Cra. generalis. manu & signo G de C. notarij imperiali autoritate publici clerici diœcesis Cra. subscriptum, cum sigillo prædicti officialis appendens. ad probandum suos articulos & suam intentionem, petiuitq; dictam sententiam confirmari. Et ex aduerso F. excepit, generaliter, verbo contra instrumentum sententiæ & contēta ipsius, & replican. contra exceptiones partis aduersæ verbo factas contra testes vltimò deponentes ac contra acta primæ instantiæ, petenteq; concludi, dominus decreuit vt ad videndum concludi citaretur pars aduersa. Et incontinenti P. de B. procuratore domini S citato per M. cursorem nuntium iuratū ad viden. & audien. concludi, dominus conclusit cum potestate concludendi. Præsentibus.

¶ Hic nota ex consuetudine apud nos ante prolationem diffinitiuæ solet iudex, sic dicere ante omnia, omnes dilationes si quæ datæ sint amputamus & reuocamus, ac super appellationibus si quæ interpositæ sint, damus apostolos refutatorios, & ex super abundanti in causa concludimus.



¶ *Sententia diffinitiva.*

**C**H RISTI nomine inuocato pro tribunali seden. deū  
 solum præ oculis habentes de iuris peritorum consilio  
 & intra nos maturæ deliberatione habita diligenti, ac per ea  
 quæ in præsentī causa vidimus & videmus, cognouimus &  
 cognoscimus, quæ inter discretum dominum M. plebanum  
 in L. actorem ex vna, & dominum S. plebanum in N. reum  
 partibus ex altera vertitur corā nobis vigore appellationis à  
 sententia venerabilis domini T. R. cano. & offi. Craco. gene-  
 ralis de & super decimis manipularibus & campestribus ac  
 prædialibus, post agros & araturas nobilis A. & omnium &  
 singulorum sculteti, & cmethonum in villa G. communiter  
 nominata exresceñ. in terra L. diocesis Craco. per hanc  
 nostram sententiam diffinitiuam quam ferimus in his scrip-  
 ptis, dicimus, decernimus & declaramus omnes & singulas  
 decimas supra descriptas, post omnes & singulos agros &  
 araturas dicti nobilis A. omniumq; & singulorum sculte-  
 ri & cmethonum in villa G. prædicta exrescentium ad præ-  
 dictum dominum M. & ecclesiam suam in L. iure commu-  
 ni pertinuisse & hodie pertinere & spectare ac prædecesso-  
 res suos in possessione earundem decimarum fuisse & ex-  
 titisse pacifica & quieta easdemque decimas prædicto do-  
 mino M. & Ecclesiæ suæ prædictæ in L. adiudican. fore &  
 adiudicamus. Prædictoq; S. & Ecclesiæ suæ in N. in dictis de-  
 cimis nullum ius competisse, nec competere. Prædictumq;  
 dominum T. Cano. & Offic. Cracoui. generalem in prædicta  
 causa, malè, perperam & iniquè processisse & sententiasse ac  
 diffiniuisse, sententiam ipsius latam pro prædicto domino S.  
 ex nouis productis cassamus, & annullamus, infirmamus &  
 reuocamus. Prædictumq; dominum S. præfato M. & Eccle-  
 siæ suæ in fructibus perceptis à tempore motæ litis, & in ex-  
 pensis, tam in causa primæ instantiæ, quàm coram nobis fa-  
 ctis, condemnandum fore & condemnamus, quarum nobis  
 taxationem in posterum reseruamus. Præfatoque S. & dictæ  
 Ecclesiæ suæ in N. super prædictis decimis, quantum in no-  
 bis est, perpetuum silentium imponētes. Et imponimus, hac  
 nostra diffinitiva mediante. Lecta, lata. &c.

¶ *Notarius.*

**Dix** Tali mensis . &c. F. procurator discreti domini M. plebani in L. citato P. de B. procuratore discreti S. plebani in N. per M. cursorem nuncium iuratum, petijt ferri sententiam diffinitiuā & præfato P. similiter peten. dominus tulit in scriptis pro M. plebano in L. reuocando sententiam pro parte S. plebani in N. in prima instantia latam . Et idem P. statim à sententia prædicta tanquam iniqua appellauit verbo ad sedem Apostolicam, & Apostolos cum debita instantia petiuit sub vno contextu sibi dari. Dominus autem ob reuerentiam sedis Apostolicæ, detulit eidem appellationi dando Apostolos venerabiles. Præsentibus. &c.

¶ *Apostoli venerabiles ad sedem Apostolicam.*

**S**ANCTISSIMO In Christo patri, & domino nostro Domino Greg. diuina prouidentia Papæ XIII. sacrosanctæ Romanæ Ecclesiæ summo Pontifici. V. de L. Archid. Reuerendissimiq;, &c. vic. in spiritualibus & officialis G. generalis. Post deuotas orationes & pedum oscula beatorum Sanctissimi me pater, & domine multum metuende, quia causa appellationis pro parte discreti M. plebani in L. diœcesis Cracoui. à sententia diffinitiuâ domini T. Cano. & Offic. Craco. generalis, lata pro parte domini S. plebani in N. dictæ diœcesis Craco. & contra prædictum dominum M. & Ecclesiam suam in L. appellatione interposita ad sedem Metropolitanam G. legitimè deuoluta, super quibusdam decimis manipularibus & campestribus, tam prædialibus post agros & araturas nobilis A. quàm omnium & singulorum sculteti, & chmetonũ excrescentes in villa G. communiter nominata in terra L. dictæ diœcesis Craco. & coram me tanquam vicario & officiali dictæ Ecclesiæ Metropolitanæ Gnezné. inter prædictas partes agitata est & tractata, egoq; in prædicta causa seruato in omnibus iuris ordine processu, primitus de articulo appellationis expedito ad iurisdictionem spectantis iurisdictioneq; approbata, demum in certis terminis libellis successiuè, conuentionali

uentionali pro parte actoris & reconuentionali pro parte rei, oblati & producti, tandem super eisdem, citatis partibus lite legitime contestata, & certo termino ad ponendum & articulandum dictis partibus præfixo & assignato, oblatiſq; per dictum M. & productis nonnullis positionibus & articulis & super eisdem habitis responſionibus, & ex poſt probationibus ſecutis ſuper dictis positionibus & articulis, tam teſtiũ, quàm etiam aliarum diuerſarum probationum, & ſigner ad articulos nouos ex veteribus, ſeu prioribus dependentiſq; primæ instantiæ per compulſoriales noſtras literas extractis & nobis reportatis & ſententia diffinitiuam lata per iudicem à quo pro parte rei producta, & deinde oblata, tam ſuper dictis teſtium, de quibus ſupra, quàm etiam ſuper actis primæ instantiæ, ac ſententia per nonnullas exceptiones & replicationes habitis diſputationibus inter procuratores prædictarum partiũ. Vltimò citatis partibus & procuratoribus in prædicta cauſa, per dictos procuratores petitum fuit concludi: & ad petitionem dictorum procuratorum cum eiſdẽ concludi, & habuerunt pro concluſo. Tandem in alio termino certo citatis dictis procuratoribus partium ad videndum & audiendum per me ſententiam ferri, eandem ſententiam diffinitiuam cum adiutorio Dei, ex nouis productis pro parte diſcreti M. plebani in L. (reuocando primam ſententiam latam per venerabilem dominum T. &c. pro parte diſcreti S. plebani in N.) tuli, & pronunciaui, huiusmodi ſub tenore Chriſti nomine. &c. & inferatur totus tenor ſententiæ, uſque ad finem. Poſt cuius quidem ſententiæ diffinitiuæ lectionẽ, prolationem & pronunciationem per me factam, pro parte diſcreti S. mox & incontinenti verbo ad ſanctitatem veſtram ſedemq; Apoſtolicam fuit & eſt appellatum, & Apoſtoli cum debita instantia petiti. Et licet in prædicta cauſa crediderim me iuſtam tuliſſe & pronunciaſſe ſententiam, ob reuerentiã tamen ſanctitatis veſtræ, & ſedis antedictæ Apoſtolice, eidem appellationi humiliter detuli, dando Apoſtolos reuerentiales, & literas Apoſtolorum, ſeu remiſſoriales decreuiſſe dandas cum ſubſcriptione notarij cauſæ, & ſigilli officialis appenſione. In cuius rei teſtimonium. &c. Datum & actum. Anno. &c.

¶ *Infra quod tempus sententia executioni est demandanda.*

**N O T A.** Quòd reo condemnato ad soluendum regulariter currunt quatuor menses, quod tamen tempus potest iudex ex causa arctare, vt not. in ca. quærenti. de offic. deleg. & c. quod ad consultationem, de re iud. j. respon. In reali verò actione statim fit condemnatio nisi appellaret cõdemnatus. Et similiter in causa criminali. Versus.

- *In personali post menses quatuor, in re*
- *Protinus est omnis sententia perficienda*
- *Sic in criminibus, sed casus excipe quinque,*
- *Confessus, prægnaus, iratus. & insula seruus.*

¶ Horum declarationem ponit glo. in ca. cum apud Thessaloniam. xj. q. iij. in l. debitoribus. & in l. si se non obtulerit §. si quis condemnatus. ff. de re iud. Primò si quis est confessus crimen. Nam differtur sententia donec appareat, an velit in confessione persistere. C. de iust. reo. l. ij. Secundò cum sententia est lata contra mulierem prægnaentem, differtur eius executio vsque ad tempus partus l. prægnaentis. ff. de pœnis. Tertiò cum princeps ex ira tulit sententiam. l. si vindicari. C. de pœn. & d. c. Cum apud Thessalonicam. Quartò si quis est bannitus per sententiam, differtur executio donec insula assignetur per principem. ij. q. vj. §. biduum. Quintò si sententia est contra seruum lata, differtur eius executio, donec seruus reddiderit domino ratiocinia. l. j. C. de bonis proscri.

¶ *Adhæsiõ appellationi.*

**I L L V D.** Silentio non est transeundum. Quia sæpe in appellationibus suprascriptis dictum est de adhærentibus, vel adhærere volentibus, ipsi appellanti. Idcirco scias quòd ipsi adhærentes, non admittentur ex virtute appellationis, nisi infra tempus, quo appellasse debuissent, appellationem expressè ratificauerint, & dixerint se adhærere velle. j. q. vj. nõ solent. Ita tenet Ioan. Andr. in glo. super verb. adhæren. ca. vt circa de elect. lib. vj.

¶ Item quia supra, fol. 137. fallen. ij. dictum est, quòd acta  
p primæ

primæ instantiæ, debent extrahi sumptibus duntaxat ipsius appellantis. Ratio potest assignari. Quia licet acta debeant iudicem pro vtraque parte informare, non tamen appellans hoc intendit sed duntaxat, vt probet intentionem suam, & ideo debet solus acta sumptibus suis extrahere. Nam semper debemus inspicere magis, id quod principaliter fit, quàm id quod fit in consequentiam, vt tenet glo. in c. quamuis. de pact. lib. vj ad quod facit in sim. glo. in verb. à producente. c. statutum §. In proferendo lib. vj. Et ibi Gemin. quem omnino videre te non pœniteat.

*¶ Additamenta sequuntur.*

**INTERLOCUTORIA** Quando impetrans commissio nem, fuit excommunicatus per iudicem à quo, sic potest pronunciari per ipsum delegatum. Honorabilis M. Ecclesiæ parochialis in T. plebani, appellantis ex vna, & prouidi A. de B. appellati partibus ab altera de & super iure decimarum prædialium, villæ N. diœcesis Craco. In causa nobis per Reuer. in Christo patrem & dominum, dominum Tho. miseratione diuina, tituli sancti Sixti, sanctæ Romanæ Ecclesiæ Card. &c. Legatum de latere ad Vngariæ Bohemiæ & Poloniæ regna deputatum, in secunda instantia commissâ & delegata. Interloquendū pronunciamus, nos iudices causæ & partibus præmemoratis competentes nostramque iurisdictionem fundamus. Et nihilominus ipsum N. iu L. plebanum, ac causam ab soluimus, & literas in forma eidem dandas decernimus ad vltiora coram nobis procedi mandantibus rationibus pro parte ipsius A. appellati datis, quas tanquam negotium principale concernendi in locum suum reponimus non obstantibus. Expensas ad finem litis reseruantes hac nostra interlocutoria mediante.

*¶ Petitio in causa testamenti suspecti, aut conficti.*

**VND E** Ex præmissis ex quolibet præmissorum, dictus procurator suæ partis nomine petit per vos V. patres tales iudices. &c. & vestram sententiam diffinitiuam dici, decerni, pronun-

pronunciari & declarari, per præfatum D.N. talem iudicem primæ instantiæ, in eadem causa, malè, iniquè, iniustè, & perperam processum & sententiatum fuisse, pro parteq; dicti A. iustè benè & legitimè, ab eadem sententia diffinitiuâ, & toto ipsius iudicis primæ instantiæ processu, appellatum extitisse. Et propterea eandem sententiam & processum ipsius iudicis instantiæ primæ, quatenus de facto processerunt per viâ nullitatis & iniustitiæ, cassandum, irritandum, annullandū, & reuocandum fore, cassariq; irritari, annullari & reuocari debere, atque testamentum prædictum tanquam inoffitiosum & inordinatum falsèque & malitiosè præter mentem & mandatum olim S. confectum & simulatum, infirmādum, cassandum & annullandum fore, infirmariq; & cassari, omniaq; & singula bona, tam mobilia, quàm immobilia, parua & magna, ac pecuniarum summas & clenodia, morte prædicti S. ab intestato derelicta ad eosdē N. fratres suos iure propinquitatis ac successionis naturalis, legitimè deuolui debere, prædictos quoque scilicet S. & B. coniuges in summa florenorum in rationibus coram iudice instantiæ primæ specificata, condemnandos fore & condemnari debere. Condamnatosq; ad restituendum & extrahendum eandem summam cum clenodijs & alijs rebus in libello specificatis temerariè usurpatis & præsumptuosè occupatis, pro soluendis debitis per olim S. legatis, compellendos fore & compelli debere, vnà cum expensis in lite factis, & faciendis de quibus protestatur iustitia sancta & vestra diffinitiuâ meditantibus saluo iure add. &c.

¶ *Sequitur diffinitiuâ ex præcedenti petitione.*

CHRISTI Nomine inuocato, & ipsum solum præ oculis habentes, pro tribunali sedentes, communicato iuris peritorum consilio & assensu, maturaq; inter nos deliberatione præhabita, per ea quæ vidimus cognouimus & intelleximus ac vidimus, cognoscimus & intelligimus in causa testamenti. Inter honorabilem N. plebanum & N. tutores seu vitricos Ecclesiæ parochialis in O. appellatos ex vna & laboriosos Io: & M. appellan. partibus ex altera, vigore appellationis à sententia



tentia venerabilis domini N. Scolaſtici ac vicarij Craco. generalis de & ſuper triginta marchis pecuniarum, poſt mortem olim S. C. ciuis Craco. pro dicta Eccleſia parochiali in O. ex titulo teſtamenti, ſeu legati petitis, rebusque alijs in proceſſu huiusmodi cauſæ latius deductis & earum occaſione, coram nobis in ſecunda inſtantia vertente & mota per hanc noſtram diffinitiuam ſententiam, quam ferimus in his ſcriptis dicimus, decernimus, diſſimimus & declaramus, dictum teſtamentum, per teſtes fide dignos, tam in eodẽ teſtamento & inſtrumento deſcriptos, quàm alios in prima & ſecunda inſtantia inductos, legitimè reprobatum irritatum, & annullatum, in ſuiſq; clauſulis temerariè conſectum, ac falſitati malitioſe, ſubiectum fuiſſe & eſſe, prædictiſq; N. plebano & N. tutoribus præfatæ Eccleſiæ in O. in petitis xxx. marchis ex eodem conſecto & falſato teſtamento, nullum ius competiſſe neque competere, præſatum quoq; venerabilem dominum vicarium in ſpiritualibus generalem, in prædicta cauſa malè proceſſiſſe, & perperam ac iniuſtè ſententiāſſe. Et ob hoc ſententiam ipſius pro dicta Eccleſia taliter latam, tam ex antiquis, quàm nouis productis caſſandam, irritandam, annullandam, & reuocandam fore, prout caſſamus, irritamus, annullamus & reuocamus. Pro parte verò præſatorum Io. & M. Germanorum benè & legitimè appellatum. Quibus tam iure propinquitatis, quàm iure eiufdẽ concordiæ, coram conſulatu Craco. factæ in omnia, & ſingula bona mobilia & immobilia, parua & magna, poſt mortem olim Sta. C. eorum fratris germani, ab inteſtato derelicta ius ſucceſſionis naturalis, & proprietatis, legitimè competiſſe & competere, ac ad eoſdem iure deuoluta fuiſſe & eſſe, dictamq; concordiam coram præſato conſulatu, tãquam inter alios factam, ad præſatam Eccleſiam in O. minimè ſpectaſſe & pertinuſſe, nec ſpectare & pertinere, nec in aliquo eidem Eccleſiæ, profuiſſe ſeu prodeſſe debere, præmentionato quoque N. plebano & tutoribus dictæ Eccleſiæ in O. occasione dictarum triginta marcarum perpetuum ſilentiũ imponendum fore, prout quantum in nobis eſt imponimus ipſos nomine præfatæ Eccleſiæ in expenſis litis, tam coram iudice primæ inſtantiæ, quàm coram nobis legitimè factis,

præſatis

præfatis Io. & M. fratribus condemnandum fore & condemnamus. Quarum taxationem nobis in posterum referuamus. Et nihilominus prædictis Io. & M. fratribus germanis actionem contra prouidum S. saldo ciuem in Craco. & B. eius uxorem, occasione nonnullarum rerum per eosdem post mortem olim dicti Sta. C. ab intestato vsurpatarum, saluam & integram coram iudice competente referuamus, hac nostra diffinitiuâ mediante. Lecta & lata est supradicta sententia per R. dominum. &c. die Martis. &c. Anno 1541.

¶ Notarius se subscribat more solito ut supra.

F I N I S.



R E G E S T V M.

† A B C D E F G H I K L M.

Omnes sunt Quaterni præter † Duernum.

V E N E T I I S,

*Excudebat Aegidius Regazola.*

M D L X X I I I.







